



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

C17013



Ref. no.
Publication
Ref. no.


**P. TERENTII AFRI
C O M O E D I A E.**

**AD FIDEM OPTIMARUM EDITIONUM
RECOGNOVIT, ACCENTIBUS RHYTHMICIS,
BENTLEII INVENTO, ET NOTIS VEL AD
INTELLIGENDUM VEL AD EMENDANDUM**

INSTRUXIT

D. THEOD. FRID. GOD. REINHARDT,

**LYCHI SAALFELDANI RECTOR, SOC. LAT. HENENS.
SOD. HON.**



**LIPSIÆ
SUMPTIBUS ET TYPIS B. G. TEUBNERI
MDCCCXXVII.**

~~LT 6.21.9~~
KC 17013

KC 17013

CONFEDERATION

1. The first step in the process of the investigation is the identification of the problem. This is done by the investigator who is assigned to the case. The investigator will then gather information about the problem and the people involved. This information will be used to determine the cause of the problem and the best way to solve it.

T. 72

D. THEODORE COE, BIRMINGHAM.

1904.00



5412911

SECRET

1947-1948

P R A E F A T I O.

Hujus quoque operis suscipiendae **RICHARDUS, V. G.** **LEBERRINUS**, cui pleraque mea debeo, mihi auctor erat, isque tria me hortabatur: *primum, ut brevi εἰσαγωγήν artem et rationem Comici aperirem, deinde ut fabularum cum exhiberem textum, qui ad veritatem quam proxime accederet.* Annotationis vir opus esse nisi brevissimum. Quare Ukerti, Beckii, aliorum amicorum, imprimis vero Hessii, bibliothecae praefecti humanissimi, ope adjutas, nec meae ipsius pecuniae parens, instrumenta collegi, quae ad consilium exsequendum conferre poterant, et ex his libris haec fere Terentii scriptis accidisse didici.

Antiquissimum testem, qui res ad Terentium pertinent confirmare possit, praeter Varronem, Ciceronem, alios, qui passim Terentii aliquos versus laudaverunt, Aetium Donatum, rhetorem quondam Romanum, B. Heronimi praeceptorem, habemus. Is anno trecentesimo tricesimo post Chr. N. vixit, et caeteras fabulas poëtae nostri, praeter Heauton Timorumenon, commentario suo exposuit. Est ejus expositio vel ad verba, vel ad artificium scenicum, vel ad res intelligendas idonea, quae ex priscis et nunc deperditis libris lucem suam petunt. In verborum quidem expositione eum vel aequiparavit vel superavit Ruhnkenius; in explicando artificio scenico insignis est, ut opiniones ejus a novissimis artis scriptoribus, a Diderot Gallico et a Lessingio nostro, ille qui-

dem, ut videtur, saepe manifeste, plerumque susceptae
sint, nec incredibile sit, quod Lessingius putavit (de
theatro Hamburgico II p. 157), etiam Donati aetate Ter-
rentii fabulas Romae spectatas esse, et histrionum ab
exemplo haec monita sua Donatum petiisse. Memorandi
locos quot fabulis suis Terentium expressisse novimus,
eos unice fere Donati opera traditos accepimus. Quo
magis est quod doleam, in ejus commentario vel eadem
saepius incurram, vel uno eodemque loco diversa tradi,
unde Ianus Parrhasius etiam sua aetate (+ 1533) in
ejus librum plura irreposuisse conjicit, quae nullo modo
Donati esse potuerint, sed quae, semel recepta, jam
sic malignae veritatis periculum nobis non expelli pos-
sint.

Proxima aetate, quae de Terentii dubia loca sat-
is emendare possimus, liber manu scriptus est, Ben-
binius codex, a Benho Cardinale dicitur, qui anno MDXXXV
eum possedit. Hinc Fulvii Ursini factus est, qui mortem
cum Bibliothecae Vaticanae legavit. (Fabricii Biblioth.
Lat. It. p. 50 sq.) Scripti specimen in Coquelinii editione
Terentii, I. p. IV expressum est. Est codex duobus li-
terarum codicis Medicei Virgiliani, de quo Nicol. Hei-
sius dixerunt, similis. Codex Virgili autem prae-
terea Rufur Asterius, anno p. Chr. N. quadringen-
tesimo quadragésimo nono Romae consulens, cujus no-
men in scriptum est, saeculi p. Chr. N. quinti est. Quae
vel ejusdem, vel proximi sive superioris sive inferioris
saeculi codex quoque Benbinius esse debet; vetustioram
se vidisse nullum codicem Angelus Politianus scripto

Cf. Lessing, *Collectaneen zur Literatur in eius scriptis an-
perrime editis* T. XIV p. 167 sq. s. v. Donatus. — Ludov. Schopen,
de Terentio et Donato eius interprete, dissertationis criticae. Bonnæ 1822.

Ad Donatus, *commentarii in Terentii comœdiis*, nro aetate
sequi aetate adscripta (1472 vel 72), ex qua
— Romae, Cc. Swebachum et Am. Paternis, 10 Dec.
1472 sq.

(Vid.), *Vindicta Spilius* (1472), p.
Saepius ipse Terentii comœdiis adscripta est, v. 1472 a

fabulae test. colliguli senarii singulis versibus in eo distincti leguntur; species verborum ad antiquissimum linguae Latinae usum. formatae exhibentur*), et, quod inprimis inopertuit dignum sit, in Adolph. IV, 1, 12 innotuit esse, non in quento liber exhibet, quod et ipse A. Schellius I, 9 apud Plautum fuisse testis est. Quare Fabricius plurimi codicem fecit, et ipsi, in reliquis fabulis non nisi gravissimis de viciis a codice discedentes, acre tulimus, quod in Andria ejus testimonio nobis carendum fuerit, quippe eas fabulae tantum fragmenta aliqua et ea parum utilia in codice supersint.

Versibus senariis non distinctis, sed continua scriptione, quasi pedestri oratione, Terentius in altero codice Vaticano, quem ad novum saeculum Montefalconis refert, perscriptus est. Hrodogardus, Caroli Magni aequalis, eum scripsit, et, quod Fabricius quidem Bibl. Lat. IV, p. 52 dicit, Gallioptus Scholasticus eundem recensuit. Hac de re videt Coequeelinus, quamquam de quolibet fuisse dicens, quare id ei libro inscriptum esse dubito. Quod majus est, formae histriotonon in eo, ad singulas scenes expressae sunt, quas vix credibile sit ipsas species oculis nostris exhibere, quibus histriotes olim induit Terentii fabulas aggerant, ita artificio suo pietae imagines cum ipsius poetae fabulae, cui appietae sunt, artificio et voluntate congruant. Quare ad Terentium et ejus fabulas hucusque cognoscendas non parum conferant, et Coequeelinus cum editione Urbini 1736 bene meruit, quoniam veri indicis imaginem repeteret.

Reliqui codices, Victorianus, Barberini, Britannici, Gallici, Germani, senariis versibus vel distinctis scripti sunt, et aetate sua ad saeculum decimum quintum usque perveniunt, quae erant quoniam arte typographica tandem inventa esset, nova rerum series et major saeculorum collatione.

M. Petri Bombi Cardinalis opuscula. Argentorati 1611. p. 819-822.

Interet nono seculo. p. Claz. N. Calliopius existit-
rat, qui fabulas Terentii recenseret. Ad eum pertinet
quod de altero codice Nostro diximus, ut quodam ni-
quibus editionibus, v. l. Schmiederi, aliorum, post sin-
gulas comedias scriptum est: Calliopius nocensius. Qui
vir antea fuerit, tam parum nobis traditum est, ut
noscat, eo nomine, quod Alcuinum, Caroli M. doctorem
acquiescem, significari putarent, a Musa Calliope cogna-
mine petito; plures non solum, sed verum Calliopii, no-
men fuisse statuat, nam alios quoque constare id nomen
habuisse.

Decimo saeculo, Othone III. imperatore Romano,
Eugraphius vixit: Ad singulas quasque Terentii comae-
dias commentarium addidit. Non contemnenda ejus ope-
ra, praesertim quae tempora illius aetatis fuerunt, inter
etiam nunc, utilis est, ipsi aliquoties consi sumus; sed
eius testimonio ad fidem faciendam antiquitatis deficiat,
et propter temporis rationem, quo vixit, non multo plura
nos docere potest, quam quae aliunde quoque scire non
possimus.

Heanton Timaroneas quoque, in quem Donati
commentarium nullum habemus, ne ab interpretis operis
destitueretur, Calpurnius dedit. Calpurnii Britionis
commentarius in editione Erasmi extat. Basileae, 1539.
Donatus ipsa descriptione operis sui Calpurnius testatur
est, sed a Romana antiquitate tam longe absens (vixit
anno MDCCLX p. Claz. N.), iudicio quidam, non recte
operam nobis praebere potest.

Anno millesimo quadringentesimo septagesimo, scilicet
te, nisi prius; Schaefferi non, erg etiam notatum pietam
huc donavit. Mediolani Terentius prodit. Antoni Rod-
rati opera, Ioh. Legnani aucta, et per minoris tempo-
ris intervalla, exinde ab aliis quoque accipiamus, et pro-
prie est.

Antiquissima editio, qua ipsi usi sumus, impressa
est Venetiis, per Nicolaum Girardengium, repressaque
per Magistrum Franciscum diavam, sub Anno Dni

MOGCOLXXVIII. Senarii versibus quidem distincti sunt, sed multo aliter, quam qui hodie leguntur, ut senariarum simulacra magis, quam veri senarii esse videantur.

Saeculo decimo, certe primum viri docti studio auctam pristinam, multo aliquantum restituerunt. In Te-
rentio quidem cum *lucubratiunculis Petri Marsi et adnotatioribus marginalibus Pauli Malleoli Argentipoli anno MDXVIII.* editis, in fronte, anjusque secundo de versibus agitur, quales sint, ratio reddita est. Postea majora studia impensis Erasmi commota sunt. Ejus opera Terentii canones habemus, una cum *scholia ex Donati, adperi et Cornuti commentariis decerptis, multo quam antehac, unquam prodierunt emendatiora, nisi quod in* *Sueto* *et* *Macrobius* *scripsit* *vin* *apprime* *doctus* *Id* *Glaphurnius* *Et* *isienst* *licet* *recentior*. Indicata sunt diligentius, *antiquum* *genera*, et in *his* *incidentes* *diffi-* *cultates*, *construit* *quosdam* *et* *considam* *nomina*, idque studio et opera *Don* *Br* *ami* *Beterodami*, non sine pro-
sidio veterum exemplarum. Ad haec accessit, inde *absurditas* *notum* *a* *conhementis* *scribis* *delectaturum*. Ba-
sileus in *officina* *Properiano* anno MDXXII. Haec ipse libri, inscriptum de se praedicat. Hunc ordine Mure-
tus excipit, qui *Merentium*, argumentis et scholiis dis-
structum, apud *Paulum* *Mantium* anno MDLV Venetiis
edidit. Bentlejus quidem ad *Heautont*. I, I, 28 Muretum
in *Heautont* *emendando* *patrium* *felice* *dicis*, nec dubius
est, quin et Muretus vehementer displiceat, cui Bentlejus
ipse placeat, ita Bentlejus se comparavit emendando, Mure-
tus ciperiando, ut quaeque efficiat. Ipsi sibi tantum ef-
fectus videtur Muretus, *quantum* *si* *aliis* *post* *dum* *quis* *et*
pau *effecerit* *ait*, *est* *sibi* *scribo*, *qui* *hunc* *poetae* *stus* *t*
dicunt *et* *gaudentur*, certe Muretum quatenusque non
verunt, ii facile existimabunt, quae ejus fuerit Latinae
linguae scientia, non potuisse cum non multis utilia et ad
interpretandum et ad emendandum Terentium afferre.

Proximo anno MDLVI Petrus Antesignanus Rapi-

stagnensis Terentium triplice editione Lugduni editum. In prima editione et ipse accentibus additis lectioni moderabatur; ii accentus vero non rhythmici erant, sed tantum ad singula verba pronuncianda pertinebant, multum illi ab istibus Bontlejanis propositis et potestate diversi, et verbis non nisi his adscripti, quae duas syllabas amplius habent. (Conf. Bayle diction. u. *Antisignanus*).

Antesignanus tuncum usibus editionem suam imprimis destinaverat, et magis interpretatus Terentium, quam cum emendatorat. Post eum Gabriel Fodinus extitit, qui non minimam vitae suae partem emendationi Terentii impendisse videtur; tam eximie de Terentio egit. Librum manu scriptum a Petro Victorio, amicum mutatum erat, qui liber Bombino supplex octatensium dicitur, et hoc et ipso Bombino et aliis antiquitatis monumentis instructus, metra, potissimum Terentii, copia gaudere studuit. Raccolere eo consilio functus erat, praeter aliorum etiam functurus, nisi immatura morte creptus esset, et librum suum alienae, sed utique tamen R. Victorii, operae curandum relinquere debuisset. Anno MDLXXV liber primus Florentiae prodit, post aliquam repetitionem est Florentiae anno MDLXXXVII, Heidelbergae anni MDCVII, anno denum MDCXXIV, cum Haril, et biennio post eum ipse Bontleji annotatant. Additus est additamentum Victorii et Haril de variis quibuslibet *Fastis* imperfectis, quem similiterum Reperto Plautini Volghani quibusdam quibusdam Lipsiae anno MDCCLXXIX edito. Plurimae editiones, sed minime continuatae, hucusque dicuntur, antiquas Fridaricus Lindenbrogii anno MDCCLII Parisiis, postea Francfurti 1623, prius post Fabricii num insignis aliquid praestitit. Diligenter quidem accuravit quidquid de Fastis ab aliquo scriptum reperiri poterat, et primus Eusebii, postea prae illa, quae hujus abbatibus *Roberto* collata, Italia promulgata, longe plurae, ex antiquioribus libris, et auctoribus, et ab illis, et quae hujus deperant, et auctoribus. *Thoma* *Blissii* editione

suppletur in emendando Terentio antiquissimo codice bibliothecae Regiae Parisiensis usus est, et aliquas suas ipsius observationes et in Terentium et in Donatum adiecit. Sed quoniam *non expolavit inderogavit* nollet, Terentio casto interpretando magis, quam audacter corrigendo suffragari.

Daniel Heinsius, Nicolai pater, et ipse poëta non inaelegans, poëtam nostrum (Lugd. B. 1615, Amstelodami 1618. 12) tam felicitate eventu recensuit, ut ex ejus recensione Terentius susceptissime prodierit, etiam post Bentleium in Italia Urbini 1736, Cooquelinii opera 1767 repetitus fuerit. Laudabant Heinsium, „quippe qui maturam ac diligentem curam operam, quae lectissimorum manu scriptorum ceticum exemplo et auctoritate, quae criticorum virorum iudicia et castigationibus poëtam alteri suo restituerit et eo nomine a republica literaria singularem gratiam inveniit.“ Revera ipsius Heinsii, qui fuit, elegantiae sensus ejus recensione Terentii quodammodo impressus videretur. Heinsius poëtico sensu limatus, idemque natus a libris nec a scientia destitutus, divinatione quadam multo veriora saepe assequutus est, quam syllabas dimeticiones Grammaticae. Commendatur ejus retractio populari quadam ratione, quae ejus textus institutus est.

Jos. Philippus Pareus quoque in Terentio edendo elaboravit (Neapoli Nonetum 1619. 4), sed multo minori, quam quod Plauto exhibuit, studio.

Anno MDCLVII *Jo. Henricus Boecker* Terentium cum suis et Gayeti animadversionibus edidit. Boecker singularem fabularum primum argumenta narrat, et artificium uniuscujusque fabulae ad praeccepta scriptorum artium erigit. Tum annotata ejus multa sunt, quae ad sensum metricam, ad interpretationem verborum et rei scenicae et ad *expolam* spectant. Gayeti animadversiones et eadem res, imprimis vero, quid verum, quid falsum sit in Terentii libris, tractant, et haec provincia tam uidei animi functus est, ut Wastus erit in Senario pro-

statuerit (ad Heant., prol. 2) et ceteris...

quoniam ad verba explicanda pertinent.

edebantur, cerui.

edebantur, cervi

stone acuminate peristichous

centibus rhythmicis, quos invenit, Terentius et legendo et audiendo consuevit.

Accentes rhythmicos, si per nos stotipet; huc edilibet non ascripserim. Parum mihi ab initio videbatur, scribis legentibus ita imperare, ut vocem suam ubi acuerent, ubi demitterent, lectores juberem; ut ita legentibus vel voluntatem vel prudentiam regere vellem; non posse non inique a me fieri existimabam. Wislendingius (ad Artem Rhet. Hor. p. 271. VI) se dubitare dicit, „an aliquis vitiosus sit, ad vixas carce versus Plauti et Terentii tanquam stentis accedens; se quidem non infirmum, aures se habere parum idoneas ad versus iambicos et oratione pedestri distinguendos, in quibus poëta, quæviscumque velit. (in singulis versibus certe ter quaterve) spondeum, dactylum, anapaestum, tribrachyn pro iambo adhibere possit, et in quibus singuli versus modo octo vel duodecim, modo duodeviginti, viginti, viginti duarum, amplius, syllabarum sint, præter eas syllabas, quæ contrahantur. Hæc quum de se cumque poëta fecisset, etiam plures futuros esse suspicabar, quibus accentus rhythmicus non solum nullam utilitatem ad legendum, sed etiam molestiam afferrent. Redemptor autem et redemptoris amici quam aliter sentirent, amplius hic resistere non iam, et manere quo accuratius fangerem, sedulo conquisivi, quid ubique de versibus Terentianis scriptas fuerit. Sunt autem veteres Grammatici, qui hæc rem præmissis tenebant.

Terentianus Maurus, qui quo ætate vixerit non quæso, computat, dactylis, syllabis, pedibus et metris versus consuevit. Hæc ejus librorum in Hællæ Putschii Grammaticæ Latine auctoritas antiqua p. 2233 — 1430.

Nonnus, grammaticus Antiochenus, de metris Terentii et Plauti et aliorum. Aut in Hællæ Putschii p. 2403 — 2411.

Probus, grammaticus, scripsit de metris Terentii et aliorum. Aut in Hællæ Putschii est p. 1413 — 1414. In Probiani Grammatici opere

et testis istarum codicum; nam prius oblitus
idem recensuit, emaculavit, lectionum varietatem notavit
et fidei integritatem adhibuit. Augustus Krehl, Lipsiae
MDCCXIX. — XX, et in volumine secundo p. 402. — 412.
Hic Angelus Politianus a recentioribus ordine citatus
est, qui prius Terentii fabulas emendare aggressus est
et in suas sententias aptissime refert, cellatis ac per-
lectis vetustis exemplaribus. Hinc ipsa verba Boplandi
Philologi Florentini, sunt, qui ad P. Terentium, in eam
nostram restitutionem, Argentipoli 1664, praefatus, similes
et scriptum aptum Terentio praestitisse praedicat.
Hic in editione sua a. MDXXXII, quatuor-
nam opellam sumit, ut adolescentula aliquam intricatam
difficultatis partem adimeret, non quidem in omnes fa-
bulas, sed in unam perpetuo, et in cactis scriptis
que non sibi adjutiles facilius a cactis explicarent la-
byrinthis. Ejus adversarius Jul. Cass. Scalliger existit,
qui anno MDCCXIX librum de comici dimensionibus
Lugduni, S. Gryphus. 8. 56 pagg. (Ebert. bibliogr. Lex.)
edidit. Idem argumentum tractatum est in Jul. Cass.
Scalligeri Poeticae l. VII^{ae}, qui et Epistolis, in quibus, de
negligentia aut incitia professorum; de temporibus im-
pronunciandi; de pedibus scenae convenientibus; ver-
sum quendam dimensionem ac restitutionem agitur.
Annis MDXLV — MDXLIX et secundo loco MDLII Jan.
Camerarius Flanti, Constantiae magna cura emenda-
tas edidit. Ibi Camerarius quoque de carminibus Comici
et p. 84. et 85. agit. Muretus quoque de metris Teren-
tiosis, sed brevissime agit. Grotium autem, de qua
in primis controversia erat, in versibus comici an quae-
neque ponat, quod Scalliger affirmabat, negabat. Came-
rarius (de de vers. Terent. p. 227) Muretus quidem in
Terentio, quo tractat, ad And. l. d. 25. haec adjunctionem
„In quarta sede pes ille, qui Creticus dicitur. Sed
tamen, super hoc pede, quod in iambicum carmen re-
cipitur, an minus, vates ruditerum hominum et fuisse
et esse sententias. Ego, antequam hoc de re scirem,

quid in quaestione versetur, etiam atque etiam considerandum puto. Nam si hoc quaeritur, data quibusdam hominibus in Terentio et Plauto addendi, detrahendi, invertendi mutandique licentia, possintne omnes illorum poetarum iambici versus ita componi, ut nusquam in eis Creticus reperiatur: facilis et expedita res est; ipse mercuriales iambus, si hoc concedatur, ex eo ipso, cui nomen dedit, versuum genere moveri queat. Sin hoc agitur, nulla importuna et temeraria mutatione concessa, multae sint in utroque horum poetarum versus, quorum dimensio explicari sine Cretico non queat: ego vero innumerabiles posse proferri arbitror." Faërus quoque in notis editionis suae plurima et utilissima ad cognitionem doctrinae metricae attulit. Imprimis vero Chr. Wussius in *Senario sive de legibus et licentia veterum poetarum*, Oxonii e theatro Sheldoniano 1687. 4, peculiari libello 248 paginarum, de versibus comicis exposuit. Postreмум Harius in editione sua de metro comico multis egit.

Sciebant viri docti quidem, antiquissimum poetarum genus ad rhythmum solum Romanos componere consuevisse (v. de verss. Ter. p. 216) et metrum a rhythmō distare, quod metrum certa qualitate ac numero syllabarum temporumque finitur, certisque pedibus consistit ac clauditur: rhythmus autem temporum, syllabarum pedumque congruentia in infinitum multiplicatur ac profusit (Diomedis Grammatici sunt in Heliae Putschii p. 469 — 470; cf. Servius ad Aen. I, 41. 384. 451): at tamen etiam Terentianus Maurus de pedibus (p. 2412 Putschii) dixerat:

Latius tractant magistri rhythmi vel musici:

Nos vltim metri studemus parte ab aliqua pandere.

Ergo quom reddenda rursus haec erit distinctio,

Quae pedum natura poscet, satis habeo attingere.

Quare quantum rhythmī tractationem ex operibus suis Grammatici exclusissent, omne suum studium intra metra confluente, de versibus Terentianis non aliter atque de

versibus Horatii, Virgilii, aliorum statuere solebant; sed eos conatus parum feliciter auctoribus suis praecedere, Bentlejus primus aperuit.

Bentlejus docuit, Romanos versus suos, „non, ut pueros in scholis, ad singulorum pedum initia, sed ad rhythmum totius versus“ legere consuevisse (de metr. Ter. schediasma p. XIX), et ex solo rhythmō Terentium omnes versuum suorum leges unice petisse; ne multa, Bentlejus docuit, de versibus Latinis idem, quod de versibus nostrae linguae, factum esse. Nostri quoque homines accentu versus suos prius modulabantur, quam syllabas vel brevitatem vel longitudinem dimetiri ex Vossio discebant. Bentlejus igitur praeclare meruit, quum accentibus rhythmum declararet, qui in versibus Terentianis sit, et eo nomine saepissime et a pluribus laudatus est.

Sed propter insitam a natura audaciam et inventi sui novitate elatus, Bentlejus in Terentio plura, quam licuit, mendii arguebat et audacius quam verius mutabat, ad Phormionis quidem prol. 25 ne infitatus quidem, Terentium se, non solum librariorum corrigere velle. Quare a viris doctis in: *Miscellaneae observationes in auctores veteres et recentiores, ab eruditissimis Britannis anno MDCCXXXI edi coepta, Amstelredami, vol. III T. 3 p. 387 sqq., et vol. IV, T. 1 p. 111 sqq. etiam annis MDCCXXXIII et MDCCXXXIV, post anno MDCCXL in: Novae Misc. observ. crit. in Belgio collectas p. 28 sqq. graviter vituperatus est; Ernesti vero, Plauti Comoedias ex recensione Gronovii Lipsiae MDCCCLX praefatus, in praefatione sua p. X — XI „serio optandum esse dicit, ne accidat Plauto, ut aliquis ejus Comoedias ex ingenio ad leges poëticas refingere conetur, quod Bentlejus in Terentio fecit, et in Plauto se facturum minatus est, ne rursus Plantum, vix majori ex parte receptum, paulatim perdamus. Quamquam, nisi vehementer fallimur, ita illam rationem vanitatis convicit Fr. Harius, rectius Latini poëtae securitati et integritati consulens, quam He-*

bralet ac divitiis consultat, ut non nimis timendum sit Plauto a tali periculo."

Itaque qui post Bentlejum Terentii Comoedias edidere, ii omnes quidem Bentlejum, de acute inventis laudaverunt, sed ejus correctionibus plerumque non opus esse iidem consuerunt. Post Bentlejum autem hi viri docti Terentio edendo operam suam dicaverunt:

Eodem anno MDCCXXVI, quo Bentlejus, *Arnoldus Henr. Westerhovicus* quoque Terentiam edidit cum commentariis Donati, Eusebii et Calpurnii, ipsiusque commentario suo perpetuo. Additae sunt observationes Fr. Lindenbruch in Ter. et Don., etiam indices locupletissimi. Hagae Comitum. 4.

P. Terentii Comoediae, nunc primum Italice versibus redditae, cum personarum figuris aeri accurate incisis ex Ms. Codice bibliothecae Vaticanae. Urbini sumptibus Hieronymi Mainardi. Anno MDCCXXXVI. I T. fol. Textus est Danielis Heinsii (v. spr.).

P. Terentii Carthagenensis Afri Comoediae sex, recte tandem captui juventutis accommodatae, oder: deutliche und nach dem Begriff der Jugend endlich recht eingerichtete Erklärung des P. Terentii, eines Comici, nebst einer Vorrede von Lesung der heydnischen Auctoren, sodann einem Vorbericht von des Terentii Leben und Schriften, desgleichen von den Comoedien und Tragedien der alten Griechen und Roemer, Teutschen Summarien und darzu gehörigen vollkommenen Registern, nach Art des durch Emanuel Sincerus edirten Corn. Nep. etc. Augspurg 1735. I B. 8.

P. Terentii Afri Comoediae ex recensione Danielis Heinsii, collata ad antiquissimos Mss. Codices bibliothecae Vaticanae, cum variantibus lectionibus, larvis et personis de promptis ex eisdem codicibus et Italica versione. Recensuit notasque antiquam artem comicam et nonnulla antiquitatum Romanarum monumenta illustrantes addidit Carolus Cocquelines. Romae MDCLXVII. Impensis Nicolai Roisschii bibliopolas. II tomi. fol.

P. Terentii Carthaginiensis Afri Comoediae sex ex recensione Frid. Lindenbrogii cum ejusdem Mat. lectionibus atque Aelii Donati, Eugraphii et Calpurnii commentariis integris. His accesserunt Bentleji et Faërmii lectiones ac conjecturae omnes, sed in compendium reductae, item Westerhovii in scholiastas lectiones ac conjecturae, quibus et suas adpersit M. Jo. Car. Zennius. Adjecto indice in Donatum et Terentium locupletissimo. Lipsiae, impensis G. Theoph. Georgii. MDCCLXXIV. II tomi. 8.

Editio Bipontina c. select. varietate lect. et perpet. annot. Acced. ind. lat. c. interpretat. 2 tom. 8. 1779.

P. Terentii Afri Comoediae sex. Adnotationem perpetuam adjecerunt M. Benj. Frid. Schmieder, Gymn. Halens. Luth. quondam Rector et Fridericus Schmieder. Editio altera auctior. Halis Saxonum, impensis Hammerde et Schwetschke. MDCCCXIX. I tom. 8.

P. Terentii Afri Comoediae sex. Textum ad Adam codicis Halensis antiquissimi, criticis nondum cogniti, edidit, variam editionum lectionem annotavit, scholia a vulgatis diversa ex eodem codice descripsit et Cel. Ruhnkenii dictata in Terentium nactus typis impressa adjecit D. Paulus Jacobus Bruns, philosophiae professor P. O. in Academia Halensi. Halae in libraria Bongeriana. MDCCCXI. 2 tomi. 8.

Davidis Ruhnkenii in Terentii Comoediae dictata, Brunsiano exemplo emendatius multisque partibus integrius ex apographo Hamburgensi edita. Cura Ludovici Schopeni, Ph. D. Gymn. Reg. Bonn. Collegae. Bonnae. impensis Ed. Weberi, Lugduni Batavorum apud S. et I. Luchtmans. MDCCCXXV. 1 tom. 8.

P. Terentii Afri Comoediae ad codices mss. et optimas editiones recognovit, varietate lectionis, commentario perpetuo et indice verborum instruit Frid. Christ. Gotth. Perlet. Accedunt trium codicum Guelferbytanorum nunc primum collatorum excerptae. Lipsiae, sumptibus librariae Hahnianae. MDCCCXXI. 8. XLII et 740.

Inter nostros homines Reizius quidem et ejus disciplinam qui sectabantur Bentlejum et opiniones Bentleji plurimi faciebant.

Fridericus Wolfgang Reizius, Burmannus de Bentleji doctrina metrorum Terentianorum judicare non potuisse. Lipsiae MDCCCLXXXVII. 4.

Godofredi Hermannii elementa doctrinae metricae. Lipsiae, ap. Gerh. Fleischerum jun. MDCCCXVI. 8, pp. 784.

Idem tamen Reizius in eodem scripto suo Bentlejum vituperavit, quod versus iambicos dipodiis trochaicis, non iambicis dimensus sit; qua ratione non possit non omnis rhythmus versuum iambicorum perire et in trochaicum rhythmum transformari. Hermannus quamvis in elem. d. metr. p. 66 magnam in re metrica a Bentlejo conversionem factam esse dixerit et in praefatione ad elem. d. m. p. XII judicaverit: „primus novam inire viam ausus est R. Bentlejus, vir divini ingenii, nec servire cuiquam disciplinae, sed, quoquo se converteret, imperare sciens. Is rem difficillimam, comicorum Latinorum metra aggressus, quum facile, qua erat solertia, illud, in quo summa rei verteretur, deprehendisset, breviter, sed perspicue exposuit de ea ratione in schediasmate, quod scripsit de metris Terentianis: sentiensque, altius repetendas esse hujus rei causas, quum eas explicare non posset, quod non est mirum in illa, quae tum erat, conditione philosophiae, arcanam rationem musices objectare satis habuit;“ Hermannus, inquam, Bentlejo etiam sic laudato, Bentlejum tamen saepe inventis suis etiam cum damno Terentii usum esse dicit (elem. d. m. p. 66); et de pluribus se cum Bentlejo non consentire peculiari h- bello probavit:

Godofredi Hermannii dissertatio de Richardo Bentlejo ejusque editione Terentii. Lipsiae MDCCCXIX p. I—XXIV. 4^{to} in: Bentleji et doctorum eorum epistolae partim mutae. Repetit et auxit Fried. Traug. Friedmann. Lipsiae MDCCCXXV: nuper iterata.

Unus, Bothius audacia, isti fieri possit, etiam Bentlejum superavit.

Publi Terenti Afri Comoediae. In usum elegantiorum hominum edidit Frid. Henr. Bothé, Magdeburgensis. Accedit icon Comici in aes incisa. Berolini, sumtu Ioannis Frid. Ungerii. 1806. 8. pp. 640.

Quae quum ita esse cognovissem, hanc editionem meam sic institui.

In principio cuiusque fabulae C. Sulpitii Apollinaris periocham posui. Eae *περιοχαι* sive argumenti narrationes diu ipsius Terentii esse putabantur, donec Petrus Bembo Cardinalis (de Terentii fabulis p. 817) Apollinari eas vindicavit; testimonio ad eam rem codicis Bembinii usus, in quo Apollinaris nomen adscriptum est. Erat Apollinaris autem Grammaticus doctissimus, a Carthagine oriundus, qui post Christum natum saeculo secundo, T. Aurelio et M. Aurelio Antoninis imperatoribus, vixit. Helvium Pertinacem, qui anno p. Chr. n. CXCI imp. rator Romanus factus est, arte Grammatica instituerat, de scientia sua ab A. Gellio saepe laudatus. Noct. Att. II, 16. IV, 17. (Cf. Bayle s. v. *Apollinaris*.)

Textum hujus editionis ad similitudinem Bentleyi maxime conformavi. Bentleyus ubicumque codicum vestigiis insliterat, ejus auctoritatem plerumque sequutus sum, idque ejus acumini et scientiae rei metricae tribuendum esse putavi. Verum ubi conjiciens scripta mutaverat, majorem aliquam cautionem adhibendam esse existimavi et putavi, non raro eum vel de sententiae vel de linguae natura statuisse, quod secus sit. Hujus rei in notis accurata ratio reddita est. Raro commisi, ut tacite ejus ab opinionibus discederem. Saepius Scenarum, quas Grammaticos invenisse Muretus putat (Schol. in Ter. p. 661), et Actuum, qui in Bembinio libro ne distinguuntur quidem descriptionem aliter institui, duce potissimum adhibito:

Godofr. Aug. Bened. Wolf, de Actibus et Scenis

apud. Plautum et Terentium dissertatio prima. Gubenae
MDCCCXIII.

— — — — *dissertatio secunda. Gubenae.*
MDCCCXIV.

Ut nihilo minus facile loci Terentiani reperiri possint, post singulas fabulas *dissimilitudinem descriptionis Scenarum et Actuum* plerumque addidi, quae inter Bentleji et hanc editionem est.

In versibus et Terentianis constituendis duo praecepta potissimum sequutus sum, Wasii alterum, alterum Hermanni, Wase de hiatu, Sen. p. 39: „In funambulis placent in arcto gressus numerosi; maxima quippe delectatio percipitur ex periculis. Ita fit; molliter et arcte conhiuentibus versuum juncturis indormiscit auditor securus; lapsantibus subinde numeris et casum minitantibus expergiscitur et animum attendit. Comici vero metri male laxae compages artis et commentationis suspicionem procul movent; rusticisque et de plebe infima personis veram barbariem addunt.“ Hermannus elem. d. m. p. 48: „Atque si ulla ex re intelligi potest, quod aegre credunt philologi, poëtas, ut nunc quoque fit, non tam disciplinam quamdam, cujus leges migrare non liceret, quam sensum suum atque aurium approbationem sequutos esse, profecto id ex hiatu certissime colligitur. Nostrum est quidem, quum artem quamdam doctrinamque harum rerum condimus, ubique regulas et leges circumspicere: sed qui obliviscuntur, totum hoc genus in eo versari, quod placeat ipsumque se auribus commendet, non animadvertunt, dum morosas regulas excogitant, plus se scire velle, quam ipsi poëtae sciebant, risuri profecto, si viderent, quam obscura eos et inutiles diligentia usos putamus, dum nihil nisi sensum suum sequebantur; aliquando etiam, quod non satis placeret, sibi indulgentes.“ Quare e duabus lectionibus librorum eam semper praetuli, quae cum praeceptis artis metricae consentiret; verum si quando Bentlejus praecepta sua non e versibus,

sed versus ex praeceptis constitueret, detractavi ejus auctoritatem, et libros potiores habui. Qua in re gaudeo, quod Lindemannus quoque mecum sentiat, qui, ad Militem Gloriosum Plauti praefatus, sibi, quo diutius, inquit, tractaret Plauti fabulas, eo liberiores visas esse leges prosodiae Plautinae, eoque diligentius et firmitus codicibus insistendam esse se judicare coepisse. Etiam fragmentum metricum semel admisit: Hec. II, 1, 4.

Voces scripsi ea ratione, qua Faërnus eas et ipse scripsit et in antiquissimis codicibus Terentii scriptas esse docuit. Unum novavi, quod *pollicitus 'st* scripsi pro eo, quod in codice Bembino est *pollicitu 'st*; *veritus* pro *veritu's*, ad perspicuitatem augendam.

De P. Terentii Afri vita et comoediis quam agerem, libris imprimis his usus sum.

Diderot, de la Poésie Dramatique à Monsieur Grimm, in: Oeuvres philosophiques de Mr. D. à Amsterdam, chez Marc - Michel Rey. MDCCLXXII. Tome troisième. Convertit Lessing: Das Theater des Herrn Diderot. Aus dem Französischen übersezt von Gotthold Ephraim Lessing. Zweyter Theil. Zweyte Ausgabe Berlin 1781. 8.

Hamburgische Dramaturgie von Gotthold Ephraim Lessing. 1769. 2 B. 8.

Abhandlung von dem Leben und den Werken des M. Accius Plautus; in: Gotth. Ephr. Lessing's sämtlichen Schriften. Berlin 1826. Zehnter B. 12.

Ueber dramatische Kunst und Litteratur. Vorlesungen von August Wilhelm von Schlegel. Zweyte Ausgabe. Heidelberg 1817. 3 Theile. 8.

Friedrich Schlegel's sämtliche Werke. Wien 1822 — 1825. Zehn Bände. Imprimis. Th. I, IV et V.

Caspar Sagittarius Lunenburgensis scripsit quoque libram nostrae scriptioni titule quidem non ita dissimilem, sed argumento: Commentatio de vita, scriptis, editionibus, interpretibus, lectioe atque imitatione Plauti,

Terentii, Ciceronis. Altenburgi excudebat Rieger.
MDCLXXII. 8. pp. 163.

Ad versus Terentianos explicandos praeter eos H-bros, quos supra laudavi, hunc adhibui:

Quaestionum Plautinarum liber primus, sive de hiatu in versibus Plautinis. Scripsit Carolus Lingius. Vra-tislaviae MDCCXIX. 8. pp. 79.

In notis denique, Perletus dicit, „si quid scire opus sit, maluisse se ejus rei explicatae abundantiam adesse, quam penuriam.“ Ea de re aliam opinionem concepi. Aliquid interesse putavi inter eas res, quae cogitatione, et inter eas, quae doctrina et scientia explicandae sint. Quas cogitatione assequi possimus, eas res si explicassem, parum me ab lectoribus gratiam initurum esse putavi; prudentioribus lectoribus ea re veritus sum, ne molestus sim; diligentibus juvenibus ne importunus, si rerum suis viribus inveniendarum fructum praeriperem; pigritiam negligentium ne adjuvare quidem volui. Quare parcus fui in hujusmodi rebus interpretandis, diligentior in reliquis; et Schmiederi et Perleti etiam hoc exemplum imitari nolui, quo in ipsos versus Terentianos de actione rei scenicae monita intruserant. Semel de hac re copiosius exposui in argumenti narratione in *Andriam*; et passim, ubi vel major aliqua difficultas ex hac re oriri posset, vel virorum doctorum de ea re praecepta afferenda habui. Caetera sagacitati legentium investiganda reliqui. Omnino in opera mea interpretationis additae non hoc mihi spectandum esse putavi, ut cogitatione lectores supersedere possent, sed ut ad majorem aliquam industriam et rerum adventiciarum quoque cogitationem mentes legentium excitarem. Nec desunt libri, si qui copiosius de fabulis Terentii expositum velint; Ruhnkenii dictata exstant, supra laudata; exstat: *Clavis poetarum classicorum, pars prior, sive index philologico-criticus in Horatium, Terentium et Phaedrum, auctore Gottfr. Bened. Schirach. Halae MDCCCLXVIII 8. pp. 394.*

Iam ad Vossii Commentarios Virgilianos revertar.

Interea valete, quicumque haec legeritis, et mihi favete.

Scripsi in Lyceo Saalfeldano d. xxiv m. Septembris
a. MDCCCXXVII.

Reinhardt.

TERENTII ANDRIA.

C. SULPITII APOLLINARIS PERIOCHA IN ANDRIAM.

*Sorórem falso créditam meretriculae,
Genere Andriae, Glycérium, vitiat Pámphilus,
Gravidáque facta dāt fidem, uxorém sibi
Fore hanc: nam pater ei áliam desponsáverat,
Gnatúm Chremetis, átque, amorem ut cómperit,
Simulát futuras núptias, cupiéns, suus
Quid habéret animi filius cognóscere,
Daví súasu nón repugnat Pámphilus;
Sed ex Glycerio nátum ut vidit púerulum
Chremés, recusat núptias, generum ábdicat;
Mox filiam Glycérium insperato ágnitam
Hanc Pámphilo, illam dāt Charino cónjugem.*

ACTA LUDIS MEGALENSIB. M. FULVIO ET M. GLABRIONE AR-
DILIB. CURULIB. EGERUNT L. AMBIVIVS TURPIO L. ATILIUS
PRAENESTINUS. MODOS FECIT FLACCUS CLAUDI TIBIIS PARIB.
DEXTRIS ET SINISTRIS. ET EST TOTA GRAECA. EDITA M.
MARCELLO CN. SULPICIO COSS.

Fabulae interlocutores.

SIMO, senex.

SOSIA, libertus Simonis.

DAVUS, servus.

MYSTIS, ancilla.

PAMPHILUS, adolescens, filius
Simonis.

CHARINUS, adolescens.

BYRRHIA, servus Charini.

LESBIA, obstetrix

GLYCERIUM, quae est Pasibula,
filia Chremetis.

CHREMES, senex, pater Philume-
nae.

CRITO, hospes.

DROMO, servus lorarius.

Personae mutae:

ARCHYLIS, ancilla,

CHRYSTIS, meretrix.

P R O L O G' U S.

Poëta cum primum ánimum ad scribendum ádpulit,
 Id sibi negoti crédidit solúm dari,
 Populo út placerent, quas fecisset fábulas.
 Verum áliter eveníre multo intéllegit:
 Nam in prólogis scribúndis operam abútitur, 5
 Non qui árgumentum nárret, sed qui málevoli
 Veteris poetæ máledictis respóndeat.
 Nunc, quam rem vitio dént, quaeso ánimum advórtite.
 Menándér fecit A'ndriam et Perínthiam.
 Qui utrámvis recte nórit, ambas nóverit. 10
 Nón ita dissimili súnť argumento, áttamen
 Dissimili oratióne sunt factæ ác stilo.
 Quæ cónvenere, in A'ndriam ex Perínthia hic
 Fatétur transtulisse, atque usum pró suis.
 Id isti vitupérant factum; atque in eo disputant, 15
 Contáminari nón decere fábulas.
 Faciúntne intellegéndo, ut nihil intéllegant?
 Qui cum hunc accusant, Naévium, Plantum, E'nnium
 Accúsant, quos hic nóster auctores habet:
 Quorum aémulari exóptat neclegéntiam, 20
 Potiús quam istorum obscúram diligéntiam.
 Dehinc, út quiescant pórró, moneo, et désinant
 Maledficere; malefácta ne noscánt sua.
 Favéte, adeste aequo ánimó, et rem cognóscite,
 Ut pérnoscatis, écquid spei sit réliqúum: 25
 Posthác quas faciet de íntegro comoédias,
 Spectándæ an exigéndæ sint vobis prius.

A C T U S I. S C E N A I.

S I M O. S O S I A.

Sr. Vos istaec intro auférte: abite. Sósia
 Adésdum: paucis té volo. So. dictúm puta:
 Nempe út curentur récte hæc. Sr. immo aliúd. So. quid est,
 Quod tibi mea ars efficere hoc possit ámplius?

- Sr. Nihil istac opus est arte ad hanc rem, quam paro; 5
 Set iis, quas semper in te intellexi sitas,
 Fide et taciturnitate. So. exspecto quid velis.
 Sr. Ego postquam te emi, a parvulo ut semper tibi
 Apud me justa et clemens fuerit servitus,
 Scis. feci ex servo ut eses libertus mihi, 10
 Propterea quod servibas liberaliter.
 Quod habui summum, pretium persolvi tibi.
 So. In memoria habeo. Sr. haut multo factum. So. gaudeo,
 Si tibi quid feci aut facio, quod placeat, Simo;
 Et id gratum fuisse adversum te habeo gratiam. 15
 Sed hoc mihi molestum est: nam istaec commemoratio
 Quasi exprobratio est immemoris benefici.
 Quin tu uno verbo dic, quid est quod me velis.
 Sr. Ita faciam. hoc primum in hac re praedicó tibi:
 Quas credis esse has, non sunt verae nuptiae. 20
 So. Cur simulas igitur? Sr. rem omnem a principio audies:
 Eo pacto et gnati vitam et consilium meum
 Cognoscas: et quid facere in hac re te velim.
 Nam is postquam excessit ex ephebis, Sócia, ac
 Liberius vivendi fuit potestas, (nam antea 25
 Qui scire posses, aut ingenium noscere,
 Dum aetas, metus magister prohibebant? So. ita est.)
 Sr. Quod plerique omnes faciunt adulescentuli,
 Ut animum ad aliquod studium adjungant, aut equos
 Alere, aut canes ad venandum, aut ad philosophos: 30
 Horum ille nihil egregie praeter cetera
 Studébat, et tamen omnia haec mediócritér.
 Gaudébam. So. non injuria: nam id arbitror
 Adprime in vita esse utile, ut ne quid nimis.
 Sr. Sic vita erat: facile omnes perferre ac pati: 35
 Cum quibus erat cumque una, iis sese dedere:
 Eorum studiis obsequi: adversus nemini:
 Numquam praeponens se illis: ita facillime
 Sine invidia laudem invenias, et amicos pares.
 So. Sapienter vitam instituit: namque hoc tempore 40
 Obsequium amicos, veritas odium parit.
 Sr. Interea mulier quaedam abhinc triennium
 Ex Aandro commigravit huc vicinae,
 Inopia et cognatorum negligéntia
 Coacta, egregia forma atque aetate integra. 45
 So. Ei, véreor ne quid Andria adportet mali.
 Sr. Primum haec pudice vitam parce ac dúriter
 Agebat, lana ac tela victum quaeritans:
 Set postquam amans accessit, pretium pollicens,

Unus et item alter; ita ut ingenium est omnium. 50
 Hominum ab labore próclive ad lubidinem,
 Accépit conditionem, dein quaestum occipit.
 Qui tum illam amabant, forte, ita ut sit, filiam
 Perdúxere illuc, secum ut una essét, meum.
 Egomét continuo mecum: Certe captus est: 55
 Habet. observabam máne illorum servolos
 Veniéntis aut abeúntis: rogítabam, Heús puer,
 Dic sódes, quis heri Chrysidem habuit? nam A'ndriae
 Illi id erat nomen. So. téneo. Sr. Phaedrum aut Clíniam aut
 Nicératum dicébant: nam hi tres tūm simul 60
 Amábant. Eho, quid Pámphilus? Quid? sýmbolam
 Dedit, cenavit. gaudebam. item alió die
 Quaerébam: comperiébam nihil ad Pámphilum
 Quicquam ástinere. enimvéro spectatúm satis
 Putábam, et magnum exémplum continéntiae: 65
 Nam qui cum ingeniis cónfectatur efusmodi,
 Neque cómmovetur ánimus in ea ré tamen,
 Scias pósse jam habere ípsam suae vitae modum.
 Cum id mihi placebat; tum úno ore omnes órania
 Bona dicere, et laudáre fortunás meas, - 70
 Qui gnátum haberem táli ingenio praéditum.
 Quid vérébis opus est? hác fama impulsús Chremes
 Ultro ad me venit, únicam gnatám suam
 Cum dote summa filio uxorem út daret.
 Placuit: despondi: hic núptiis dictús 'st dies. 75
 So. Quid igitur obstat: cur non fiant? Sr. audies.
 Fere in diebus paucis, quibus haec ácta sunt,
 Chrysis vicina haec móritur. So. o factúm bene:
 Beásti: ei metui a Chryside. Sr. ibi tūm filius
 Cum illis, qui amarant Chrysidem, una aderát frequens: 80
 Curábat una fúnus: tristis ínterim,
 Nonnúquam conlacrumábat. placuit tum id mihi.
 Sic cógitabam: Hic párvae consuetúdinis
 Causa hújus mortem tām fert familiáriter:
 Quid si ipse amasset? quid mihi hic faciét patri? 85
 Haec égo putabam esse ómnia humani íngeni
 Mansuétique animi officia. quid multis moror?
 Egomét quoque ejus causa in funus pródeo,
 Nihil súspicans etiám mali. So. hem quid id ést? Sr. scies.
 Effértur. imus. ínterea inter múlieres, 90
 Quae ibi áderant, forte unam áspicio adulescéntulam,
 Formá — So. bona fortásse. Sr. et vultu, Sósia,
 Adeó modesto, adeó venusto, ut nil supra.
 Quae cūm mihi lamentári praeter céteras

Visa est, et quia erat forma praeter ceteras 95
 Honesta et liberali, accedo ad pedisequas:
 Quae sit, rogo. sororem esse aiunt Chrysidis.
 Percussit ilico animum. atat hoc illud est,
 Hinc illae lacrumae; haec illa est misericordia.
 So. Quam timeo, quorsum evadas. Sr. funus interim 100
 Procedit: sequimur: ad sepulcrum venimus:
 In ignem inposita est: fletur. interea haec soror,
 Quam dixi, ad flammam accessit imprudenter:
 Satis cum periculo ibi tum exanimatus Pamphilus
 Bene dissimulatum amorem et celatum indicat: 105
 Accurrit: mediam mulierem complectitur:
 Mea Glycerium, inquit, quid agis? cur te is perditum?
 Tum illa, ut consuetum facile amorem cerneret,
 Rejecit se in eum flens quam familiariter.
 So. Quid ais? Sr. redeo inde iratus, atque aegre ferens. 110
 Nec satis ad objurgandum causae diceret,
 Quid feci? quid commovi aut peccavi, pater?
 Quae sese in ignem injicere voluit, prohibui:
 Servavi. honesta oratio est. So. recte putas:
 Nam si illum objurges, vitae qui auxilium tulit; 115
 Quid facias ei, qui dederit damnum aut malum?
 Sr. Venit Chremes postridie ad me, clamitans:
 Indignum facinus: comperisse, Pamphilum
 Pro uxore habere hanc peregrinam. ego illud sedulo
 Negare factum. ille instat, factum. denique 120
 Ita tum discedo ab illo, ut qui se filiam
 Negat daturum. So. non tu ibi gnatum? Sr. ne haec quidem
 Satis vehemens causa ad objurgandum. So. qui cedo?
 Sr. Tute ipse his rebus finem praescripti, pater.
 Prope adest, cum alieno more vivendum est mihi: 125
 Sine nunc meo me vivere interea modo.
 So. Qui igitur relictus est objurgandi locus?
 Sr. Si propter amorem uxorem nolet ducere,
 Ea primum ab illo animadvertenda injuria est.
 Et nunc id operam do, ut per falsas nuptias 130
 Vera objurgandi causa sit, si deneget:
 Simul sceleratus Davos si quid consili
 Habet, ut consumat nunc, cum nihil obsint doli:
 Quem ego credo manibus, pedibusque, obnixae omnia
 Facturum: magis id adeo, mihi ut incommodet, 135
 Quam ut obsequatur gnato. So. quapropter? Sr. rogas?
 Mala mens, malus animus. quem quidem ego si sensero.
 Sed quid opus est verbis? sin eveniat, quod volo,
 In Pamphilo ut nil sit morae; restat Chremes,

Qui mi exorandus est: et spero confore.
Nunc tuum 'st officium, has bene ut adsimules nuptias:
Perterrificas Davom: observes filium,
Quid agat, quid cum illo consili capiet. So. sat est:
Curabo: camus nunc iam intro. Sr. i praee, sequar.

140

ACTUS I. SCENA II.

SIMO senex. DAVUS servus.

Sr. Non dubium 'st, quin uxorem nolit filius:
Ita Davom modo timere sensi, ubi nuptias
Futuras esse audivit. set ipse exit foras.

Da. Mirabar hoc si sic abiret: et eri semper lenitas
Verabar quorsum evaderet:

5

Qui postquam audierat, non datum iri filio uxorem suo,
Numquam cuiquam nostrum verbum fecit, neque id aegre tulit.
Sr. A't nunc faciet; neque, ut opinor, sine tuo magno malo.
Da. Id voluit, nos sic nec opinantis duci falso gaudio,
Sperantis iam amoto metu, interea oscitantis opprimi,
Ut ne esset spatium cogitandi ad disturbandas nuptias:

10

Astute. Sr. carnufex, quae loquitur? D. erus est, neque pro-
videram.

Sr. Dave. D. hem, quid est? Sr. ehodum ad me. D. quid
hic volt? Sr. quid ais? D. qua de re? Sr. rogas?

Meum gnatum rumor est amare. D. id populus curat scilicet.

Sr. Hocinc agis, an non? D. ego vero istuc. Sr. set nunc
ea me exquirere,

15

Iniqui patris est. nam, quod antehac fecit, nihil ad me adinet.
Dum tempus ad eam rem tulit, sivi animum ut expleret suum:
Nunc hic dies aliam vitam defert, alios mores postulat.

Dehinc postulo, sive aequum 'st, te oro, Dave, ut redeat iam
in viam.

Da. Hoc quid sit? Sr. omnes, qui amant, graviter sibi dari
uxorem ferunt.

20

Da. Ita alunt. Sr. tum si quis magistrum cepit ad eam rem
inprobum,

Ipsum animum aegrotum ad deteriore partem plerumque adplicat.

Da. Non hercle intellego. Sr. non? hem. D. non: Davom
sum, non Oedipus.

Sr. Nempe ergo aperte vis, quae restant, me loqui. D. sane quidem.

Sr. Si sensero hodie quicquam in his te nuptiis

25

Fallaciae conari, quo fiant minus;

Aut velle in ea re ostendi, quam sis callidus:

Verbèribus caesum te in pistrinum, Dave, dedam usque ad necem,
Ealège atque omine, ut, si te inde exemerim, ego pro te molam:

Quid, hoc intellexisti? an nondum etiam ne hoc quidem?

D. immo callide; 30

Ita aperte ipsam rem modo locutus, nil circum itione usus es.

Sr. Ubivis facilius passus sim, quam in hac re, me deludier.

Da. Bona verba, quaeso. *Sr.* irrides: nil me fallis. edico tibi, Ne temere facias. neque tu haut dices, tibi non praedictum. cave.

ACTUS I. SCENA III.

DAVUS servus.

Enimvero, Dave, nil loci est segnitiae neque socordiae,

Quantum intellexi modo senis sententiam de nuptiis:

Quae si non astu providentur, me aut erum passum dabunt.

Nec quid agam certum est: Pamphilumne adjutem, an auscultem seni.

Si illum relinquo, ejus vitae timeo: sin opitulator, huius minas; 5

Cui verba dare difficile est: primum iam de amore hoc comperit:

Me infensus servat, ne quam faciam in nuptiis fallaciam.

Si senserit, perii, aut si lubitum fuerit — causam ceperit —

Quo iure, quave injuria praecipitem me in pistrinum dabit.

Ad haec mala hoc mi accedit etiam: haec Andria, 10

Si ista uxor sive amica est, gravida e Pamphilo est.

Audireque eorum est operae pretium audaciam:

Nam inceptio est amantium, haut amantium:

Quicquid peperisset, decreverunt tollere:

Et fingunt quandam inter se nunc fallaciam, 15

Civem Atticam esse hanc. Fuit olim hinc quidam senex,

Mercator: navem is fregit apud Andrum insulam:

Is obiit mortem. ibi tum hanc ejectam Chrysidis

Patrem recepisse orbam, parvam. fabulae.

Mi quidem non fit verisimile; at ipsis commentum placet. 20

Set Mysis ab ea egrreditur. at ego hinc me ad forum, ut

Conveniam Pamphilum, ne de hacre pater imprudentem opprimat.

ACTUS I. SCENA IV.

MYNIS ancilla.

Audivi, Archylis, jamdudum: Lesbiam adduci iubes.

Sane pol illa temulenta est mulier et temeraria,

Nec satis digna, cui committas primo partu mulierem:

Tamen eam adducam. Inopportunitatem spectate ancillae:

Quia conpotrix eius est. Di, date facultatem obsecro 5

Huc pariundi, atque illi in aliis potius peccandi locum.

Set quidnam Pamphilum exanimatum video? vereor quid siet.

Oppariar, ut sciam numquidnam haec turba tristitiae adferat.

ACTUS I. SCENA V.

PAMPHILUS adolescens. MYISIS ancilla.

P. Hócine 'st factu humanum aut inceptu? hócine 'st officium patris?

My. Quid illud est? *P.* pro deum fidem, quid est, si hóc non contumelia 'st?

Uxorem decrerat dare sese mi hódie: nonne oportuit Praescisse me ante? nonne prius communicatum oportuit?

My. Miseram me, quod verbum audio? 5

P. Quid Chremes? qui denegarat, se commissurum mihi Gnatum suam uxorem: id mutavit, quia me immutatum videt. Itane obstinate operam dat, ut me a Glycero miserum abstrahat? Quod si fit, pereo funditus.

A'deon' hominem esse invenustum aut infelicem quemquam, ut ego sum? 10

Pro deum atque hominum fidem!

Núllon' ego Chremetis pacto adfinitatem effugere potero? Quot modis contemptus, spretus? facta, transacta omnia. hem, Repudiatus repeto: quamobrem? nisi si id est, quod suspicor: Aliquid monstri alunt: ea quoniam nemini obtrudi potest, 15 Itur ad me. *M.* oratio haec me miseram exanimavit metu.

P. Nam quid ego dicam de patre? ah Tantamne rem tam negligenter agere? praeteriens modo Mi apud forum, uxor tibi ducenda 'st, Pamphile, hodie, inquit, para:

A'bi domum. id mi visus 'st dicere, abi cito, et suspende te. 20 C'estipui: censén' me verbum potuisse ullum proloqui? aut U'llam causam, saltem ineptam, falsam, iniquam? ommutui. Quod si ego rescissem id prius, quid facerem, si quis nunc me roget, Aliquid facerem, ut hóc ne facerem. sét nunc quid primum exsequar? Tót me impediunt curae, quae meum animum divorsaé trahunt; 25 Amor, misericordia hujus, nuptiarum sollicitatio, Tum patris pudor, qui me tam leni passus animo est usque adhuc, Quae meo cumque animo libitum 'st, facere. eine ego ut ad- vorser? ei mihi,

Incertum 'st, quid agam. *M.* misera timeo, incertum hoc quorsus accidat.

Séd nunc peropus 'st, aut hunc cum ipsa, aut de illa me ad- versum hunc loqui. 30

Dum in dubio est animus, paulo momento huc vel illuc impellitur.

P. Quis hic loquitur? *Mysis?* salve. *M.* o salve, Pamphile. *P.* quid agit? *M.* rogas?

Labòrat e dolore; atque ex hoc misera sollicita est, diem Quia olim in hunc sunt constitutae nuptiae. tum autem hóc timet

- Ne déseras se. *P.* hem, egone istuc conari queam? 35
 Egon' própter me illam decipi miseram sinam?
 Quae mihi suum animum atque omnem vitam credidit?
 Quam ego ánimo egregie caram pro uxore habuerim?
 Bene ét pudice eius dóctum atque eductum sinam,
 Coactum egestate ingenium immutárier? 40
 Non faciam. *M.* haut verear, si in te sit soló situm:
 Set ut vim queas ferre. *P.* adeóne me ignavóm putas?
 Adeón' porro ingratum, aut inhumanum, aut ferum,
 Ut néque me consuetúdo, neque amor, néque pudor
 Commóveat, neque commóneat, ut servém fidem? 45
My. Unum hóc scio, esse méritam, ut memor essés sui.
Pa. Memor ésssem? o *Mysis*, etiam núnc mihi
 Scripta illa sunt in ánimo dicta *Chrysidis*
 De *Glycerio*. iam férme moriens mé vocat:
 Accessi: vos semótæ: nos soli: incipit: 50
 Mi *Pámphile*, hujus fórmam atque aetatém vides:
 Nec clám te est, quam illi utraéque res nunc útiles
 Et ad pudicitiam ét ad rem tutandám sient.
 Quod te égo per dextram hanc óro, et per geniúm tuum,
 Per tuám fidem, perque hújus solitudinem, 55
 Te obtéstor, ne abs te hanc ségrege, neu déseras:
 Si te in germani frátris dilexí loco,
 Sive haéc te solum sémper fecit máximi,
 Seu tibi morigera fúit in rebus ómnibus.
 Te istí virum do, amicum, tutorém, patrem. 60
 Bona nóstra haec tibi permítto, et tuæ mandó fidei.
 Hanc mi in manum dat: mórs continuo ipsam óccupat.
 Accépi: acceptam sérvabo. *M.* ita speró quidem.
Pa. Set cúr tu abis ab illa? *M.* óbstetricem adcérso. *P.* pro-
 pera. atque aúdin'?
 Verbum únun cave de núptiis; ne ad mórbum hoc etiam. *M.*
 téneo. 65

ACTUS II. SCENA I.

CHARINUS. BYRRHIA. PAMPHILUS.

Ch. Quid ais *Byrrhiá*? daturne illa *Pámphilo* hodie núptum?
B. sic est.

Ch. Qui scis? *B.* apud fórum modo e *Davo* audivi. *C.* vae
 miseró mihi.

Ut ánimus in spe atque in timore usque ántehac adtentús fuit,
 Ita póstquam adempta spés est, lassus, cúra confectús stupet.

By. Quaéso edepol, *Charine*, quando nónon potest id fieri, quod vis, 5
 I'd velis quod póssit. *C.* nil volo áliud nisi *Philúmenam*. *B.* ah,

Quánto satius 'st te id dare operam, qui istum amorem ex
córde ejicias;

Quam id loqui, quo mágis lubido frústra incendatúr tua.

CH. Facile ómnes, cum valémus, recta cónsilia aegrotís damus.
Tu si híc sis, aliter cénseas. B. age, age, út lubet. C. set
Pámphilum 10

Vídeo. ómnia experíri certum 'st prius quam pereó. B. quíd
hic agit?

CH. Ipsum hunc orabo; huic súpplícabo: amórem huic narra-
bó meum:

Credo, ímpetrabo, ut áliquot saltem núptiis prodát dies:

Intérea fiet áliquid, spero. B. id áliquid nihil est. C. Býrrhia,
Quíd tibi videtur? ádeon' ad eum? B. quíd ní? nihil ut ímpetres, 15
Ut te árbitretur sibi paratum moéchum, si illam dúxerit?

CH. A'bin' hinc in malám rem cum suspícione istác, scelus?

PA. Charinum video. sálve. C. o salve. Pámphile,
A'd te advenio, spém, salutem, cónsílíum, auxílíum éxpetens.

PA. Néque pol cónsílí locum habeo, néque ad auxílíum cópiam. 20
Sét istuc quidnam 'st? C. hódie uxorem dúcis? P. aiunt. C.

Pámphile.

Si id facis, hodié postremum mé vides. P. quíd ita? C. eí mihi,
Véreor dicere: huic dic quaeso Býrrhia. B. ego dicám. P. quíd est?

By. Spónsam híc tuam amat. P. né iste haut mecum séntit.
ehodum dic mihi:

Númquidnam ampliús tibi cum illa fúit Charine? C. ah, Pám-
phile, 25

Níl. P. quam vellem. C. núnc te per amicitíam et per ame-
rem óbsecro,

Príncipio ut ne dúcas. P. dabo equidem óperam. C. set si
id nón potest,

Aút tibi nuptiae haé sunt cordi. P. córdi? C. saltem aliquót dies

Prófer, dum proficiáscor aliquo, né videam. P. audi núnc iam:

E'go Charine neútiquam officium liberí esse homínis puto, 30
Cum is nil moreat, póstulare id grátiae adponí sibi.

Núptias effúgere ego istas málo, quam tu adipiscier.

CH. Rédduxti animum. P. núnc si quíd potes aút tu, aut híc Býrrhia,
Fácite, fingite, invenite, effícite, qui detúr tibi:

E'go id agam, qui m'hi ne detur. C. sát habeo. P. Davom ópturne 35

Vídeo: cuíus cónsílío fretus sum. C. át tu hercle haut quicquám mihi;
Nísi ea, quae níl ópus sunt sciri. fúgin' hinc. B. ego vero áclabens.

ACTUS II. SCENA II.

DAVUS. CHARINUS. PAMPHILUS.

DA. Dí boni, boní quíd porto? sét ubi inveniam Pámphilum,
U't metum, in quo núnc est adimam, atque éxpleam animum gaúdió?

CH. Laetus est nescio quid. *P.* nihil est: nōdum haec rescivit mala.

DA. Quem ego nunc credo, si jam audierit sibi paratas nuptias,

CH. Audin' tu illum? *D.* toto me oppido exanimatum quaerere. 5

Sed ubi quaeram? quō nunc primum intēdam, *C.* cessas adloqui?

DA. Hābeo. *P.* Dave: ades. resiste. *D.* quis homo 'st, qui

me? o Pāmphile,

Te ipsam quaero. eugé Charine: ambo oportune: vōs volo.

PA. Dave, perii. *D.* quān tu hoc audi. *P.* intērii. *D.* quid

timeās scio.

CH. Mēa quidem hercle cēte in dubio vīta 'st. *D.* et quid tū, scio. 10

PA. Nuptiae mi. *D.* etsi scio? *P.* hodie. *D.* optūdis, ta-

meti intēlligo?

I'd paves, ne dūcas tu illam: tu autē, ut ducas. *C.* rēm tenes.

PA. Istuc ipsum. *D.* atque istuc ipsum nil pericli est: mē vide.

PA. O bsecro te, quān primum hoc me libera miserūm metu. *D.* hem,

Lībero: tibi uxōrem non dat jam Chremes. *P.* qui scīs? *D.* scīs. 15

Tūus pater me mōdoprehendit: aī tibi uxōrē dare sese

Hōdie; item alia mūlta, quae nunc nōn est narrandī locus.

Cōtinuo ad te prōperans percurro ad forum, ut dicām tibi haec.

Ubi te non invēnio ibi, eacendo in quendam excelsūm locum.

Circūspicio; nūquam. ibi forte hūjus video Býrrhiam. 20

Rōgo: negat vidisse. mihi molēstum. quid agam, cōgito.

Rēdeunti interea ex ipsa re mi incidit suspicio: hem,

Paululum obsoni: ipse tristis: de improviso nuptiae:

Nōn cohaerent. *P.* quorūnam istuc? *D.* ego me continuo ad

Chremem.

Cum illo advenio: solitudo ante ostium: jam id gaudeo. 25

CH. Récte dicis. *P.* pēge. *D.* maneo: intērea introire nēminem

Vīdeo, exire nēminem: matrōnam nullam in aēdibus,

Nīl ornati, nīl tumulti. accēsi: intro aspexi. *P.* scio.

Māgnūm signum. *D.* nūm videntur cōvenire haec nūptiis?

PA. Nōn, opinor, Dave. *D.* opinor, nārras? non recte accipis. 30

Cēta res est. etiā puerum inde ābiens conspexi Chremi

Olera ac pisciculōs minutos fēre obolo in cenām seni

CH. Liberatus sum hōdie, Dave, tūa opera. *D.* ac nullūs quidem.

CH. Quid ita? nempe huic prorsus illam nōn dat. *D.* ridiculūm caput!

Quāsi necesse sīt, si huic non dat, tē illam uxōrē dūcere: 35

Nīsi vides, nisi sēnis amicos ōras, ambis. *C.* bēne mones.

I'bo: etai hercle saepe jam me spēs haec frustratā 'st. vale.

ACTUS II. SCENA III.

PAMPHILUS. DAVUS.

PA. Quid igitur sibi vōlt pater? cur simulat? *D.* ego dicām tibi.

Si id suscenseat nunc, quia non dēt tibi uxōrē Chremes,

I'psus sibi esse injúrius videátur: neque id injúria:

Príus, quam tuum, ut esse hábeat, animum ad núptias perspéxerit. Sét si tu negáris ducere, sibi culpam in te tránsferet: 5

Tum illae turbæ flent. P. quidvis pátiar. D. pater est, Pámphile. Difficile 'st. tum haec sóla 'st mulier. dictum ac factum invénérít. A'liquam causam, quámobrem eiciat oppido. P. eiciát? D. cito. P. Cedo igitur quid faciám, Dave? D. dic te ducturum. P. hém. D. quid est?

P. Egon' dicam? D. cur non? P. núnquam faciám. D. né nega. 10

P. Suadére noli. D. ex eá re quid fiát, vide.

P. Ut ab illa excludar, húc concludar. D. nón ita 'st.

Nempe hoc sic esse opínor: dicturúm patrem, Ducás volo hodie uxórem: tu, ducam, inquires:

Cedo quid jurgabit técum? hic reddes ómnia, 15

Quae núnc sunt certa ei cónsilia, incerta út sient,

Sine omni periclo: nam hoc haut dubium 'st, quín Chremes

Tibi nón det gnatam. nec tu ea causa mínueris

Haec, quae facis, ne is mútet suam senténtiam,

Patri dic velle: út, cúm velit, tibi júre irasci nón queat. 20

Nam, quód tu speres, própulsabo fáci'e; Uxorem his móribus Dabit némo. inveniet ínopem potius, quám te corrumpi sinat.

Set si te aequo animo férre accipiet, néclegentem féceris:

Alia ótiosus quaéret: interea áliquid acciderít. boni.

P. Itan' crédis? D. haut dubium id quidem 'st. P. vide quó me inducas. D. quín taes. 25

P. Dicám. puerum autem né resciscat mí esse ex illa, caútio est:

Nam póllícitus sum súscpturum. D. o fácinus audax! P. hánc fidem

Sibi me óbsecravít, quí se sciret nón desertum iri, út darem.

D. Curábitur. set páter adest. cave, té esse tristem sentiat.

ACTUS II. SCENA. IV

SIMO. DAVUS. PAMPHILUS.

St. Reviso quid agant, aut-quid captent cónsili.

D. Hic núnc non dubitat, quín te ducturúm neges,

Venit meditatus álicunde ex soló loço:

Orátionem spérat invenisse se,

Qui differat te: proín tu fac apud te út sies. 5

P. Modo ut póssim, Dave. D. créde inquam hoc mihi, Pámphile,

Namquam hódie tecum cómmutaturúm patrem

Unum esse verbum, si te dices ducere.

ACTUS II. SCENA V.

BYRRHIA. SIMO. DAVUS. PAMPHILUS.

Br. Erus mé relictis rébus jussit Pámphilum

Hodie óbservare, ut, quid ageret de núptiis,

Scirem: id propterea nunc hunc venientem sequor.
 Ipsum adeo praesto video cum Dave: hoc agam.
Sr. Utrumque adesse video. *D.* hem, serva. *S.* Pámphile. 5
Da. Quasi de improvviso respice ad eum. *P.* ehem pater.
Da. Probe. *S.* hodie uxorem ducas, ut dixi, volo.
Br. Nunc nostrae timeo párti, quid hic respondeat.
Pa. Neque istic, neque alibi tibi erit usquam inmé mora. *B.* hem.
Da. Ommítuit. *B.* quid dixit? *S.* facis ut té decet, 10
 Cum istic quod postulo impetro cum grátia.
Da. Sum vérus? *B.* erus, quantum audio, uxore excidit.
Sr. I nunc iam intro; ne in mora, cum opus sit, sies.
Pa. Eó. *B.* nullane in ré esse cuiquam hominí fidem?
 Verum illud verbum 'st, vólgo quod dici solet, 15
 Omnis sibi esse mélius malle, quam álteri.
 Ego illam vidi: virginem formá bona
 Memini videre: quo aéquior sum Pámphilo,
 Si éé illam in somnis, quam illum, amplecti máluit.
 Renúntiabo, ut pro hoc malo mihi dét malum. 20

ACTUS II. SCENA VI.

DAVUS. SIMO.

Da. Hic nunc me credit aliquam sibi falláciam
 Portáre, et ea me hic réstitisse grátia.
Sr. Quid Dávus narrat? *D.* aéque quicquam nunc quidem.
Sr. Nilne? hé. *D.* nil prorsus. *S.* atqui expectabám quidem.
Da. Praetér spem evenit: sentio: hoc male habét virum. 5
Sr. Potin' és mihi verum dicere? *D.* nihil fácilius.
Sr. Num illi molestae quíppiam haec sunt náptiae,
 Propter hóspitai hujúsce consuetúdinem?
Da. Nihil hércle: aut, si adeo, bídui est aut trídui
 Haec sólicitudo: nósti? deinde désinet. 10
 Etenim ípsus eam rem récta reputavít via.
Sr. Laudó. *D.* dum licitum est éji, dumque actas tulit,
 Amávit: tum id clam; cávit, ne umquam infámiae
 Ea rés sibi esset, út virum fortém decet:
 Nunc úxore opus est: ánimus ad uxorem ádpullt. 15
Sr. Subtristis visus 'st ésse aliquantillúm mihi.
Da. Nihil própter hanc rem: sét est, quod susceñsét tibi.
Sr. Quidnam 'st? *D.* puerile 'st. *S.* quid ést? *D.* nihil. *S.*
 quin dic, quid est.
Da. Ait nímius parce fácere sumptum. *S.* méne? *D.* te.
 Vix, inquit, drachmis ést obsonatúm decem: 20
 Num filio vidétur uxorem dare?
 Quem, inquit, vocabo ad cénam meorum sequárium

Potissimum nunc? ét, quod dicendum hic-siet,

Tu quóque per parce núnium. non laudó. S. tace.

DA. Commóvi. S. ego, istaec récte ut fiant, vidéro.

Quid héc est reji? quíd hic volt veteratór sibi?

Nam si híc mali est quicquam, illíc est hujus rei caput.

25

ACTUS III. SCENA I.

MYRSIS. SIMO. DAVUS. LESBIA. GLYCERIUM.

My. Ita pól quidem res est, út dixisti, Lésbia:

Fidélem haut fermo málieri inveniás yirum.

Sr. Ab A'ndria 'st ancilla haec. quid narrás? *D.* ita 'st.

My. Set hic Pámphilus S. quid dicit? *M.* firmavít fidem. *S.* hem.

DA. Utinam aut hic sardus, aut haec muta fácta sit.

My. Nam quód peperisset, jússit tolli. S. o Iúppiter!

Quid ego aúdio? actam 'st, síquidem haec vera praédicat.

LE. Bonum ingénium narras ádulescentis. *M.* óptimum.

Set séquere me intro, ne ía mora illi sis. *L.* sequor.

DA. Quod rémedium nunc huíc malo inveniám? *S.* quid hoc? 10

Adeóne est demens? éx peregrina? jám scio, ah

Vix tándem sensi stólidus. *D.* quid hic sensisse aít?

Sr. Haec primum adfertur jám mihi ab hoc fallácia:

Hanc simulant parere, quó Chremetem abstérreant.

GL. Iunó Lucina fér opem, serva me, óbsecro.

Sr. Hai, tám cito? ridiculum: postquam ante óstium

Me audívit stare, adpróperat. non sat cómmode

Divísa sant tempóribus tibi, Dave, haéc. *D.* mihin'?

Sr. Num iamémores discipuli? *D.* égo quid narres néscio.

Sr. Hícine me sí inparátum in veris núptiis

Adórtus esset, quós me ludos rédderet?

Nunc huíus periclo fit, ego in portu návigo.

15

20

ACTUS III. SCENA II.

LESBIA obstetrix. SIMO. DAVUS.

LE. Adhúc, Archylís, quae adsolént quaeque opórtet

Signa ésse ad salútem, omnia huíc esse vídeo.

Nunc primum fac istaec lavét: post deínde,

Quod jússi ei darí bibere, et quántum imperávi,

Date: móx ego huc revérto.

Per ecástor scitus púer est natus Pámphilo.

Deos quaéro, ut sit supérstes, quandoquidem ipse 'st ingenió bono;

Cumque huíc est veritus óptumae adulescénti facere injúriam.

Sr. Vel hoc quis non credat, quí te norít, ábs te esse ortum?

D. quídam id est?

5

St. Non imperabat coram, quid opus facto esset paerperae: 10
St. postquam egressa 'st, illis, quae sunt intus, clamat de via.
O Dáve, ita' contemnor abs te? aut itane tandem idoneus
 Tibi videor esse, quem tam aperte fallere incipias dolis?
 Saltem accurate: ut metui videar certe, si resciverim.

Da. Certe hercle nunc hic se ipsus fallit, haut ego. *S.* edixi' tibi, 15
 Interminatus sum, ne faceres? num veritus 's? quid retulit?
 Credon' tibi hoc nunc, peperisse hanc e Pamphilo?

Da. Teneo, quid erret: et quid agam habeo. *S.* quid taces?

Da. Quid credas? quasi non tibi renunciata sint haec, sic fore.

St. Min' quisquam? *D.* eho an tute intellexti hoc adsimulari?
S. inrideor. 20

Da. Renunciatum 'st: nam qui tibi isthaec incidit suspicio?

St. Qui? quia te noram. *D.* quasi tu dicas, factum id consilio meo.

St. Certe enim scio. *D.* non satis me pernosti etiam, qualis sim, Simo.

St. Egone te? *D.* set, si quid narrare occoepi, continuo dari
 Tibi verba cenases falso: itaque hercle nil jam mutare audeo. 25

St. Hoc ego scio unum, neminem peperisse hic. *D.* intellexti.

Sed nihil secius mox puerum huc deferent ante ostium.

Id ego jam nunc tibi, ere, renunciatio futurum, ut sis sciens.

Ne tu hoc posterius dicas Davi factum consilio aut dolis.

Propterea a me opinionem hanc tuam esse ego amotam volo. 30

St. Unde id scis? *D.* audivi, et credo: multa concurrunt simul,

Qui conjecturam hanc nunc facio. jam primum haec se e Pamphilo

Gravidam dixit esse: inventum est falsum. nunc, postquam videt

Nuptias domi apparari, missa 'st ancilla sileo

Ostetricem accersitum ad eam, et puerum ut adferret simul. 35

Hoc ni fit, tu puerum ut videas, nil moventur nuptiae.

St. Quid ais? ubi intellexeras

Id consilium capere, cur non dixti extemplo Pamphilo?

Da. Quis igitur eum ab illa abstraxit, nisi ego? nam omnes nos
 quidem

Scimus, quam misere hanc amarit, nunc sibi uxorem expetit. 40

Postremo id mihi da negoti: tu tamen idem has nuptias

Perge facere ita, ut facis: et id spero adjuturus deos.

St. Immo abi intro: ibi me opperire, et, quod parato opus est, para.

Non inpulit me, haec nunc omnino ut crederem:

Atque haut scio, an quae dixit sint vera omnia: 45

Set parvi pendet illud mi multo maximum 'st,

Quod mihi pollicitus 'st ipse gnatus. nunc Chremem

Convéniam: orabo gnato uxorem: id si impetro,

Quid alias malim, quam hodie, has fieri nuptias?

Nam gnatus quod pollicitus 'st, haut dubium 'st mihi, 50

Si nolit, quin eum merito possim cogere.

Atque adeo in ipso tempore eum ipsam Chremem.

ACTUS III. SCENA III.

SIMO. CHREMES senex.

Sr. Jubeo Chrometem. CH. o, te ipsum quaerebam. S. et ego te.

CH. optato advenis.

Aliquot me adierunt, ex te auditum qui asbant, hodie filiam
Meam nubere tuo gnato: id viso, tun' an illi insaniant.

Sr. Ausculta pauca: et, quid ego te velim, et, tu quod quaeris, scies

CH. Ausculta: loquere quid velis.

5

Sr. Per te ego deos oro, et nostram amicitiam, Chreme,

Quae incerta a parvis cum aetate adcrevit simul,

Perque unicam gnatam tuam, et gnatum meum,

Cuius tibi potestas summa servandi datur,

Ut me adjuves in hac re: atque ita uti nuptiae

10

Fuerant futurae, fiant. CH. ah ne me obsecra:

Quasi hoc te orando a me impetrare oporteat.

Alium esse censes nunc me atque olim cum dabam?

Si in rem 'st utrique ut fiant, accersi jube.

Set si ex ea re plus mali 'st quam commodi

15

Utrique, id oro te, in commune ut consulas,

Quasi illa tua sit, Pamphilique ego sim pater.

Sr. Immo ita volo itaque postulo ut fiat, Chreme:

Neque postulem abs te, ni ipsa res moneat. CH. quid est?

Sr. Irae sunt inter Glycerium et gnatum. CH. audio.

20

Sr. Ita magnae, ut sperem, posse avelli. CH. fabulae

Sr. Profecto sic est. CH. sic hercle, ut dicam tibi:

Amantium irae, amoris integratio. S. hem,

Id te oro, ut ante eamus. dum tempus datur,

Dumque eius libido occlusa 'st contumeliis,

25

Prius quam harum scelera et lacrumae conflictas dolis

Redducunt animum aegrotum ad misericordiam,

Uxorem demus. spero consuetudine et

Conjugio liberali devinctum, Chreme,

Dein facile ex illis sese emersurum malis.

30

CH. Tibi ita hoc videtur: at ego non posse arbitror

Neque illum hanc perpetuo habere, neque me perpeti.

Sr. Qui scis ergo istuc, nisi periculum feceris?

CH. At istuc periculum in filia fieri, grave est.

Sr. Nempe incommoditas denique huc omnis redit,

35

Si eveniat, quod Di prohibeant, discessio.

At si corrigitur, quot commoditates vide?

Principio amico. filium restitueris:

Tibi generum firmum, et filiae invenias virum.

CH. Quid istuc? si ita istuc animum induxi esse utile,

40

Nolô tibi ullum cômmodum in me claudier.

Sr. Meritô te semper máximi feci, Chreme.

Ch. Set quid ais? *S.* quid? *Ch.* qui scis eos nunc discordare inté se?

Sr. Ipsús mihi Davos, qui intumus 'st eorúm consiliis, dixit:

Et is mihi suadet, nuptias quantúm queam ut matúrem. 45

Num cénse faceret, filium nisi scíret eadem haec vélle?

Tute ádeo iam eius verba aúdiēs. heus, évocate huc Dávom.

Atque éccum: video ipsúm foras exíre.

ACTUS III. SCENA IV.

DAVUS. SIMO. CHREMES.

DA. Ad te ibam. *S.* quídam est?

DA. Cur úxor non adcérsitur? iam advésperascit. *S.* aúdin' tu illum?
Ego dúdum non nil véritus sum abs te, Dáve, ne facerés idem,
Quod vólguis servorúm solet, dolís ut me delúderes:

Proptérea quod amat filius. *D.* egon' istuc facerem? *S.* crédidi: 5

Idque ádeo metuens vós celavi, quód nunc dicam. *D.* quid? *S.* scies:

Nam própemodum habeo jám fidem. *D.* tandém cognosti qui siem?

Non fúerant nuptiaé futurae. *D.* quid? non? *S.* set ea grátia

Simulávi, vos ut pértemptarem. *D.* quid ais? *S.* sic res ést. *D.* vide,

Numquam istuc ego quívi intellegere. váh consilium cállidum. 10

Sr. Hoc aúdi. ut hinc te introíre jussi, oppórtune hic fit mi ób-

viam. *D.* hem,

Numnám periimus? *S.* nárrro huic, quae tu dúdum narrasti mihi.

DA. Quidnam aúdiam? *S.* gnatam út det oro, víxque id exoro.

D. óccidi. *S.* hem,

Quid dixisti? *D.* optume inquam factum. *S.* núnc per hunc nullá

'st mora.

Ch. Domúm modo ibo: ut ápparetur, dicam: atque huc renúntio. 15

Sr. Nunc te óro, Dáve, quóniam solus mi éffecisti has nuptias.

DA. Ego véro solus. *S.* córrigere mi gnátum porro enítere.

DA. Faciam hérclesduló. *S.* potes nunc, dum ánimus iniritátus ést.

DA. Quiéscas. *S.* age igitúr, ubi nunc est ípsus? *D.* miram, ní
domi ést.

Sr. Ibo ád eum: atque eadem haec, quae tibi dixi, dicam iti-
dem illi. *D.* nállus sum. 20

Quid causae ést, quin hinc in pistrinum récta proficiscár via?
Níhil ést preci loci relictum; jám perturbavi ómnia:

Erám fefelli: in nuptias conjéci erilem filium;

Feci hódie ut fierent, ínsperante hoc, átque invito Pámphilo. hem

Astútias: quod sí quiessem, níhil evenissét mali. 25

Set éccum video ípsum: óccidi.

Utínám mihi esset áliquíd hic, quo núnc me praecipitém darem.

ACTUS III. SCENA V.

PAMPHILUS. DAVUS.

P. Ubi illic est scelus, qui me hodie? perii. atque hoc confiteor jure

Mi obtigisse; quandoquidem tam iners, tam nulli consili sum: Served fortunae meas me commississe futili?

Ego pretium ob stultitiam fero: sed inultum id numquam a me auferet.

D. Posthac incolumem sat scio fore me, nunc si hoc devoto malum. 5

P. Nam quid ego nunc dicam patri? negabon' velle me, modo

Qui sum pollicitus ducere? qua fiducia id facere audeam?

Nec quid nunc me faciam, scio. *D.* nec me quidem, atque id ago sedulo.

Dicam aliquid me inventurum, ut hinc malo aliquam producam moram.

P. Oh. *D.* visus sum *P.* eodum, bone vir, quid agis? viden' me consiliis tuis 10

Miserum impeditum esse? *D.* at jam expediam. *P.* expedites?

D. certo Pamphile.

P. Nempe ut modo. *D.* immo melius spero. *P.* oh, tibi ego ut credam, furcifer?

Tu rem impeditam et perditam restituas? hem quo fretus sim,

Qui me hodie ex tranquillissima re conjecisti in nuptias.

Annon dixi esse hoc futurum? *D.* dixti. *P.* quid meritis? *D.* crucem. 15

Sed sine paululum ad me redeam: iam aliquid dispiciam. *P.* ei mihi,

Cum non habeo spatium, ut de te sumam supplicium, ut volo:

Namque hoc tempus, praecavere mihi me, haut te ulcisci sinit.

ACTUS IV. SCENA I.

CHARINUS. PAMPHILUS. DAVUS.

Ch. Hocceine credibile, aut memorabile;

Tanta vecordia innata cuiquam ut siet,

Ut malis gaudeant, atque ex incommodis

Alterius sua ut comparent comoda? ah

Idne est verum? immo id est genus hominum pessimum, in 5

Denegando modo quis pudor paulum adest:

Pot ubi tempus promissa jam perfici,

Tum coacti necessario se aperiant:

Et timent: et tamen res premit denegare:

Ibi tum eorum impudentissima oratio est, 10

Quis tu es? quis mihi es?

Cur meam tibi? heus,

Proximus sum egomet mihi.

Attamen, ubi fides, si roges, non pudet hic,

Ubi opus 'st: illic, ubi nil opus 'st, ibi verentur. 64 15
 Sét quid agam? adeamne ad eum, et cum eo injúriam hanc
 expóstulabam?

Ingeram mala múlta? atque aliquis dicat, Nil promóveris:

Múltum. Molestus certe ei fuero, atque ánimo morem gesseró.

PA. Charíne, et me et te inprúdens, nisi quid Dī respiciunt, pérdidi.

CH. I'tane inprúdens? tándem inventa'st caúsa. solvisti fidem. 20

PA. Quid tandem? C. Etiam nunc me ducere istis dictis póstulas?

PA. Quid istuc est? C. postquám me amare dixi, complacítat tibi.

Heú me miserum, qui tuum animum ex ánimo spectavi meo.

PA. Fálus es. C. non sátis tibi esse hoc sólídum visum'st gáudium;

Nísi me lactassés amantem, et fálsa spe producercs. 23

Hábeas. P. hábeam? ah nescis quantis in malis verser miser;

Quantásque hic suis consiliis mihi confécit sollicitúdines

Meus cárnufex. C. quid istuc tam mirum, dé te si exemplúm capit?

PA. Haut istuc dicas, si cognoris vél me vel amorém meum.

CH. Scio: cúmpatre altercásti dudum: et is nunc propterea tibi 30

Suscénsset: nec te quívit hodie cógere, illam ut dúceres.

PA. Immo étiam, quo tú minus scis aerumnás meas,

Haec núptiae non ádparabantúr mihi:

Nec póstulabat nunc quisquam uxorém dare.

CH. Scio: tú coactus tuá voluntate és. P. mane: 35

Nondum étiam scis. C. scio équidem ducturum ésse te.

PA. Cur me énicas? hoc aúdi. numquam déstitit

Instáre, ut dicerém me ducturúm patri;

Suadére, orare, usque ádeo donec pérpúlit.

CH. Quis homo istuc? P. Davos. C. Dávos? P. intertúrbat. 40

C. quamobrem? P. nescio;

Nisi mihi deos sátis fuisse irátos, qui auscultáverim.

CH. Factum ést hoc, Dave? D. fáctum est. C. hem, quid ais scelus?

At tibi Dī dignum fáctis exitiúm duint.

Eho, dic mihi, si omnes hunc conjectum in núptias

Inimíci vellent; quód, ní hoc, consiliúm darent? 45

DA. Decéptus sum, at non défetigátus. C. scio.

DA. Hac nón successit, ália adgrediémúr via.

Nisi si id putas, quia prímo processit parum,

Non pósse jam ad salútem converti hoc malum.

PA. Immo étiam: nam sátis crédo, si advigiláveris, 50

Ex únīs gémínas mihi conficies núptias.

DA. Ego, Pámphile, hoc tibi pró servitio débito,

Conári manibus, pédibus, noctisque ét dies:

Capitis periculum adíre, dum prosím tibi:

Tuum'st, si quid praeter spem évenit, mi ignóscere. 55

Parúm succedit quód ago: at facio sédulo.

Vel mélius tute réperi, me missúm face.

PA. Cupio: restitue quem á me accepisti locum.

DA. Faciam. *P.* áť jam hoc opus est. *D.* hém! set mane; concrepuit a Glycerio ostium.

PA. Nihil ád te. *D.* quaero. *P.* hem, nuncne demum? *D.* at jam hoc tibi inventum dabo. 60

ACTUS IV. SCENA II.

MYNIS. PAMPHILUS. CHARINUS. DAVUS.

My. Iam, tibi ubi erit, inventum tibi curabo, et mecum adductum Tuum Pamphilum: tu modo, ánime mi, nolí te macerare.

PA. Mysis. *M.* quis est? hem! Pamphile, optumé te mihi offers. *P.* quid est?

My. Orare jussit, si se ames, era, jam ut ad sese vénias: Videre ait te cupere. *P.* vah, perii: hoc malum integráscit. 5

Sicine me atque illam operá tua nunc miseros sollicitáric? Nam idcirco adcersor, nuptias quod mi ádparari sénsit.

CH. Quibus quidem quam facile potuerat quiesci, si hic quiesset. *DA.* Age, si hic non insanit satis sua sponte, instiga. *M.* atque edepol

Ea res est: propterea que nunc misera in moerore est. *P.* Mysis, 10

Per ómnis tibi adjuró deos, numquam eam me deserturum; Non, si capiundos mihi sciam esse inimicos omnis homines.

Hanc mi expetivi, contigit: convéniant mores: váleant,

Qui inter nos discidium volunt: hanc, nisi mors, mi adimet nemo. *My.* Resipisco. *P.* non Apóllinis magis verum atque hoc re-

sponsum est. 15

Si poterit fieri, ut né pater per me stetisse crédat,

Quo minus hae fierent nuptiae, voló. set si id non poterit,

Id faciam, in proclivi quod est, per me stetisse ut crédat.

Quis videor? *C.* miser, aequé atque ego. *D.* consilium quaero.

C. fortis 's;

Si quid conere. *D.* hoc ego tibi profecto effectum reddam. 20

PA. Iam hoc opus est. *D.* quin jam habeo. *C.* quid est? *D.* huic, non tibi habeo, ne érres.

CH. Sat habeo. *P.* quid facies? cedo. *D.* dies mi hic ut satis sit véreor Ad agendum: ne vacuum esse me nunc ád narrandum crédas:

Proinde hinc vos amollimini: nam mi impedimento éstis.

PA. Ego hanc visam. *D.* quid tu? quo hinc te agis? *C.* verum vis dicam? *D.* inumo etiam 25

Narrationis incipit mi initium. *C.* quid me fiet?

DA. Eho tu impudens, non satis habes, quod tibi dieculam áddo, Quantum huic promoveo nuptias? *C.* Dave, áť tamen. *D.* quid ergo?

CH. Ut dúcam. *D.* ridiculum. *C.* huc face ad me vénias, si quid poteris.

1. requirit

DA. Quid véniam? nil habeo. *C.* at tamen siquid — *D.* age, veniam. *C.* si quid; 30
D. Domi éro. *D.* tu, *Mysis*, dum éxco, parúmper, opperire hic.
My. Quaprópter? *D.* ita factó ést opus. *M.* matura. *D.* jam inquam hic ádéro.

ACTUS IV. SCENA III.

MYSIS.

My. Nilne ésse proprium cuíquam? *Di* vostrám fidem: Summúm bonum esse eraé putabam hunc Pámphilum, Amícum, amatorém, virum in quovís loco Parátum: verum ex eo nunc misera quém capit Labórem? facile hic plús mali est, quam illic boni. 5
Set Dávós exít. mí homo, quid istuc óbsecro'st?
 Quo pórtas puerum?

ACTUS IV. SCENA IV.

DAVUS. MYSIS.

DA. *Mysis*, nunc opus ést tua Mihi ad hánc rem exprompta málitia atque astútia.
My. Quid nam incepturus 's? *D.* áccipe a me hunc ócius, Atque ánte nostram jánuam adpone. *M.* óbsecro, Humíne? *D.* ex ara hinc súme verbenás tibi, 5
 Atque eas substerne. *M.* quámobrem id túto nóh facis?
DA. Quia sí forte opus sit ad erum jurató mihi Non ádposuisse, ut líquido possim. *M.* intéllego: Nova núnc religio in te istaec incessít, cedo.
DA. Move ócius te, ut quid agam porro, intéllegas. 10
Pro Iúppiter. *M.* quid est? *D.* spónsae pater intérvenit. Repúdio quod consílium primum inténderam.
My. Nescío quid narres. *D.* égo quoque hinc ab délixtera Veníre me adsimulábo: tu, ut subsérvias Orátioni, utcúmque opus sit, verbís vide. 15
My. Ego, quid agas, nihil intéllego: set, sí quid est, Quod méa opera opus sit vóbis, ut tu plús vides, Manébo, ne quod vóstrum remorer cómmodum.

ACTUS IV. SCENA V.

CHREMES. MYSIS. DAVUS.

CH. Rev értor, postquam quae ópus fuere ad núptias Gnataé paravi, ut júbeam accersi. sét quid hoc?
Puer hércle'st. mulier, tu ádpoquisti hunc? *M.* úbi illic est?
CH. Non míhi respondes? *M.* núsquam est. vae miseraé mihi,

Reliquit me homo, atque abiit. *D.* Di vestram fidem, 5
Quid turbæ aput foram' est? quid illic hominum litigant?
Tum annona cara' est. quid dicam aliud, nescio.

|| *My.* Cur tu obsecro hic me solam? *D.* hem! quæ hæc est fabula?
Eho, Mysis, puer hic unde est? quisve huc attulit?

My. Satin' sapius' es, qui me id rogitas? *D.* quem ego igitur rogem? 10
Qui hic neminem alium videam. *Ch.* miror, unde sit.

Da. Dicturan' quod rogo? *M.* ahi. *D.* concede ad dexteram.

My. Deliras: non tute ipse? *D.* verbum si mihi

Unum prætereacquam quod te rogo facis, cave.

My. Male dicis. *D.* unde' est? dic clare. *M.* a nobis. *D.* ahahe! 15

Miram vero, inprudenter mulier si facit

Meretrix. *Ch.* ab Andria est hæc, quantum intellego.

Da. Adeon' videmur vobis esse idonei,

In quibus sic inludatis? *Ch.* veni in tempore.

Da. Propera adeo puerum tollere hinc ab janua: 20

Mane: cave quoquam ex istoc excessis loco.

My. Di te eradicient: ita me miseram territas.

Da. Tibi dico ego, annon? *M.* quid vis? *D.* at etiam rogas?

Cedo, cum puerum hic adposuisti? dic mihi.

My. Tu nescis? *D.* mitte id, quod scio: dic, quod rogo. 25

My. Vestri. *D.* cuius nostri? *M.* Pamphili. *D.* hem, quid?
Pamphili?

My. Eho, annon est? *Ch.* recte ego semper fugi has nuptias.

Da. O facinus animadvertendum. *M.* quid clamitas?

Da. Quemne ego heri vidi ad vos adferri vesperi?

My. O hominem audacem. *D.* verum. vidi Cantharam 30

Suffarcinatam. *M.* Dis pol habeo gratiam,

Cam in pariundo aliquot adfuerunt liberæ.

Da. Ne illa illum haut novit, cuius causa hæc incipit.

Chremes, si positum puerum ante aedis viderit,

Suam gnatham non dabit: tanto hercle magis dabit. 35

Ch. Non hercle faciet. *D.* nunc adeo, ut tu sis sciens,

Nisi puerum tollis, jam ego hunc in mediam viam

Provolvam: teque ibidem pervolvam in luto.

My. Tu pol homo non es sobrius. *D.* fallacia

Alia aliam trudit. jam susurrari audio, 40

Civem Atticam esse hanc. *Ch.* hem. *D.* coactus legibus

Eam uxorem ducet. *M.* eho, obsecro, an non civis est?

D. Iocularium in malum inciens paene incidi.

Da. Quis hic loquitur? o Chremes, per tempus advenis.

Ausculta. *C.* audiavi jam omnia. *D.* ah ne tu omnia! 45

Ch. Audiavi, inquam, a principio. *D.* audistin', obsecro? hem

Scelera, hanc jam oportet in cruciatum hinc abripi.

Hic est ille: non te credas Davom ludere.

1 - quidam 3 - ...
2 - ...

My. Me miseram: nil pol falsi dixi, mi senex.

Ch. Novi omnem rem, est Simo intus? *D.* est. *M.* ne me attigas, 50
Scelēste, si, pol Glycērio non omnia haec.

Da. Eho inēpta, nescis quid sit actum? *M.* qui sciam?

Da. Hic sōcer est, alio pācto haut poterat fieri,
Ut sciret haec, quae voluimus. *M.* praediceres.

Da. Paulum interesse censes, ex animo omnia, 55
Ut fērt natura, facias, an de indūstria?

ACTUS IV. SCENA VI.

CRITO hospes. *MYSTIS.* *DAVUS.*

Ch. In hac habitasse plātea dictum'st Chrysīdem,
Quae sibi inhoneste optāvit parere hic divitias,
Potius quam honesto in pātria pauper viveret:
Eius mōrte ea ad me lēge redierunt bona.

Set quos perconter. video. salvete. *M.* obsecro, 5
Quem video? estne hic Critō sobrinus Chrysīdis?

Is est. *Ch.* o Mysis, salue. *M.* salvos sis Crito.

Ch. Itan' Chrysis? hem. *M.* nos pol quidem miseras pēdidit.

Ch. Quid vōs, quo pacto hic? sātine recte? *M.* nōsne? sic
Ut quīmas, ajunt; quādo, ut volumus, nōn licet. 10

Ch. Quid Glycērium? jam hic suos parentes rēpperit?

M. Utinam. *Ch.* an nondum etiam? haut auspicato huc me addūli:

Nam pol, si id scissem, nūquam huc tetuliasēm pedem:

Sempēr enim diēta est ēsse haec atque habita est soror: 15
Quae illius fuerunt, possidet: nunc me hōspitem

Litēs sequi, quam id mihi sit facile atque utile,

Aliōrum exempla cōmmonent: simul arbitror,

Jam esse aliquem amicum et dēfensorem ei: nām fere

Grandiūscula jam profēcta'st illinc. clāmitent, 20
Me sycophantam: hereditatem pērsequi,

Mendicum: tum ipsam dēspoliare nōn lubet.

My. O optume hospes, pol, Crito, antiquum obtines.

Ch. Duc me ad eam: quando huc veni, ut videam. *M.* maxime.

Da. Sequar hōs: nolo me in tēpore hoc videāt senex.

ACTUS V. SCENA I.

CHREMES. *SIMO.*

Ch. Satis jam, satis Simo, spectata erga te amicitia'st mea:

Satis periculi incēpi adire: orādi jam finēm face.

Dūm studeo obsequi tibi, paene inlūsi vitam filiae.

Sr. Immo enim nunc cū maxime abs te pōstulo atque orō, Chreme,
U't beneficium vērbiis inītum dūdam, nunc re cōmproba. 5

CH. Vide quam iniquus sis prae studio: dum id efficias, quod cupis, Néque modum benignitatis, néque quid me ores, cogitas: Nam si cogites, remittas jam me onerare injuriis.

SI. Quibus? *CH.* at rogitas? perpulisti me, ut homini adulescéntulo, In alio occupato amore, abhórrenti ab re uxória, 10

Filiam darem in seditionem, atque in incertas nuptias;

Eius labore atque eius dolore gnato ut medicarer tuo:

Impetrasti: incépi: dum res tetulit, nunc non fert: feras.

Illam hinc civem esse alunt, puer est natus: nos missos face.

SI. Pér ego te deos oro, ut ne illis ánimum inducas credere, 15

Quibus id maxime útil'est, illum esse quam deterrimum.

Nuptiarum grátia haec sunt facta atque incepta ómnia.

Ubi ea causa, quámobrem haec faciunt, erit adempta his, désinent.

CH. Erras: cum Davo égomet vidi júrgantem ancillám. *S.* scio.

CH. Véro vultu; cum ibi me adesse neuter tum praesénserat. 20

SI. Crédo; et id factúras Davos dúdum praedixit mihi:

Et nescio quid tibi sum oblitus hódie, ac volui, dicere.

ACTUS V. SCENA II.

DAVUS. CHREMES. SIMO. DROMO.

DA. A'nimo nunc iam ótioso esse impero. *CH.* hem Davóm tibi.

SI. Unde egreditur? *D.* meo praesidio atque hóspitis. *S.* quid illúd mali est?

DA. Ego commodiorem hóminem, adventum, témpus, non vidí. *S.* scelus, 1

Quémnam hic laudat? *D.* ómnis res est jam in vado. *S.* cesso adloqui?

DA. Erus est: quid agam? *S.* o sálve, bone vir. *D.* éhem, Simo, o nostér Chreme, 5

O'mnia adparáta jam sunt intus. *S.* curasti probe.

DA. U'bi voles, adcérae. *S.* bene sane: id enimveró hinc núnc abest.

Etiam tu hoc respónde, quid istio tibi negoti' est? *D.* mshin'? *S.* ita.

DA. Míhi? *S.* tibi ergo. *D.* módo ego introivi. *S.* quási ego quam dudúm rogem.

DA. Cúm tuo gnato una. *S.* ánné est intus Pámphilus? cruciór miser. 10

E'ho, non tu dixisti esse inter eos inimicitias, cárnufex?

DA. Súnť. *S.* cur igitur hic est? *CH.* quid illum cénsest? cum illa litígat.

DA. Immo veró indignúm, Chreme, jam fácius faxo ex me audies.

Néscio, qui senéx medo venit: éllum, confidéns, catus:

Cúm faciem videás, videtur esse quantivís preti: 15

Tristis severitás inest in vóltu, atque in verbis fides.

SI. Quidnam adportas? *D.* nil equidem, nisi quód illum audiavi dicere.

TERENTIUS.

Sr. Quid ait tandem? *D.* Glyceriam se scire civem esse A'tticam. *S.* hem,

Dromo, *Dromo*. *Dr.* quid est? *S.* *Dromo*. *D.* audi. *S.* verbum si addideris, *Dromo*.

Da. Audi, obsecro. *Dr.* quid vis? *S.* sublimem hunc intro rape, quantum petas. 20

Dr. Quem? *S.* Davona. *D.* quamobrem? *S.* quia libet. rape inquam. *D.* quid feci? *S.* rape.

Da. Si quicquam invenies me mentitum, occidite. *S.* nihil audio. Ego jam te commotum reddam. *D.* tamen etsi hoc verum est? *S.* tamen.

Cura edservandum vinctum. atque audin'? quadrupedem constringito.

Age nunc iam: ego pol hodie, si vivo, tibi 25

Ostendam, erum quid sit periculi fallere,

Et illi patrem. *Ch.* ah ne saevi tantopere. *S.* o Chreme,

Pietatem gnati. nonne te miseret mei?

Tantum laborem capere ob talem filium?

Age, Pamphile: exi, Pamphile: ecquid te pudet? 30

ACTUS V. SCENA III.

PAMPHILUS. SIMO. CREMES.

Pa. Quis me volt? perii, pater est. *S.* quid ais, omnium? *Ch.* ah, Rem potius ipsam dic, ac mitte male loqui.

Sr. Quasi quicquam in hunc jam gravius dici possiet.

Ain' tandem, civis Glycerium'st? *P.* ita praedicant.

Sr. Ita praedicant? o ingentem confidentiam: 5

Num cogitat quid dicat? num facti piget?

Num eius color pudoris signum usquam indicat?

Adeo impotenti esse animo, ut praeter civium

Morem atque legem, et sui voluntatem patris,

Tamen hanc habere studeat cum summo probro? 10

Pa. Me miserum. *S.* hem, inodone id demum sensi, Pamphile?

Olim istuc, olim, cum ita animum induxisti tuum,

Quod caperes, aliquo pacto efficiendum tibi:

Eodem die istuc verbum vere in te accidit. 15

Set quid ego me autem exerceo? cur me macero?

Cur meam senectutem huius sollicito amentia?

An ut pro huius peccatis ego supplicium sufferam?

Immo habeat, valeat, vivat cum illa. *P.* mi pater.

Sr. Quid mi pater? quasi tu huius indigeas patris.

Domus, uxor, liberi inventi invito patre. 20

Adducti qui illam civem hinc dicant: viceris.

Pa. Pater, licetne pauca? *S.* quid dicēs mihi?

Ch. Tamen, Simo, audi. *S.* egon' audiam? quid ego audiam, Chreme? *Ch.* at tamen dicat sine. *S.* age dicat: sino.

Pa. E'go me amare hanc fateor. si id peccare est, fateor id quoque. 25
Tibi, pater, me dedo. quidvis oneris impone: impera:

Vis me uxorem ducere? hanc vis mittere? ut poteró, feram.
Hoc modo te obsecro, ut ne credas á me adlegatum hunc senem:
Sine me expurgem, atque illum huc coram adducam. S. ad-
ducas? Pa. sine, pater.

Ch. Aequum postulat: da veniam, *P.* sinete hoc exorém. *S.* sino. 30
Quidvis cupio, dum ne ab hoc me falli comperiár, Chreme.

Ch. Pro peccato magno paulum supplicii satis est patri.

ACTUS V. SCENA IV.

CRITO. CHREMES. SIMO. PAMPHILUS.

Cr. Mitte orare. una haram quaevis causa me ut faciam monet,
Vel tu, vel quod verum est, vel quod ipsi cupio Glycerio.

Ch. Andrium ego Critonem video? certe is est. *Ch.* salvos
sis, Chreme.

Ch. Quid tu Athenas insolens? *Cr.* evenit. set hincine'st Simo?

Ch. Hic. *Ch.* Simo, men' quaeris? *S.* cho, tu Glycerium hinc,
civem esse ais? 5

Cr. Tu negas? *S.* itane huc paratus advenis? *Cr.* qua re? *S.* rogas?

Tunc inane haec facias? tunc hic homines adulescentulos

Inperitos rerum, eductos libere, in fraudem inlicitis

Sollicitando, et pollicitando eorum animos lactas? Ch. sanum' es?

Sr. A'c meretricios amores nuptiis conglutinas? 10

Pa. Perii: metuo, ut substat hospes. Ch. si, Simo, hunc noris satis,

Non ita arbitrere: bonus est hic vir. S. hic vir sit bonus?

Itane adtemperate evenit, hodie in ipsis nuptiis

Ut veniret, antehac numquam? est vero huic credendum, Chreme.

Pa. Ni metuam patrem, habeo pro illa re, illum quod mo-
2 neam probe. 15

Sr. Sycophanta Ch. hem. Ch. sic, Crito, est hic: mitte. Ch.
videat, qui siet.

Si mihi perget quae volt dicere, ea, quae non volt, audiet.

Ego istaec moveo aut curo? non tu tuum malum aequo animo feres?

Nam ego quae dico, vera an falsa audierim, jam sciri potest.

Atticus quidam olim navi fracta ad Andrum ejectus est, 20

Et istaec una parva virgo. tum ille egens forte adplicat

Primum ad Chrysidis patrem &c. S. fabulam inceptat. Ch. sine.

Ch. Itane vero obturbat? Ch. perge. Ch. tum is mihi cognatus fuit,

Qui eum recepit ibi ego audiavi ex illo esse esse Atticum.

Is ibi mortuus est. Ch. eius nomen? Ch. nomen tam cito? 25

P. Phania. Ch. hem,

Perii. *Ch.* verum hercle opinor fuisse Phániam: hoc certó scio, Rhamnúsium sese asbat esse. *Ch.* o Júppiter. *Ch.* eadem haéc, Chreme,

Multi álíi in Andro audivere. *Ch.* utinam id síť, quod spero. eho, dic mihi,

Quid eám tum? suamne esse asbat? *Ch.* non. *Ch.* cújam igitur? *Ch.* fratris filiam.

Ch. Certé mea'st. *Ch.* quid aťs? *S.* quid tu aís? *P.* árrige auris, Pámphile. 30

Sr. Qui crédis? *Ch.* Phania illic frater meus fuit. *S.* noram ét scio.

Ch. Is hinc, béllum fugiens méque in Asiam pérsequens, proficiáscitur;

Tum illam híc relinquere véritus est. postílla nunc primum audio, Quid illó sit factum. *P.* víx sum apud me: ita ánimus commotús'st metu,

Spe, gaudio, mirándo hoc tanto tám repentinó bono. 35

Sr. Ne istám multimodis túam inveniri gaúdeo. *P.* credó, pater.

Ch. At mi únus scrupulus étiam restat, qui me male habet. *P.* dignus es

Cum tuá religione, ódium. nodum in scírpo quacris. *Ch.* quíd istuc est?

Nomén non convenit. *Ch.* fuit hercle huic álíud parvae. *Ch.* quód, Crito?

Numquíd meministi? *Ch.* id quæro. *P.* egon' hujus mémeriam patiar meae 40

Voluptáti obatare, cum égomet possim in hác re medicári mihi?

Non patiar. heus, Chremé, quod quacris, Pásibula. *Ch.* ipsá'st. *Ch.* ea'st.

Pa. Ex ipsa miliés audivi. *Sr.* omnis nos gaudere hóc, Chreme,

Te crédo credere. *Ch.* ita me Di amént, crédo. *P.* quid restat, pater?

Sr. Jam ádúam res reddúxit me ipsa in grátiam. *P.* o lepidíssim patrem. 45

De uxóre, ita ut possédi, nil mutát Chremes. *Ch.* causa óptuma'st:

Nisi síquid páter ait álíud. *P.* nempe id. *S.* scílícet. *Ch.* des, Pámphile, est

Decém talenta. *P.* accépio. *Ch.* propere ad filiam, eho, mecum, Crito:

Nam illám me credo haut nósse. *S.* cur non illam huc transferri jubes?

Pa. Recte ádmones. Davo égo istuc dedam jám negoti. *S.* nó potest. 50

Pa. Qui? *S.* quía habet aliud mágis ex sese et május. *P.* quidnam? *S.* víntus est.

Pa. Patér, non recte víntus'st. *S.* at ita jússi. *P.* jube selvi, óbsecro.

Sr. Age fiat. *P.* at matúre. *S.* eo intro. *P.* o faústum et felicém diem.

ACTUS V. SCENA V.

CHARINUS. PAMPHILUS.

Ch. Proviso, quid agat Pámphilus: atque ecceum. *P.* aliquis me
forsitan ~~quærit~~

Putet, nón putare hoc verum: at mihi nunc sic esse hoc verum liquet.
Egò Deorum vitam eapropter sémpernam esse árbítror,
Quod volúptates eórum propriæ sũnt: nam mi immortálitás
Partá'st, si nulla umquam aégritudo huic gaudio intercésset. 5
Sed quém ego mihi potissimùm optem, cui nunc hæc narrém, dari?
Ch. Quid illud gaudi est? *P.* Dávom video. nemo'st, quem
mallem ómnium:

Nam hunc scio mea sólíde solum gávisurum gaúdia.

ACTUS V. SCENA VI.

DAVUS. PAMPHILUS. CHARINUS.

Da. Pámphilus ubinam'st? *P.* hic est, Dave. *D.* quis homo'st?
P. ego sum Pámphilus:

Nécis quid mi obtigerit. *D.* certe: sét quid mi obtigerit scio.

Pa. Et quidem ego. *D.* more hóminum evenit, út, quod sim
ego nactús mali,

Prius resciscerés tu, quam ego quód tibi evenít boni.

Pa. Mæa, Glycerium suós parentes répperit. *D.* factúm bene. 5
C. hem.

Pa. Páter amicus súmmus nobis. *D.* quis? *P.* Chremes. *D.*
narrás probe.

Pa. Née mora ulla est, quín jam uxorem dúcam. *C.* num ille sómniat

Ea, quæ vigilans voluit? *P.* tum de púero, Dave? *D.* ah désine:

Sólus es, quem diligunt Di. *C.* sálvos sum, si hæc véra sũnt.

Cónloquar. *P.* quis homó'st? *Charine,* in témpore ipso mi
ádvenis. 10

Ch. Béné factum. *P.* audisti? *C.* ómnia. age, me in tuis
secundis réspicé.

Tuus est nunc Chremés: facturum quæ voles scio esse ómnia.

Pa. Ménini: atque adeo longum'st, nos illum éxpectare, dum éxeat.

Séquere hac me. intus ápud Glycerium núnc est. tu, Dave,
ábi domum:

Própero adcere, hinc qui áuferant eam. quid stas? quid ces-
sás? *D.* eo. 15

Ne éxpectetis dum éxeant huc: intus despondébitur:

Intus transigétur si quid ést quod restet. Pláúdite.

12 avatavna

TERENTII EUNUCHUS.

C. SULPITII APOLLINARIS PERIOCHA IN EUNUCHUM.

*Sororem falso dictitalam Tháidis,
Id ipsum ignorans miles advenit Thraso,
Ipsique donat. erat haec civis Áttica.
Eidem Eunuchum, quem émerat, tradi jubet
Tháidis amator Phaédria, ac rus ipse abit,
Thrasóni oratus biduum concéderet.
Ephébus frater Phaédriae puéllulam
Cum déperiret dono missam Tháidi,
Ornatu Eunuchi indúitur. suadet Pármeno.
Introiit. vitiat virginem. sed Átticus
Civis repertus fráter ejus cóllocat
Vitiátam ephebo. Phaédriam exorát Thraso.*

ACTA LUDIS MEGALENSIB. L. POSTUMIO ALBINO L. CORNELIO
MERULA AEDILIB. CURULIB. EGERE L. AMBIVIVS TURPIO, L.
ATILIUS PRAENESTINUS. MODOS FECIT FLACCUS CLAUDI TI-
BIIS DUABUS DEXTRIS. GRAECA MENANDRU. ACTA II. M. VA-
LERIO, C. FANNIO COSS.

Fabulae interlocutores.

PHAEDRIA , adolescens, amator Thaidis.	CHREMES , adolescens, frater Pamphilae.
PARMENO , servus Phaedriae.	ANTIPHO , adolescens.
THAIS , meretrix.	DORIAS , ancilla Thaidis.
GNATHO , parasitus Thrasonis.	DORUS , Eunuchus.
CHAEREA , adolescens, amator Pamphilae.	SANGA , ex exercitu Thrasonis.
THRASO , miles, rivalis Phae- driae.	SOPHRONA , nutrix Pamphilae.
PYTHIAS , ancilla Thaidis.	LACHES , senex, pater Phaedriae et Chaereae.

Personae mutae:

PAMPHILA , soror Chremetis, Thai- di dono data a Thrasone.	SIMALIO ,	} exercitus Thrasonis, Thaidem oppugnans.
	DONAX ,	
	SYRISCUS ,	

P R O L O G U S.

Si quisquam est, qui placere se studeat bonis
 Quam plurimis, et minime multos laedere,
 In his poëta hic nomen proficitur suum.
 Tum si quis est, qui dictum in se inclementius
 Existimarit esse, sic existimet: 5
 Respösum, non dictum esse, quia laesit prior,
 Qui bene vertendo, et eandem scribendö male,
 'X Graecis bonis Latinas fecit non bonas:
 Idem Menandri Phäasma nunc nupér dedit:
 Atque in Thesauro scripsit, causam dicere 10
 Prius unde petitur, aurum quare sit suum,
 Quam illic qui petit, unde is sit thesaurüs sibi:
 Aut unde in patrum monumentum pervenerit.
 Dehinc, né frustretur ipse se, aut sic cogitet,
 Defunctus jam sum, nihil est, quod dicat mihi: 15
 Is ne erret, moneo, et desinat lacessere.
 Habeo alia multa, nunc quae condonabitur;
 Quae proferentur post, si perget laedere;
 Ita ut facere instituit, quam nunc acturi sumus
 Menandri Eunuchum, postquam Addiles emerunt; 20
 Perfecit, sibi ut inspicundi esset copia.
 Magistratus cum ibi adessent, accepta'st agi.
 Exclamat, furem, non poëtam, fabulam
 Dedisse, et nil dedisse verborum tamen:
 Colacem esse Naevi et Plaüti veterem fabulam: 25
 Parasiti personam inde ablatam et militis.
 Si id est peccatum, peccatum inprudéntia'st
 Poëtae: non quo furtum facere stüduerit:
 Id ita esse, vos jam iudicare poteritis.
 Colax Menandri est: in ea est parasitus Colax, 30
 Et miles gloriösus: eas se hic non negat
 Personas transtulisse in Eunuchum suam
 Ex Graeca: set eas fabulas factas prius
 Latinas scisse sese, id vero pernegat.
 Quod si personis isdem huic uti non licet: 35
 Qui magis licet currentem servom scribere,

Bonâs matronas facere, meretricês malas,
 Parasitum edacem, glôriosum militem,
 Puerum supponi, falli per servum senem,
 Amare, odisse, suspicari? denique 40
 Nullum est jam dictum, quod non dictum sit prius.
 Quare æquum est vos cognoscere atque ignoscere,
 Quae veteres factitarunt, si faciunt novi.
 Date operam, cum silentio animum attendite,
 Ut pernoscatis, quid sibi Eunichus velit. 45

ACTUS I. SCENA I.

PHÆDRIA adolescens. PARMENO servus.

PH. Quid igitur faciam? non cap, ne nunc quidem
 Cum addeor ultro? an potius ita me comparem,
 Non perpeti meretricum contumelias?
 Exclisit: revocat: redeam? non, si me obsecret.
 PA. Siquidem herole possis, nil prius, neque fortius: 5
 Verum si incipies, neque pertendes naviter,
 Atque ubi pati non poteris, cum nemo expetet,
 Infecta pace, ultro ad eam venies; indicans
 Te amare, et ferre non posse: actum est. illicet.
 Peristi. eludet, ubi te victum senserit. 10
 Proin tu, dum est tempus, etiam atque etiam hoc cogita,
 Ere, Quae res in se neque consilium, neque modum
 Habet ullum, eam rem consilio regere non potes.
 In amore haec omnia insunt vitia: injuriae,
 Suspiciones, inimicitiae, indutiae, 15
 Bellum, pax rursum: incerta haec si tu postules,
 Ratione certa facere, nihilo plus agas,
 Quam si des operam, ut cum ratione insanias.
 Et quod nunc tute tecum iratus cogitas,
 Egone illam? quae illum? quae me? quae non? sine modo, 20
 Morí me malim: sentiet qui vir slem:
 Haec verba una mehercle falsa lacrimula,
 Quam oculos terendo misere vix vi expresserit,
 Restingnet: et te ultro accusabit: et dabis
 Ultro ei supplicium. PH. o indignum facinus: nunc ego 25
 Et illam scelestam esse, et me miserum sentio:
 Et taedet: et amore ardeo: et prudens, sciens,
 Vivus vidensque pereo: nec quid agam scio.
 PA. Quid agas? nisi ut te redimas captum quam queas
 Minimó: si nequeas paululo, at quanti queas: 30
 Et ne te adflixes. PH. itane suades? PA. si sapis.
 Neque, praeterquam quas ipse amor molestias

Habet, áddas: et illas, quas habet, recté foras.
 Set ecta ipsa egreditur, nóstri fandi cálamitas:
 Nam quód nos capere opórtet, haec intércipit.

33

ACTUS I. SCENA II.

THAIS meretrix. PHAEDRIA. PARMENO.

TH. Miserám me, vereor, ne illud gravius Phaédria
 Tulerít, neve aliorum áque ego feci accéperit,
 Quod heri întromissus nóñ est. PH. totus, Parmeno,
 Tremo hórréoque, póstquam aspexi hanc. PA. bóno animo es:
 Accéde ad ignem hunc, jáñ calesces plús satís. 5

TH. Quis hic lóquitur? ehem, tu' híc eras, mi Phaédria?
 Quid hic stábas, cur non récta introibas? PA. céterum
 De exclúsione vérbum nullum. TH. quíd taces?

PH. Sané, quia vero hae mihi páteant sempér focae,
 Aut quía sum apud te primus. TH. missa istaec face. 10
 PH. Quid missa? o Thais, Tháis, utinam essét mihi
 Pars aequa amoris técum, ac paritér fieret,
 Ut nút hoc tibi doléret itidem, ut núhi dolet,
 Aut égo istuc abs te fáctam nihili pónderem.

TH. Ne crúcia te obsecro, áñime mi, mi Phaédria. 15
 Non pól, quo quemquam plús ameni aut plús díligam,
 Eo féci: set ita erát res, faciundúm fuit.

PA. Credo, út fit, misera praé amore exclasti hunc foras.

TH. Sicíne agis, Parmeno? áge: set huc qua grátia
 Te accérsi jussi, auscúltá. PH. fiat. TH. díe mihi 20
 Hoc prímum, potin' est híc tacere? PA. egone? óptume.
 Verum heús tu, hac lege tibi meam adstringó fidem:
 Quas véra audiui, táceo et contíneo óptume:

Sin fálsum aut vanum aut fictum'st, continuó palam'st:
 Plenús rimarum sum, háo atque illac pérfluo. 25

Proin tú, taceri sí vis, vera dícite.

TH. Samiá mihi mater fúit: ea habitabát Rhodi.

PA. Potést taceri hoc. TH. túm ibi matri párvolam

Puélлам dono quídám mercatór dedit,

Ex Áttica hinc abréptam. PH. civemne? TH. árbitror: 30

Certúm non scímus: mátris nomen ét patris

Dicébat ipsa: pátriam et signa cétera

Neque scíbat, neque per aétatem etiam pótis erat.

Mercatór hoc addébat: e pracdónibus,

Unde émerat, se audisse abréptam e Súnio. 35

Matér ubi accepit, coépít studiosé ómnia

Docére, educere, ita uti si esset filia.

Sorórem plerique éssé credebánt meam.

Ego cum illo, quicum tumi uno rem habebam hópíte,
Abiit húc: qui mihi reliquit haec, quae habeo, ómnia. 40

P. Utrúmque hoc falsum est: effluet. *Th.* qui istúc? *P.* quia
Neque tu uno eras conténta, neque solús dedit:

Nam hic quóque bonam magnámque partem ad te áttalit.

Th. Itá est: set sine me pórvenire, qué volo.

Intérea miles, qui me amare occéperat, 45

In Cáriam est profectus: te intérea loci

Cognóvi. tute scís postilla quam intumum

Habeám te: et mea consília ut tibi credam ómnia.

P. Neque hóc tacebit Pármeno. *P.* oh, dubitámne id est?

Th. Hoc ágite, amabo. máter mea illic mórtua est 50

Nupér: ejus frater áliquantum ad rem est ávidior.

Is, ubi hanc forma videt honesta virginem

Et fidibus scire, pretium sperans ilico

Prodúcit: vendit: fórte fortuna ádfuit

Hic méus amicus: émit eam donó mihi, 55

Inprúdens harum rérum ignarusque ómnium.

Is vénit: postquam sénsit me tecúm quoque

Rem habére, fingit causas, ne det, sédula:

Ait, sí fidem habeat se íri praepositum tibi

Apút me; ac non id métuat, ne, ubi accéperim, 60

Sesé relinquam; velle se illam mihi dare:

Verum id vereri. sét ego quantum súspicor,

Ad virginem animum adjécit. *P.* etiamne ámplius?

Th. Nil: náa quaesivi. núnc ego eam, mi Phaédria,

Multaé sunt causae, quámobrem cupiam abdúcere: 65

Primúm quod soror est dicta: praeterea út suis

Restituam ac reddam. sóla sum: habeo hic néminem,

Neque amicum neque cognátum. quamobrem, Phaédria,

Cupio áliques parere amícos benefició meo.

Id, amábo, adjuta mé, quo id fiat fácilius. 70

Sine illúm priores pártes hosce aliquót dies

Apút me habere. nil respondes? *P.* péssuma,

Egon' quicquam cum istis factis tibi respóndeam?

P. Eu nóster, laudo: tándem perdoluit: vir es.

P. At égo nescibam, quórsum tu ires: párvola 75

Hinc ést abrepta: edúxit mater pró sua:

Soror dicta est: cupio abdúcere, ut reddám suis:

Nempe ómnia haec nunc vérba huc redeunt dénique,

Ego excludor: ille récipitur. qua grátia?

Míhi sí illum plus amás quam me, et istam núnc times, 80

Quae advécta est, ne illum tálem praeripiát tibi.

Th. Ego id timeo? *P.* quid te ergo áliud sollicitát? cedo.

Num sólus ille dóna dat? nuncúbi meam

- Benignitatem sēnsisti in te clāudior?
 Nonne, ubi mi dixti, cūpere te ex Aethiopia 85
 Ancillulam, relictis rebus omnibus
 Quaesivi? porro eunūchum dixti velle te,
 Quia solae utuntur his reginae: répperi.
 Heri minas pro ambobus viginti dedi.
 Tamén contemptus abs te haec habui in memoria: 90
 Ob haec facta abs te spérnor. TH. quid istic Phaédria?
 Quamquam illam cupio abducere, atque hac re árbítror
 Id fieri posse máxime: verúntamen,
 Potiús quam te inimicum hábeam, faciam ut jússeris.
 PH. Utinam istuc verbum ex ánimo ac vere diceret: 95
 Potiús quam te inimicum hábeam: si istuc créderem
 Sincére dici, quidvis possem pépeti.
 PA. Labáscit, victus úno verbo, quám cite!
 TH. Ego nón ex animo mísera dico? quám joco
 Rem vólúisti a me tándem, quin perféceris? 100
 Ego impetrare néqueo hoc abs te, bíduum
 Saltem út concedas sólum. PH. siquidem bíduum.
 Verúm ne fiant isti viginti dies.
 TH. Profécto non plus bíduum aut — PH. aut? níl moror.
 TH. Non fiet: hoc modo sine te exorem. PH. scilicet 105
 Faciéndum'st quod vis. TH. mérito te amo, bōne facis.
 PH. Rus ibo: ibi hoc me mácerabo bíduum:
 Ita fácere certum'st: mós gerundus'st Tháidi.
 Tu, Pármeno, huc fac illi ádducantur. P. máxime.
 PH. In hoc bíduum, Tháís, vale. TH. mi Phaédria, 110
 Et tú: nūquid vis áliud? PH. egone quíd velim?
 Cum mílite isto praesens, absens út sies:
 Díes noctesque mé ames: me desíderes:
 Me sómnes: me expéctes: de me cógites:
 Me spéres: me te oblécetes: mecum tóta sis: 115
 Meus fác sis postremo ánimus, quando ego súm tuus.
 TH. Me míseram, forsan párvam hic habeat míhi fidem,
 Atque ex aliarum ingéniis nunc me júdicet.
 Ego pól, quae míli sum cóscia, hoc certó scio,
 Neque mé finxisse fálsi quicquam, néque meo 120
 Cordi ésse quemquam cáriorem hoc Phaédria:
 Et quicquid hujus féci, causa vírginis
 Féci: nam me ejus spéro fratrem própemodum.
 Jam répperisse, aduléscentem adeo nóbilem:
 Et is se hódie venturum ad me constituit domum. 125
 Concédam hinc intro, atque éxpectabo, dūm venit.

ACTUS II. SCENA I.

PHAEDRIA. PARMENO.

PH. Fác, ita ut jussi, deducantur isti. *PA.* faciam. *PH.* at diligenter. *PA.* Fiet. *PH.* at matúre. *PA.* fiet. *PH.* sátime hoc mandatúm est tibi? *PA.* ah

Rogítare, quasi difficile sit.

U'tinam tam aliquid invenire fácte possis, Phaédria, Quam hóc peribit. *PH.* égo quoque una péreo, quod mi est cárius: 5 Ne istúc tam iniquo pátiare animo. *PA.* mínime: quin efféctum dabo. Sét núm quid aliud imperas?

PH. Múnus nostrum ornáto verbis, quód poteris: et istum aémulum, Quod póteris, ab ea péllito. *PA.* ah, Mémini, tametsi núllus moneas. *PH.* égo rus ibo, atque ibi manebo. 10

PA. Cénseo. *PH.* set heús tu. *PA.* quid vis? *PH.* cénseñ posse me óffirmare et

Pérpeti, ne rédeam interea? *PA.* téne? non hercle árbitror: Nam aut jám revertere; aut mox noctu te ádiget hórsum insómnia.

PH. Opus fáciam, ut defetiger usque, ingrátis ut dórmiam.

PA. Vigilábis lassus: hóc plus facies. *PH.* ah, nil dicis, Pármeno. 15 Ejíciunda hercle est haéc mollities ánimí: nimis me indúlgeo. Tandém non ego illa cárcam, si sit ópus, vel totum trídium?

PA. hui,

U'niversum trídium? vide quid agas. *PH.* stat senténtia.

PA. Dí boni, quid hoc mórbi est? adeon' hómines inmutári ex amore, ut nón cognoscas eúndem esse? hoc nemó fuit 20 Mínus ineptus, mágis severus quisquam, nec magis cóntinens. Sét quis hic est, qui huc pérgit? attat, híc quidem est parasítus Gnatho

Míltis: ducit secum una vírginem dono huic: papae, Fácie honesta. mírum, ni ego me túrpiter hodie híc dabo Cúm meo decrepito hóc eunúcho. haec súperat ipsam Tháidem. 25

ACTUS II. SCENA II.

GNATHO parasitus. PARMENO.

GN. Di immortales, hómini homo quid praestat? stulto intéllegens Quid interest? hoc ádeo ex hac re vénit in mentém mihi: Cónveni hodie advéniens quendam meí loci hinc atque órdinis Hóminem haut inpurum, ítidem patria qui ábligurrerát bona: Vídeo sentum, squálidum, aegrum, pánnis ánnisque óbsitum. 5 Quid istuc, inquam, ornáti est? quoniam míser, quod habui, pérdidi: en

Quó redactus sum! ómnes noti me átque amici désérunt.

TERENTIUS.

Hic ego illum contempsisti prae me; quid homo, inquam, ignavissime? Itan' parasti te, ut spes nulla reliqua in te sit tibi?

Simul consilium cum re amisti? viden' me ex eodem ortum loco? 10

Qui color, qui nitor vestitus; quae habitudo est corporis?

Omnia habeo, neque quicquam habeo: nil cum est, nil deficit tamen.

At ego, infelix, neque ridiculus esse, neque plagas pati

Possuum. quid? tu his rebus credis fieri? tota erras via.

Olim isti fuit generi quondam quaestus apud saeculum prius: 15

Hoc novum est aucupium: ego adeo hanc primum invenī viam.

Est genus hominum, qui esse primos se omnium rerum volunt,

Nec sunt; hos consector: hisce ego non paro me ut rideant,

Set eis ultro adrideo, et eorum ingenia admiror simul:

Quicquid dicunt, laudo: id rursum si negant, laudo id quoque: 20

Negat quis? nego, ait? ajo: postremo imperavi egomet mihi

Omnia adsentari. is quaestus nunc est multo uberimus.

PA. Scitum hercle hominem; hic homines prorsum ex stultis insanos facit.

GN. Dum haec loquimur, interea loci ad macellum ubi advenimus; Concurrunt laeti mi obviam cuppeditarii omnes: 25

Cetarii, lanii, coqui, fartores, piscatores,

Quibus et re salva et perdita profueram et prosum saepe:

Salutant: ad cenam vocant: adventum gratulantur.

Ille ubi miser famelicus videt me esse tanto honore, et

Tam facile victum quaerere; ibi homo coepit me obsecrare, 30

Ut sibi liceret discere id de me: sectari iussi,

Si potis est, tanquam philosophorum habent discipuli ex ipsis

Vocabula, parasti item ut Gnathonici vocentur.

PA. Viden' otium et cibus quid facit alienus. GN. set ego cesso

Ad Thaidem hanc deducere, et rogare ad cenam ut veniat? 35

Set Parmenonem ante ostium hic Thaidis tristem video

Rivalis servom: salva res. nimirum hinc homines frigent.

Nebulonem hunc certum est ludere. PA. hinc hoc munere arbitrantur

Suam Thaidem esse. GN. plurima salute Parmenonem

Summum suum impertit Gnatho. quid agitur? PA. statur.

GN. video. 40

Num quidnam hic quod nolis vides? PA. te, GN. credo: at num quid aliud?

PA. Qui dum? GN. quia tristis es. PA. nil quidem. GN. ne sis: set quid videtur

Hoc tibi mancipium? PA. non malum hercle. GN. vero hominem. PA. ut falsus animi es.

GN. Quam hoc munus gratum Thaidi arbitrare esse? PA. hoc nunc dicis,

Ejectos hinc nos; omnium rerum heus vicissitudo est. 45

GN. Sex ego te totos, Parmeno, hos mensas quietum reddam;

Ne súrsum deorsum cúrsites: neve úsque ad lucem vígiles:
Ecquíd beo te? *PA.* mén' ? papae. *GN.* sic sóleo amicos. *PA.* laúdo.
GN. Detíneo te: fortásse tu proféctus alio fúeras.

PA. Nusquám. *GN.* tam tu igitur paúlulum da mi óperae: fac
ut admittar 50

Ad illam. *PA.* age modo nunc tibi patet foris haéc, quia istam dúcis.
GN. Num quem évocari hinc vis foras? *PA.* sine bídium hoc
praetéreat:

Qui mihi nunc uno dígitulo forem áperis fortunátus,
Ne tu istanc faxo cálcibus saepe ínsultabis frústra.

GN. Etiámne tu hic stas, Pármeno? eho numnam híc relictus
cústos, 55

Ne quis forte internúntius clam a mílite ad istam cúrset?

PA. Facéte dictum: míra vero míliti quae pláceant.

Set vídeo erilem filium minórem huc adveníre.

Mirór, quid ex Píraeo ábicrit: nam ibi cústos publice ést nunc,
Nontémere est: et properáns venit: nescío quid circumspectat. 60

ACTUS II. SCENA III.

CHARRBA adolescens. PARMENO.

CH. O'ccidi.

Neque vírgo est usquam: néque ego, qui illam e conspectu
amisi meo.

Ubi quaéram, ubi investigem, quem percónter, qua insistám via,
Incértus sum. una haec spés est; ubi ubi est, diú celari nón potest.
O faciém pulchram: déleo omnis dehínc ex animo múlieres: 5
Taedet cotidiánarum harum fórmarum. *PA.* ecce autem álterum,
Nescío quid de amóre loquitur: o ífortunatúm senem!

Hic véro est, qui si occéperit,

Ladúm jocumque dícas fuisse illum álterum,

Praeut hújus rabies quae dabit. 10

CH. Ut illúm di deae omnes sénium perdant, qui hódie me re-
morátus est;

Meque ádeo, qui restíterim; tum autem qui illum flocci fécerim.
Sét eccum Parmenónem. salve. *PA.* quid tu es tristis? quídvē
es álacris?

U'nde is? *CH.* egone? nescío hercle, neque únde eam, neque
quórsuam eam:

Ita prórsum oblitus súm mei. 15

PA. Qui quaéso? *CH.* amo. *PA.* hem. *CH.* nunc, Pármeno, te
óstendes, qui vír sies.

Scis té mihi saepe póllicitum esse: Chaérea, aliquid ínveni
Modo, quód ames: utilitátem in ea re faciám ut cognoscás meam:
Cum in céllulam ad te pátris penum omnem cóngerebam clánculum.

PA. Age inépte. *CH.* hoc hercle factum'st. fac sis nunc promissa appareant: 20

Sive adeo digna res est, ubi tu nervos intendas tuos.

Haut similis virgo'st virginum nostrarum; quas matres student demissis humeris esse, victo pectore, ut gracilae sient.

Si qua est habitior paulo, pugilem esse aiunt: deducunt cibum: Tametsi bona est natura, reddunt curatura iuncea: 25

Itaque ergo amantur. *PA.* quid tua istaec? *CH.* nova figura oris. *PA.* papae.

CH. Color verus, corpus solidum et succi plenum. *PA.* anni? *CH.* anni? sedecim.

PA. Flos ipse. *CH.* nunc hanc tu mihi vel vi, vel clam, vel precario fac tradas: mea nihil refert, dum petiar modo.

PA. Quid, virgo cuja'st? *CH.* nescio hercle. *PA.* unde'st? *CH.* tantundem. *PA.* ubi habitat? 30

CH. Ne id quidem. *PA.* ubi vidisti? *CH.* in via. *PA.* qua ratione illam amisti?

CH. Id equidem adveniens mecum stomachabar modo: Neque quemquam ego esse hominem arbitror, cui magis bonae Felicitates omnes averse sient.

Quid hoc est sceleris? perii. *PA.* quid factum'st? *CH.* rogas? 35

Patris cognatum atque aequalem Archidemidem Nostine? *PA.* quidni? *CH.* is, dum hanc sequor, fit mi obviam.

PA. Incommodum hercle. *CH.* immo enimvero infelicitur: Nam incommoda alia sunt dicenda, Parmeno.

Illum liquet mi dejerare, his mensibus 40

Sex septem prorsus non vidisse proximis; Nisi nunc, cum minime vellem, minimeque opus fuit.

Eho nonne hoc monstri simile'st? quid ais? *PA.* maxime. *CH.* Continuo adcurrit ad me, quam longè quidem, Incurvus, tremulus, labiis demissis, gemens: 45

„Heus heus, tibi dico, Chaerea,“ inquit. restiti. „Scin' quid ego te volebam?“ dic. „cras est mihi

Iudicium.“ quid tum? „ut diligenter nunties Patri, advocatus mane mi esse ut meminerit.“

Dum haec loquitur, abiit hora. rogo num quid velit. 50

„Recte,“ inquit. abeo. cum hac respicio ad virginem, Illa esse interea commodum huc advoriterat

In hanc nostram plateam. *PA.* mirum ni hanc dicit, modo Huic quae data'st dono. *CH.* huc cum advenio, nulla erat. *PA.* Comitès secuti scilicet sunt virginem, 55

CH. Verum; parasitus cum ancilla. *PA.* ipsa'st: flicet: Desine: jam conclamatum'st. *CH.* alias res agis.

PA. Istuc ago equidem. *CH.* nostin' quareso dic mihi, aut Vidistin'? *PA.* vidi, novi: scio, quo abducta sit.

CH. Eho Pármeno mi, nóstin', et scis úbi siet? 60

PA. Húc deducta'st ad meretricem Tháidem: ei donó data'st.

CH. Quis is est tam poténs, cum tanto múnere hoc? **PA.**
milés Thraso,

• **Phaédriae rivális.** **CH.** duras frátris partis praédicas.

PA. Immo enim si sciás quod donum dóno huic contra cómparet,
Mágis id dicas. **CH.** quódnam quaeso hercle? **PA.** eúnuchum,

CH. illumne, óbsecro, 65

Inhonestum hominem, quem mercatus ést heri, senem múlierem?

PA. Istunc ipsum. **CH.** homó quatiétur certe cum donó foras.

Sét istam Thaidém non scivi nóbis vicinam. **PA.** haút diu'st.

CH. Péríi, numquamne étiam me illam vídisse? ehodum díe mihi:

E'stne, ut fertur, fóрма? **PA.** sane. **CH.** at níhil ad nostram
hanc. **PA.** ália res. 70

CH. Óbsecro hercle, Pármeno, fac ut pótiar. **PA.** faciam sédulo,
Dábo operam, adjutábo: num quid me áliud? **CH.** quo nunc is?

PA. domum,

U't mancipia haec, ita uti jussit fráter, ducam ad Tháidem.

CH. O' fortunatum istum eunuchum; quí quidem in hanc de-
túr domum!

PA. Quid ita? **CH.** rogitas? súmma forma sémper conservám
domi 75

Vidébit, conloquétur: aderit úna in unis aédibus:

Cibúm nonnumquam cápiet cum ea: intérdum propter dórmiet.

PA. Quid sí nunc tute fórtunatus fías? **CH.** qua re, Pármeno?

Respónde. **PA.** capias tu illius vestem. **CH.** véstem? quid
tum póstca?

PA. Pro illó te deducam. **CH.** áudio. **PA.** te illum ésse dí-
cam. **CH.** intéllego. 80

PA. Tu illis fruare cómmodis, quibus illum dicebás modo:

Cibum úna capias, ádsis, tangas, lúdas, propter dórmias:

Quandóquidem illarum néque te quisquam nóvit, neque scit
quí sies.

Praeterea forma et aetate ipse es, fáciie ut pro eunuchó probes.

CH. Dixti pulchre: númquam vídi mélius consiliúm dari. 85

Age eámus intro núnc iam: orna me, ábduc, duc, quantúm potest.

PA. Quid agís? jocabar équidem. **CH.** garris. **PA.** péríi, quid
ego egí miser?

Quo trúdis? perculerís jam tu me. tibi équidem dicó, mane.

CH. Eámus. **PA.** pergin'? **CH.** cértum'st. **PA.** vide ne nímium
calidum hoc síť modo.

CH. Non ést profecto: síne. **PA.** at enim istaec in me cudetúr
faba. **CH.** ah! 90

PA. Flagítium facimus. **CH.** án id flagitium'st, si in domum
meretríciám

Dedúcar, et illis crúcibus, quae nos nóstramque adollescéntiam
 Habent déspicatam, et quae nos semper ómnibus cruciánt modis,
 Nunc réferam gratiam: átque eas itidem fállam, ut ab illis fállimur?
 An pótius par atque aequum'st, pater ut á me ludatúr dolis? 95
 Quod qui rescierint, culpént; illud mérito factum omnes putent.
PA. Quid istíc? si certum'st fácere, facias: vérum ne post cónferas
 Culpam in me. *CH.* non faciám. *PA.* jubesne? *CH.* júbeo,
 cogo, atque ímpero;
 Numquám defugiam auctóritatem. *PA.* séquere: di vortánt bene.

ACTUS III. SCENA I.

THRASO miles. GNATHO. PARMENO.

TH. Magnás vero agere grátias Thais mihi?
GN. Ingéntis. *TH.* ain' tu, laéta'st? *G.* non tam ipso quidem
 Donó, quam abs te datum ésse: id vero sério
 Triúmphát. *P* huc proviso ut ubi tempús siet,
 Dedúcam, set ecum militem. *TH.* est istúc datum 5
 Profécito, ut grata míhi sint quae facio ómnia.
GN. Advórti hercle animum. *TH.* vél rex semper máximas
 Mihi agébat quicquid féceram; aliis nóñ item.
GN. Labóre alieno mágno partam glóriam
 Verbis saepe in se tránsfert, qui habét salcm, 10
 Quod in té est. *TH.* habes. *G.* rex te érgo in oculis. — *TH.* scilicet.
GN. Gestáre. *T.* verum: crédere omnem exércitum,
 Consília. *G.* mirum. *TH.* túm sicubi eum sátietas
 Hominum, aut negoti si quando odium céperat,
 Bequiescere ubi volébat, quasi: nostín? *G.* scio. 15
 Quasi ubi illam expueret míseriam ex animó. *TH.* teneo.
 Tum mé convivam sólum abducebát sibi. *G.* hui,
 Regem élegantem nárras. *TH.* immo sic homo'st:
 Perpatúcorum hominum'st. *G.* immo nullorum, árbitor,
 Si técum vivit. *TH.* invidere omnes mihi, 20
 Mordére clanculum: égo non flocci péndere:
 Illi invidere míseri: verum unús tamen
 Inpénse, elephantis quem l'ndicis praefécerat:
 Is ubi molestus mágis est, quaeso, inquam, Strato,
 Eone és ferox, quia habés imperium in bélnas? 25
GN. Pulchré mehercle dictum et sapientér. papae,
 Inguláras hominem, quid ille? *TH.* mutus ílico.
GN. Quidni éset? *P.* di vostrám fidem! hominem pérditum
 Miserúmque: et illum sacrilegum. *TH.* quid illúd, Gnatho,
 Quo pácto Rhodium tétigerim in convívio, 30
 Numquám tibi dixi? *G.* núnquam: sed narra óbsecro.
 Plus míles jam audívi. *TH.* una in convívio

Erat hic, quem dico, Rhódius adulescéntulus:
 Forte hábui scortum: coépit ad id adlúdere,
 Et me irridere. quid agis, homini inquam, impudens? 35
TH. Quid ést? *G.* facete, lépide, laute, nil supra.
 Tuum óbsecro ne hoc dictum erat? vetus crédidi.
TH. Audieras? *G.* saepe: et fértur in primis. *TH.* meum'st.
GN. Dolet dictum imprudenti ádulescenti, et libero. 40
P. At té di perdant. *G.* quid ille quaeso? *TH.* pérditus.
 Risu ómnes qui aderant, émoriri: dénique
 Metuebant omnes jám me. *G.* non injúria.
TH. Set heús tu, purgon' égo me de istac Tháidi,
 Quod eám me amare súspicata'st? *G.* níl minus. 45
 Immo aúge magis suspicionem. *TH.* cúr? *G.* rogas?
 Scin', sí quando illa méntionem Phaédriae
 Facit aut si laudat; te út male urat? *TH.* séntio.
GN. Id út ne fiat, haéc res sola'st rémedio.
 Ubi nóminabit Phaédriam, tu Pámphilam 50
 Continuo. si quando illa dicet, Phaédriam
 Intrómittamus cómissatum: Pámphilam
 Cantum, tu, provocémus. si laudábit haec
 Illius formam: tu hújus contra. dénique 55
 Par tú pari reférto, quod eam mórdeat.
TH. Siquidém me amaret, tum istuc prodessét, Gnatho.
GN. Quando illud quod tu dás, exspectat átque amat,
 Jam dúdum te amat: jámdudum illi fácale fit,
 Quod dóleat: metuit sémper, quem ipsa núnc capit
 Fructum, ne quando irátus tu alio cónferas. 60
TH. Bene díxí: ac mihi istuc nóñ in mentem vénerat.
GN. Ridículum: non enim cógitaras: céterum
 Idem hóc aut melius túte invenissés, Thraso.

ACTUS III. SCENA II.

THAIS. THRASO. PARMENO. GNATHO. PYTHIAS ancilla.

TH. Audire vocem vísa sum modo mílitis.
 Atque éccum, salve, mí Thraso. *THR.* o Thais mea,
 Meum suávium, quid ágitur? ecquid nós amas
 De fídicina istac? *P.* quám venuste! quód dedit
 Príncipium adveniens! *TH.* plúrimum meritó tuo. 5
GN. Eámus ergo ad cénam: quid stas? *P.* hem álterum:
 Abdómini hunc natum dícas. *THR.* ubi vis, nóñ moror.
P. Adíbo, atque adsimulábo quasí nunc éxeam.
 Itúran', Thais, quópiam es? *TH.* ehem, Pármeno,
 Bene fécisti: hodie' itúra. *P.* quo? *TH.* quid, hunc nóñ vides? 10

P. Video, ét me taedet. úbi vis dona adsúnt tibi
A Phaédria. *THR.* quid stámus? cur non ímus hinc?

P. Quaeso hércle ut liceat, páce quod fiát tua,
Dare huíc quae volumus, cónvenire et cónloqui.

THR. Perpúlchra, credo, dóna, haut nostris símilia. 15

P. Res índicabit. heús jubete istós foras

Exíre, quos jussi, ócius. procéde tu huc.

Ex Aéthiopia est úsque haec. *THR.* hic sunt trés minae.

GN. Vix. *P.* úbi tu es, Dore? accéde huc. hem eunnchúm tibi,
Quam líberali fácie? quam aetate íntegra? 20

TH. Ita mé di ament, honéstus est. *P.* quid tu aí, Gnatho?

Num quíd habes quod contémnas? quíd tu autém, Thraso?

Tacént: satis laudant, fác periculum in líteris,

Fac in palaestra, in músicis: quae líberum

Scire aéquom'st adulescéntem, sollertém dabo. 25

THR. Ego íllum eunuchum, si ópus siet, vel sóbrius.

P. Atque haéc qui misit, nón sibi soli póstulat

Te vívere, et sua caúsa excludi céteros;

Neque púgnas narrat, néque cicatricés suas

Osténtat; neque tibi óbstat, quod quidám facit: 30

Verum úbi molestum nón erit, ubi tú voles,

Ubi témpus tibi erit, sát habet, tum si récipitur.

THR. Appáret servom hunc ésse domini paúperis

Miseríquo. *G.* nam hércle némo posset, sát scio,

Qui habéret, qui paráret alium, hunc pérpcti. 35

PA. Tace tú: quem ego ínfra esse ínfimos omnis puto

Hominés: nam qui huíc adséntari animum indúxeris,

E flámma petere té cibum posse árbitor.

THR. Íamne ímus? *TH.* hos prius íntroducám, et quae volo

Simul ímperabo: póstea continuo éxeo. 40

THR. Ego hinc ábeo. tú istanc ópperire. *P.* hant cónvenit

Una íre cum amica ímperatorem in via.

THR. Quid tibi ego multa dícam? domini símilis es.

GN. Ha ha haé. *THR.* quid rides? *G.* ístud quod díxti modo:

Et illúd de Rhodio díctum in mentem cúm venit. 45

Set Tháis exit. *THR.* ábi prae: cura, ut sít domi

Paráta. *G.* fiat. *TH.* díligenter, Pýthias,

Fac cúres, si forte húc Chremes advénerit,

Ut óres, primum ut rédeat: si id non cómmodum'st,

Ut máneat: si id non póterit, ad me addúcito. 50

Py. Ita fáciam. *TH.* quid? quíd áliud volui dícere?

Ehem cúrate istam díligenter vírginem:

Domí ut sítis, facite. *THR.* eámus. *TH.* vos me séquimini.

ACTUS III. SCENA III.

CHREMES. PYTHIAS ancilla.

CH. Profecto quanto magis magisque cogito,
Nimirum dabit haec Thais mihi magnum malum:
Ita me ab ea astute video labefacturum,
Iam tum cum primum jussit me ad se accersier.
Roget quis, quid tibi cum ea; ne noram quidem. 5
Ubi veni, causam, ut ibi manerem, reperit:
Ait rem divinam fecisse, et rem seriam
Velle agere mecum. jam erat tum suspicio,
Dolo malo haec fieri omnia. ipsa accumbere
Mecum; mihi sese dare: sermonem quaerere. 10
Ubi friget, huc evasit, quam pridem pater
Mi et mater mortui essent. dico, jam diu.
Rus Sunio equod habeam, et quam longe a mari.
Credo ei placere hoc, sperat se a me avellere.
Postrimo, ecqua inde parva periisset soror; 15
Ecquis cum ea una; ecquid habuisset cum perit;
Ecquis eam posset noscere. haec cur quaeritis?
Nisi si illa forte, quae olim perit parvula,
Eam sese intendit esse, ut est audacia.
Verum ea si vivit, annos nata'st sedecim: 20
Non major: Thais, quam ego sum, majuscula'st.
Misit porro orare, ut venirem, serio.
Aut dicat quid volt, aut molesta ne siet.
Non hercle veniam tertio. heus heus, ecquis hic?
Ego sum Chremes. Py. o capitulum lepidissimum. 25
CH. Dico ego mi insidias fieri? Py. Thais maximo
Te orabat opere, ut cras redires. CH. rus eo.
Py. Fac amabo. CH. non possum, inquam. Py. at tu aput nos
hic mane,
Dum redeat ipsa. CH. nil minus. Py. cur mi Chremes?
CH. Malam rem hinc ibis? Py. si istuc ita certum'st tibi, 30
Amabo, ut illuc transeas, ubi illa'st. CH. co.
Py. Abi, Dorias, cito hunc deduc ad militem.

ACTUS III. SCENA IV.

ANTIPHO adolescens.

AN. Heri aliquot adulescentuli colimus in Piraeco,
In hunc diem ut de symbolis essemus. Chaeream ei rei
Praefecimus: dati anuli: locus, tempus constitutum'st.
Praeteriit tempus, quo in loco dictum'st, parati nihil est.
Homo ipse nusquam'st: neque scio quid dicam, aut quid
conjectem. 5

Nunc mi hoc negoti ceteri dedere, ut illum quaeram.
 Idque adeo visam, si domi'st. set quisnam a Thaide exit?
 Is est, an non est? ipse est. quid hoc hominis? quid hoc ornati'st?
 Quid illud mali'st? nequeo satis mirari neque conjicere.
 Nisi quicquid est, procul hinc lubet prius quid sit sciscitari. 10

ACTUS III. SCENA V.

CHAEREA. ANTIPHO.

CH. Numquis hic est? nemo est. numquis hinc me sequitur?
 nemo homo'st.

Iamne erumpere hoc licet mihi gaudium? pro Iuppiter!

Nunc est profecto, interfici cum perpeti me possum,

Ne hoc gaudium contamineat vita aegritudine aliqua.

Sed neminemne curiosum intervenire nunc mihi,

5

Qui me sequatur quoque eam; rogitando obtundat, enicet:

Quid gestiam, aut quid laetus sim, quo pergam, unde emer-
 gam, ubi siem

Vestitum hunc nactus, quid mihi quaeram, sanus sim anne insaniam?

AN. Adibo, atque ab eo gratiam hanc, quam video velle, inibo.

Chaerea, quid est quod sic gestis? quid sibi hic vestitus quaerit? 10

Quid est, quod laetus es? quid tibi vis? satine sanus'es? quid
 me adspectas?

Taces quid? CH. o festus dies hominis! amice, salve!

Nemo omnium'st, quem ego nunc magis videre cuperem, quam te.

AN. Narra istuc quacso quid sit. CH. immo ego te obsecro,
 hercle! ut audias.

Nostine hanc, quam amat frater? A. novi; nempe, opinor,
 Thaidem. 15

CH. Istam ipsam. A. sic commemneram. CH. hodie quaedam
 est ei dono data

Virgo: ejus quid ego tibi nunc faciem praedicem aut laudem,
 Antipho:

Cum me ipse noris quam elegans formarum spectator siem?

In hac commotus sum. A. ain' tu? CH. primam diccs, scio, si videris.

Quid multa verba? amare coepi. forte fortunata domi 20

Erat quidam eunuchus, quem mercatus frater fuerat Thaidi:

Neque is deductus etiam tum ad eam. summonuit me Parmeno

Ibiservus, quod ego arripui. A. quid id est? CH. tacitus
 citius audies;

Ut vestem cum illo mutem, et pro illo jubeam me illoc ducier.

AN. Pro eunuchon'? CH. sic est. A. quid ut ex ea re tandem
 caperes commodi? 25

CH. Rogas? viderem, audirem, essem una quicum cupiebam,
 Antipho.

Num párra causa, aut prárra ratio'st? tráditus sum múlieri.
 Illa ilico ubi me accépit, laeta véro ad se abducit domum:
 Comméndat virginém. *A.* cui? tibine? *CH.* mihi. *A.* satis tutó tamen.
CH. Edicit ne vir quisquam ad eam adeat: ét mi ne absce-
 dam, ímperat: 30

In interiøre párrte ut maneam sólus cum sola. ádnuo
 Terram íntuens modéste. *A.* miser. *CH.* ego, inquit, ad ce-
 nam hínc eo:

Abducit secum ancillas: párrcae, quae circum illam essént, manent
 Novíciæ puéllae, continuo haéc adornant út lavet.

Adhórtor properent, dum ápparatur, vírgo in conclaví sedet 35
 Suspéctans tabulam quándam pictam; ubi ínerat pictura haéc,
 Iovem

Quo párrcto Danaes mísisse ajunt quóndam in gremium ímbrem
 áureum.

Egomét quoque id spectáre coepi: et quía consimilem lúserat
 iam olim ille ludum, ínpéndio magis ánimus gaudebát mihi;
 Deum sése in hominem cónvertisse, et pér alias tégulas 40
 Venisse clanculum pér impluvium: fúcum factum múlieri.

At quém deum? qui témpora caeli súmraa sonitu cóncutit.
 Ego homúncio hoc non fécerim? ego véro illud fecerim ác lubena.
 Dum haec mécum reputo, adcérsitur lavátum interea vírgo:
 Iit, lávit, rediit; deínde eam in lectu illae cónlocárun. 45
 Sto expéctans, si quid mi ímperent. venit úna, heus tu, inquit, Dóre,
 Cape hóc flabellum, et véntulum huic sic fácto, dum lavámur:
 Ubi nós laverimus, si voles, laváto. accipio trístis.

AN. Tum equidem ístuc os tuum ínpudens vidére nimium véllem,
 Qui essét status, flabéllulum tenére te asinum tántum. 50

CH. Vix élocuta'st hóc, foras simul ómnes proruúnt se;
 Abeúnt lavatum, pérstrepunt; ita út fit, domini ubi ábsunt.

Intérea somnus virginem obprimít, ego limis spécto
 Sic pér flabellum clánculum: simul ália circumspécto
 Satine éplorata sít. video esse. péssulum ostio óbdo. 55

AN. Quid túm? *CH.* quid túm? quid, fátue? *A.* fateor. *CH.*
 án ego ocasiónem

Mi osténtam, tantam, tám brevem, tam optátam, tam ínsperátam
 Amíttrem? túm pólar ego is essem véro, qui adsimulábar.

AN. Sane hérele ut dicis. sét ínterim de sýmholis quid áctum'st?
CH. Parátum'st. *A.* frugi es: úbi? domin'? *CH.* immo áput
 libertum Discum. 60

AN. Perlóngé'st. *CH.* set tanto ócius properémus. *A.* muta véstem.

CH. Ubi mútem? perii: nam éxulo domó nunc: metuo frátre,
 Ne intús sit: porro autém patrem, ne rúre redierít jam.

AN. Eámus ad me, ibi próximum'st ubi mútes. *CH.* recte dicis;

Eánuſ: et de iſtác ſimul quo pácto porro póſſim
Potíri, conſiliúm volo capere úna tecum. *A. fiat.*

ACTUS IV. SCENA I.

DORIAS ancilla.

Íta me di ament, quántum ego illum vídi, non nil tímeo míſera,
Né quam ille hodie inſánuſ turbam fáciat, aut vim Tháidi.
Nam póſtquam iſte advenít Chremes aduléſcens, frater vírginia,
Mílitem rogat út illum admitti júbeat: ille contínuo iráſci,
Néque negare audére: Thais pórrò inſtare, ut hómínem ínviſet. 5
Íd fáciebat rétínenđi illíuſ cáuſa: quia illa quae cupiebat
Dé ſorore ejus índicare, ad eám rem tempuſ nón erat.
Ínvítat trítíſ; máñſít, íbí illa cum íllo ſermonem óccípít.
Míleſ vero ſíbi putare addúctum ante oculoſ aémulum,
Fácere contra huíc aégre: heuſ, ínquít, púer, accerſe Pám-
philam, 10

U't delectet híc noſ: illa exclámat, mínime géntíum.
Í'n convívium íllam? míleſ téndere índé ad júrgíum.
Ínterea aurum ſíbi clam mulier démit, dat míhi ut aúferam:
Hóc eſt ſígní, ubí prímum poterít, ſe íllínc ſubducét ſcío.

ACTUS IV. SCENA II.

PHAEDRIA.

Dum rúſ eo, coepí égomét mecum íntér víaſ,
Íta út ſít, ubí quíd ín anímó eſt moléſtíae,
Alíam rem ex alía cógítare, et ea ómnía ín
Pejórem partem. quíd opuſ'ſt verbíſ? dum haéc puto, 5
Praetéríí ínprudéñſ víllam. longé jam ábíeram,
Cum ſénſí: redeo rúrſum, male me véro habéñſ:
Úbí ad ípſum venío dévertículum, cóñſítítí:
Occépi mecum cógítare, hem, bíduum híc
Manéndum'ſt ſolí ſíne illa? quíd tum póſtea?
Níl éſt. quíd? níl? ſí nón tangéñđí cópia eſt, 10
Eho né vídéndí quídém erít? ſí íllud nón lícét,
Saltem hóc lícebit. córte extrémá línea
Amáre, haut níhil eſt. víllam praetereó ſcíéñſ.
ſet quíd hoc, quod tímda. ſúbító egredítur Pýthíáſ?

ACTUS IV. SCENA III.

PYTHIAS. DORIAS. PHAEDRIA.

Py. Úbí ego illum ſcleróſum míſera atque ínpium ínveníam? aut
ubí quaeram?

Hócine tam audax fácinus facere esse aúsum? perii. *Ph.* hoc quid sit vercer.

Py. Quín etiam insupér scelus, postquam lúdicatus'et vírginem, Vestem ómnem miserae díscidit, tum ipsám capillo cóncidit.

Ph. Hem. *Py.* quí nunc sí detúr mihi; 5

Ut ego únguibus facile illi in oculos ínvolem venéfico?

Ph. Nécio quid profecto absente nóbis turbatúm'st domi.

Adíbo. quid istuc? quid festinas? aut quem quaeris, *Pýthias*?

Py. Ehem *Phaédria*, ego quem quaéram? in' hinc, quo dígnus's, cum donis tuis

Tam lépidis. *Ph.* quid istuc ést rei? 10

Py. Rógan'? eunuchum quem dedisti nóbis? quas turbás dedit!

Virgínem, quam erae déderat dono míles, vitiavít. *Ph.* quid ais?

Py. *Périi.* *Ph.* temulénta es. *Py.* utinam sic sint, mihi qui mále volunt.

Do. Au óbsecro, mea *Pýthias*, quod istuc nam monstrúm fuit?

Ph. Insánis: qui istuc fácere eunuchus pótuít? *Py.* ego illum nécio: hoc, 15

Quod fécit, res ipsa indicat:

Virgo ipsa lacrumat, néque cum rogites, quid sit, audet dícere.

Ille autem bonus vir núsquam apparet. étiam hoc mísera súspicor,

Aliquid domo abeuntem ábstulisse. *Ph.* néqueo mirarí satis,

Quo hinc ille abire ignávos possit lóngius: nisi sí domum 20

Forte ad nos rediit. *Py.* více, amabo, núm sit. *Ph.* jam, faxó, scies.

Do. *Périi*, óbsecro, tam infándum facinus, méa tu, ne audiví quidem.

Py. At pól ego amatorés audieram múlíerum esse eos máximos,

Set níl potesse: vérum miserae nóñ in mentem vénerat:

Nam illum áliquo conclusissem, neque illi cómmissem vírginem. 25

ACTUS IV. SCENA IV.

PHAEDRIA. DORUS. PYTHIAS. DORIAS.

Ph. Exí foras, sceléste: at etiam réstítas,

Fugítive? prodi, mále conciliate. *Do.* óbsecro. *Ph.* oh,

Ilhúc víde, os ut sibi distorait cárnafex.

Quid huc tibi reditíe'at? véstis quid mutátio'at?

Quid nárras? paulum sí cessassem, *Pýthias*, 5

Domí nóñ offendissem, ita jam adornarát fugam.

Py. Haben' hómínem, amabo? *Ph.* quídñi hábeam? *Py.* o factúm bene.

D. Istúc pol vero béne. *Py.* ubi est? *Ph.* rogitas? nóñ vides?

Py. Videam, óbsecro, quem? *Ph.* hunc scilicet. *Py.* quis hic ést homo?

Ph. Qui ad vós deductus hódie'at. *Py.* hunc oculis suis 10

Nostrárum nunquam quisquam vidit, *Phaédria*.

TERENTIUS.

PH. Non vidit? *PR.* an tu hunc credidisti esse, óbsacro,
 Ad nós deductum? *PH.* námque alium habui néminem. *PR.* au,
 Ne cómparandus híc quidem ad illum'et. ille erat
 Honésta facie et liberali. *PH.* ita visus est 15
 Dudúm, quia varia véste exornátus fuit:
 Nunc có videtur foédus, quia illam nón habet.
PR. Tace óbsacro: quasi véro paulum intérsiet.
 Ad nós deductus hódie est adulescéntulus,
 Quem tú videre véro velles, Phaédria. 20
 Hic est victus, vétus, veteranósus senex,
 Colóre mustellíno. *PH.* hem, quae haec est fábulá?
 Eo rédiges me, ut, quid émerím egomet, nésciam?
 Eho tu, émin' ego te? *D.* emísti. *PR.* jube mi dénuo
 Respóndeat. *PH.* roga. *PR.* vénisti hodie ad nós? negat. 25
 At ille álter venit nátus annos sédecim:
 Quem scúm adduxit Pármeno. *PH.* agedum, hoc mi expédi
 Primum: ítam, quam habes, únde habes vestém? taces?
 Monstrum hóminis, non dictúrus's? *D.* venit Chaérea.
PH. Fratérne? *D.* ita. *PH.* quando? *D.* hódie. *PH.* quam
 dudúm? *D.* modo. 30
PH. Quicúm? *D.* cum Parmenóne. *PH.* norasne cúm prius?
D. Non. *PH.* únde fratrem méum esse scibas? *D.* Pármeno
 Dicébat cum esse. is mi hánc dedit vestem. *PH.* óccidi.
D. Meam ipse induit: post úna ambo abierúnt foras.
PR. Iám satis credis sóbriam esse me, ét nil mentitám tibi? 35
 Iám satis certum'et, vírginem vitiátam esse? *PH.* age nunc, bélua,
 Crédis huic, quod dícat? *PR.* quid isti crédam? res ipsa indicat.
PH. Cóncede istuc paúlulum. audin'? étiam nunc paulúm: sat est.
 Dic dum hoc rursum, Chaérea tuam véstem detraxít tibi?
D. Fáctum. *PH.* et eam est indútus? *D.* factam. *PH.* et pró te
 huc deductús'et? *D.* ita. 40
PH. Iúppiter magne, ó scelestum atque aúdacem hominem.
PR. vaé mihi:
 Etiam nunc credés, indignis nós esse ínrisás modis?
PH. Mírum, ní tú crédis, quod iste dícat. quid agam néscio.
 Héus negato rúrsus. possumne hódie ego ex te excúlpere
 Vérum? vidistíne fratrem Chaéream? *D.* non. *PH.* nó potest 45
 Síne malo fatéri; video: séquere hac: modo aít: módo negat.
 Ó'ra me. *D.* obsecró te véro, Phaédria. *PH.* i intro? *D.* coi. cū.
PH. A'lio pacto honéste quomodo hinc abscedam néscio;
 A'etam'et siquidem. tú me híc etiam, nébulo, ludificábere?
PR. Pármemonis tám scio esse hanc téchnam, quam me vívere. 50
Do. Sic est. *PR.* inveniám pol hodie, párem ubi referam grátiam.
 Sét nunc quid faciéndum censés, Dórias? *D.* de istac rogas
 Vírgine? *PR.* ita, utrum táceamne, an praedicem? *D.* tu pol, si sapias,

Quód scis, nescis, néque de eunucho, néque de vitio virginis.
Hác re et te omni túrba evolves, ét illi gratum féceris. 55
Íd modo dic, abisse Dorum. *Py.* ita fáciam. *D.* set videón' Chremen?
Tháis jam áderit. *Py.* quíd ita? *D.* quia, cum indé ábeo,
jam tum incéperat
Túrba inter cos. *Py.* áufer aurum hoc: égo scibo ex hoc, quíd siet.

ACTUS IV. SCENA V.

CHREMES. PYTHIAS.

Ch. Attát data hercle vérba mihi sunt: vícit vinum, quód bibi.
Ac dum áccubabam, quám videbar mihi esse pulchre sóbrius!
Postquám surrexi, néque pos, neque mens sátis suum officiúm facit.
Py. Chremé. *Ch.* quis est? *chem,* Pýthias: vah, quánto nunc
formósior
Vidére mihi, quam dúdum? *Py.* certe tú quidem pol multo hilarior. 5
Ch. Verbum hércle hoc verum erít, „Sine Cerere et Libere fri-
gét Venus.“
Set Tháis multo me ántevenit? *Py.* ánne abiit jam a mílite?
Ch. Iamdúdum: aetatem. lítes factae súnť inter eos máxumae.
Py. Nil díxit, tu ut sequerére cess? *Ch.* níl, nisi. abiens mi innuit.
Py. Eho, nóne id sat erat? *Ch.* át nescibam, id dicere illam,
nisi quia 10
Corréxit miles, quód intellexi mínus: nam me extrásit foras.
Set eccam ípsam: miror úbi ego huic antevórterim.

ACTUS IV. SCENA VI.

THAIS. CHREMES. PYTHIAS.

Th. Crédo equidem, illum jam ádfuturum, ut illam a me eri-
piát; sine veniat.
A'tquí si illam dígito attigerit, óculi illi ilico éffodientur.
U'sque adeo illius férre possum inéptiam et magnífica verba,
Vérba dum sint: vérum si ad rem cóferentur, vápulabit.
Ch. Tháis, ego jam dúdum hic adsum. *Th.* o, mí Chremes,
te ípsum éxpeto. 5
Scím' tu turbam hanc própter te esse fáctam? et adeo ad te
ádtinere hanc
O'mnem rem? *Ch.* ad me? quí, quaeso, istuc? *Th.* quia,
dum tibi sorórem studeo
Réddere ac restituere, haec atque huiusmodi sum múlta passa.
Ch. U'bi ea'et? *Th.* domi aput me. *Ch.* hém. *Th.* quíd est?
E'ducta ita, uti téque illaque dígnum'est. *Ch.* quíd ais? *Th.*
íd quod res est. 10
Hánc tibi dono dó, neque repeto pró illa quíocquam abs té preti.

CH. Et habétur et referétur, *Thais*, ita, uti merita es, grátia.

TH. A't enim cave, ne prius, quam hanc a me accipias, amittás, *Chreme*:

Nam haec ea'st, quam miles a me ví nunc creptúm venit.

Abi tú, cistellam, *Pýthias*, domo éffer cum monuméntis. 15

CH. Viden' tu illum, *Thais*? *PR.* ubi sita'st? *TH.* in ríscó. odiosa céssas?

CH. Militem secum ad te quantas cópias addúcere?

A'ttat. *TH.* num formídalosus, óbsecro, es, mi homo? *CH.* ápagesis.

E'gon' formídulósus? nemo'st hóminum, qui vivát, minus.

TH. A'tque ita opus'st. *CH.* ah, métao qualem tú me esse hóminem existumes. 20

TH. Immo hoc cogitáto: quicum rés tibi est, peregrínus est:

Mínus potens, quam tú, minus notus, mínus amicorum híe habens.

CH. Scío istuc. set tu quód cavere póssis, stultum admíttéro'st.

Málo ego, nos prospícere, quam hunc ulcisci accepta injúria.

Tú abi: atque óbscura éstium intus, dóm ego hinc transcurro ad forum: 25

Vélo ego, adesse híe advócatos nobis in turba hác. *TH.* mane.

CH. Mélius est. *TH.* mane. *CH.* omítte, jam adoro. *TH.* añ opus est istis, *Chreme*.

Hóc modo dic, sorórem esse illam tuam: ét te parvam virginem

A'misisse: núnc cognesse. signa ostende. *PR.* adíunt. *TH.* cape.

Sí vim faciet, in jus ducito hóminem: intelléxtín'? *CH.* probe. 30

TH. Fác, ánimo haec praesénti ut dicas. *CH.* fáciám. *TH.* at-tolle pállium.

Pérríi, huic ipsi est ópus patróno, quém defensorém paro.

ACTUS IV. SCENA VII.

THRASO. GNATHO. SANGA. CHREMES. THAIS.

THR. Hancíne ego ut contuméliam tam insignem ía me accipiám, *Gnatho*?

Morí me satíus'st, *Símalio*, *Donax*, *Syrisco*, séquimini.

Prímu aedís expugnábo. *GN.* recte. *THR.* virginem eripiám. *GN.* probe.

THR. Male málcabo ipsam. *GN.* púlchre. *THR.* in médium huc ágmen cum vectí, *Donax*;

Tú, *Símalie*, ía sínistrum coram; tú, *Syrisco*, in dexteram. 5 Cedo álios: ubi centúrio'st *Sanga*, et mánipulus furum? *SA.* éccum, adest.

THR. Quid, ignáve? peniculón' pugnare, quí istum huc per-tes, cógitas?

SA. Egone? ímperatorís virtutem nóveram, et vim mílitum: Sine ságuine hoc non pósse fieri: qui abetergeram vólnera?

THR. Ubi alii? *SA.* qui, malum, alii? solus Sannio servat domi. 10

THR. Tu hosce instrue: ego ero post principia: inde omnibus signum dabo.

GN. Illuc est sapere: ut hosce instruxit, ipsus tibi cavet loco.

THR. Idem hoc jam Pyrrhus fecitavit. *CH.* viden' tu, Thais, quam hic rem agit?

Nimirum consilium illud rectum est de occultandis aedibus.

TH. Sané, qui tibi nunc vir videtur esse, hic nebulo magnus est: 15

Ne metuas. *THR.* quid videtur? *GN.* fundam tibi nunc nimis vellém dari,

Ut tu illos procul hinc ex occulto caderes: facerent fugam.

THR. Sét eccam Thaidem ipsam video. *GN.* quam mox inruimus? *THR.* mane:

O'mnia prius experiri, quam armis, sapientem decet.

Qui scis an, quae jubeam, sine vi faciat? *GN.* di, vostram fidem, 20

Quanti est sapere? numquam accede, quia abs te abeam doctior.

THR. Thais, primum hoc mihi responde: cum tibi de istam virginem,

Dixit', hos mihi dies soli dare te? *TH.* quid tum postea?

THR. Rogitas? quae mi ante oculos coram amatorem adduxit tuum:

Quid cum illoc agas? et cum es etiam te subduxit mihi. 25

TH. Labuit. *THR.* Pamphilam ergo huc redde, nisi si mavis eripi.

CH. Tibi illam reddat, aut tu eam tangas? omnium. *GN.* ah, quid agis? tace.

THR. Quid tu tibi vis? ego ne vtangam meam? *CH.* tuam autem, furcifer?

GN. Clavesis: nescis, cui maledicas nunc viro. *CH.* non tu hinc abis? Scia' tu, ut tibi res se habeat? si quicquam hodie hic turbae coeperis, 30

Faciam, ut hujus loci dieique meique semper memineris.

GN. Miseret tui me, qui hunc tantum hominem facias inimicam tibi.

CH. Diminuat ego caput tuum hodie, nisi abis. *GN.* ain' veró, canis? Stinec agis? *THR.* quis tú homo es? quid tibi vis? quid cum illa rei tibi est?

CH. Scibis: principio eam esse dico liberam. *THR.* hem. *CH.* civem Atticam. *THR.* hui. 35

CH. Meam sororem. *THR.* os durum. *CH.* miles, nunc adeo edico tibi, Né vim facias ullam in illam. Thais, ego eo ad Sôphronam Nutricem, ut eam adducam, et signa ostendam haec. *THR.* tun' me prohibeas,

Meam ne tangam? *CH.* prohibebo inquam. *GN.* audin' tu? hic furti se adligat:

Satis tibi est? *THR.* idem hoc tú ais, Thais? *TH.* quaere, qui respondent. 40

TH. Quid nunc agimus? *GN.* quin rediens? jam haec tibi
aderit supplicans.

U'tro. *TH.* credin'? *GN.* immo certe: novi ingenium mulierum:
Nolunt, ubi velis: ubi velis, cupiunt utro. *TH.* bene putas.

GN. iam dimitte exercitum? *TH.* ubi vis. *GN.* Sanga, ita,
ut fortis decet

Milites, domi socique, fac vicissim ut memineris. 45

SA. laududum animas est in patinis. *GN.* frugi es. *TH.* vos
me hac sequimini.

ACTUS V. SCENA I.

THAIS. PYTHIAS.

TH. Pergin', scelosta, mecum perplexé loqui?

„Scio, nescio, abiit, audivi, ego non adfui.“

Non tu istuc mihi dictura aperte es, quicquid est?

Virgo conscissa veste lacrumans opticet;

Eunuchus abiit: quamobrem? quid factum est? taces? 5

Py. Quid tibi ego dicam misera? illam eunucham negant

Fuisse. *TH.* quis fuit igitur? *Py.* iste Chaerea.

TH. Qui Chaerea? *Py.* iste ephébus frater Phaedriae.

TH. Quid ais venefica? *Py.* atqui certo comperi.

TH. Quid is obsecro ad me, aut quamobrem adductus est. *Py.*
nescio: 10

Nisi amasse credo Pámpilikon. *TH.* heu, misera occidi,

Infelix, si quidem tu istaec vera praedicas,

Num id lacrumat virgo? *Py.* id opinor. *TH.* quid ais, sacrilega?

Istucine interminata sum hinc abiens tibi?

Py. Quid facerem? ita, ut tu iusti, soli credita est. 15

TH. Scelosta ovem lupó commisi. dispudet,

Sic mihi data esse verba. quid illuc hominis est?

Py. Era mea tace, tace obsecro, salvae sumus:

Habemus hominem ipsum. *TH.* ubi is est? *Py.* hem ad sinistram.

Viden'? *TH.* video. *Py.* comprehendi iube, quantum potest. 20

TH. Quid illó faciemus, stulta? *Py.* quid facias, rogas?

Vide amabo, si non, cum aspicias, os impudens

Videtur. *TH.* non. *Py.* tum quae eius confidentia est?

ACTUS V. SCENA II.

CHAEREA. THAIS. PYTHIAS.

CH. Aput Antiphonem uterque, mater et pater,

Quasi dedita opera, domi erant, ut nulló modo

Introire possem, quin viderent me. interim

Dum ante ostium sto, notus mihi quidam obviam

Venit. ubi vidi, ego me in pedes, quantum quoe,
 In angiportum quoddam desertum; inde item
 In aliud, inde in aliud: ita miserrimus
 Fui fugitando, né quis me cognosceret.
 Set éstne haec Thais, quam video? ipsa'et. haérea.
 Quid faciam? quid mea autem? quid faciet mihi? 5
 TH. Adeánnus. bone vir, Dóre, salve: dic mihi,
 Anfúgistin'? CH. era, factum. TH. satin' id tibi placet?
 CH. Non. TH. crédin', te inipune hábiturum? CH. unam hanc sóxiam
 Amitte: si aliam admisero umquam, occidito.
 TH. Num meám saevitiam véritus's? CH. non. TH. non? quid
 igitur? 10
 CH. Hanc métni, ne me criminaretúr tibi.
 TH. Quid féceras? CH. paulúm quid. PY. cho paulam sapudens.
 An paulum hoc esse tibi videtur, vírginem
 Vitiáre civem? CH. meám conservam crédidi.
 PY. Conservam? vix me cóntinuo, quin inoleam in 20
 Capillum. monstrum; etiam últro derisum ádvenit.
 TH. Abin' hinc insana? PY. quid ita? vero débcam,
 Credo, isti quicquam fárcifero, si id fécerim:
 Praesértim cum se sérvum fatentúr tuum?
 TH. Missa haéc faciamus. nón te dignum, Chaérea, 25
 Fecisti: nam si ego dígna hac contumélia
 Sum máxime, at tu indignus, qui facerés, tamen.
 Neque édepol, quid nunc cónsili capíam, scio
 De vírgine istac: ita conturbasti mihi
 Ratiónes opúis, út eam ne possim suis, 30
 Ita ut aéquum fuerat, itaque ut studui, trédere:
 Ut sólídum paterem hoc mí beneficium, Chaérea.
 CH. At nunc dehinc spero actérnam inter nos grátiam
 Fore, Tháis. saepe ex hufusmodi re quápiam et
 Malo éx principio mágna familiáritas 35
 Confláta'st. quid si hoc quispiam voluit deus?
 TH. Equidém pol. in eam pártém accipioque ét volo,
 CH. Immo ita quacae. unum hoc scito; contuméliac
 Non mé fecisse caúsa, set amoris. TH. scio.
 Et pól propterea mágis nunc ignoscó tibi. 40
 Non ádeo inhumano égo sum ingenio, Chaérea,
 Neque ita inperita, ut quid amari valeat, nésciam.
 CH. Te quóque jam, Thais, ita me di bene amént, amo.
 PY. Tum pól ab istoc tibi, éra, cavendum intéllego.
 CH. Non ausim. PY. nil tibi quicquam credo. TH. désinas. 45
 CH. Nunc égo te in hac re mí óro ut adjutrix sis,
 Ego mé tuac comménda et committó fidei:
 Te míhi patronam cápío, Thais: te óbsecro:

Emóriar, si non hanc uxorem duxero.

TH. Tamen si pater quid. *CH.* ah volet, certó scio: 50

Civis modo haec sit. *TH.* paúlulum opperírier

Si vis, jam frater ipse hic aderit virgínis:

Nutricem adersitum íst, quae illam aluit párvolam:

In cógnoscendo túte ipse aderis, Chaérea.

CH. Ego véro manco. *TH.* visne interea, dúm venit, 55

Domí opperíamur pótius, quam hic ante óstium?

CH. Immó percupio. *PY.* quám tu rom actura, ébsacro, es?

TH. Nam quid ita? *PY.* regitas? hunc tu in aedis cógitas

Recipere posthac? *TH.* cur non? *PY.* crede hoc meae fidei,

Dabit híc pugnam aliquam dénuo. *TH.* au, tace, ébsacro. 60

PY. Parúm perspece eius mihi videre audáciam.

CH. Nón faciám, Pythias. *PY.* nón pol credo, Chaérea,

Nisi si commissum nón erit. *CH.* quín, Pythias,

Tu mé servato. *PY.* néque pol servandúm tibi

Quicquám dare ausim, néque te servare: ápage te. 65

TH. Adest óptume ipse fráter. *CH.* perii hercle: ébsacro

Abeámus íntro, Tháís: nolo me in via

Cum hac véste videat. *TH.* quámobrem tandem? an quia pudet?

CH. Id ípsum. *PY.* id ípsum? vírgo vero. *TH.* i praé, sequor.

Tú ístic mane, ut Chremem íntroducas, Pythias. 70

ACTUS V. SCENA III.

PYTHIAS. CHREMES. SOPHRONA nutrix.

PY. Quid, quid vénire in méntem nunc possit mihi?

Quidnam, qui referam sacrilego illi grátiam,

Qui hunc supposivit nobis? *CH.* move vero ócius

Te, nútrix. *SO.* moveo. *CH.* vídeo, set nil prómoves. 5

PY. Iamne ostendisti signa nutrici? *CH.* ómnia.

PY. Amábo, quid aít? cógnoscitne? *CH.* ac mémoríter.

PY. Bene édepol narras: nam illi faveo virgíni.

Ite íntro; jámdudum éra vos exspectát domi.

Virúm bonum ecum Pármemonem incédere

Videó: vide ut otíósus ít, si díis placet. 10

Speró, me habere, qui hunc exérciciam meó modo.

Ibo íntro, de cognítione ut certúm sciam:

Post éxéo, atque hunc pérterrebo sacrilegum.

ACTUS V. SCENA IV.

PARMENO. PYTHIAS.

PA. Réviso, quidnam Chaérea hic rerám gerat.

Quod si ástu rem tractávit, di, vostrám fidem,

Quantam ét quanta veram laudem capiet Pármene?

Nam ut mittam, quod eí amórem difficillimum et

Carissimum, a meretrice avara virginem

5

Que amábat, eum conféci sine moléstia,

Sine sumpstu, sine dispéndio: tum hoc álterum;

Id véro'st, quod ego míhi puto palmárium

Me répperisse, quó modo adulescéntulus

Meretricum ingenia et móres posset nócere,

10

Matúre ut cum cognórit, perpetuo óderit.

Quae dúm foris sunt, nil videtar múnus,

Nec mágis compositum quicquam, nec magis élegans:

Quae cum amátore suo cúm cenant, ligúrrunt.

Harúm videre inlúviam, sordes, ínepiam;

15

Quam inhonestae solae sint domi atque avidae cibi;

Que pácto ex jure hestérno panem atrúm vorent;

Nosse ómnia haec salúti est adulescéntulis.

Pr. Ego pól te pro istis dictis et factis, scelus,

Ulciscar; ut ne ímpúne nos inlúseris.

20

Pró deum fidem, fácinus foedum! o infélicem adulescéntulum!

O' scelestum Pármemonem, qui istum huc adduxit! P. quid est?

Pr. Míseret me: itaque ut né viderem, mísera huc effugi foras,

Quae futura exémpia dicunt in eam indigna. P. o Iúppiter,

Quae illaec turba'est? nésciam ego perit? adibo. quid istuc,

Pýthias?

25

Quid ais? in quoniam exémpia fiunt? Pr. rógitas, audacissime?

Pérdidisti istúm, quem adduxti pro eúmano, adulescéntulum,

Dúm studes dare vérba nobis. P. quid ita? aut quid fa-

ctúm'est? cedo.

Pr. Dicam: virginem ístam, Thaidi hódie quae donó data'est,

Scis eam civem hunc ésse? et fratrem eí ésse adpríme nobílem? 30

P. Néscio. Pr. atqui sic inventa'est: eam iste vitiavit miser.

Ille ubi id recevíit factum fráter violentíssimus —

P. Quidnam fecit? Pr. cónligavit prínum eam miseris modis.

P. Cónligavit? Pr. ét quidem orante, ut ne id faceret, Tháide.

P. Quid ais? Pr. nunc minátur porro sésé id, quod moechis

solet:

35

Quód ego nunquam vídi fieri, néque velim. P. qua audácia

Tántum facinus aúdet? Pr. quid ita tantum? P. an non

hoc máximum'est?

Quís homo pró moecho únquam vídit in domo meretrícia

Préandi quemquam? Pr. néscio. P. at ne hoc nésciatís, Pýthias;

Díco, edico vóbis; nostrum ésse illam erilem filium. Pr. hem, 40

O'bscero an is est? P. né quam in illum Tháís vim fieri sinat.

Atque adeo anteqm eúr non egrediet íntre co? Pr. víde, Pármene,

Quíd, agas, ne aeque illi preas, ét tu pereas: nam hoc putant,

Quicquid factum'st, á te esse ortum. *PA.* quid igitur faciám miser? Quidve incipiam? ecce autem video rúre redeuntém senem: 45
Dicam huic, an non dicam? dicam hercle: étsi mihi magnúm malum Scío paratum: sét necesse est: húic ut subveniát. *Py.* sapias. Ego abeo intro: tu isti narra omnem órđinem, ut factum siet.

ACTUS V. SCENA V.

LACHES. PARMENO.

LA. Ex meó propinquo rúre hoc capio cómmodi:
Neque agrí, neque urbis ódium me umquam pércipit.
Ubi sátias coepit fieri, commutó locum.
Set estne ille noster Pármeno? et certe ípens est.
Quem praéstolare, Pármeno, hic ante óstium? 5
PA. Quis homó'st? ehem, salvom te ádvenisse gaúdeo.
LA. Quem praéstolare? *P.* perii: lingua haerét meta. *L.* hom;
Quid est, quód tu trepidas? sátine salve? díe mihi:
PA. Ere, primum te arbitrári id, quod res ést, velim:
Quicquid huius factum'st, culpa non factum'st mea. 10
LA. Quid? *P.* récte sane intérogasti. opórtuit
Rem praénarrasse me. émit quendam Phaédria
Eunúchum, quem dono huic daret. *L.* cui? *P.* Tháidi.
LA. Emit? perii hercle. cuánti? *P.* viginti minis.
LA. Actum'st. *P.* tam quandam fidiciam amat hinc Chaérea.
L. hem, 15

Quid? ámat? an jam scit ille quid meretrix siet?
An in ástu venit? aliud ex alió malum.
PA. Ere né me spectes: me impulsore haec nón facit.
LA. Omítte, de te dicere. ego te, fúrcifer,
Si vivo. set istuc quicquid est, primum expedi. 20
PA. Is pro illo eunúcho ad Tháidem huc deductus est.
LA. Pro eunúchon? *P.* sic est. hunc pro meocho póstea
Comprehéndere intus, ét constrinxere. *L.* éccidi.
PA. Audáciam meretrícum specta. *L.* námquid est
Aliúd mali damínive, quod non dixeris, 25
Relíquom? *P.* tantum est. *L.* céssó huc introrúmpere?
PA. Non dúbium est, quin mi mágnum ex hac re sit malum:
Nisi quía necessum fúit hoc facere. id gaúdeo,
Proptér me hisce aliquid ésse eventurúm mali:
Nam jámdiú aliquam causam quaerebat senex, 30
Quamobrem insigne aliquid fáceret iis: nunc répperit.

ACTUS V. SCENA VI.

PYTHIAS. PARMENO.

Py. Numquam édepol quicquam jámdiú, quod mágis vallem eveníre,
Mi evénit, quam quod módo senex intro ad nos venit errans.

Mihi solae ridiculô fuit, quae, quid timeret, scibam.

PA. Quid hæc autem'st? *Py.* nunc id pródeo, ut convéniam Parmenónem.

Set ubi, óbsecro, est? *P.* me quaerit hæc. *Py.* atque écicum video: adibo. 5

PA. Quid ést, inepta? quid tibi est? quid rídes? pergin'? *Py.* périi: Defessa jam sum misera te ridéndo. *PA.* quid ita? *Py.* rógitas? Numquám pol hominem stúltiorem vídi, nec vidébo. ah, Non póssum satis narráre, quæ ludós prae bueris intus. At étiam primo cállidum ac disertum credidi hóminem. 10

Quid? síccone crédero ea, quæ díxi, oportuit te?

An poénitebat flágití, te auctóre quod fecisset

Aduléscens, ní miserum insuper etiám patri indicáres?

Nam quid illi credis ánimí tum fuisse, ubi vestem vídit

Illam esse eam indutúm pater? quid? jám scis, te perísse? 15

PA. Hem, quid dixisti, péssuma? an mentíta es? etiám rídes?

Itan' lépidum tibi visum ést, scelus, nos inridere? *Py.* nímium.

PA. Siquidem istuc inpune hábueris. *Py.* verúm. *PA.* reddam hercle. *Py.* crédo.

Set in diem istuc, Pármene, est fortásse, quod mináre.

Tu jám pende bis, qui stultum adulescéntulum nobilitas 20

Flagítiis, et patri indicas: utérque exempla in te édent.

PA. Nullús sum. *Py.* hic pro illo mánere tibi honós est habitus: ábeo.

PA. Egomé't meo indició miser, quasi sórex, hodie périi.

ACTUS V. SCENA VII.

GNATHO. THRASO.

G. Quid nunc? qua spe, aut quó consilio huc ímus? quid coeptás, Thraso?

TH. Egone? ut Thaidí me dedam, et fáciam, quod jubeát. *G.* quid ést?

TH. Quí minus, quam Herculés servivit O'mphalæ? *GN.* exemplám placet.

U'tinam tibi commítigari videam sandalió caput.

Sétfiores crepuérunt ab ea. *TH.* périi. quid hoc autém'st mali? 5

Húnc ego numquam víderam etiám: quídnam hic properans prósilis?

ACTUS V. SCENA VIII.

CHÆREA. PARMENO. PHAEDRIA. GNATHO. THRASO.

CH. O' populares, écquis me hodie vívít fortunátior?

Nemo hercle quisquam: nam in me plane dí potestaté'm suam

Omnem ostendere: cui tam subito tót configerint cómoda.

PA. Quid hic lætas est? *C.* o Pármeno mi, o meárum voluntatum ómnium

Inventor, inceptor, perfecter, scin' me, in quibus sim gaudiis? *S.* Scia, Pámphilam meam inventam civem? *PA.* audívi. *CH.* scis, sponsam mihi?

PA. Bene, ita me di ament, factum. *GN.* audim' tu, hic quid aút? *CH.* tum autem Phaédriae,

Meo frátri, gaudeo esse amorem omnem in tranquillo: uná'st domus.

Tháís se patri cómmendavit: in clientelam ét fidem

Nobis dedit se. *PA.* frátris igitur Tháís tota'st? *CH.* scilicet. 10

PA. Iam hoc aliud est, quod gaudeamus: milles pelletúr foras.

CH. Tu Iráter ubi ubi est fác quam primum haec audiat. *PA.* visam domum.

TH. Namquid, Gnatho, tu dubitas quin ego nunc perpetuo perierim?

GN. Sine dúbio opinor. *CH.* quid commemorem primum, aut laudem máxime?

Illámné, qui mi dódit consilium, ut fácere; an me, qui id ausus sum 15

Incipere; an fortunám conlandem, quae gubernatrix fuit;

Quae tót res, tantas, tam ópportune in unum conclusit dicm;

An mei patris festivitatem et facilitatem? o Iúppiter,

Serva óbsecro haec, bona nobis. *PH.* di vostrám fidem, incredibilia

Pármeno modo quae narravit. sét ubi est frater? *CH.* praesto adest. 20

PH. Gaúdeo. *CH.* satis crédo. nihil est Tháide hac, frater, tua

Dígnus quod amétur: ita nostrae ómni est faulrix fámiliae. *PH.* hui,

Mihi illam laudas? *T.* périi, quanto mínus spei est, tanto mágis amo.

Óbsecro, Gnatho, in te spes est. *GN.* quid vis faciam? *T.* pérface hoc,

Précibus, pretio, ut haéream in parte aliqua tandem apud Tháidem. 25

GN. Difficile est. *T.* si quid conlibitum'st, nóvi te. hoc si efféceris,

Quódvis donum, praémium a me optáto, id optatúm feres.

GN. I'tane? *T.* sic erit. *GN.* si efficio hoc, pósto ut tua mihi domus

Té praesente, absénte pateat; invocato ut sit locus

Sémper. *TH.* do fidem, futuram. *GN.* accingar. *PH.* quem ego hic audio? 30

O' Thraso. *T.* salvéte. *PH.* tu fortásse, quas facta híc sient,

Néscis. *T.* scio. *PH.* cur te érgo in his ego cónspicor regiónibus?

TH. Vóbis fretus. *P.* scin' quam fretus? milés, edicó tibi,

Sí te in platea offéndero hac póst úmquam, quod dicás mihi.

Álium quaerebam, íter hac habui: périisti. *GN.* heia, haut sic decet. 35

Ph. Dictum'st. *Gn.* non cognosco vestrum tam superbum.

Ph. sic erit.

Gn. Prius audite paucis: quod cum dixerò, si placuerit, Facitote. *Ph.* audiamus. *Gn.* tu concede paulum istuc, Thraso. Principio ego vos credere ambos hoc mi vehementer volo, Me, hujus quicquid faciam, id facere maxime causam meam: 40 Verum si idem vobis prodest, vos non facere incertum est.

Ph. Quid id est? *Gn.* militem ego rivalem recipiundum censeo. *Ph.* hem.

Ch. Recipiundum? *Gn.* cogita modo. tu hercle cum illa, Phaëdria, Ut libenter vivis (et enim bene libenter vicitas)

Quod des paulum'st, et necesse est, multum accipere Thaidem. 45 Ut tuo amori suppeditare possint sine sumptu tuo

Omnia haec; magis opportunus; nec magis ex usu tuo, Nemo est. principio et habet, quod det: et dat nemo largius. Fatuus est, insulsus, bardus, stertit noctes et dies:

Neque istum metuas, ne amet mulier: facile pellas, ubi velis. 50

Ch. Quid agimus? *Gn.* praeterea hoc etiam, quod ego vel primum puto,

Accipit homo nemo melius prorsum neque prolixius.

Ch. Mirum ni illoc homine quoque pacto opus'st. *Ph.* idem ego arbitror.

Gn. Recte facitis. unum etiam vos oro, ut me in vestrum gregem Recipiat: satis diu jam hoc saxum volvo. *Ph.* recipimus. 55

Ch. Ac libenter. *G.* at ego pro isto, Phaëdria, et tu, Chaërea, Hunc comedendum et deridendum vobis propinó. *Ch.* placet.

Ph. Dignus est. *G.* Thraso, ubi vis accede. *T.* obsecro te, quid agimus?

Gn. Quid? isti te ignorabant: postquam eis mores ostendi tuos: Et conlaudavi secundum facta et virtutes tuas, 60

Impetravi. *T.* bene fecistis. gratiam habeo maximam.

Namquam etiam fui usquam, quin me omnes amarint plurimum.

Gn. Dixi' ego in hoc esse vobis Atticam elegantiam?

Ph. Nil praeter promissum est. ite hac. vos valet, et plaudite.

TERENTII HEAUTON TIMORUMENOS.

C. Sulpitii Apollinaris Periocha in Heauton Timorumenon.

*In militiam proficisci gnatum Cliniam,
Amantem Antiphilam, compulit durus pater:
Animique sese angébat, facti poénitens.
Mox, ut reversus est, clam patrem divórtitur
Ad Clitiphonem. is amabat scortum Baccidem.
Cum arcésseret cupitam Antiphilam Clinia:
Ut ejus Bacchis vénit amica, ac servolae
Habitum gerens Antiphila. Factum id, quó patrem
Suum celaret Clitipho. hic technis Syri
Decem minas meretriculae aufert á sene.
Antiphila Clitiphónis reperitur soror.
Hanc Clinia, aliam Clitipho uxorem accipit.*

GRÆCA EST MENANDRU. ACTA LUDIS MEGALENSIB. L. CORNELIO LENTULO L. VALERIO FLACCO AEDILIB. CURULIB. EGIT AMBIVIVUS TURPIO. MODOS FECIT FLACCUS CLAUDI. ACTA PRIMUM TIBIIS IMPARIBUS. DEINDE DUABUS DEXTRIS. ACTA ST III. M. IUVENTIO TL SEMPRONIO COSS.

Fabulae interlocutores.

CHREMES, senex, vicinus Menedemi.

MENEDEMUS, senex *ταυτὸν τιμωρούμενος* i. e. ipse se puniens.

CLITIPHO, adolescens, filius Chremetis, Bacchidem amans.

CLINIA, Menedemi filius, Antiphilam amans.

SYRUS, servus Chremetis.

DROMO, servus Menedemi.

BACCHIS, meretrix & Clitiphone amata.

ANTIPHILA, amata Cliniae, Chremetis filia.

SOETRATA, Chremetis uxor.

NUTRIX.

PHYGIA, ancilla Bacchidis.

P R O L O G U S.

Ne cui sit vestrum mirum, cur partis seni
 Poéta dederit, quæ sunt adulescæntium:
 Id primum dicam: deinde quod veni éloquar.
 Ex integra Graeca integram comœdiam
 Hodie sum acturus, Heauton timorúmenon: 5
 Simpléx quæ ex arguménto facta est dúplici.
 Novam ésse ostendi, et quæ caset: nunc, qui scripserit,
 Et cúja Graeca sít, ni partem máxumam
 Existimarem scire vestrum, id dicerem.
 Nunc, quámobrem has partis didicerim, paucis dabo. 10
 Orátorem ésse vóluit me, non prólogum:
 Vostrum iudicium fécit: me actorum dedit:
 Sed hic áctor tantum póterit a facúndia,
 Quantum ille potuit cógitare cómmode,
 Qui orátionem hanc scripsit, quam dicturus sum. 15
 Nam quód rumores distulerunt málevoli,
 Multas contaminásse Graecas, dùm facit
 Paucas Latinas: id esse factum hic nón negat,
 Neque sé pigere, et deinde factum iri autumat.
 Habét bonorum exéplum: quo exempló sibi 20
 Licére id facere, quód illi fecerunt, putat.
 Tum quód malevolus vétus poeta dictitat,
 Repente ad studium se ápplicasse hunc músicum,
 Amicúm ingenio frétum, haut naturá sua:
 Arbítrium vestrum, véstra existumátio 25
 Valébit. quare omnis vos oratós volo,
 Ne plús iniquum póssit, quam æquum orátio.
 Facite, æqui sitis: dáte crescendi cópiam,
 Novarum qui spectándi faciunt cópiam
 Sine vítiis; ne ille pró se dictum existumet. 30
 Qui núper fecit, sërvo currenti in via
 Decéssse populum, cúr in sanos saéviat?
 De illius peccatis plúra dicet, cùm dabit
 Aliás novas; nisi finem maledictis facit.
 Adéste æquo animo: dáte potestátém mihi, 35
 Statáriam agere ut liceat per siléntium;

Ne sémper servos currens, iratús senex,
 Edax parasitus, sycophanta autem impudens,
 Avárus leno, adsidue agendi sint mihi
 Clamóre summo, cùm labore máximo. 40
 Mea caúsa causam hanc jústam esse animum inducite,
 Ut áliqua pars labóris minuatúr mihi.
 Nam núnc novas quí scribunt, nil parént seni:
 Si quaé laboriósá est, ad me cúrritur:
 Si lénis est, ad álium defertúr gregem. 45
 In hác est pura orátio. experimini,
 In utrámque partem ingénium quid possit meum.
 Si númquam avare pretíum statui arti meae,
 Et eum esse quacéstam in ánimam induxi máximam,
 Quam máxime servíre vostris cómmendis: 50
 Exémplum statuíte in me, ut adulescéntuli
 Vobis placere stúdeant potius, quám sibi.

ACTUS I. SCENA I.

CHREMES. MENEDEMUS, senes.

Quamquam haéc inter nos núper notitia ádmódam 'st,
 Inde ádeo quod agrum in próximo hic mercátus es:
 Nec rei fere sane ámplius quicquám fuit:
 Tamén vel virtus túa me, vel vicínitas, 5
 Quod ego in propínqua pártē amicitiaé puto,
 Facit, út te audacter móneam et familiáriter;
 Quod inhi videre praéter aetátē tuam
 Facere, ét praeter quam rés te adhortatúr tua.
 Nam pró deum atque hominúum fidem, quid vís tibi?
 Quid quaéris? annos sexaginta nátus es, 10
 Aut plús, ut conjicio. ágrum in his regiónibus
 Meliorem neque pretí majoris némo habet;
 Servós non pluris: proinde quasi nemó siet,
 Ita túte adtente illórum officia fúngere.
 Numquám tam mane egrédior, neque tam vésperi 15
 Domúm revortor, quín te in fuado cónspicer
 Fodere, aut arare, aut áliquíd facere démiqúe.
 Nullám remittis témpus; neque te réspicias.
 Haec nón voluptati tibi easo, satis certó scio.
 „At enim me, quantum hic óperis fiat, poénitet.“ 20
 Quod in ópere faciundo óperac consumís tuac,
 Si súmas in illia éxercendis, plús agas.
Mr. Chremé, tantumne ab ré tua 'st otí tibi,
 Aliéna ut cures; éa quae nihil ad te ádtingent?
Cs. Homó sum: humani níhil a me alienúm puto. 25

Vel mé monere hoc, vél percontari puta:

Rectum 'st? ego ut faciam. nón est? te ut deterrcam.

ME. Mihi sic est usus: tibi ut opus factó 'st, face.

CH. An cuiquam est usus hómini, se ut cruciet? *M.* mihi.

CH. Si quid laboris, nólem: set quid istuc mali est? 30

Quaesó, quid de te tantam meruisti? *M.* scis.

CH. Ne lácrumá: atque istuc, quicquid est, fac me ut sciam.

Ne rédice: ne verére: crede inquám mihi.

Aut consolando aut consilio aut re júvero.

ME. Scire hóc vis? *CH.* hac quidem causá, qua dixi tibi. 35

ME. Dicétur: *CH.* at istos mástros intérec tamen

Adpóne, ne labóra. *M.* minime. *CH.* quám rem agis?

ME. Sine mé, vacivam témpus ne quod dém mihi

Labóris. *CH.* non sinam, inquám. *M.* ah, non aequém facis.

CH. Hui, tám gravis hos quæso? *M.* sic meritum 'st meum. 40

CH. Nunc lóquere. *M.* filium únicam adulescéntulam

Habeo. ah, quid dixi? habére me? immo habui, Chreme:

Nunc hábeam neque incértum 'st. *CH.* quid ita istuc? *M.* scies.

Est é Corintho hic ádvena anus paupércula:

Ejus filiam ille amáre coepit vírginem, 45

Prope jam út pro uxore habéret: hæc clam me ómnia.

Ubi rém rescivi; coépi non humánitus,

Neque ut ánimum decuit aégrotum adulescéntuli,

Tractáre, set vi et viá pervolgatá patrum:

Cotídie accusábam: hem tibine hæc díntius 50

Licére speras fácere me vivó patre,

Amicam ut habeas própe jam in uxoris loco?

Errás, si id credis, ét me ignoras, Clínia.

Ego té memm esse dici tantispér volo,

Dam quód te dignum 'st, fácies: set si id nón facis, 55

Ego, quód me in te sit fácere dignum, invénere.

Nulla ádeo ex re istuc fit, nisi nimio ex ótio.

Ego istuc ætatis nón amóri operám dabam,

Set in A'siam hinc abií. própter pauperiam, átque ibi

Simúl rem et gloriám ármis belli répperi. 60

Postrémo ádeo res rédiit, adulescéntulus

Sæpe éadem et gravíter áudiendo victus est:

Putávit, me et ætáte et benevoléntia

Plus scire et providére, quam se ipsúm sibi:

In A'siam ad regem militatum abiit, Chreme. 65

CH. Quid ais? *M.* clam me est proféctus: mensis tris abest,

CH. Ambo áccusandi: etsi illud inceptum tamen

Ánimí est pudéntis signum et non inetréni.

ME. Ubi cómperti ex ils, qui facere ei cóncií,

Domum revoctó maéstus, atque animó fere 70

Contúrbato, atque incérto prae aegritudine.

Adside: adcurrunt sérvī: soccos détrahunt:

Video álios festínare, lectos stérnere,

Cenam ápparare: pró se quisque sódalo

Faciébant, quae illam mihi lenirent miseriám.

75

Ubi video, haec coepi cógitare: hem, tót mea

Solius solliciti sít causa, ut me unum éxploant?

Ancillae tót me véstiant? sumptús domi

Tantós ego solus faciám, qui gnatum únicum,

Quem páriter uti his décaít aut etiam ámplius,

80

Quod illa aétas magis ad haéc utenda idónea est,

Eum ego hinc ejeci miserum injustitiá mea?

Maló quidem me dignum quovis députem,

Si id faciám. nam usque dum ille vitam illám colet

85

Inopém, carens patria ób meas injúrias,

Intérea usque illi dé me suppliciám dabo,

Labórans, parcens, quaérens, illi sérvienis.

Ita fácio prorsus: níl relinquo in aédibus,

Nec vás, nec vestiméntam: courasi ómnia.

Ancillas, servos, nisi eos, qui opere rústico

90

Faciúndo facile sumpsum exércirént suum,

Omnis produxi ac véndidi. inscripsi flico

Aedís mercede. quási talenta ad quíndecim

Coégi: agrum hunc mercátus sum: hic me exérceo.

95

Decrévi, tantispér me minus injúriac,

Chremé, meo gnato fácere, dum frám miser:

Nec fás esse, ulla mé voluptate hic frui,

Nisi ubi ille huc salvos rédierit ineus párticeps.

CH. Ingénio te esse in líberos lení puto,

Et illum óbsequentem, sí quis recte aut cómmode

100

Tractáret. verum néque illum tu satis nóveras,

Nec te ille; hoc quod fit, úbi non vere vívitur.

Tu illum, numquam ostendísti, quanti pénderes,

Nec tibi ille 'st credere áusus, quae est aequóm patri.

Quod sí ésset factum, haec númquam evenissént tibi.

105

ME. Ita rés est, fateor: péccatum a me máximum 'st.

CH. Menedéme, at porro récte spero, et illum tibi

Salvom ádfuturum esse hic confido própèdiem.

ME. Utinam ita di faxint. CH. faciént. nunc sí est cómmodum,

Dionýsia hic sunt hódie: aput me síis volo.

110

ME. Non póssum. CH. cur non? quaéro tandem aliquáptulum

Tibi párcé: idem absens fácere te hoc volt filius.

ME. Non cónvenit, qui illum ád laborém impéllerim,

Nunc me ipsum fugere. CH. sícine est senténtia?

ME. Sic. CH. béne valo. M. et tu. CH. lácrimas excussit mihi, 115

Miserétque me ejus: sét ut diei témpus est,
 Tempús 'st, monere me hunc vicinam Phániam,
 Ad cenam ut veniat: íbo, visam sí domi est.
 Nihil ópus fuit monítore: jam dudúm domi
 Praesto áput me esse ajunt: égomet convívás moror. 120
 Ibo ádeo hinc intro. sét quid crepuerúnt fores
 Hinc á me? quínam egreditur? huc concéssero.

ACTUS I. SCENA II.

CLITIPHO adolescens. CHERMES.

Nihil adhuc est, quód vereare, Clínia: hant quaquam étiam
 cessant:

Et illam simúl cum nuntio tibi ádfuturam hodié scio.
 Próin tu sollicitúdinem istam fálsam, quae te exerúciat, mittas.

CH. Quicum loquitur filius?

CL. Páter adest, quem vólui: adibo. páter, opportune ádvenis. 5

CH. Quid id est? CL. hunc Menedémum nostin', nóstrum vici-
 núm? CH. probe.

CL. Huic filium scis ésse? CH. audiivi esse: in Asia. CL. non
 ést, pater:

Aput nós est. CH. quid ais? CL. ádvenientem, e návi egre-
 dientem, flico

Abdúxi ad cenam: nám mihi cum eo jam inde usque a puérítia

Fuit sémpér familiáritas. CH. voluptátem magnam núntias. 10

Quam véllem Menedémum invitatum, ut nobiscum esset ámplius:

Ut hanc laetitiam néc opinanti primus objicerem ei domi.

Atque etiam nunc témpus est. CL. cave fáxis; non opus ést,
 pater.

CH. Quaprópter? CL. quia enim incértum 'st etiam, quíd se
 faciat. módo venit.

Timet ómnia, patris íram, et animum amícae se erga ut sit
 suae. 15

Eam misere amat: proptér eam haec turba atque ábitio eve-
 nit. CH. scio.

CL. Nunc sérvolum ad eam in úrbem misit, ét ego nostrum
 uná Syrum.

CH. Quid nárrat? CL. quid ille? míserum se esse. CH. mí-
 serum? quem minus crédere 'st?

Quid réliquí 'st, quin hábeat, quae quidem in hómine dicantúr
 bona?

Paréntis, patriam incólumem, amicos, génus, cognatos, díni-
 tias: 20

Atque haéc perinde súnt ut illius ánimus, qui ea pósidet:

Qui uti scit, ei bona; illi, qui non utitur recte, mala.

CL. Immo ille fuit senex importunus semper; et nunc nil magis Vereor, quam ne quid in illum iratus plus satis faxit, pater.

CH. Illene? set repprimam me: nam in metu esse hunc, illi est utile. 25

CL. Quid tute tecum? CH. dicam. ut ut erat, mansum tamen oportuit.

Fortasse aliquantum iniquior erat praeter ejus lubidinem:

Pateretur: nam quem ferret, si paratem non ferrét suum?

Huncine erat aequom ex illius more, an illum ex hujus vivere?

Et quod illum insimulant durum, id non est. nam parentum injuriae 30

Uniusmodi sunt ferme; paulo qui est homo tolerabilis,

Scortari crebro nolunt; nolunt crebro convivari:

Praebent exigue sumptum: atque haec sunt tamen ad virtutem omnia.

Verum animus ubi semel se cupiditate devinxit mala,

Necesse est, Clitiphó, consilia consequi consimilia. hoc 35

Scitum est, periculum ex aliis facere, tibi quid ex usu siet.

CL. Ita credo. CH. ego ibo hinc intro, ut videam, nobis cœnae quid siet.

Tu, ut tempus est dicí, vide sis, ne quo hinc abeas longius.

ACTUS I. SCENA III.

CLITIPHO.

Quam iniqui sunt patres in omnis adolescentis iudices!

Qui aequom esse censent, nos jam a pueris sileo nasci senes;

Neque illarum adfines esse rerum, quas fert adolescentia.

Ex sua libidine moderantur, nunc quae est, non quae olim fuit.

Mihi si umquam filius erit, ne ille facili me utetur patre: 5

Nam et cognoscendi et ignoscendi dabitur peccati locus:

Non ut meus, qui mihi per alium ostendit suam sententiam.

Perii: is mi, ubi adhibet plus paulo, sua quae narrat facinora?

Nunc ait: periculum ex aliis facito, tibi quid ex usu siet.

Astutus: ne ille haut scit, quam mihi nunc surdo narret fabulam. 10

Magis nunc me amicae dicta stimulant: „Dá mihi, atque adfer mihi:“

Cui quod respondeam nil habeo: neque me quisquam est miserior.

Nam hic Clinia, etsi is quoque suarum rerum sat agitát, tamen

Habet bene et pudice eductam, ignaram artis meretriciae.

Mea est potens, prociis, magnifica, sumptuosa, nobilis. 15

Tum quód dēm ei, recte 'st: nám nihil esse mihi religio 'st
dicere.

Hoc égo mali non pridem inveni: néque etiamdum scit pater.

ACTUS II. SCENA I.

CLINIA. CLITIPHO.

Si mihi secundae rés de amore méo essent, jam dudúm, scio,
Venisset: set vereór, ne mulier me ábsente hic corrúpta sit.

Concurrunt multa, opínionem hanc quae mihi animo exaúgeant:

Occásio, locus, aétas, mater, cuius sub imperió 'st, mala:

Cui níl jam praeter prétium dulce 'st. CLIT. Clínia. CLIN. ei
misero mihi. 5

CLIT. Etiám caves, ne vídeat forte hic te á patre aliquis éxiens?

CLIN. Faciám: set nescio quíd profecto mi ánimus praesagit
mali.

CLIT. Pergín' istuc prius dijúdicare, quám scias, quid rei siet?

CLIN. Si níl mali esset, jam híc adesset. CLIT. jam áderit.

CLIN. quando istúc jam erit?

CLIT. Non cógitas, hinc lóngule esse? et nósti mores mülíe-
rum: 10

Dam móliantur, dúm comuntur, ánnus est. CLIN. o Clítipho,

Timeó. CLIT. respira: ecclúm Dromonem cúm Syro una: ad-
súnt tibi.

ACTUS II. SCENA II.

SYRUS, DROMO, servi. CLINIA. CLITIPHO.

Sy. Ain' tu? Dr. sic est: vérum interea, dúm sermones caedimus,
Illaec sunt relictæ. CLIT. mulier tibi adest; audin', Clínia?

CLIN. E'go vero audió nunc demum et vívo et valeo, Clítipho.

Sy. Mínime mirum: adeo impeditæ súnt: ancillarúm gregem

Dúcunt secum. CLIN. périi, unde illi súnt ancillae? CLIT. mén'
rogas? 5

Sy. Nón oportuít relictas: pórtant quid rerum! CLIN. ei mihi.

Sy. Áurum, vestem: et vésperascit, ét non noverúnt viam.

Fáctum a nobis stúlte est. abi dum tú, Dromo, illis óbviám:

Própere: quid stas? CLIN. vaé misero mi, quánta de spe decídi.

CLIT. Quí istuc? quae res té sollicitat autém? CLIN. rogítas,
quid siet? 10

Viden' tu? ancillas, áurum, vestem, quám ego cum una an-
cillula

Híc reliqui, unde ésse censes? CLIT. váh, nunc demum in-
téllego.

Sy. Dí boni, quid túrbæ 'st? aedes nóstræ vix capíent, scio.

Quid comedent? quid ebibent? quid sene erit nostro miserius?
Sed video, eccos, quos volebam. *CLIN.* o Iuppiter, abinam
est fides? 15

Dum ego propter te errans patria careo demens, tu interea loci
Conlocupletasti, Antiphila, te, et me in his decruisti malis;
Propter quam in summa infamia sum, et meo patri minus sum
obsequens.

Cajus nunc pudet me et miseret, qui harum merces cantabat
mihi,

Monuisse frustra, neque eum potuisse umquam ab hac me ex-
pellere: 20

Quod tamen nunc faciam: tum, cum gratum mi esse potuit,
nolui.

Nemo est miserior me. *Sy.* hic de nostris verbis errat videlicet,
Quae hic sumus locuti. *CLINIA*, aliter tum amorem, atque
est, accipis:

Nam et vita 'st eadem, et animus te erga idem ac fuit;
Quantum ex ipsa re conjecturam fecimus. 25

CLIN. Quid est obsecro? nam mihi nunc nil rerum omnium 'st,
Quod malim, quam me hoc falso suspicariet.

Sy. Hoc primum, ut ne quid huius rerum ignorés: anus,
Quae est dicta mater esse ei antehac, non fuit:

Ea obiit mortem: ex ipsa in itinere hoc, alterae 30
Dum narrat, forte audivi. *CLIT.* quanam 'st altera?

Sy. Mane: hoc, quod coepi, primum enarrem, *CLITIPHO*:
Post istuc veniam. *CLIT.* propera. *Sy.* jam primum omnium,

Ubi ventum ad aedis est, Dromo pulsat fores:
Anus quaedam prodit: haec ubi aperit ostium, 35

Continuo hic se conjecit intro, ego consequor:

Anus foribus obdit pessusulum, ad lanam redit.

Hic sciri potuit, aut nusquam alibi, *CLINIA*,

Quo studio vitam suam te absente exegerit;

Ubi de improviso est interventum mulieri: 40

Nam ea tum res dedit existumandi copiam

Cotidianae vitae consuetudinem;

Quae, cuiusque ingenium ut sit, declarat maxime.

Textentem telam studiose ipsam offendimus;

Mediocriter vestitam veste lugubri, 45

Ejus anvis causa, opinor, quae erat mortua,

Sine auro: tum ornatam, ita uti quae ornantur sibi;

Nulla malam re esse expositam muliebri:

Capillus sparsus, prolixus, circum caput

Reiectus negligenter, pax. *CLIN.* Syro mi, obsecro, 50

Ne me in laetitiam frustra conjicias. *Sy.* anus

Subtamen nebat: praeterea una ancillula

Erant; éa terebat úna, pannis óbíta,
Neclecta, immunda inlúvie. *CLIT.* si haec sunt, Clínia,
Vera, ita uti credo, quis te est fortunátior? 55

Scin' hanc, quam dicit sórdidatam et sórdidam?
Magnum hoc quoque signum 'st, dóminam esse extra nóxiam,
Cum ejús tam neclegúntur internúntii.

Nam disciplina est iisdem, munerárier
Ancillas primum, ad dóminas qui adfectánt viam. 60

CLIN. Perge, óbsecro te, et cæve, ne falsam grátiam
Studeás inire. quid aút, ubi me nóminas?

SY. Ubi dicimus rediísse te, et rogáre, uti
Veniret ad te, mûlier telam désinit

Continuo, et lacrumis ópplet os totúm sibi: 65
Ut fácte scias, desiderio id fieri tuo.

CLIN. Præ gaudio, ita me dí ament, ubi sim nescio:
Ita tímui. *CLIT.* at ego nil ésse scibam, Clínia.

Agedúm vicissim, Síre, dic, quæ illa 'st áltera.

SY. Addúcimur tuam Bácschidem. *CLIT.* hem, quid? Bácschi-
dem? 70

E'ho, sceleste, quó illam ducis? *SY.* quó ego illam? ad nos
scílicet.

CLIT. A'd patremne? *SY.* ad eum ipsum. *CLIT.* o hominis
impudentem audáciam. *SY.* heus tu,

Nón fit sine períclo facinus mágnum et commemorábile.

CLIT. Hóc vide: in mea víta tu tibi laudem is quæsitúm,
scelus?

U'bi si paululúm modo quid te fúgerit, ego périerim. 75

Quid illa facias? *SY.* át enim. *CLIT.* quid enim? *SY.* sí si-
nis, dicó. *CLIN.* sine.

CLIT. Sino. *SY.* ita res est hæc nunc, quasi cum — *CLIT.*
quás, malam, ambagés mihi

Nárrare occipít? *CLIN.* Syre, verum hic dicit: mitte. ad rém
redi.

SY. E'nimvero reticére nequeo: múltimodis injúrius 's,
Clítipho, neque ferri potis es. *CLIN.* áudiundum hercle ést,
tace. 80

SY. Vis amare: vis potiri: vis quod des illi, éffici:
Túum esse in potiundó periculum nón vis: haút stulté sapis:
Siquidem id sapere 'st, velle te id, quod nón potest, contingere.
Aút hæc cum illis súnť habenda, aut illa cum his mitténda sunt.
Hárum duarum cónditionum nunc útram malís, vide: 85

E'tai consilium hóc, quod cepi, réctum esse et tutúm scio.
Nam áput patrem tua amíca tecum sine metu ut sit, cópia 'st:
Túm quod illi argentum és pollicitus, eádém hac inveníam via:
Quód ut efficerem, orádo surdas jam aúris reddiderás mihi.

Quid alid tibi vis? *CLIT.* siquidem hoc fiet. *Sy.* siquidem,
experiundó scies. 90

CLIT. A'ge age, cedo istuc tuum consilium: quid id est? *Sy.*
adsimulábinus,

Tuam amicam hujus esse. *CLIT.* pulchre: cédó quid hic faciét sua?
A'n ea quoque dicétur hujas, si úna haec dedecori ést parum?

Sy. Immo ad tuam matrem deducetur. *CLIT.* quid eo? *Sy.*
longum 'st, Clitipho,

Sí tibi narrem, quámobrem id faciam; véra causa est. *CLIT.*
fábulae: 95

Níl satis firmi video, quamobrem accipere hunc mi expediát metum.

Sy. Máne, habeo aliud, si iste est metus, quod ámbó confiteámini
Sine periculo esse. *CLIT.* huiusmodi obsecro áliquíd reperi. *Sy.*

máxume:

Ibo óbviám huic; dicam, út revortatúr domum. *CLIT.* hem,
Quid dixti? *Sy.* ademptum tibi jam faxo omném metum: 100

In aúrem utramvis ótiose ut dórmias.

CLIT. Quid ágo nunc? *CLIN.* tune? quód boni — *CLIT.* Syre,
dic modo

Verum. *Sy.* áge modo: hodie séro ac nequicquám volés.

CLIN. Di dánt, fruare, dúm licet: nam néscias —

CLIT. Syre, inquam. *Sy.* perge pórró, tamen istuc ago. 105

CLIN. Eius sit potestas pósthac an numquám tibi.

CLIT. Verum hércle istuc est: Syre, Syre, inquam, heus, heus,
Syre.

Sy. Concáluit: quid vis? *CLIT.* rédi, redi. *Sy.* adsum, dic,
quid est?

Jam hoc quóque negabis tibi placere. *CLIT.* immó, Syre,
Et mé et meum amorem et fámam permittó tibi. 110

Tu es júdex. ne quid áccusandus sis, vide.

Sy. Ridículum est, te istuc me ádmonere, Clitipho:

Quasi ístic mea res mínor agatur, quám tua.

Hic sí quid nobis fórté adversi evénerit,

Tibi erúnt parata vérba: huic hominí vérbera. 115

Quapróptér haec res ne útiquam neglectu ést mihi:

Set istúnc exora, ut suam ésse adsimulet. *CLIN.* scilicet

Factúrum me esse, in eúm res rediit jám locum,

Ut sit necessum. *CLIT.* mérito te amo, Clínia.

CLIN. Verum illa ne quid titubet. *Sy.* perdoctá 'st probe. 120

CLIT. At hóc demiror, quí tam facile pótuérís

Persuádere illi, quae solet quos spérnere.

Sy. In témpore ad eam véni, quod rerum ómnium 'st

Primúm: nam miserum quéndam offendi ibi militem

Eius nóctem orantem: haec árte tractabát virum, 125

Ut illius ánimum cúpidum inopia incánderet:

TERENTIUS.

G

Eadémque ut esset áput te hoc quam gratissimum.

Set heús tu, vide sis, né quid imprudéns ruas.

Patrém novisti, ad háas res quam sit pérspicax:

Ego te autém novi, quam éssé soleas inpotens:

130

Invérsa verba, evérsas cervicés tuas,

Gemitús, screntus, tásis, risus ábstíne.

CLIT. Laudábis. SY. vide sis. CLIT. tútemet mirábere.

SY. Set quám cito sunt cónsecutae múlieres?

CLIT. Ubí sánt? cur retínes? SY. jám nunc haec non ést tas. 135

CLIT. Scio, áput patrém: at nunc ínterim. SY. níhiló magis.

CLIT. Sine. SY. nón sinam, inquam. CLIT. quaéso paulispér.

SY. veto.

CLIT. Saltém salutare. SY. ábeas si sapiás. CLIT. eo.

Quid istíc? SY. manebít. CLIT. o hóminem felicem. SY. ámbula.

ACTUS. II. SCENA III.

BACCHIS. ANTIPHILA. CLINIA. SYRUS.

BA. E'depol te, mea Antiphila, laudo et fortunatam júdico,

I'd cum studuisti, isti formae ut móres consimilés forent.

Mínimeque, ita me dí ament, miror, sí te sibi quisque expetit.

Nám míhi, quale ingénium haberes, fúit indicio orátio.

E't cum egomet nunc mécum in animo vítam tuam considero, 5

O'mniumque adeó vostrarum, vólgu quae ab se ségregant;

E't vos esse istíusmodi, et nos nón esse, haut mirábile 'st:

Nam expedit bonis esse vobis; nós, quibuscum est res, nón sinuat:

Quíppe forma inpúlsi nostra nós amatórés colunt:

Haéc ubi immutáta est, illi súm animum alio cónferunt; 10

Nísi prospectum intérea a nobis ést, desertae vívimus.

Vóbis cum uno sémel ubi aetatem ágere decretúm 'st viro;

Cuíus mói maxumé 'st consimilis vóstrum, hi se ad vos ádplicant.

Hóc beneficio utrítque ab utrisque véro devincimíni;

U't numquam ulla amóri vestro incidere possit cálamitas. 15

AN. Nescio alias: mé quidem semper scio fecisse sédulo,

U't ex illius cómodo meum cómpararem cómodum. CL. ah.

Ergó, mea Antiphila, tú nunc sola róducem me in patriám facis:

Nam dum ábste absum, omnes míhi labores fuére, quos cepi, leves:

Praetérquam tui caréndum quod erat. SY. crédo. CL. Syre,

vix súffero. 20

Hocíne me miserum nón licere meó modo ingeniúm frui?

SY. Immo, út patrém tuum vídi esse habitum, día etiam dúras dabit.

BA. Quisnam híc adolescens ést, qui intultur nós? A. ah, retine me, óbsecro.

BA. Amábo quid tibi ést? A. disperit, périlí misera. B. quíd stopes,

Antiphila? *A. videam? Clínia, an non? B. quém vides?* *Cl. salve ánimo mi.* 25

AN. O, mi exspectate Clínia, salve. Cl. út vales?

AN. Salvum advenisse gaudeo. Cl. teneóne te, Antiphila, maxime ánimo exoptatám meo?

Sy. Ite intro: nam vos jámdudum exspectát senex.

ACTUS III. SCENA I.

CHREMES. MENEDERMUS.

CH. Luciscit hoc jam. cesso pultare ostium. Vicini? primum ex me út sciat, sibi filium Rediisse: etsi adulescentem hoc nolle intéllego.

Verúm cum videam, míserum hunc tam execrárier Ejus ábitu, celem tam ínsperatum gáudium; 5

Cum illi pericli níhil ex indicio siet?

Hant fáciam: nam quod pótere adjutabó senem.

Item ut filium meum amico atque aequali suo

Video inservire, et sócium esse in negotiis;

Nos quóque senes est aequum senibus óbssequi. 10

ME. Aut égo profecto ingénio egregie ad míseriam

Nátus sum; aut illud fálsum 'st, quod vulgo audio

Dici, diem adimere cotidie augescit magis

Nam míhi quidem cotidie augescit magis

De filio aegritúdo; et quanto díutius 15

Abést, magis cupio tánto, et magis desidero.

CH. Set ipsúm foras egréssum video; ibo, ádloquar.

Menedéme, salve: núnium adportó tibi,

Cuius máxime te fieri participém cupis.

ME. Num quídam de gnató meo audisti, Chreme? 20

CH. Valet atque vivit. M. úbinam 'st quæso? CH. aput me híc domi.

ME. Meus gnátus? CH. sic est. M. vénit? CH. certe. M. Clínia

Meus vénit? CH. dixi. M. eámus, duc me ad eum, óbsacro.

CH. Non vólt, te scire, sé redisse etiam: ét tuum

Conspéctum fugitat: própter peccatum hóc timet, 25

Né túa duritia antiqua illa etiam adaucta sit.

ME. Non tu ei dixisti, ut ésem? CH. non. M. quamebrém, Chreme?

CH. Quia péssume istac ía te atque in illum cónsulis, Si té tam leni et victo esse animo osténderis.

ME. Non póssum: satis jam, sátis pater durús fui. CH. ah, 30

Veheméns utramque in pártem, Menedéme, és nimis,

Aut lárgitate nimia aut parsimónia.

In eándem fraudem ex hác re atque ex illa íncides.

- Primum olim potius, quam paterere fillum
Commétare ad muliérculam, quae paululo 83
Tum erat contenta, cuique erant grata omnia;
Protèrruisti hinc. éa coacta ingrátis
Postilla coepit victum volgo quaérere.
Nunc cum sine magno intérrimento nón potest.
Habéri, quidvis dare cupis. nam, ut tú scias, 40
Quam ea nunc instructa pulchre ad perniciém siet;
Primum jam ancillas secum adduxit plúa decem,
Onerátas veste atque auro: satrapá si siet
Amátor, numquam súfferre ejus sumptús queat:
Nedúm tu possis. *M.* éstne ea intus? *Ch.* sit rogas? 45
Sensit: nam unam eji cénam atque ejus cómitibus
Dedí: quod si iterum mihi sit danda, actúm siet.
Nam, ut ália omittam, pýtisando módo mihi
Quid víni absumpsit? Sic hoc, dicens; A'sperum,
Pater, hóc est; aliud lénius sodés vido: 50
Relévi dolia omnia, omnis sérias:
Omnis sollicitos hábui: atque haec una nox.
Quid té futurum cénas, quem adsidue exedent?
Sic mé di amabunt, ut me tuarum miseritum 'st,
Menedéme, fortunárum. *M.* faciat, quód habet: 55
Sumát, consumat, pérdat, decretúm 'st pati,
Dum illúm modo habeam mecum. *Ch.* si certám 'st tibi,
Sic fácere, illud permágni referre árbítror,
Ut né scientem sentiat te id sibi dare.
M. Quid fáciám? *Ch.* quidvis potius, quam quod cógitas: 60
Per álium quemvis út des: falli té sinas
Technis per servolum: étsi subeensi id quoque,
Illós ibi esse, id ágere inter se clánculum.
Syrus cum illo vestro cónsusurrant, cónferunt
Conseília ad adulescentes: et tibi pérdere 65
Taléntum hoc pacto sátiús est, quam illó mínam.
Non nunc pecunia ágitur, set illud, quó modo
Minimó periclé id démus adulescéntulo.
Nam si semel tuum ánimus ille intellóxerit,
Prius próditurum té tuam vitam, ét prius 70
Pecúniám omnem, quam ábs te amittas filium: hui,
Quantám fenestram ad néquitíem pateféceris?
Tibi autem perro ut nón sit suave vívere:
Nam déteriores ómnes sumus licéntia.
Quodcúmque incidit ín mentem, volét: neque id 75
Putábit pravómne án rectum sit, quód petet.
Tu rém perire, et ípsum non poteris pati.
Dare dénegaris: ibit ad illud ílice,

Quo máxime aput te sé valere sésentiet,
 Abitúrum se abs te esse ilico minitábitur. 80
 ME. Vidére verum, atque ita uti res est, dicere.
 CH. Somnum hércle ego hac nocte óculis non vidí meis,
 Dum id quaéro, tibi qui filium restituerem.
 ME. Cedo dextram: porro te óro, idem ut faciás, Chreme.
 CH. Parátus sum. M. scin', quíd nunc facere té volo? 85
 CH. Dic. M. quód sensisti, illós me incipere fállere,
 Id út maturent fácere: cupio illi dare,
 Quod vólt; cupio ipsum jám videre. CH. operám dabo.
 Syrus éstprehendendus, átque adhortandús mihi.
 A mé nescio quis éxit: concede hinc domum, 90
 Ne nós inter nos cónsentire sésentiant.
 Paulum hóc negoti mi óbetat: Simus ét Crito
 Vicini nostri hic ámbigunt de finibus:
 Me cépere arbitrum: íbo ac dicam, ut díxeram,
 Operám daturum me, hódie non posse iis dare. 95
 Contínúq; hic adero. M. ita quaéso. di vostrám fidem!
 Ita cónparatam esse hóminum naturam ómnium,
 Aliéna ut melius vídeant et dijúdicent,
 Quam súa? an eo fit, quía re in nostra aut gaúdio
 Sumus praépediti nímio aut aegritúdine? 100
 Hic míhi nunc quanto plús sapit, quam egomét mihi?
 CH. Dissólui me, ocýus operam ut tibi darem.

ACTUS III. SCENA II.

SYRUS. CHREMES.

Sy. Hac illic circumcúrsa: inveniendum ést tamen
 Argéntum; intendenda ín senem est fallácia.
 CH. Num mé fefellit, hósce id struere? videlicet
 Ille Clíniái sérvos tardiúsculus 'st,
 Idcirco huic nostro trádita 'st provincia. 5
 Sy. Quis hic lóquitur? perii. númaam haec audivít? CH. Syre.
 Sy. hem.
 CH. Quid tu ístic? Sy. recte. equidém te demirór, Chreme,
 Tam máne, qui heri tántum biberis. CH. níl nimis.
 Sy. Nil, nárras? visa véro 'st, quod dici solet,
 Aquilae senectus. CH. heia. Sy. mulier cómmoda et 10
 Facéta haec meretrix. CH. sáne idem visa ést mihi.
 Sy. Et quidem hércle forma lúculénta. CH. síc satis.
 Sy. Ita nó n ut olim, sét uti nunc, sané bona:
 Miniméque miror, Clínia hanc si déperít:
 Set habét patrem quendam áyidum, miserum atque áridum, 15
 Vicinam hunc: nostin'? át quasi is non divítis

Abúndet, gnatus eius profugit inopia.
 Scis, esse factum, ut dico? *CH.* quid ego ní sciam?
 Hominém piatrino dignum. *SY.* quem? *CH.* istunc sérvolum
 Dico adulescentis. *SY.* Síre, tibi timuí male. 20
CH. Qui pássus est, id fieri. *SY.* quid facerét? *CH.* rogas?
 Aliquid reperiret, fingeret fallácias,
 Unde ésset adulescénti, amicae quód daret,
 Atque hunc difficilem invítum servarét senem.
SY. Garrís. *CH.* haec facta ab illo oportebát, Syre. 25
SY. Eho quaéro laudas, quí eros fallunt? *CH.* in loco
 Ego véro laudo. *SY.* récte sane. *CH.* quíppe qui
 Magnárum saepe id rémedium aegritúdinum est:
 Jam huíc mansisset únicus gnátus domi.
SY. Iocón' an serio ille haec dicat néscio; 30
 Nisi míhi quidem addit ánimum, quo lubeát magis.
CH. Et núnc quid exspectát, Syre? an dum hinc dénuo
 Abeát, cum tolerare illius sumptus nóñ queat?
 Nonne ad senem aliquam fábricam fingit? *SY.* stólidus est.
CH. At te ádjutare opórtet adulescéntuli 35
 Causá. *SY.* facile equidem fácere possum, si jubes:
 Etením quo pacto id fieri soleat, cálleo.
CH. Tanto hércle melior. *SY.* nóñ est mentiri meum.
CH. Fac érgo. *SY.* at heus tu, fáctodum eadem haec mémineris,
 Si quid hujus simile fórte aliquando evénerit, 40
 Ut súnť humana, túus ut faciat filius.
CH. Nón úsus veniet, spéro. *SY.* spero hércle égo quoque:
 Neque eó nunc dico, quó quicquam illum sénserim:
 Set sí quid, ne quid; quae sit ejus aetás, vides:
 Et n égo te, si usus véniat, magnificé, Chreme, 45
 Tractáre possim. *CH.* de istoc, cum usus vénerit,
 Vidébimus, quod ópus sit: nunc istúc age.
SY. Numquám commodius úmquam erum audiví loqui,
 Nec cúm malefacere créderem mí inpúnus
 Licére. quisnam a nóbis egreditúr foras? 50

ACTUS III. SCENA III.

CHREMES. CLITIPHO. SYRUS.

CH. Quid istuc, quaeso? quí istic mos est, Clítipho? itane fieri
 oportet?
CL. Quid ego feci? *CH.* vídin' ego te módo manum in sinum
 huíc meretrici
 Inserere? *SY.* acta haec rés est. perii. *CL.* méno? *CH.* hisce
 oculis, né nega.
 Faciá ádeo indigne injáriam illi, quí non abstineás manum:

Nam istaec quidem contumelia est: 5

Hominem amicum recipere ad te, atque ejus amicam subigitare.
Vél heri in vino quam inmodestus fuisti? *Sy.* factum. *Ch.* quam molestus!

U't equidem, ita me di ament, metui, quid futurum denique esset!
Nóvi ego amantis: ánimu advertunt grávitèr, quae non censeas.

Cl. A't fides mi aput hunc est, nil me istius facturum, pater. 10

Ch. Esto: at certe concedas hinc aliquo ab ore eorum aliquantisper.

Multa fert libido: ea prohibet facere tua praesentia.

Ego de me facio conjecturam. nemo 'st meorum amicorum hodie,
Aput quem expromere omnia mea occulta, Clitipho, audeam,
Aput alium prohibet dignitas; aput alium ipsius facti pudet; 15
Ne ineptus, ne protervos videar: quod illum facere credito.
Set nostrum est intelligere; utcumque atque ubicumque opus sit, obsequi.

Sy. Quid istic narrat? *Cl.* perii. *Sy.* Clitipho, haec ego praecipio tibi?

Hominis frugi et temperantis functus 's officium. *Cl.* tace sodes.

Sy. Récte sane. *Ch.* Syre, pudet me. *Sy.* crédo; neque id injuria: quia 20

Mihi molestam 'st. *Cl.* pergin'? *Sy.* hercle verum dico, quod videtur.

Cl. Nónne accedam ad illos? *Ch.* cho, quaeso, una accedundi via est?

Sy. A'ctum 'st: hic prius se indicarit, quam ego argentum effecero.

Chremé, vin' tu homini stulto mi auscultare? *Ch.* quid faciám? *Sy.* jube hunc

Abire hinc aliquo. *Cl.* quó ego hinc abeam? *Sy.* quó lubet: da illis locum: 25

Abi deambulatum. *Cl.* deambulatum, quó? *Sy.* vah, quasi desit locus.

Abi sane istac, istorsum, quovis. *Ch.* récte dicit, censeo.

Cl. Di te eradicent, Syre, qui me hinc extrudas. *Sy.* at tú tibi istas

Pósthac comprimito manus.

ACTUS III. SCENA IV.

Sy. Censea' vero? quid illum porro credis facturum, Chreme? Nisi eum, quantum tibi opis di dant, sérvas, castigás mones.

Ch. E'go istuc curabo. *Sy.* atqui nunc, ere, híc tibi adser-vándus est.

Ch. Fiet. *Sy.* si sapiás: nam mihi jam minus minusque obtémperat.

CH. Quid tu? ecquid de illó, quod dudum tecum egi, egisti, Syre?

Aut est tibi, quod placeat, an nondum étiam? *Sr.* de fallácia Dícis? est: invéni nuper quándam. *CH.* frugi es. cédo, quid est? *Sr.* Dícam: verum, ut áliud ex alio incidit. *CH.* quidám, Syre? *Sr.* Péssuma haec est méretrix. *CH.* ita vidétur. *Sr.* immo, si scias.

Váh, vide quod incéptet facians. Fuit quaedam anus Coríathia 10

Híc; huic drachumárum argenti haec mille dederat mútuum. *CH.* Quid tum? *Sr.* ea mortuá 'st: reliquit filiam adulescéntulam. E'a relicta huic árraboni est pro illo argento. *CH.* intéllego. *Sr.* Hanc secum huc addúxit, eam, quae est nunc apud uxórem tuam.

CH. Quid tum? *Sr.* Cliniam órat, sibi ut id nunc det: illa illi tamen 15

Póst datum iri mille numum praes sit. *CH.* et praes sit quidem? *Sr.* hui,

Dúbium id est? ego sic putavi. *CH.* quid nunc facere cógitas? *Sr.* E'gone? ad Menedemum íbo: dicam, hanc éssé captam ex Cária,

Dítem et nobilém: si redimat, mágnum esse in ea ré lucrum.

CH. E'rras. *Sr.* quid ita? *CH.* pró Menedemo nunc tibi ego respódeó: 20

„Nón emo.“ *Sr.* quid áis? optata lóquere. *CH.* atqui non ést opus. *Sr.* Nón ést opus? *CH.* non hércle vero. *Sr.* qui istuc, miror. *CH.* jám scies.

Sr. Máne, mane, quid est, quód tam a nobis gráviter crepuerúnt fores?

ACTUS III. SCENA V.

SOSTRATA. CREMES. NUTRIX. SYRUS.

So. Nisi me ánimus fallit, híc profecto est ánulus, quem ego súspicor:

La, quícum exposita est gnáta. *CH.* quid volt sibi, Syre, haec orátio?

So. Quid ést? ísne tibi vidétur? *Nr.* dixi equidem, úbi mi ostendisti, ílico,

Eum éssé. *So.* at satis ut cóntemplata módo sis, mea nutrix. *Nr.* satis.

So. Abi nunc iam íntro; atque illa si jam láverit, mibi múnctia. 5 Híc égo virum ínterea ópperibor. *Sr.* té volt: videas quid velit: Nescio quid tristis ést: non temere 'st: métao quid sit. *CH.* quid siet?

Ne ista, hércle, magno jám conatu mágnas nugas díxerit.

So. Ehem mi vir. *Ch.* ehem mea uxor. *So.* te ipsum quaero.
Ch. loquere, quid velis.

So. Primum hoc te oro, ne quid credas me adversum edictum
tuum 10

Facere esse ausam. *Ch.* vin' me istuc tibi, etsi incredibile 'st,
credere?

Crédo. *Sr.* nescio quid peccati portat haec purgatio.

So. Meministin' me gravidam, et mihi te maximo opere edicere,
Si puellam parerem, nolle tolli? *Ch.* scio quid feceris.

Sustulisti. *Sr.* si sic est factum, domina, ergo erus damno
auctus est. 15

So. Minime: set erat hic Corinthia anus haut impura: ei dedi
Exponendam. *Ch.* o Iuppiter, tantam esse in animo inscitiam?

So. Perii. quid ego feci? *Ch.* at rogitas? *So.* si peccavi, mi
Chreme,

Insciens feci. *Ch.* id quidem ego, si tu neges, certo scio,
Te inscientem atque imprudentem dicere ac facere omnia; 20
Tot peccata in hac re ostendis. nam jam primum, si meum
Imperium exsequi voluisses, interemptam oportuit:

Non simulare mortem verbis, re ipsa spem vitae dare.

At id omitto: misericordia, animus maternus: sino.

Quam bene vero ab te prospectum est! quid voluisti? cogita: 25

Nempe illi anui prodita: ab te filia est planissime,

Per te vel uti quaestum faceret, vel uti veniret palam.

Crédo, id cogitasti: Quidvis satis est, dum vivat modo.

Quid cum illisce agas, qui neque jus, neque bonum atque ac-
quum sciunt?

Melius, pejus, prosit, obest, nil vident, nisi quod lubet? 30

So. Mi Chreme, peccavi, fateor: vincor. nunc hoc te obsecro;

Quando tunc est animus, natu gravior, ignoscentior,

Ut meae stultitiae justitia tua sit aliquid praesidi.

Ch. Scilicet equidem istuc factum ignoscam: verum, Sóstrata,

Male docet te mea facilitas multa. sed istuc quicquid est, 35

Qua hoc conceptum 'st causa, eloquere. *S.* ut stultae et mise-
rae omnes sumus

Religiosae; cum exponendam de illi, de digito anulum

Detrabo: et cum dico ut una cum puella exponeret;

Si moreretur, ne expers partis esset de nostris bonis.

Ch. Istuc recte: conservasti te atque illam. *So.* hic is est
anulus. 40

Ch. Unde habes? *Sr.* quam Baccchis secum adduxit adolescen-
tulam. *Sr.* hem.

Ch. Quid ea narrat? *So.* ea, lavatum dum it, servandam mi-
hi dedit.

Animum non adverti primum: set postquam aspexi, ilico

Cógnovi, ad te exiit. *Ch.* quid nunc suspicáre aut invéntis De illa? *So.* nesció; nisi ex ipsa quaéras, unde hunc hábuerit, 45
Si potis est reperiri. *Sr.* interii: plús spei video, quám volo, Nón est, si ita est. *Ch.* vivitne illa, cui tu dederas? *So.* nescio. *Ch.* Quid renuntiávit olim? *So.* fécissee id, quod jússem. *Ch.* Nómen mulierí cedo quod sit, út quaeratur. *So.* Philtèra. *Sr.* Ipsa est. mirum, ní illa salva est, ét ego perii. *Ch.* Sé-

strata, 50
 Séquere me intro hac. *So.* út praeter spem événit. quam tí-

muí male,
 Né nunc animo ita ésses duro, ut ólim in tollendó, *Chreme.*
Ch. Nón licet hominem ésse saepe ita út volt, si res nón sinit. Nunc ita tempus fért, mi ut cupiam filiam; olim níl minus.

ACTUS III. SCENA VI.

SYRUS.

Nisi me ánimus fallit, haút permultum a me áberit infortánium:
 Ita hác re in angustum óppido nunc meae coguntur cóplae:
 Nisi áliqua video, ne ésse amicam hanc gnáti resciscát senex.
 Nam, quód de argento spérem aut posse póstulem me fállere,
 Níhil ést: triumpho, si licet me látere tecto abscódere. 5
 Cruciór, bolum mihi tántum ereptum tám desubito e fáscibus.
 Quid agam? aut quid comminiscár? ratio de íntegro incundá
 'st mihi.

Níl tám difficile 'st, quín quaerendo invéstigari póssiet.
 Quid, si hóc nunc sic incípíam? níhil ést. quíd, si sic? tan-
 túndem ago.

At sic opinor. nón potest. immo óptame. euge habeo óptimam. 10
 Retraham hércle opinor ad me idem illud fúgitívum argen-
 túm tamen.

ACTUS IV. SCENA I.

CLINIA. SYRUS.

Nullá mihi res posthác potest jam intérvénire tánta,
 Quae mi aégritudinem adferat: tanta haéc laetitia obórta est.
 Dedó patri me nunc iam, ut frugálior sim, quám volt.

Sr. Níl mé fefellit: cógnita est, quantum aúdio hujus vérba.
 Istúc tibi ex senténtia tua óbtigisse laétor. 5

Cl. O mi Syre, audisti óbaecro? *Sr.* quidní? qui usque una
 adfúerim.

Cl. Cuiquam aeque audisti cómmode quicquam événisse? *Sr.* núlli.
Cl. Atque ita me di ament, út ego nunc non tám meapte cáusa
 Laétór, quam illius: quam égo scio esse honóre quovis dígnam.

Sr. Ita crêdo: set nunc; Clinia, age, da tē mihi vicissim: 10

Nam amici quoque res, est videndum, in tūto ut conlocētur:

Ne quid de amica nūc senex. **Cl.** o Iuppiter. **Sr.** quiesce.

Cl. Antiphila mea nubet mihi. **Sr.** sicine mi interloquere?

Cl. Quid faciam? Syre mi, gaudeo: fer me. **Sr.** foro hercle vero.

Cl. Debrum vitam apti sumus. **Sr.** frustra operam, opiner, sumo. 15

Cl. Loquero: audio. **Sr.** at jam hoc nōn ages. **Cl.** agam.

Sr. videndum est, inquam,

Amici quoque res, Clinia, tai in tūto ut conlocētur.

Nam si nunc a nobis abis, et Bacchidem hic relinquis;

Nostēr resciscet ilico, esse amicam hanc Clitiphōnis:

Si abdūxeris; celābitur, itidem ut celata adhūc est. 20

Cl. At enim istoc nihil est magis, Syre, meis nūptiis advorsum:

Nam quo orō appellabō patrem? tenēs, quid dicam? **Sr.** quidni?

Cl. Quid dicam? quam causam adferam? **Sr.** quin nōlo mentiare:

Aperte, ita ut res sese habet, narrāto. **Cl.** quid ais? **Sr.** jubeor

Illām te amare, et velle uxorem: hanc esse Clitiphōnis. 25

Cl. Bonam atque justam rem oppido imperās, et factu facilem.

Et scilicet jam me hōc vōles patrem exorare, ut cōlet

Senem vōstrum, **Sr.** immo ut rectā via rem narret ordine

ōmnem. **Cl.** hem.

Satin' sānus es, aut sōbrius? tu quidem illum plane prōdis:

Nam qui ille poterit esse in tuto, dic mihi. 30

Sr. Huic equidem consilio palmam do: hīc me magnifice ēcfero,

Qui vim tantam in me et potestatem hābeam tantae astūtiae,

Vēra dicendo ut eos ambos fallam; ut cum narrēt senex

Vōster nostro, esse istam amicam gnāti, non credāt tamen.

Cl. A't enim spem istoc pācto rursum nūptiarum omnem ēripis. 35

Nām dum amicam hanc meam esse credet, nōn committet filiam.

Tū fors, quid me fiat, parvi pēdis, dum illi cōsulas.

Sr. Quid, malum, me aetātem censēs velle id adsimulārier?

U'nus est diēs, dum argentum eripio: pax: nihil ampliūs.

Cl. Tāntum sat habes? quid tum quaeso, si hōc pater rescī-

verit? 40

Sr. Quid, si redeo ad illos, qui ajunt, quid si nunc caelūm ruat?

Cl. Mētno, quid agam. **Sr.** mētuis? quasi non ea potestas sit tua,

Quo velis in tēpore ut te exsolvas, rem faciās palam.

Cl. Age, age, traducātur Bacchis. **Sr.** optume, ipse exit foras.

ACTUS IV. SCENA II.

BACCHIS. CLINIA. SYRUS. DROMO. PHRYGIA, ancilla.

Ba. Satis pōl proterve mē Syri promissa huc induxerunt,

Decēm minas, quas mihi dare est pollicitus. quod si te nūc mē

Decéperit; saepe obsecrans me, ut véniam, frustra véniet:

Aut cūm venturam dixerō et constituero, cum is cēto

Renūtiabit, Clitipho cum in spē pendeat animi;

5

Decipiam, ac non veniam. Syrus mihi tēgo poenas pēdet.

Ct. Satis scite premittit tibi. Sy. atqui tu hāc jecari crēdis?

Faciēt, nisi caveo. B. dōrmiunt. ego pōl istos commovēbo.

Mea Phrygia, audistin', mōdo iste homo quam villam demon-
strāvit

Charini? Ph. audiui. B. prōximam esse huic fūdo ad dex-
tram? Ph. mēmiai.

10

BA. Currículo percurrere: apud eum milēs Dionysia āgitat.

Sy. Quid haec coéptat? B. dic, me hic oppido esse invitam
atque adservāri;

Verum, aliquo pacto vērba me his datūram esse et ventūram.

Sy. Perii hērele, Bacchis, māne, māne: quo mittis istanc, quādeo?

Iube. māneat. B. i. Sy. quin est paratum argēntum. B. quin
ego hic māneo.

15

Sy. Atqui jam dabitur. B. ut libet. num ego inato? Sy. at
scin' quid, sōdes?

BA. Quid? Sy. transeundum nūc tibi ad Menedēmum est, et
tua pōmpa

Eo traducenda est. B. quā rem agis, scelus? Sy. égon'?
argēntum cūdo,

Quod tibi dem. B. dignam mē putas, quam inlūdas? Sy. non
est tēmere.

BA. Etiāmnē tecum hic rēs mihi est? Sy. minimē: tuum tibi
rēddo.

20

BA. Eatur. Sy. aequere hac: hēus, Dromo. Dr. quis mē vult?
Sy. Syrus. Dr. quid est rei?

Sy. Ancillas omnia Bācchidis tradūce huc ad vos prōpere.

Dr. Quāmobrēm? Sy. ne quaeras: écferant, quae sēcum huc
attulērunt.

Sperābit sumptum sibi senex levātum esse harunc ābitu:

Ne ille haut scit, hoc paulūm lucri quantum etiā damni appōrtot.

25

Tu nēscis, id quod scis, Dromo, si sapiēs. Dr. mutum dices.

ACTUS IV. SCENA III.

CHRENES. SYRUS.

Ita mē di amabunt, ut nunc Menedēmī vicem

Miserēt me; tantūm devenisse ad eūm mali.

Illāncine mulierem ālere cum illa fāmilia?

Etsi scio, hoste aliquōt dies non sentiet:

Ita māgno desidēriū fuit ei filias.

5

Verum ubi videbit, tāntas sibi sumptūs domi

Cotidiano fieri, nec fieri modum,

Optabit, rursus ut abeat ab se filius.

Syrum optime eccum. Sy. cesso hunc adoriri? Ch. Syre.

Sy. hem.

Ch. Quid est? Sy. te mi ipsum jamdudum optabam dari. 10

Ch. Videre egisse jam nescio quid cum sene.

Sy. De illó, quod dudum? dictum ac factum reddidi.

Ch. Bonán' fide? Sy. bona. Ch. hércle non possum pati,

Quin tibi caput demúlceam: accedo húc, Syre?

Faciam boni tibi áliquid pro ista re, ac lubens. 15

Sy. At sí scias quam scíte in mentem vénerit.

Ch. Vah, glóriare evénisse ex senténtia?

Sy. Non hércle veró, vérum dico. Ch. dic quid est?

Sy. Tui Clitiphonis éssé amicam hanc Bácschidem

Menedémo dixit Clínia; et ea grátia 20

Se eam tráduxisse, né tu id persentisceres.

Ch. Probé. Sy. dic sodes. Ch. nímium, inquam. Sy. immo
síc satis.

Set pórró ausculta; quid super falláciae est.

Se deínde dicit tuám vidisse filiam:

Eius síbi complacitam fórmam, postquam aspéxerit: 25

Hanc cúpere uxorem. Ch. módone quae inventa ést? Sy. eam:

Et quídem jubebit pósci. Ch. quamobrem istúc, Syre?

Nam prorsus nihil intéllego. Sy. vah, tárdus es.

Ch. Fortásse. Sy. argentum dábitur eii ad núptias,

Aurum átque vestem quí, tenesne? Ch. cómparet? 30

Sy. Id ípsum. Ch. at ego illi néque do neque despóndeo.

Sy. Nam quamobrem? Ch. quamobrem? mé rogás? homini?

Sy. út lubet.

Non égo dicebam, in pérpetuum ut illam illi dares:

Verum út simulares. Ch. nón meum 'st simulatio:

Ita tu istaec tua miscéto, ne me admisceas. 35

Ego, cui daturus nón sum, ut ei despóndeam?

Sy. Credébam. Ch. minime. Sy. scíte poterat fieri:

Et ego hóc, quia dudum tú tantopere jússeras,

Eo coépi. Ch. credo. Sy. céterum equidem istúc, Chreme,

Aequi bonique fácio. Ch. atquí cum máxime 40

Volo, té dare operam, ut fiat, verum aliá via.

Sy. Fíat: quaeratur áliud, sed illud, quód tibi

Dixi de argento, quód ista debet Bácschidi,

Id núnc reddendum 'at illi: neque tu scíllicet

Eo núnc confugies, quid mea? num míhi datum 'st? 45

Num jússi? num illa oppígnere filiam

Meám me invito pótuít? vere illúd, Chreme,

Dicúnt, jus summum saepe summa est málitia.

TERENTIUS.

H

CH. Haut faciám. *Sy.* immo aliis sí licet, tibi nón licet.
Omnés te in lauta esse ét bene aucta ré putant. 50

CH. Quin égomet jam ad eam déferam. *Sy.* immo filium
Iube pótius. *CH.* quamobrem? *Sy.* quia enim in hunc su-
spício est

Translata amoris. *CH.* quid tam? *Sy.* quia vidébitur
Magis vérissimile id ésse, cum hic illi dabit:
Et simul conficiam fácilius ego, quód volo. 55
Ipse ádeo adest: abi: éffer argentum. *CH.* éffero.

ACTUS IV. SCENA IV.

CLITIPHO. SYRUS.

CL. Nulla ést tam facilis rés, quin difficilis siet,
Quam invitus facias. vél me haec deambulatio,
Quam nón laboriôsa, ad languorém dedit.
Nec quícquam magis nunc métuo, quam ne dénuo
Miser áliquo extrudar hinc, ne accedam ad Bâcchidem. 5

Ut té quidem omnes dí deae, quantúm est, Syre,
Cum tío isto invento cúmque incepto pérduint.
Hujúsmodi mihi res sémper comminiscere,
Ubi me éxcarnufices. *Sy.* ibin' hinc quo dignus es?
Quam paéne tua me pérdidit protérvitas! 10

CL. Vellem hécde factum, ita méritus's. *Sy.* méritus? quó-
modo?

Ne me istuc prius ex te áudivisse gaúdeo,
Quam argéntum haberes, quód daturus jám fui.
CL. Quid igitur dicam tibi vis? abiiisti, mihi
Amicam adduxti, quám non liceat tângere. 15

Sy. Iam nón sum iratus. sét scia', ubi nunc sí tibi.
Tua Bâcchis? *CL.* apud nos. *Sy.* nón. *CL.* ubi ergo? *Sy.*
apud Clíniam.

CL. Perí! *Sy.* hono animo es: jam argéntum ad eam déferes,
Quod ei és pollicitus. *CL.* gárris. unde? *Sy.* a tuó patre.

CL. Ludis fortasse me. *Sy.* ipsa re experibere. 20

CL. Ne ego fórtunatus hómo sum, deamo té, Syre.
Sy. Set páter egreditur. cáve, quícquam admirátus sis,
Qua caúsa id fiat: óbsecundato in loco:
Quod imperabit fácito: loquitor paúcula.

ACTUS IV. SCENA V.

CHREMES. CLITIPHO. SYRUS.

CH. Ubi Clitipho nunc? *Sy.* éccum me, inque. *CL.* éccum
hic tibi.

CH. Quid rei esset dixi huic? *Sy.* dixi pleraque omnia.
CH. Cape hoc argentum, ac defer. *Sy.* i. quid stas, lapis?
 Quin accipis? *CL.* cedo sane. *Sy.* sequere hac me ocius:
 Tu hic nos, dum eximus, interea opperibere:
 Nam nihil est, illic quod moremur diutius.
CH. Minus quidem jam decem habet a me filia,
 Quas pro alimentis esse nunc ducó datas;
 Hasce ornamentis consequentur alterae;
 Porro haec talenta dotis adpascént duo.
 Quam multa, justa injusta, fiunt moribus?
 Mihi nunc, relictis rébus, inveniúndus est
 Aliquis, labore inventa mea cui dém bona.

5

10

ACTUS IV. SCENA VI.

MENEDERMUS. CHREMES.

ME. Multo omnium me nunc fortunatissimum
 Factum puto esse, gnáte; cum te intéllego
 Resipisse. *CH.* ut errat. *M.* té ipsum quaerebám, Chreme:
 Servá, quod in te est, filium et me et familiam.
CH. Cedo, quid vis faciam? *M.* invénisti hodie filiam. 5
CH. Quid tum? *M.* hanc uxorem sibi dari volt Clínia.
CH. Quaesó, quid hominis és. *M.* quid? *CH.* jamne oblitus es,
 Inter nos quid sit dictum de fallácia,
 Ut eá via abs te argentum auferretúr? *M.* scio.
CH. Ea res nunc agitur ipsa. *M.* quid narrás, Chreme? 10
 Immo haec quidem, quae apút me est, Clitiphónis est
 Amica. *CH.* ita ajunt: ét tu credis omnia:
 Et illam ajunt velle uxórem, ut cum despónderim,
 Des, qui aurum ac vestem atque alia, quae opus sunt, comparet.
M. Id ést prefecto: id amícae dabitur. *CH.* scilicet 15
 Datum íri. *M.* ah, frustra sum igitur gavisús miser.
 Quidvis tamen jam málo, quam hunc amittere.
 Quid nunc renuntiem abs te responsúm, Chreme?
 Ne sentiat me sénsisse, atque aegré ferat.
CH. Aegré? nimium illi, Ménedemie, indulgés. *M.* sine: 20
 Incéptum est: pèrfice hoc mi perpetuó, Chreme.
CH. Dic convenisse, egísse te de nuptiis.
M. Dicám. quid deinde? *CH.* mé facturum esse omnia,
 Generúm placere; póstramo etiam, sí voles,
 Despónsam quoque esse dícito. *M.* em, istuc vólueram. 25
CH. Tanto ocius te ut póscat, et tu, id quód cupis,
 Quam ocíssime ut des. *M.* cúpio. *CH.* ne tu própiediám,
 Ut istám rem vídeo, istius obsaturábere.
 Set haec ut ut sunt, caútím et paulatím dabis,

H 2

Si sapiēs. *M.* faciam. *Ch.* abi intro: vide, quid pōstulet. 30
 Ego dōmī ero, si quid mē voles. *M.* sanē vole:
 Nam tē scientem faciā, quicquid ēgero.

ACTUS V. SCENA I.

MENEDERMUS. CHREMES.

M. Ego, me non tam astūtum, neque ita pērspicacem esse, id scio:

Sēt hic adjutor mēus et monitor et praemonstratōr Chremes
 Hōc mihi praeat: in me quidvis hārum rerum cōvenit,
 Quae sunt dicta in stultum, caudex, stipes, asinus, plūmbeus:
 In illum nil potēat: exsuperat eius stultitia haec omnia. 5

Ch. O'he, jam desinē deos uxor grātulando obtūdere,
 Tūam esse inventam gnātam: nisi illos ex tuo ingenio iūdicās,
 Ut nil credas intellegere, nisi idem dictum est cēnties.

Sēt interim, quid illūc jamdudum gnātus cessat cūm Syro?

M. Quōs aīs hominēs, Chreme, cessāre? *Ch.* chem Menodemē, advenis? 10

Dīc mihi, Cliniaē, quae dixi, nūntiastin? *M.* omnia.

Ch. Quid aut? *M.* gaudere adeo coepit; quāsi qui cupiunt nūptias.

Ch. Hā ha haec. *M.* quid risisti? *Ch.* servi vērere in mentēm Syri

Cālliditates. *M.* itane? *Ch.* vultus quōque hominum fingit scelus.

M. Gnātus quod se adsimulat laetum, id dicis? *Ch.* id. *M.* idem istūc mihi 15

Vēnit in mentēm. *Ch.* veterator. *M.* magis, si magis noris, putes

Ita rem esse. *Ch.* aīn' tu? *M.* quān ta anesculta. *Ch.* mānedum, hoc prius scire expeto,

Quid perdideris. nam tūbi desponsam nūntiasti filio;

Cōtinuo injectisse verba tūbi Dromonem scilicet,

Spōnsā aurum, vēstem, ancillas, opus esse: argentum ut dares. 20

M. Nōn. *Ch.* qui non? *M.* non, inquam. *Ch.* neque ipse gnātus? *M.* nil prorsūm, Chreme.

Magis nāw etiam instāre, ut hodie cōficerentur nūptiae.

Ch. Mira narras, quid Syrus meus? ne is quidem quicquā? *M.* nihil.

Ch. Quāmobrem, nescio. *M.* equidem miror, qui alia tam planē scias.

Sēt ille tuum quoque Syrus idem mīre finxit filiam, 25
 Ut ne paululūm quidam subolat, esse amicam hanc Cliniaē.

CH. Quid ais? *M.* mitto jam ósculari atque ámplexari: id
nil puto.

CH. Quid est, quod ampliús simuletur? *M.* váh. *CH.* quid
est? *M.* audí modo:

Est mihi ultimís conclave in aédibus quoddám retro,
Húc est intro látus lectus: véstimentis strátus est. 30

CH. Quid postquam hoc est fáctum? *M.* dictum fáctum, huc
abiit Clítipho.

CH. Sólus? *M.* solus. *CH.* timeo. *M.* Bacchis cónsecuta'st ilico.

CH. Sola? *M.* sola. *CH.* périi. *M.* ubi abiere íntro, operuere
óstium. *CH.* hem,

Clínia haec fieri videbat? *M.* quidni? mecum uná simul.

CH. Fili ést amica Bácsis; Menedeme: óccidi. 35

M. Quamobrém? *CH.* decem diérum vix mi est fámilia.

M. Quid? istúc times, quod ille óperam amico dát suo?

CH. Immó, quod amicae. *M.* sí dat. *CH.* an dubium id tibi est?

Quemquámno tam animo cómi esse et leni putas,

Qui sé vidente amicam patiatúr suam? 40

M. Quidni? quo verba fácilíus dentúr mihi.

CH. Derides? merito. ut míhi nunc ego suscénseo.

Quot rés dedere, ubi póssem persentiscere,

Nisi si éssém lapis? quae vídi? vae miseró mihi.

At né, illud haut inúltum, si vivó, ferent: 45

Nam jám. *M.* non tu te cóhibes? non te réspicis?

Non tibi ego exempli sátis sum? *CH.* prae iracúndia,

Menedéme, non sum apút me. *M.* tene istúc loquí?

Nonne id flagitium'st, te áliis consiliúm dare,

Foris sápere, tibi non pósse te auxiliárier? 50

CH. Quid fáciam? *M.* id, quod ta mé fecisse aibás porrum:

Fac, té esse patrem ut séntiat: fac, ut aúdeat

Tibi crédere omnia, ábs te petere et póscere:

Ne quam áliam quaerat cópiam, ac te déserat.

CH. Immo ábeat potíus málo quovís géntium, 55

Quam híc per flagitium ad ínopiam redigát patrem:

Nam si illius pergo súppeditare súmptibus,

Menedéme, mihi illic vére ad rastros rés redít.

M. Quod incómmodi tibi in hác re accipies, nisi caves?

Diffícilem ostendes té esse, et ignoscés tamen 60

Post: ét id ingrátum. *CH.* ah, néscis, quam doceam. *M.* ut
habet.

Quid hoc, quód volo, ut illa núbat nostro? nisi quid est,

Quod mávis. *CH.* immo et géner et adfínés placent.

M. Quid dótis dicam té dixisse filiae?

Quid ópticuisti? *CH.* dótis? *M.* ita dico. *CH.* ah. *M.* Chreme, 65

Ne quid vereare, sí minus: nil nos dós movet.

CH. Dño talenta pró re nostra ego ésse decrevi satis:

Sét ita dictu est ópus, si me vis sálvom esse et rem et fílium,
Mé mea omniá bona doti díxisse illi. *M.* quám rem agis?

CH. Íd mirari té simulato, et illum hoc regitató simul, 70
Quámobrem id faciam. *M.* quín ego vero, quámobrem id fa-
cias, nésco.

CH. E'gone? ut ejus ánimum, qui nunc lúxuria et lascívia
Diffluit, retúndam, redigam, ut, quó se vortat, néschat.

M. Quid agis? *CH.* mitte ac sine, me in hac re gérere mihi
morém. *M.* sino:

I'tane vis? *CH.* ita. *M.* fiat. *CH.* ac jam, uxórem ut accer-
sát, paret. 75

Híc ita, ut liberós est aequom, díctis confutábitur,

Sét Syrum. *M.* quid eum? *CH.* égo, si vivo, eum ádeo ex-
ornatúm dabo,

A'deo pexum, usque út dum vivat, méminerit sempér mei;

Quí sibi me pro dérídículo ac délectamentó putat.

Nón, ita me di amént, auderet, fácere haec viduae múlieri, 80
Quae in me fecit. —

ACTUS V. SCENA II.

CLITIPHO. MENEDEMUS. CHREMES. SYRUS.

CL. — I'tane tandem, quaéso, est, Menedeme, út pater
Tam in brevi spatio ómnem de me ejécerit ánimum patris?
Quódnam ob facinus? quíd ego tantum scéleris admisi miser?
Vólgo faciunt. *M.* scío, tibi esse hoc grávius multo ac dúrius,
Cui sit: verum ego haút minus aegre pátiar. id qui, nésco 5
Néc rationem cápío, nisi quod tibi bene ex animó volo.

CL. Híc patrem astare albas? *M.* ecceum. *CH.* quíd me in-
cusas, Clítipho?

Quicquid ego hujus féci, tibi prospéxi et stultifiáe tuae.

U'bi te vidi ánimó ésse omisso, et suávia in praeséntia
Quae essent, prima habéro, neque consúlere in longitudinem: 10

Cépi rationem, út neque egeres, néque ut haec pösses pérdere.

U'bi, cui decuit primo, tibi non licuit per te mihi dare;

A'bii ad proxumós, tibi qui erant: eis commisi et crédidi.

I'bi tuae stultifiáe semper erit praesídium, Clítipho,

Víctus, vestítus, quo in tectum té receptes. *CL.* ei mihi. 15

CH. Sátius est, quam te ípso herede haec pössidere Bácschidem.

SY. Disperii. sceléstus quantas túrbas concivi ínciens?

CL. E'mori cupió. *CH.* prius, quaeso, díscas, quid sit vívere.

U'bi scies, si displicebit víta, tum istoc útitur.

SY. E're, licetne? *CH.* lóquere, *SY.* at tuto, *CH.* lóquere.

SY. quae istacc právitae,

20

Quaere amentia est, quod peccavi ego, id obesse huic? *Cn.*
illicet.

Né te admisce: nemo accusat, Syre, te; nec tu aram tibi,
Nec precatorém pararis. *Sy.* quid agis? *Cn.* nil suscéneo,
Nec tibi, nec tibi: neo vos est aequom, quod faciô mihi.

Sy. Abiit? rogasse véllem. *Cl.* quid, Syre? *Sy.* unde mi
peterém cibum: 25

Ita nós abalienávit. tibi jam esse ad sororem intéllego.

Cl. Adcón' rem rediisse, út periculum etiam á fame mihi sit,
Syre?

Sy. Modo liceat vivere, est spes. *Cl.* quae? *Sy.* nos ésurir-
turos satis.

Cl. Inrídes in re tánta, neque me quicquam consilio ádjuvas?

Sy. Immo ét ibi nunc sum, et úsque id egi dúdum, dum lo-
quitúr pater. 30

Et quántum ego intellégere possum. *Cl.* quid? *Sy.* non ab-
erit longius.

Cl. Quid id érgo? *Sy.* sic est, nón esse horum te árbitor.

Cl. qui istúc, Syre?

Satin' sánus es? *Sy.* ego dícam, quod mi in méntem est: tu
dijúdica.

Dum istís fuisti sólus, dum nulla ália delectátio,

Quae própior esset, te indulgebant; tibi dabant: nunc filia 35

Postquam ést inventa, invénta vero est cáusa, qua te expélle-
rent.

Cl. Est vérisimile. *Sy.* an tu ób peccatum hoc tám esse il-
lum iratúm putas?

Cl. Non árbitor. *Sy.* nunc áliud spectá: mátres omnes filiis

In péccato adjutríces, auxilio in paterna injúria

Solent ésse: id non fit. *Cl.* vérum dicis: quid érgo nunc fa-
ciám, Syre? 40

Sy. Suspicionem istánc ex illis quaere: rem profér palam: aut,

Si nón est verum, ad mísericordiam ámbos adducés cito;

Aut scíbis, cujus sis. *Cl.* récte suades: faciám. *Sy.* sat recte
hóc mihi

In méntem venit: námque adulescens, quam in mínima spe sí-
tus erit,

Tám facillume pátris pacem in léges conficiét suas. 45

Etiám háut scio, anne uxórem ducat: ác Syro nil grátiae.

*Quid hoc autém? senex exít foras: ego fúgio. adhuc quod
fáctum'st,

Mirór, non jusse, me ábripi hinc: nunc ad Menodemum hunc
pérgam

Eam mihi precatorém paro: seni nóstro nil fidei hábeo.

ACTUS V. SCENA III.

SOSTRATA. CHREMES.

So. Profécto, nisi cavés tu homo, aliquid gnáto conficiés mali: Idque ádeo miror, quómodo
Tam inéptum quicquam tibi venire in méntem, mi vir, pó-
 tuerit.

Ch. Oh, pérgin' mulier ésse? nullamne égo rem unquam in
 vitá mea

Voluí, quin tu in eá re mi advorsátrix fueris, Sóstrata? 5

At, sí jam rogitem, quid est, quod peccem; aut quámobrem
 id facias; néscias,

In quá re nunc tam cónfidenter réstas, stulta. *So.* ego néscio?

Ch. Immó scis potius. quám quidem redit ad íntegrum eadem
 orátio. *So.* oh,

Iníquos es, qui mé tacere dē re tanta póstules.

Ch. Non póstulo: jam lóquere: nihilo mínus ego hoc faciám
 tamen. 10

So. Fácies? *Ch.* verum. *So.* nón vides quantúm mali ex ea
 re éxcites?

Súbditum se súspicatur. *Ch.* ain' tu? *So.* certe sic erit.

Ch. Cónfitere. *So.* au óbsecro, istuc nóstris inimicis siet.

E'gon' confitear, meúm non esse filium, qui sít meus?

Ch. Quid? métuís, ne non, cúm velis, convíncas, esse illúm
 tuum? 15

So. Quod filia est invénta? *Ch.* non: set, quó magis credun-
 dúm siet,

Quod ést consimilis móribus,

Convínces facile, ex té esse natum: nám tui similis ést probe:

Nam illi nil viti ést relictum, quín id itidem sít tibi.

Túm praeterea tálem, nisi tu, núlla pareret filium. 20

Sét ipse egreditur, quám severus: rém cum videas, cénseas!

ACTUS V. SCENA IV.

CLITIPHO. SOSTRATA. CHREMES.

Cl. Si úmquam ullum fuit témpus, mater, cum égo voluptatí tibi

Fúerim, dictus filius tuus tuá voluntate, óbsecro,

Elus ut meminérís, atque inopis núnc te miserescát mei;

Quód peto et voló, parentis meós ut commonstrés mihi.

So. O'óbsecro, mi gnáte, ne istuc in animum inducás tuum, 5

A'lienum esse té. *Cl.* sum. *So.* miseram me, hécine quae-
 sisti, óbsecro?

I'ta' mihi atque huic síis superstes, ut éx me atque ex hoc ná-
 tus es:

Et cave posthac, si me amas, unquam istuc verbum ex te audiam.

CH. A't ego, si me métnis, mores cáve in te esse istos séntiam.

CL. Quós? **CH.** si scire vis, ego dicam: gérró, iners, frau, hélluo, 10

Gáneo, dámpnóus: crede, et nóstrum te esse crédito.

CL. Nón sunt haec parentis dicta. **CH.** nón, si ex capite sis meo Nátus, item ut ajúnt Minervam esse ex Iove, ea causá magis Pátiar, Clitiphó, flagitiis tuis me infamem fieri.

So. DÍ istaec prohibeánt. **CH.** deos nescio: égo quod potero, sédulo. 15

Quaeris id, quod habés, parentis: quód abest, non quaerís, patrí Quó modo obsequáre: et serves, quód labore invénerit.

Tén' mi per fallácias addúcere ante oculus? pudet

Dicere hac praesénte verbum túrpe: at te id nulló modo

Fácere puduit. **CL.** éheu, quam ego nunc tótus displiceó mihi, 20

Quám pudet: neque, quód principium incípiam ad placandúm, scio.

ACTUS V. SCENA V.

MENEDEMUS. CHREMES. CLITIPHO. SOSTRATA.

ME. E'nimvero Chremés nimis graviter crúciat adulescéntulum, Nímisque inhumane. éxco ergo, ut pácem conciliem. óptume I'psos video. **CH.** ehém, Menedeme, cúr non accersí jubes Fíliam, et quod dótis dixi, firmas? **So.** mi vir, te óbsecro, Né facias. **CL.** pater, óbsecro mi ignóscas. **M.** da veniám, Chreme: 5

Sine te éxorent. **CH.** egon' méa bona ut dem Bácschidi donó sciens?

Nón faciam. **M.** at nos nón sinemus. **CL.** sí me vivom vis, pater,

Ignosce. **So.** age, Chremés mi. **M.** age, quaeso, né tam of-firma té, Chreme.

CH. Quid ístic? video, nón licere, ut coéperam, hoc pertén-dere.

ME. Fácis, ut te docét. **CH.** ea lege hoc ádeo faciam: si íd facit, 10

Quód ego hunc aequom cénseo. **CL.** pater, ómnia faciam: ímpera.

CH. U'xorem ut ducás. **CL.** pater. **CH.** nihil áudio. **M.** ad me récipio;

Fáciét. **CH.** nil etiam áudio ipsum. **CL.** péríi. **So.** an dubi-tas, Clítipho?

Ch. Immo utrum volt. *M.* faciet omnia. *So.* haec dum incipias, grávia sunt:

Dúmque ignores: úbi cognoris, fáclia. *Cl.* faciám, pater. 15

So. Gnáte mi, ego pol tibi dabo illam lépidam, quam tu fáclile ames,

Fíliam Phanócratae nostri. *Cl.* rúfanme illam vírginem, Gaésiam, sparso óre, adunco náso? non possum, pater.

Ch. Heía, ut elegáns est: crédas ánimum ibi esse. *So.* aliám dabo.

Cl. Immo, quandoquidém ducenda est, égomet habeo própémodum, 20

Quám volo. *So.* nunc laúdo, gnate. *Cl.* Archónidi hujus fíliam.

So. Pérplacet. *Cl.* pater, hóc nunc restat. *Ch.* quid? *Cl.* Syro ignoscás volo,

Quac mea causa fécit. *Ch.* fiat. Vós valetc, et plaúdite.

TERENTII ADELPHI.

C. SULPITII APOLLINARIS PERIOCHA IN ADELPHOS.

*Duos cum haberet Démea adulescéntulos,
Dat Mícioni frátri adoptandum Aéschinum,
Sed Ctésiphonem rétinet. hunc citharistrias
Lepóre captum, sub duro ac tristi patre,
Frátér celabat Aéschínus; famám quoque
Amóris in se transférēbat: dénique
Fidicinam lenoni éripit. vitiáverat
Idem Aéschínus civem Átticam paupérculam,
Fidémque dederat, hanc sibi uxorém fore.
Démea jurgare, gráviter ferre. móx tamen,
Ut véritas patefácta est, ducit Aéschínus
Vitiátam, potitur Ctésípho citharistriam.*

ACTA LUDIS FUNEBRIB. AEMILI PAULLI QUOS FECERE Q. FABIVS MAXIMVS P. CORNELIVS AFRICANVS. EGERE L. ATILIVS PRAENESTINVS MINVTIVS PROTHIMVS. MODOS FECIT FLACCVS CLAVDI TIBIVS SARRANIS. FACTA E GRAECA MENANDRV L. ANICIO M. CORNELIO COSS.

Fabulae interlocutores.

DEMEA, senex, pater Aeschini et Ctesiphonis.

AESCHINVS, adolescens, Demese naturalis filius, idemque filius adoptivus Micionis patris.

PAMPHILA, Aeschiniamica, postremam uxor.

HEGIO, senex, cognatus et amicus Simuli, patris defuncti Pamphilae. Pamphilae patronus.

MICIO, senex, frater Demese, pater adoptivus Aeschini.

CTESIPHO, adolescens, filius Demese, frater Aeschini.

SOSTRATA, Pamphilae mater.

CANTHARA, Pamphilae nutrix.

SANNIO, leno; herus fidicinae, a Ctesiphone amatae.

SYRVS,	} servi vel Aeschini vel Micionis.
PARMENO,	
DROMO,	

GETA, servus Sostratae.

P R O L O G U S.

Postquám poeta sénsit, scripturám suam
 Ab iníquis observári, et adversários
 Rapere in pejorem pártē, quam acturí sumus:
 Indício de se ipse érit: vos eritis júdices,
 Laudín' an vitio dúci factum id opórteat. 5
 Synápothnescontes Diphili comoédia 'st;
 Eam Cómmorientes Plaútus fecit fábulam.
 In Graéca adulescens ést, qui lenoni éripit
 Meretricem in prima fábulā: eum Plaútus locum
 Reliquit integrum. eum híc locum sumpsit sibi 10
 In Adélphos, verbum, dé verbo expressum éxtulit.
 Eam nós acturi súmus novam: pernóscite,
 Furtúmne factum existumetis, án locum
 Reprehénsū, qui praetéritus neclegéntia 'st.
 Nam quód isti dicunt málevoli, homines nóbilis 15
 Eum adjutare, adsídueque una scríbere,
 Quod illi maledíctum véhemens esse existumant,
 Eam laúdem híc ducit máxumam; cum illis placet,
 Qui vóbis univérsis et populó placent:
 Quorum ópera in bello, in ótio, in negótio, 20
 Sáo quisque tempore úsus 'at sine supérbia.
 Dehinc ne éxspectetis árgumentum fábulae:
 Senés, qui primi vénient, hi partim áperient;
 In agéndo partim osténdent. facite, aequánimitas
 Poétae ad scribendum aúgeat indústriam. 25

A C T U S. I. S C E N A I.

M I C R O.

Storáz. non rediit hác nocte a cena Aéschínus:
 Neque sérvolorum quisquam, qui advorseum iérant.
 Profécto hoc vere dicunt: si abeis úspiam,
 Aut úbi si cesses; évenire ea sátius est,
 Quae in te úxor dicit ét quae in animo cógitat 5
 Iráta, quam illa, quae parentes própítii.

TERENTIUS.

I

Uxor, si cesses, aut te amare cogitat,
 Aut tête amari, aut potare atque animo obsequi,
 Et tibi bene esse sôli, sibi cum sit male.
 Ego, quia non rediit filius, quae cogito? 10
 Quibus nunc sollicitor rébus? ne aut ille alserit,
 Aut uspiam ceciderit, aut praefergerit
 Aliquid, vah, quemquamne hominem in animo institueret, aut
 Parare, quod sit carius, quam ipse est sibi?
 Atque ex me hic natus non est, set ex fratre. is adeo 15
 Dissimilis studio est. jam inde ab adulescentia
 Ego hanc clementem vitam urbanam, atque otium
 Secutus sum: et, quod fortunatum isti putant,
 Uxorem numquam habui. ille, contra haec omnia,
 Ruri agere vitam: semper parce ac duriter 20
 Se habere: uxorem duxit: nati filii
 Duo: inde ego hunc majorem adoptavi mihi:
 Eduxi a parvolo, habui, amavi pro meo:
 In eo me oblecto: solum id est carum mihi.
 Ille ut item contra, me habeat, facio sedulo: 25
 Do, praetermitto: non necesse habeo, omnia
 Pro meo jure agere: postremo, alii clanculum
 Patres quae faciunt, quae fert adulescentia,
 Ea ne me celet, consuefeci filium.
 Nam, qui mentiri aut fallere, ita uti fit, patrem 30
 Audébit, tanto magis audebit ceteros.
 Pudore et liberalitate liberos
 Retinere, satius esse credo, quam metu.
 Haec fratri mecum non conveniunt, neque placent.
 Venit ad me saepe clamans, Quid agis, Micio? 35
 Cur perdis adulescentem nobis? cur amat?
 Cur potat? cur tu his rébus sumptum suggeris?
 Vestitu nimio indulges: nimium ineptus es.
 Nimium ipse est durus praeter aequumque et bonum:
 Et errat longe, mea quidem sententia, 40
 Qui imperium credat gravius esse aut stabilius,
 Vi quod fit, quam illud, quod amicitia adjungitur.
 Mea sic est ratio, et sic animum induco meum:
 Malo coactus qui suum officium facit,
 Dum id rescitum iri credit, tantisper cavet: 45
 Si sperat, fore clam, rursum ad ingenium redit.
 Ille, quem beneficio adjungas, ex animo facit:
 Studet par referre; praesens absensque idem erit.
 Hoc patrium est, potius consuefacere filium,
 Sua sponte recte facere, quam alieno metu: 50
 Hoc pater ac dominus interest: hoc qui nequit,

Fateátur, nescire imperare liberis.
 Set éstne hic ipsús, dé quo agebam? et certe is est.
 Nescio quid tristem vídeo: credo jam, út solet,
 Iurgábit. salvom te ádvenire, Démea,
 Gaudémus. —

55

ACTUS I. SCENA II.

DEMEA. MICIO.

DE. — Ehem, opportúne: te ipsum quaérito.
MR. Quid trístis es? *D.* rogás me, ubi nobis Aéschinus
 Siét, quid trístis égo sim? *M.* dixin' hóc fore?
 Quid fécit? *D.* quid ille fécerit? quem néque pudet
 Quicquám: nec metuit quémquam: neque legém putat 5
 Tenére se ullam. nam illa, quae antehac fácta sunt,
 Omíto: modo quid désignavit? *M.* quídnam id est?
DE. Forés effregit, átque in aedis inruit
 Aliénas: ipsum dómínium atque omnem fámiliam
 Mulcávit usque ad mórtém: eripuit múlíerem, 10
 Quam amábat. clamant ómnes, indigníssume
 Factum éssé: hoc adveniénti quot mihi, Micio,
 Dixéro? in ore 'st ómni populo. dénique,
 Si cónferendum exéplum est, non fratrém videt
 Rei óperam dare, ruri éssé parcum ac sóbrium? 15
 Nullum hújus factum símile. haec cum illi, Micio,
 Dicó, tibi dico. tú illum corrumpí sinis.
MR. Homine imperito nímquam quicquam injústius 'st,
 Qui, nlsi quod ipse fécit, nil rectúm putat.
DE. Quorsum istuc? *M.* quia tu, Démea, haec male júdicas. 20
 Non ést flagitium, mihi crede, adulescéntulum
 Scortári, neque potáre: non est: néque fores
 Effringere. haec si néque ego, neque tu fécimus,
 Non síit egestas fácere nos. tú núnc tibi
 Id láudi duces, quód tum fecisti inopia? 25
 Injúrium 'st: nam si éssét, unde fieret,
 Facerémus. et illum tú tuum, si éssés homo,
 Sinerés nunc facere, dúm per aetatém licet;
 Potiús quam, ubi te exspectátum ejecissét foras,
 Aliéniore aetáte post facerét tamen. 30
DE. Pro Iúppiter, tu homo ádigis me ad insániam.
 Non ést flagitium, fácere haec adulescéntulum? *M.* ah,
 Auscúlta, ne me optúndas de hac re saépius.
 Tuum filium dedísti adoptandúm mihi:
 Is méus est factus: sí quid peccat, Démea, 35
 Mihi peccat: ego illi máxumam partém feram.

Obsonat, potat, olet unguenta; de meo:
 Amat; dabitur a me argentum, dum erit commodum:
 Ubi non erit, fortasse excludetur foras.
 Foras effregit, restituantur: discedit 40
 Vestem, resarcietur. est, dis gratia,
 Et unde haec fiant, et adhuc non molesta sunt.
 Postremo aut desine, aut cedo quemvis arbitrum:
 Te plura in hac re peccare ostendam. D. ei mihi,
 Pater esse discas ab illis, qui veri sient. 45
 Mr. Natura tu illi pater es, consilis ego.
 DE. Tun' consulis quicquam? M. ah, si pergis, abiero.
 DE. Sicine agis? M. an ego totiens de eadem re audiam?
 DE. Curae est mihi. M. et mihi curae est. verum, Demos, 50
 Curamus aequam uterque partem; tu alteram,
 Ego item alteram. nam curare ambos, propemodum
 Reposcere illum est, quem dedisti. D. ah, Micio.
 Mr. Mihi sic videtur. D. quid istic? si istuc tibi placet,
 Profundat, perdat, pereat, nihil ad me attinet.
 Iam si verbum ullum posthac. M. rursus, Demos, 55
 Irascere? D. an non credis? repeton', quem dedi?
 Aegre 'st: alienus non sum: si obsto: em, desino.
 Unum vis curem, curo. et est dis gratia,
 Cum ita, ut volo, est; isto tuus ipse sentiet
 Posterior: nolo in illum gravius dicere. 60
 M. Nec nil, neque omnia haec sunt, quae dicis; tamen
 Non nil molesta haec sunt mihi: set ostendere,
 Me aegre pati, illi nolui: nam ita 'st homo:
 Cum placo, advorsor sedulo et deterreo;
 Tamen vix humane patitur: verum si augeam, 65
 Aut etiam adiutor sim ejus iracundiae,
 Insaniam profecto cum illo. etsi Aeschinus
 Non nullam in hac re nobis facit injuriam.
 Quam hic non amavit meretricem? aut cui non dedit
 Aliquid? postremo, nuper (credo jam omnium 70
 Taedebat) dixit, velle uxorem ducere.
 Sperabam, jam defuisse adolescentiam:
 Gauderam. ecce autem de integro: nisi, quicquid est,
 Volo scire; atque hominem convenire, si apud forum est.

ACTUS II. SCENA I.

SANNIO IENO. AESCHINUS. PARMENO.

SA. O'bsecro, populares, ferte misero atque innocenti auxilium:
 Subvenite inopi. AE. otiose, nunc iam ilico hic consisto:

Quid respectas? nil periculi 'st: núnquam, dum ego adere, hic te tanget.

SA. Ego istam invitis ómnibus —

AE. Quamquam ést scelestus, nón committet hódie umquam, iterum ut vápuet. 5

SA. Aéschine, audi, né te ignarum fuisse dicas meórum morum, Lénio ego sum. *AE.* scio. *SA.* át ita, ut usquam fuit fide quisquam óptuma.

Tú quod te postérius purges, hanc injuriám mihi nolle Fáctam esse, hujus nón faciám. crede hoc, égo meum jus pérsequar:

Néque tu verbis sólvos umquam, quód mi re maleféceris. 10
Nóvi ego vestra haec, „Nóllem factum, júsjurandum dábitur, te indignum

E'sse injuria hác“; indignis cum égomet sim acceptús modis.

AE. A'bi prae strenue; ác forem aperi. *SA.* céterum hoc nihil facis.

AE. I intro nunc iam. *SA.* át enim non sinam. *AE.* áccede illuc, Pármeno:

Nímium istoc abísti: hic propter hunc adsiste: em, sic volo. 15
Cáve nunc jam, oculos á meis oculis quóquam demoveás tuos:
Ne móra sit, si innuerím, quin pugnus cóntinuo in mala haéreat.

SA. Istúc volo ergo ípsum éxperi. *AE.* em, sérvá. *PAR.* omítte múlierem.

SA. O fácinus miserándum! *AE.* geminabit, nísi caves. *SA.* hei míseriam!

AE. Non innueram: verum ín istam partem pótius peccató tamen. 20

I nunc iam. *SA.* quid hoc rei ést? regnumne, Aéschine, hic tu póssides?

AE. Si póssiderem, ornátus esses éx tuis virtútibus.

SA. Quid tibi rei mecum 'st? *AE.* nil. *SA.* quid? nostin', quí sim? *AE.* non desidero.

SA. Tetigín' tui quicquam? *AE.* si áttigisses, férres infortúnium.

SA. Qui tibi meam magis licet habere, pró qua ego argentúm dedi? 25

Respónde. *AE.* ante aedis nón fecisse erit mélius hic convíciúm:
Nam sí molestus pégis esse, jam intro abripiere; átque ibi
Usque ad necem opperiére loris. *SA.* lóris liber? *AE.* sic erit.
SA. O hóminem impurum: hiciúe libertatem ájunt aequam esse ómnibus?

AE. Si sátis jam debacchátus, leno, es; aúdi, si vis, nunc iam. 30

SA. Egon' debacchatus sum autém, an tu in me? *AE.* mitte ista, atque ad rém redi,

SA. Quam rem? quo redeam? *AE.* jūmne me vis dicere id, quod ad te attinet?

SA. Cupio, aequi modo aliquid. *AE.* vah, leno iniqua me non vult loqui.

SA. Lenó sum, fateor, pernicios communis adolescentium, Perjūrus, pestis: tamen tibi a me nulla 'et orta injuria. 35

AE. Nam hercle etiam hoc restat. *SA.* illuc, quaece, redi, quo coepisti, Aeschine.

AE. Minis viginti tu illam emisti, quae res tibi vortat male. Argenti tantum dabitur. *SA.* quid, si ego tibi illam nolo vendere? Coges me? *AE.* minime. *SA.* namque id metui. *AE.* neque vendendam censeo,

Quae libera 'et: nam ego liberali illam addeco causā manu. 40
Nunc vide, utrum vis; argentum accipere, an causam meditari tuam.

Delibera hoc, dum ego redeo, leno. *SA.* pro supreme Iuppiter. Minime miror, qui insanire occipiunt ex injuria.

Domo me eripuit, verberavit: me invito abduxit meam: 45
Homini misero plus quingentos colaphos infregit mihi.

O'b malefacta haec tantidem emptam postulat sibi tradier. 45
Verum enim, quando bene promeruit, fiat: suum jus postulat.

A'ge, jam cupio, modo si argentum reddat. set ego hoc hanielor. U'bi me dixeró dare tanti, testis faciet illico,

Vendidisse me, de argento somnium. mox: cras redi. 50
Id quoque possum ferre, modo si reddat; quamquam injurium 'et.

Verum cogito id, quod res est; quando cum quacumque occiperis, Accipiunda et missitanda injuria adolescentium 'et.

Sét nemo dabit: frustra has egomet mecum rationes puto.

ACTUS II. SCENA II.

SYRUS. SANNIO.

Sr. Tace, egomet conveniam ipsum: cupide accipiat jam faxo: atque etiam

Bene dicat secum esse actum. quid istne, Sannio 'et, quod te audio, Nescio quid, concertasse cum ero? *SA.* numquam vidi iniquus Certationem comparatam, quam hodie, quae inter nos fuit:

Ego vapulando, ille verberando, usque ambo defessi sumus. 5
Sr. Tua culpa. *SA.* quid facerem? *Sr.* adolescenti merorem gestum oportuit.

SA. Qui potui melius, qui hodie ei usque os praebui? *Sr.* age, scis, quid loquar?

Pecuniam in loco negligere, maximum interdum 'et lacrum. hui;

Metuisti, si nunc de tuo jure concessisses paululum; atque
Aduléscenti esses mórigeratus, hóminum homo stultissime, 10
Ne nón tibi istuc faéneraret. *SA.* ego spem pretio nón emo.

SY. Numquám rem facies: ábi, non scis inéscare homines, Sánnio.

SA. Credo, istuc melius ésse: verum ego númquam adeo astu-
tús fui,

Quin, quicquid possem, mállem auferre pótius in praeséntia.

SY. Age nóvi tuum animúm: quasi jam usquam tibi sint vi-
gintí minae, 15

Dum huic óbsequare. praétereá autem te ájunt proficisci Cy-
prum. *SA.* hem.

SY. Coemísse hinc, quae illuc véheres, multa; návem condu-
ctam: hóc scio,

Animús tibi pendet. úbi illinc, spero, rédieris tamen, hóc ages.

SA. Nusquám pedem: perii hércle: hac illi spe hóc inceperúnt.

SY. timet:

Injéci scrupulum hómini. *SA.* o scelera. istú vide, 20

Ut in ipso articulo opprésit. emptae múlieres

Complúres, et item hinc ália, quae portó Cyprum.

Nisi eo ad mercatum vénio, damnum est máximum.

Nunc si hóc omittam, ac túm agam, ubi illinc rédiero;

Nihil ést: refríxerit res; nunc demúm venis? 25

Cur pássus? ubi eras? út sit satius pérdere,

Quam aut híc manere támdín, aut túm pérsequi.

SY. Iamne énumerasti id, quód ad te rediturúm putes?

SA. Hocine illo dignum 'st? hócine inceptare Aéschinum?

Per opprésionem ut hanc mi eripere póstulet? 30

SY. Labáscit. unum hoc hábeo: vide, si sátis placet;

Potíus quam venias in periclam, Sánnio,

Servésne an perdas tótum, dividuúm face.

Minás decem contrádet alicunde. *SA.* ei mihi,

Etíam de sorte núnc venio in dubiúm miser? 35

Pudét nihil? omnes déntes labefecit mihi:

Praétereá colaphis túber est totúm caput:

Etiam insuper defrúdet? nusquam abeo. *SY.* út lubet:

Numquid vis, quin abeam? *SA.* immo hércle hoc quacsó, Syre,

Ut ut haec sunt acta, pótius quam litis sequar, 40

Meum míhi reddatur, sáltem quanti emptá 'st, Syre.

Scio, nón te esse usum antehác amicitíá mea:

Memorém me díces ésse et gratum. *SY.* sédulo

Faciám, set Ctesiphónem video: laétus est

De amíca. *SA.* quid quód te órō? *SY.* paulispér mane. 45

ACTUS II. SCENA III.

CTESIPHO. SYRUS.

Cr. Abs quívis homine, cum ést opus, beneficium accipere gaú-
deas :

Verum énimvero id demúm juvat, si, quem aéquom 'st facere,
is béne facit.

O fráter, frater, quíd ego te nunc laúdem? satis certó scio;
Numquam íta magnifice quícquam dicam, id virtus quin su-
perét tua.

Itaque únám hanc rem me habére praeter álias praecipuam
árbitor, 5

Fratrém hómini nemini ésse primarum ártium magis príncipem.

Sr. O Ctésipho. *Cr.* o Syre, Aéschínus ubi est? *Sr.* éllum,
te expectát domi. *Cr.* hem.

Sr. Quid est? *Cr.* quíd sit? illius ópera, Syre, nunc vívo:
festívom caput,

Quine ómnia sibi pósit putavit ésse prae meo cómmodo :

Maledícta, famam, méum amorem, et peccátum in sese trás-
tulit. 10

Nil súpra pote. nam quíd foris crepuit? *Sr.* máne mane. ipse
exít foras.

ACTUS II. SCENA IV.

AESCHINUS. SANNIO. CTESIPHO. SYRUS.

Ae. Ubi est ille sacrilegús? *Sa.* me quaerit. núm quidnam
effert? óccidi :

Nil vídeo. *Ae.* ehem, opportúne: te ipsam quáero: quíd sit,
Ctésipho?

In túto est omnis rés; omítte véro tristitiém tuam.

Cr. Ego illam hércle vero omítto, qui quídem te hábcam fra-
trem: o mi Aéschine,

O mí germane: ah véreor, coram in ós te laudare ámplius, 5
Ne id ádsentandi mágis, quam quo habeam grátum, facere
existumes.

Ae. Age, inépte, quasi nunc nóu norimus nós inter nos, Ctésipho.
Hoc míhi dolet, nos paéne sero scíasse, et in eum rém locum
Redísse, ut, si omnes cúperent, tibi nil pósset auxiliárier.

Cr. Pudébat. *Ae.* ah, stultítia 'st istaec, nóu pudor: tam ob
párvolam 10

Rem paéne o patria? túrpe dictu. deós quáeso, ut istaec
próhibeant.

Cr. Peccávi. *Ae.* quíd aít tándem nobis Sánnio. *Sr.* jam
mítis est.

Az. Ego ad forum ibo, ut hunc absolvam: tu intro ad illam, Ctésipho.

SA. Syre, insta. *Sr.* camus: námque hic properat in Cyprum.

SA. ne tam quidem:

Quamvis etiam maneo otiosus hic. *Sr.* reddetur, né time. 15

SA. At ut ómne reddat. *Sr.* ómne reddet: táco modo, ac sequere hác. *SA.* sequor.

Cr. Heus, heús, Syre. *Sr.* ehem, quid est? *Cr.* óbsecro hercle te, hóminem istum inpurissimum

Quam primum absolvitôte; ne, si mágis iritatus siet, Aliqua ad patrem hoc permánet; atque ego túm perpetuo perierim

Sr. Non fiet, bono anime es: tu cum illa te intus oblecta interim: 20

Et léctulos jube stérnā nobis, ét parari cétera.

Ego jám transacta ré convortam mé domum cum obsonio.

Cr. Ita quaeso: quando hoc béne successit, hilare hunc sumamus diem.

ACTUS III. SCENA I.

SOSTRATA. CANTHARA.

So. O'bsacro, mea nútrix? quid nunc fiet? *CA.* quid fiát rogas? Recte édepol spero. *So.* módo doleres, méa tu, occipiant primum.

CA. Iam núnc times, quasi núsquam adfuersis, núnquam tute pépereris.

So. Misérám me, neminem hábeo, solae súnus: Geta autem hic nún adest:

Nec ést, quem ad obstetricem mittam, néc qui adcersat Aéschinum. 5

CA. Pol is quidem jam hic áderit: nam numquam ún timermittit diem,

Quin sémper veniat. *So.* sélus mearum ést miseriarum rémédium.

CA. E' re natae mélius fieri haut pótnit, quam factum ést, era, Quándo vitium oblátum ést: quod ad illum áttinet potíssimum, Tále, tali ingénio atque animo, nátum ex tanta fánilia. 10

So. I'ta pol ést ut dicis; salvos nobis, deos quaeso, út siet.

ACTUS III. SCENA II.

GETA. SOSTRATA. CANTHARA.

G. Nunc illud ést, quod, si émunia omnes eúa consilia cónferant, Atque huic malo salútem quaerant, aúxili nihil ádferant,

Quod mihi quae, erae quae, filiae quae erili est. vae miserò mihi,
Tot res repente circumvallant, unde emergi non potest,
Vis, egestas, injustitia, solitudo, infamia. 5

Hocine saeculum? o scelera, o genera sacrilega, o hominem
inpium.

So. Me miseram, quidnam 'st, quòd sic video tímídum et pro-
perantem Getam?

G. Quem néque fides, neque júsurandum, néque illum mise-
ricórdia

Représsit, neque refléxit, neque quod pártus instabát prope:

Cui miserac indigne pér vim vitium obtúlerat. So. non intél-
lego 10

Satis, quae loquatur. Ca. pròpius obsecro áccedamus, Sóstra-
ta. G. ah,

Me miserum, vix sum cómpos animi, ita árdeo iracúndia.

Nihil ést, quod malim, quam illam totam fámiliam dari mi
óbviám,

Ut ego íram hanc in eos évomam omnem, dum aégritúdo est
haéc recens:

Satis mi id habeam súplici, dum ego illos ulciscár modo. 15

Seni ánimam primum extinguerem ipsi, qui illud produxit scelus:

Tum autém Syrum ímpulsórem, vah, quibus illum laceraré
modis?

Sublímem médium arríperem, et capite prónum in terram
státuerem,

Ut cérebro dispergát viam:

A'dulescenti ipsi ériperem oculos: pósthac praecipitém darem. 20

Céteros ruerem, ágerem, raperem, fúnderem, et prostérnerem.

Set céssó, eram hoc malo ímpertiri pròpere? So. revocemús.

Geta. G. hem,

Quísquis es, sine me. So. égo sum Sostrata. G. úbinam es?
te ipsam quaérito:

Te éxpeto: oppido ópportune te óbtulisti mi óbviám,

E'ra. So. quid est? quid trépidas? G. ei mi. So. quíd festi-
nas, mí Geta? 25

A'nimam recipe. G. pròrsus — So. quíd istuc „pròrsus“ er-
go 'st? G. périimus:

A'ctum 'st. So. loquere ergo, óbsecro te, quíd sit. G. jam.
So. quíd jám, Geta?

Ge. Aéschínus. So. quíd is érgo? G. alienus ést ab nostra
fámilia. So. hem,

Périi. quare? G. amáre ocepit áliam. So. vae miseraé mihi.

Ge. Néque id occulte fért, ab lenone ipsius eripuit palam. 30

So. Sátin' hoc certum 'st? G. cértum: hisce oculis égomét
vidi, Sóstrata. So. ah,

Me miseram, quid jam crédas? aut cui crédas? nostrumne
Aéschinum?

Nostram ómnium vitam, in quo nostrae spés opesque omnes sitae?

Qui sé sine hac jurábat unum númquam victurúm diem?

Qui se in sui gremió positurum púerum dicebát patris? 35

Ita óbsecraturum, út liceret hanc se uxorem dúcere?

Gx. Era, lácrumas mitte: ac pótius, quod ad hanc rem ópus
est porro, cónsule,

Patiámur an narrémos cuipiam. Ca. atú au, mi homo sá-
nun' es?

An próferendum hoc tibi videtur úsquam? G. mi quidem nón
placet.

Iam prímum illum alieno ánimo a nobis ésse, res ipsa índicat. 40

Nunc si hoc palam próferimus, ille infítias ibit, sát scio:

Tua fáma et gnatae víta in dubium véniet. tum, si máxume.

Fateátur, cum amet áliam, non est útile huic, illi dari.

Quaprópter quoquo pácto tacito 'st ópus. So. ah, minime
géntium:

Non fáciám. G. quid ais? So. próferam. Ca. hem, mea Só-
strata, vide, quám rem agas. 45

So. Pejóre res locó non potis est ésse, quam in quo núnc sita 'st.

Primum índotata est: túm praeterea, quae secunda ei dós erat,

Periit: pro virgine dari nuptum nón potest. hoc réliqúum est,

Si infítias ibit, téstis mecum est ánulus, quem ipse amiserat.

Postrémo, quando ego míhi sum conscia, á me culpam esse
hanc procul, 50

Neque prétium neque rem ullam intercesse aut illa aut me in-
dignám, Geta,

Expériar. G. quid istic? cédo, ut melius dicas. So. tu, quan-
túm potes,

Abi, atque Hégioni cónnato hujus rem énarrato omnem órdine:

Nam is nóstro Simuló fuit summus, ét nos coluit máxume.

Gx. Nam hercle álius nemo réspicit nos. So. própere tu, mea
Cánthara, 55

Curre: óbstericem accérre: ut, cum opus sit, ne in mora no-
bis siet.

ACTUS III. SCENA III.

DEMEA. SYRUS.

DE. Dispérui: Ctesiphónem audiui filium

Una adfuisse in ráptione cum Aéschino.

Id misero restat míhi mali, si illúm potest,

Qui abicui rei est, etiam eum ad nequitiam addúcere.

Ubi ego illum quaeram? crédo abductum in gáneum

5

Aliquó: persuasit ille impurus, sáť scie.
 Sed ecclúm Syrum ire video: hinc scibo jam, ubi siet.
 Atque hércle hic de grege illo est: si me sēnsērit
 Eum quaēritare, nūmq̄am dicet cārnufex.
 Non ostendam, id me velle. *Sr.* omnem rem módo seni, 10
 Quo pácto haberet, cēarramus órdine.
 Nil quicquam vidi laētius. *D.* pro Iúppiter,
 Hominis stultitiam. *Sr.* cōnlaudavit filium:
 Mihi, qui id dedissem cōsiliū, egit grátias.
De. Disrúmpor. *Sr.* argentum ádnumeravit illico: 15
 Dedit praeterea in sūptum, dimidiū minae:
 Id distributum sáne est ex sentētia. *D.* hem,
 Huic mándes, si quid récte curatū velis.
Sr. Ehem, Démea, haut aspēxeram te: quid agitur?
De. Quid agátur? vostram néqueo mirari satis 20
 Ratiónem. *Sr.* est hércle inépta, ne dicám dolo, atque
 Absúrda. piscis cēteros purgá, Dromo:
 Congrum istum maxumum in aqua sinito lúdere
 Paulisper: ubi ego vénero, exossábitur:
 Prius nólo. *D.* haecine flagítia? *Sr.* mi quidem nōn placent: 25
 Et clámo saepe. salsamenta haec, Stéphanio,
 Fac mácerentur púlchre. *D.* di vostrám fidem,
 Utrám studione id sibi habet, an laudí putat
 Fore, si perdiderit gnátum? vae miseró mihi,
 Vidére videor jám diem illum, cum hinc egens 30
 Profúgiēt aliquo militatum. *Sr.* o Démea,
 Istúc est sapere, nōn quod ante pedés modo 'st
 Vidére, set etiam illa, quae futúra sunt,
 Prospícere. *D.* quid? istaec jám penes vos psáltria est?
Sr. Ellam intus. *D.* cho, an est dómi habiturus? *Sr.* crédo: 35
 ut est
 Deméntia. *D.* haecine fieri? *Sr.* inepta lénitas
 Patris, ét facilitas práva. *D.* fratris mé quidem
 Pudét pigetque. *Sr.* nímium inter vos, Démea, ac
 Non quia ades praescens dico hoc, pernimum interest.
 Tu, quántus quantus, níl nisi sapiéntia es: 40
 Ille, sómniū. sincerés vero illum tú tuum
 Facere haéc? *D.* sincerem illum? aut nōn sex totis mēasibus
 Prius ólfecissem, quam ille quicquam coéperet?
Sr. Vigilántiam tuám tun' mihi? *D.* sic sit modo,
 Ut nūc est, quaeso. *Sr.* ut quisque suum volt ésse, ita 'st. 45
De. Quid eám? vidistin' hódie? *Sr.* taumne filium?
 Abigam hūc rus. jamdudum áliquid ruri agere árbitror,
De. Satin' scís ibi esse? *Sr.* oh, quem égomet produxi. *D.*
 óptame 'st.

Metui, ne haereret hic. *Sr.* atque iratum admodum.

D. Quid, autem? *Sr.* adortus iurgio est fratrem apud fo-
rum 50

De psáltria hac. *D.* ain' véro? *Sr.* vah, nil réticuit.

Nam, ut númerabatur fórte argentum, intérvénit
Homo de inproviso: coépit clamare, „o Aéschine,
Haccíne flagítia fácere te? haec te admítttere
Indígna genere nóstro?“ *D.* oh, lacrumo gaúdio. 55

Sr. „Non tu hóc argentum pérdis, set vitám tuam.“

D. Salvós sit; spero erit símilis majorúm suum. *Sr.* hui.

D. Syre, praéceptorum 'st plénus istorum ille. *Sr.* phy.

Domi hábuit, unde dísceret. *D.* sit sédulo:

Nil praétermitto: cónsuefacio: dénique, 60

Inspícere, tanquam in spéculum, in vitas ómnium

Imbeo: átque ex aliis súmeré exemplúm sibi.

„Hoc fácito.“ *Sr.* recte sáne. *D.* „hoc fugito.“ *Sr.* cállide.

D. „Hoc laúdi est.“ *Sr.* istaec rés est. *D.* „hoc vitió datur.“

Sr. Probíssume. *D.* porro autem. *Sr.* non hercle ótium 'st 65

Nunc mi aúscultandi. píscis ex senténtia

Nactús sum: hi mihi ne córrumpantur, caútio 'st:

Nam id nóbis tam flagítium 'st, quam illa, o Démea,

Non fácere vobis, módo quae dixi: et, quód queo,

Consérvis ad eundem ístunc praecipió modum: 70

Hoc sálsum 'st, hoc adústum 'st, hoc lautúm 'st parum:

Illúd recte: íterum sic memento: sédulo

Monéo, quae possum pró mea sapiéntia:

Postrémo, tanquam in spéculum, in patinas, Démea,

Inspícere jubeo, et móneo, quid facto úsus sit. 75

Inépta haec esse, nós quae facimus, séntio:

Verúm quid facias? út homo 'st, ita morém geras.

Numquíd vis? *D.* mentem vóbis meliorem dari.

Sr. Tu rús hinc ibis. *D.* récta. *Sr.* nam quid tu híc agas,

Ubi, síquid bene praecipias, nemo obtémperet? 80

D. Ego véro hinc abeo, quádo is, quamobrem huc véneram,

Rus ábiit: illum cúro: unum illnd ad me ádtinet,

Quando ita volt frater: de ístoc ipse viderit.

Set quis illic est, quem vídeo procul? estne Hégio

Tribúlis hóster? sí satis cerno, is hércle: vah, 85

Homo amícus nobis jam índe a puero: dí boni,

Ne illíusmodi jam mágna nobis cívium

Paenúria 'st, antiqua virtute ác fide.

Haut cíto mali quid órtum ex hoc sit públice.

Quam gaúdeo: ubi etiam hújus generis reliquias 90

Restáre vídeo, vívere etiam núnc lubet.

Oppériar hominem híc, út salutem et cónloquar.

TERENTIUS.

K

ACTUS III. SCENA IV.

HÉGIO. GETA. DÉMEA. PAMPHILA.

- H.* Pro di-immortales, fácinus indignúm, Geta:
 Quid nárras? *G.* sic est fáctum. *H.* ex illan' fámilia
 Tam inliberale fácinus esse ortum? o Aéschine,
 Pol haút paternum istúc dedisti. *D.* videlicet
 De psáltria hoc audívit: id illi núnc dolet 5
 Aliéno. pater is náhili pendit: ei mihi,
 Utinam híc prope adesset álicubi: atque audíret haec.
H. Nisi fácient, quae illos aéquom 'st, haut sic auferent.
G. In té spes omnis, Hégio, nobis sita est:
 Te sólum habemus, tú es patronus, tú pater;
 Illé tibi moriens nés commendavít senex: 10
 Si déseris tu, périmus. *H.* cave díxeris:
 Neque fáciam, neque me sátis pie posse árbítror.
D. Adibo. salvere Hégionem plúrimum
 Iubeo. *H.* óh, te quaerebam ípsum: salve, Démea. 15
D. Quid autem? *H.* major filius tuus Aéschinus,
 Quem frátri adoptandúm dedisti, néque boni,
 Neque libéralis fúnctus officium ést viri.
D. Quid istúc est? *H.* nostrum amicum noras Símulum, atque
 Aequálem? *D.* quidni? *H.* filiam ejus vírginem 20
 Vitiávit. *D.* hem. *H.* mano, nóndum audisti, Démea,
 Quod ést gravíssimum. *D.* án quid est etiam ámplius?
H. Vero ámplius: nam hoc quídem ferundum aliquó modo 'st:
 Persuásit nox, amór, vinum, adulescéntia:
 Humánum 'st. ubi scit fáctum, ad matrem vírginis 25
 Venit ípsus ultro, lácrumans, orans, óbsecrans,
 Fidém dans, jurans, sé illam ducturúm domum.
 Ignótum 'st; tacítum 'st; créditum 'st. vírgo éx eo
 Compréssu grávida fácta est; menais decimus est:
 Ille bónus vir nobis psáltriam, si díis placet, 30
 Parávit, quicum vívat: illam déserit.
D. Pro cértón' tu istaec dícis? *H.* mater vírginis
 In médio 'st; ipsa vírgo; res ipsa: híc Geta
 Praetérea, ut captus sérvolorum est, nó n malus
 Neque inérs: alit illas; sólus omnem fámiliam 35
 Susténtat. hunc abdúce, vinci, quáere rem.
G. Immo hérclé extorque, nísi ita factum 'st, Démea:
 Postrémo non negábit; coram ípsúm cedo.
D. Pudét: nec, quid agam, néque, quid huic respóndeam,
 Sció. *Pa.* miseram me, dífferor dolóribus. 40
 Iunó Lucina fér opem: scíva me, óbsecro. *H.* hem,
 Numnam illa quáeso párturit? *G.* certe, Hégio. *H.* hem;

Illaéc fidem nunc vóstram implorat, Démea;
 Quod vós vis cogit, id voluntate impetret.
 Haec primum ut fiant, deós quaeso, ut vobis decet. 45
 Sin áliter animus véster est; ego, Démea,
 Summá vi defendam háas atque illam mórtuum.
 Cognátus mi erat: úna a pueris párvolis
 Sumus éducti: una sémper militiæ ét domi
 Fuimús: paupertatem úna pertulimús gravem. 50
 Quaprópter nitar, fáciam, experiar, dénique
 Animám relinquam pótius, quam illas déseram.
 Quid mihi respondes? D. frátrem conveniam, Hégio:
 Is, quód mihi de hac re déderit consilium, id sequar.
 Hæ. Set, Démea, hoc tu fácto cum animo cógiles, 55
 Quam vós facillame ágitis, quam estis máxime
 Poténtes, dites, fórtunati, nobíles,
 Tum máxime vos aéquó animo aequa nóscre
 Opórtet, si vos vóltis perhiberi probos.
 D. Redíto: fient, fieri quæ aequom 'st, émnia. 60
 Hæ. Decét te facere. Géta, duc me intro ad Sóstratam.
 D. Non me indicente hæc fiunt; utinam hic sít modo
 Defúntctam; verum nímia illaéc licéntia
 Profécto evádet in aliquod magnúm malum.
 Ibo, éc requiram frátrem, ut in eum hæc évomam. 65

ACTUS. III. SCENA V.

H E G I O.

Bono ánimo fac sis, Sóstrata; et istam, quód potes,
 Fac cónsolere. ego Mícionem, si ápuđ forum 'st,
 Convéniam; atque, ut res gésta 'st, narrabo órdine:
 Si ita ést, facturus út sit officiúm suum,
 Faciát: sin aliter de hác re est ejus senténtia, 5
 Respóndeat mi: ut, quíd agam, quam primúm sciam.

ACTUS IV. SCENA I.

C T E S I P H O. S Y R U S.

Cr. A'in', patrem hinc abísse rus? S. jam dúdum. C. dic
 sodés. S. apud villam 'st.
 Núnc cum maxime óperis aliquid fácere credo. C. utinám
 quidem,
 Quod cúm salute ejus fiat, ita se defetigarít velim,
 Ut trídúo hoc perpétuo prorsum e lécto nequeat sárgere.
 Sy. Ita fiat, et istoc sí quíd potis ést réctine. C. ita: nam
 hunc diem 5

Nimis misere cupio, ut eoēpi, perpetuum in laetitia dēgere.
 Et illud rus nulla alia causa tam male odi, nisi quia prope
 Est: quod si abesset longius,
 Prius nox oppressisset illic, quam hūc reverti posset iterum.
 Nūc, ubi me illic nōn videbit, jam hūc recurret, sāt soio: 10
 Rogabit me, ubi fuerim: quem ego hodie tōto non vidī die:
 Quid dicam? S. nilne in mētem est? C. nusquam quicquam.
 S. tanto nequior.

Clēns, amicus, hōspes, nemo 'st vōbis? C. sunt. quid pōstea?
 Sy. Hisce ōpera ut data sit. C. quae non data sit? nōn potest
 fieri. S. potest.

Cr. Intēdiu: sed si hīc pernocto, causae quid dicām, Syre? 15
 Sy. Vah, quām vellem etiam noctu amicis ōperam mos essēt
 dāri.

Quin tu ōtiosus es: ego illius sēsum pulchre cālleo.
 Cum fērvit maxumē, tam placidum, quam ōvis est, reddo. C.
 quō modo?

Sy. Laudārier te audīt libenter: faciō te apud illūm Deum:
 Virtūtes narro. C. meāsne? S. tuas: homini sīlico lacrumaē
 cadunt, 20

Quasi pūero, gaudio. ēm tibi autem. C. quīdnam est? S. lu-
 pus in fābula.

Cr. Patērne? S. is ipsus. C. Syre, quid agimus? S. fūge
 modo intro, ego vīdero.

Cr. Si quīd rogābit, nūsqum tu me: audīstin'? Sy. potin',
 ut dēsinas?

ACTUS IV. SCENA II.

DEMEA. CTESIPHO. SYRUS.

D. Ne ego homo infelix. prīmūm fratrem nūsqum invenio
 gēntium:

Praeterea autem, dum illum quaero, a villa mercenārium
 Vīdi: is filiūm negat esse rūri: nec quid agām scio.

Cr. Syre. Sy. quid est? Cr. men' quaerit? Sy. verum.
 Cr. pērii. Sy. quin tu bōno animo es.

D. Quid hoc, malum, infelicitatis? néqueo satis decernere: 5
 Nisi me credo huic esse natum rei, ferundis miseriis.

Prīmus sentiō mala nostra: prīmus rescisco omnia:

Prīmus porro obnūntio: aegre sōlus, si quid fīt, fero.

Sy. Rīdeo hunc: se prīmūm ait scire: is sōlus nescit omnia.

D. Nūc redeo: sī fōrte frater rēdierit, visō. Cr. Syre, 10
 O'bsacro, vide, ne ille huc prorsus se īnuat. Sy. etiām taces?

E'go cavebo. Cr. nūmqum hercle hodie ego istuc commit-
 tām tibi:

Nám me in cellulam aliquam cum illa concludam: id tutissimum 'st.

Sr. Age, tamen ego hunc amovebo. D. sét eccum scelertum Syrum.

Sr. Nón hercle hic quidem pérdurare quisquam, si sic fit, potest. 15

Scíre equidem voló, quot mihi sint dómini: quae haec est miseria?

D. Quid ille gannit? quid volt? quid ais, bóne vir? est frater domi?

Sr. Quid, malum, „bone vir“ mihi narras? équidem perii. D. quid tibi est?

Sr. Rógitas? Ctesiphó me pugnis miserum, et istam psáltriam Uagae occidit. D. ém, quid narras? Sr. ém, vide, ut disciddt labrum. 20

D. Quámobrem? Sr. me impulsóre hanc emptam esse, áit. D. non tu eum rus hinc modo

Próduxe aibas? Sr. factum: verum vénit post insániens:

Níl pepercit. nón puduisse vérberare hominém senem?

Quém ego, puerum módo tantillum, in mánibus gestavi meis? 25

D. Laúdo: o Ctesiphó, patrissas: ábi, virum te júdico.

Sr. Laúdas? ne ille cóntinebit pósthac, si sapiét, manus.

D. Fórtiter. Sr. perquám, quia miseram mülierem et me sérvolum,

Quí referire nón audebam, vícit: hui, perfórtiter.

D. Nón potuit meliús. idem, quod ego, sénsit, te esse huic rei caput.

Sét estne frater intus. Sr. non est. D. úbi illum quaeram, cógito. 30

Sr. Scío, ubi sit, verum hódie numquam mónstrabo. D. hem, quid ais? Sr. ita.

D. Díminuetur tibi quidem jam cérebrum. Sr. at nomen nésco illius hominis, sét locum novi, úbi sit. D. dic ergó locum.

Sr. Nóstin' porticum ápod macellum hac deórsum? D. quidni nóverim?

Sr. Praéterito hac récta platea súrsus: ubi eo véneris, 35 Clivos deorsum vórsum est; hac te praécipitato: póstea

Est ad hanc manúm sacellum: ibi ángiportum própter est:

Illic, ubi etiam cáprificus mágna est. D. novi. Sr. hac pérbito.

D. I'd quidem ángiportum non est pérvium. Sr. verum hércle. vah,

Cénsen', hominem me ésse? erravi: in pórticum rursum redi: 40 Sáne hac multo própius ibis, ét minor est errátio.

Scia' Cratini hujus dístis aedes? D. scío. Sr. ubi eas praeterferis,

A'd sinistram hac récta platea; ubi ád Dianae véneris,

Ite ad dextram: prius quam ad portum véniat, apud ipsam lacum

Est pistrilla, et exadversum fábrica: ibi est. *D.* quid ibi facit? 45

Sr. Léctulos in sóle ilignis pédibus faciendos dedit.

D. Ubi potetis vós? bene sane. sét cesso, ad eam pèrgere?

Sr. I' sane: ego te exercebo hodie, ut dignus es, silicèrnum.

Aéschinus odiosus cessat: prándium corrumpitur:

Ctésipho autem in amore est totus. égo iam prospiciam mihi: 50

Nám jam adibo, atque únun quicquid, quód quidem erit bel-
lissimum,

Cárpam: et cyathos sórbilans paulátim hunc producám dicam.

ACTUS IV. SCENA III.

MICIO. HEGIO.

M. Ego in hac re nil repéro, quamobrem laúder tantopere, Hégio.

Meum officium facio: quód peccatum a nobis ortum 'st, córrigo.

Nisi sí me in illo crédidisti esse hóminum numero, qui ita putant;

Sibi fieri injuriam últro, si, quam fecere ipsi, expóstules,

Et últro accusant: íd quia non est á me factum, agis grátias? 5

Hr. Ah, mínime: numquam te áliter atque es, in animum in-
duxí meum.

Set quaéso, ut una mécum ad matrem vírginis eas, *Micio*,

Atque istaec eadem, quae mihi dixti, túte dicas mulieri;

Suspicionem hanc própter fratrem esse: eius esse illam psáltriam.

M. Si ita aequom censes, aut si ita opus est fácto, eamus.

Hr. béne facis: 10

Nam et illi jam animum réllevaris, quae dolore ac miseria

Tabéscit: et tuo officio fueris fúctus, set, si alitér putas,

Egomét narrabo, quae mihi dixti. *M.* immó égo quoque ibo.

Hr. béne facis:

Omnés, quibus res sunt minus secundae, mágis sunt, nescio
quó modo,

Suspiciosi: ad cóntumeliam ómnia accipiúnt magis: 15

Proptér suam inpoténtiam se sémper credunt lúder.

Quaprópter te ipsum púrgare ipsis córam, placabílius est.

M. Et récte et verum dicis. *Hr.* sequere me érgo hac intro.

M. máxime.

ACTUS IV. SCENA IV.

AESCHINUS.

Discrúciat animi: hecine de improvísé mali mihi óbjecti

Tantum, ut neque, quid nunc de me faciam, nec, quid agam,
certum siet?

Membra metu debilia

Sunt: animus timore

Obstipuit: pectore nil

Sistere consili quit.

5

Vah, quomodo hac me expediam turba? tanta nunc

Suspicio de me incidit:

Neque ea immerito: Sóstrata

Crédit, mihi me psaltriam hanc emisit: id anus mi indicium
fecit.

10

Nam ut hinc forte ea ad obstetricem erat missa, ubi eam vi-
di, flico

Accedo; rogit, Pámphila quid agat; jamne partus adsiet,
Eone obstetricem accersat. illa exclamat, „Abi, abi, jam, Aés-
schine,

Satis diu dedisti verba: sat adhuc tua nos frustrata 'et fides.“

Hem, quid istuc, obsecro, inquam 'st? „Valcas, habetas illam,
quae placet.“

15

Sensi flico, id illas suspicari: set me reprehendi tamen,

Ne quid de fratre garrulae illi dicerem, ac fieret palam.

Nunc quid faciam? dicam, fratris esse hanc? quod minimé 'st opus
Usquam efferri: ac mitto fieri potis est, ut ne qua exeat:

Ipsam id metuo ut credant: tot concurrant verisimilia:

20

Egomet rapui: ipse egomet solvi argentum: ad me abducta
est domum.

Haec adeo mea culpa fateor fieri. non me hanc rem patri,

Ut ut erat gesta, indicasse? exorasse, ut eam ducerem.

Cessatum usque adhuc est: nunc porro, Aeschine, expergiscere:

Nunc hoc primum 'st; ad illas ibo, ut purgem me. accedam
ad fores:

25

Perii. horresco semper, ubi pultare haecce occipio miser.

Heus, heus: Aeschinus ego sum. aperite aliquis actutum ostium.

Prodit nescio quis: concedam huc. —

ACTUS IV. SCENA V.

MICIO. AESCHINUS.

M. — Ita, uti dixi, Sóstrata,

Facito: ego Aeschinum conveniam; ut, quomodo acta haec
sunt, sciat.

Set quis ostium hoc pultavit? An. pater hercle est, perii. M.
Aeschine.

An. Quid huic hic negoti 'st? M. tunc has pepulisti fores?

Tacet. cur non lude hunc aliquantisper? melius est,

5

Quandóquidem hoc nunquam mi ipse voluit credere.
Nil mihi respondes? *Æ.* nón equidem istas, quód sciam.

M. Ita: nám mirabar, quíd hic negoti essét tibi.

Erúbuit: salva res est. *Æ.* dic sodés, pater,

Tibi véro quid istic rei fuit? *M.* nil mihi quidem.

10

Amicus quidam me á foro abduxít modo

Huc ádvocatúm sibi. *Æ.* quid? *M.* ego dicám tibi:

Habitánt hic quædam múlieres; paupérculæ,

Ut opíner, has non nósse te: et certó scio:

Neque ením diu huc commigráruñt. *Æ.* quid tum póstea? 15

M. Virgo ést cum matre. *Æ.* pérge. *M.* hæc virgo orbá
'st patre:

Hic méus amicus illi genere est próxumus:

Huic léges cogunt núbere hanc. *Æ.* perís *M.* quid ést?

Æ. Nil: récte: perge. *M.* is vénit ut secum ávehat:

Nam habitát Mileti. *Æ.* hem, vírginem ut secum ávehat? 20

M. Sic ést. *Æ.* Miletum usque óbsecro? *M.* ita. *Æ.* ani-
mó male 'st.

Quid ipsaé? quid ajunt? *M.* quíd illas censes? níhil enim.

Comménta mater ést, esse ex alió viro,

Nescío quo, puerum nátum: neque cum nóminat:

Priórem esse illum, nón oportere huic dari.

25

Æ. Eho, nóñne hæc justa tibi videntur póstea?

M. Non. *Æ.* óbsecro non? an illam hinc abducét, pater?

M. Quid illám ní abducát? *Æ.* fáctam a vobis dúriter,

Inmisericorditérque, atque etiam, si ést pater,

Dicendúm magis apérte, inliberáliter.

30

M. Quamobrém? *Æ.* rogas me? quíd illi tandem créditis

Fore ánimi misero, qui cum ea consueví prior?

Qui infélix haut scio an illam misere núnc amat,

Cum hanc sibi videbit præsens præsentem éripi,

Abdúci ab oculis? fácinus indignúm, pater.

35

M. Qua rátióne istuc? quis despondit? quis dedit?

Cui, quándo nupsit? aúctor his rebús quis ést?

Cur dúxit alienam? *Æ.* án sedere opórtuit

Domi vírginem tam gránderi, dum cognátus hinc

Illinc veniret éxspectantem? hæc, mí pater,

40

Te dicere æquom fúit, et id defénderc.

M. Ridículum: advorsusne illum causam dicerem,

Cui véneram advocatús? set quid ista, Aéschine,

Nostra? aut quid nobis cum illis? abeamús. quid ést?

Quíd lacrimas? *Æ.* pater, óbsecro, ausculta. *M.* Aéschine,

audivi ómnia,

45

E't scio: nám té amo: quo magis, quæ ágis, curæ súnť mihi.

Æ. Ita velim me prómerentem amés, dum vivas, mí pater,

U't me hoc delictum ádmisisse in me, id mihi vehementér dolet:
E't me tui pudét. *M.* credo hercle: nam ingenium noví tuum
Libérale: sét vereor, ne indiligens nimíum sies. 50

I'n qua civitaté tandem te árbitrare vívere?

Virginem vitiásti, quam te nón jus fuérat tángere.

Iám peccatum primum id mágnum, mágnum, at humanúm tamen.

Fécere alii saepe item boni. at póstquam id evenít, cedo,
Númquid circumspéxti? aut numquid túte prospéxti tibi, 55

Quíd fieret? qua fieret? si te mi ípsum puduit dicere,

Quá resciscerem? haéc dum dubitas, ménses abierúnt decem.

Pródidisti et te, ét illam miserám, et gnátum, quod quidem in
té fuit.

Quíd credebas? dórmienti haec tibi confecturós deos?

E't illam sine tua ópera in cubiculum fri deductúm domum? 60

Nólim ceterárum rerum té socordem eodém modo.

Bóno animo es, ducés uxorem. *AE.* hem. *M.* bóno animo es,
inquám. *AE.* pater,

O'bsecro, num lúdis tu nunc me? *M.* égo te? quamobrem?
AE. néscio:

Nisi tam misere hoc ésse cupio vérum, eo vereór magis.

M. A'bi domum, ac deos cónprecare, ut úxorem accersás: abi. 65

AE. Quíd, jam uxorem? *M.* jám. *AE.* jam? *M.* jam quan-
túm potest. *AE.* di mé, pater,

O'mnes, oderint, ni magis te, quam óculos nunc ego amó meos.

M. Quíd? quam illam? *AE.* aeque. *M.* pérbenigne. *AE.* quíd?
ille ubi est Milésius?

M. A'biit, periit, návem ascendit; sét cur cessas? *AE.* ábi,
pater:

Tú deos potius cónprecare: nám tibi eos certó scio, 70

Quó vir melior múlto es, quam ego, obtémperaturós magis.

M. E'go eo intro: ut, quae opus súnť, parentur; tú fac ut di-
xi, sí sapis.

AE. Quid hoc ést negoti? hoc ést, patrem esse, aut hóc est,
filiúm ésse?

Si fráter aut sodális esset, quí magis morem géreret?

Hic nón amandus? hicine non gestándus in sinu ést? hem; 75

Itaque ádeo magnam mi ínjicit sua cómmoditate cúram:

Ne imprúdens faciam fórte, quod nolít, sciens cavébo.

Sét céssó ire intro, né morae meis nuptiis egomét sim?

ACTUS IV. SCENA VI.

DEMEA.

Deféssus sum ambulándo: ut, Syre, te cúm tua
Monstrátione mágnus perdat Iúppiter.

Perréptavi usque omne oppidum: ad portam, ad lacum:
 Quo non? nec fabrica illi ulla erat: nec fratrem homo
 Vidisse se aibat quisquam. nunc veró domi
 Certum obsidere est usque, donec réderit.

5

ACTUS IV. SCENA VII.

MICIO. DÉMEA.

M. Ibo, illis dicam, nullam esse in nobis moram.
D. Set eccum ipsum: te jamdúdum quacro, o Micio.
M. Quidnam? *D.* fero alia slágitia ad te ingéntia
 Boni illius adulescéntis. *M.* ecce autém. *D.* nova,
 Capitália. *M.* ohe; jam. *D.* ah nescis, qui vir sit. *M.* scio. 5
D. O stúlte, tu de psáltria me sómnias
 Agere: hóc peccatum in vírginem est civém. *M.* scio.
D. Oho, scís et patere? *M.* quidni patiar? *D.* dic mihi,
 Non clámas? non insánis? *M.* non. malím quidem.
D. Puer nátus 'st. *M.* di bene vórtant. *D.* virgo níhil habet. 10
M. Audívi. *D.* et ducenda índotata 'st. *M.* scilicet.
D. Quid núnc futurum 'st? *M.* id enim, quod res ípsa fert:
 Illínc huc transferétur virgo. *D.* o Iúppiter,
 Istócine pacto opórtet? *M.* quid faciam ámplius?
D. Quid fácias? si non ípsa re tibi istúc dolet, 15
 Simuláre certe est hóminis. *M.* quin jam vírginem
 Despóndi: res compósita est: fiunt núptiae:
 Demp sí metum omnem: haec mágis sunt hominis. *D.* céterum,
 Placét tibi factum, Micio? *M.* non, sí queam
 Mutáre: nunc cum nón queo, animo aequó fero. 20
 Ita víta 'st hominum, quási si ludas tésseris.
 Si illúd, quod maxume ópus est jactu, nón cadit,
 Illúd, quod cecidit fórte, id arte ut córrigas.
D. Corréc tor, nempe tua árte vigintí minae
 Pro psáltria periére: quae, quantúm potest, 25
 Aliquo ábjicienda est: sí non pretio, grátiis.
M. Neque éat, neque illam sáne studeo véndere.
D. Quid illa igitur fácias? *M.* dómi erit. *D.* pro divóm fidem,
 Meretríx et mater fámilias una in domo?
M. Cur nón? *D.* sanumne crédis te esse? *M.* equidem árbitror. 30
D. Ita mé di ament, ut vídeo tuam ego inéptiam;
 Factúrúm credo, ut hábeas, quicum cántites.
M. Cur nón? *D.* et nova nupta éadem haec discet. *M.* scilicet.
D. Tu intér eas restim dúctans saltabís. *M.* probe.
 Et túte nobiscum úna, si opus sit. *D.* éi mihi. 35
 Non te haéc pudént? *M.* jam véro omitte, o Démea,
 Tuam ístanc iracúndiam: atque ita, utí decet,

Hilarum ac lubentem fac te gnati in nuptiis.
 Ego hos conveniam: post huc redeo. *D.* o Iuppiter,
 Hancine vitam? hoscine mores? hanc deméntiam?
Uxor sine dote véniet: intus psáltria est:
Domus sumptuosa: aduléscens luxu pérditus:
Senéx delirans. ipsa si cupiát Salus,
Serváre prorsus nó n potest hanc fámiliam.

40

ACTUS IV. SCENA VIII.

SYRUS. DEMEA.

Sy. Edepól, Syrisce, té curasti mólliter,
 Lautéque munus administrasti tuum:
Abi. sét postquam intus sum ómnium rerúm satur,
Prodeámbulare huc libitum est. D. illuc sis vide;
Exémplum disciplínae. Sy. ecce autem hic adest
Senex nóster. quid fit? quid tu es tristis? D. óh, scelus.
Sy. Ohe. jám: tu verba fúndis hic sapiéntia?
D. Tu sí meus esses, Sy. dis quidem esses, Démea;
Ac tuám rem constabilísses. D. exemplo ómnibus
Curárem ut esses. Sy. quámobrem? quid feci? D. rogas?
In ipsa turba, atque in peccato máxumo,
Quod víx sedatum sátis est, potasti, scelus,
Quási ré bene gesta. Sy. sáne nollem huc éxitum.

5

10

ACTUS IV. SCENA IX.

DROMO. SYRUS. DEMEA.

Dr. Heus, Síre, rogat te Ctésipho, ut redeas. *Sy. abi.*
D. Quid Ctésiphonem hic nárrat? Sy. nil. D. eho, cárnuífex,
Est Ctésipho intus? Sy. nó n est. D. cur hic nóminat?
Sy. Est álius quidam, párasitaster paúlulus:
Ností n? D. jam scibo. Sy. quíd agis? quo abis? D. mitte me.
Sy. Noli, inquam. D. non manum ábstines, mastigia?
An tibi jam mavis cérebrum dispergam hic? Sy. abit.
Edepól comissatórem haut sane cómmodum,
Praesértim Ctésiphóni. quid ego núnc agam?
Nisi dum haé sílescunt túrbæ, interea in ángulum
Aliquo ábeam, atque edormiscam hoc villi. sic agam.

10

ACTUS V. SCENA I.

MICIO. DEMEA.

M. Paráta a nobis sún t, ita ut dixi, Sóstrata,
 Ubi vis. quisnam a me pépulit tam gravitér fores?

D. Ei mīhi, quid faciam? quid agam? quid clamem? aut querar?
O caelum, o terra, o ināria Neptuni. *M.* em tibi,
Rescivit omnem rem. id nunc clamat scilicet: 5

Paratae lites: succurrendum 'st. *D.* eocum, adeat
Communis corruptela nostrum liberum.

M. Tandem reprime iracundiam, atque ad te redi.

D. Reprēssi, redii, mīto maledicta omnia:

Rem ipsam putemus. dictum inter nos hoc fuit, 10

Ex te adeo est ortum, ne tu curares meum,
Neve ego tuum? responde. *M.* factum 'st, non nego.

D. Cur nunc aput te potat? cur recipis meum?

Cur emis amicam, Micio? num qui minus

Mihi idem jus aequum 'st esse, quod mecum 'st tibi? 15

Quando ego tuum non curo, ne cura meum.

M. Non aequom dicis. *D.* non? *M.* nam vetus verbum hoc qui-
dem 'st,

Communia esse amicorum inter se omnia.

D. Facete: nunc demum istaec nata oratio 'st.

M. Ausculta paucis, nisi molestum 'st, Démea. 20

Principio, si id te mordet, sumptum filii

Quem faciunt, quaeso, hoc facito, tecum cogites:

Tu illos duo olim pro re tollebas tua,

Quod satis putabas tua bona ambobus fore;

Et me tum uxorem credidisti scilicet 25

Ducturum: eandem illam rationem antiquam obtine;

Conserva, quaere, parce; fac, quamplurimum

Illis relinquis, gloriamque istanc tibi:

Mea, quae praeter spem evencere: utantur sine:

De summa nil decedet: quod hinc accesserit, 30

Id de lucro putato esse omne. haec si voles

In animo vere cogitare, Démea,

Et mi et tibi et illis dempseris molestiam.

D. Mittó rem: consuetudinem ipsorum. *M.* mane:

Scio: istuc ibam. multa in homine, Démea, 35

Signa insunt, quibus ex conjectura facile fit:

Duo cum idem faciunt, saepe ut possis dicere,

Hoc licet inpune facere huic, illi non licet:

Non quo dissimilis res sit, set quo is, qui facit.

Quae ego in illis esse video, ut confidam, fore 40

Ita ut volumus. video eos sapere, intellegere, in loco

Vereri, inter se amare: scire est liberum

Ingenium atque animum. quo vis illos tu die

Reducas. at enim metuas, ne ab re sint tamen

Omissiores paulo. o noster Démea, 45

Ad omnia alia aetate sapimus rectius:

Solum unum hoc vitium senectus adfert hominibus,
 Attentiores sumus ad rem omnes, quam sat est:
 Quod illis sat aetas acuet. *D.* ne nimium modo
 Bonae tuae istae nos rationes, Micio, 50
 Et tuus iste animus aequos subvertat. *M.* tace,
 Non fiet. mitte jam istaec: da te hodie mihi:
 Exporge frontem. *D.* scilicet ita tempus fert,
 Faciendum 'st: ceterum rus cras cum filio
 Cum primo luci. *M.* immo de nocte censeo: 55
 Hodie modo hilarum te face. *D.* et istam psaltriam
 Una illuc mecum hinc abstraham. *M.* pugnaveris.
 Eo pacto prorsum illi alligaris filium.
 Modo facito, ut illam serves. *D.* ego istuc videro: atque
 Illi favillae plena, fumi ac pollinis, 60
 Coquendo sit faxo et molendo: praeter haec
 Meridie ipso faciam ut stipulam colligat:
 Tam excocctam reddam atque atram, quam carbō 'st. *M.* placea.
 Nunc mihi videre sapere. atque equidem filium,
 Tam etiam si nolit, cogam, ut cum illa una cubet. 65
D. Derides? fortunatus, qui isto animo sis:
 Ego sentio. *M.* ah, pergisne? *D.* jam jam desino.
M. I ergo intro; et cui rei est, ei rei hunc sumamus diem.

ACTUS V. SCENA II.

DEMEA.

Nūquam ita quisquam bene subducta ratione ad vitam fuit,
 Quin res, aetas, usus semper aliquid adportet novi;
 Aliquid moneat; ut illa, quae te scire credas, nescias;
 Et quae tibi putaris prima, In experiundo ut repudies:
 Quod nunc mi evenit: nam ego vitam duram, quam vixi us- 5
 que adhuc,
 Prope decurso spatio omitto. id quamobrem? re ipsa repperi,
 Facilitate nihil esse homini melius neque clementia.
 Id esse verum, ex me atque ex fratre cuius facile 'st noscere.
 Ille suam semper egit vitam in otio, in conviviiis:
 Clemens, placidus, nulli laedere os, adridere omnibus: 10
 Sibi vixit: sibi sumptum fecit: omnes benedicunt, amant.
 Ego ille agrestis, saevos, tristis, parcus, truculentus, tenax
 Duxi uxorem: quam sibi miseriam vidi? nati filii,
 Alia cura: heia autem, dum studeo, illis ut quamplurimum
 Facerem, contrivi in quaerendo vitam atque aetatem meam: 15
 Nunc exacta aetate hoc fructi pro labore ab eis fero,
 O'dium: ille alter sine labore patria potitur comoda:
 Illum amant: me fugitant: illi credunt consilia omnia:

TERENTIUS.

*Illum diligunt: optant illum sunt ambo, ego desortus sum:
Illum ut vivat optant, meam autem mortem expectant sci-*
licet.

20

*Ita eos meo labore eductos maximo, hic fecit suus
Paulo sumptu: miseriam omnem ego capio; hic potitur gaudia.
A'ge nunc jam, experiamur perro contra, ecquid ego possim
Blande dicere aut benigne facere, quando huc provocat.
Ego quoque a meis me amari et magni pendi postulo.
Si id fit dando atque obsequendo, non posteriores feram.
Dedit: id mea minime refert, qui sum nata maxumus.*

25

ACTUS V. SCENA III.

SYRUS. DEMEA.

*Sy. Heus, Demea, rogat frater, ne abcas longius.
D. Quis homo? o Syre noster, salve: quid fit? quid agitur?
Sy. Recte. D. Optume 'st. jam nunc haec tria primum addidi
Praeter naturam, o noster, quid fit? quid agitur?
Servum haut inliberalem praebes te: et tibi
Lubens bene faxim. Sy. gratiam habeo. D. atqui, Syre,
Hoc verum 'st, et ipsa re experiere propedem.*

5

ACTUS V. SCENA IV.

GETA. DEMEA.

*G. Era, ego huc ad hos proviso, quam mox virginem
Accersant. set eccum Demeam. salvos sies.
D. O, qui vocare? G. Geta, D. Geta, hominem maxumi
Preti te esse, hodie iudicavi animo meo:
Nam is mihi profecto est servos spectatus satis,
Cui dominus curae 'st: ita uti tibi, sensi, Geta:
Et tibi ob eam rem, siquid usus venerit,
Lubens bene faxim. meditor esse adfabilis.
Et bene procedit. G. bonus es, cum haec existumas.
D. Paulatim plebem primum facio meam.*

5

10

ACTUS V. SCENA V.

AESCHINUS. DEMEA. SYRUS. GETA.

*Ae. Occidunt me quidem, dum nimis sanctas nuptias
Student facere; in apparando consumunt diem.
D. Quid agitur, Aeschine? Ae. ehem, pater mi, tu hic eras?
D. Tuus hercle vero et animo et natura pater;
Qui te amat plus, quam hosce oculos. set cur non domum
Uxorem accersis? Ae. cupio: verum hoc mihi morae 'st*

5

*Tibicinas. et hymenaëum qui cantent. D. eho,
 Vin' tu huic seni auscultare? Ae. quid? D. missa haec face,
 Hymenaëum, turbas, lámpadas, tibicinas:
 Atque hanc in horto máceriam jube dirui, 10
 Quantum potest: hac transfér: unam fác domum:
 Tradúce et matrem et fámiliam omnem ad nós. Ae. placet,
 Patér lepidissime. D. eúge, jam lepidús vecor.
 Fratri aèdes fient pèrviae: turbám domum
 Addúcet, sumptum admittet: multa: quid mea? 15
 Ego lépidus in eo grátiam. jube nunc iam
 Dinámeret ille Bábylo vingintí minas.
 Syre, cèssas ire ac fácere? Sy. quid ego? D. dirue.
 Tu illás, abi et tradúce. G. di tibi, Démea,
 Benefácient, cum te vídeo nostrae fámiliae 20
 Tam ex ánimo factum vélle. D. dignos árbitror.
 Quid tú ais? Ae. sic opínor. D. multo réctius 'st,
 Quam illám puerperam hác nunc duci pér viam
 Aegrótam. Ae. nil esím vídi melíus, mí pater.
 D. Sic sóleo. sed ecceám, Micio egreditúr foras. 25*

ACTUS V. SCENA VI.

MICIO. DEMEA. AESCHINUS.

*M. Iubet fráter? ubi is est? tún' jubes hoc, Démea?
 D. Ego véro jubeo, et hác re et aliis ómnibus
 Quam máxume unam fácere nos hanc fámiliam,
 Colere, ádjavare, adjúngere. Ae. ita quacsó, pater.
 M. Haut áliter censeo. D. Immo hercle ita nobis decet: 5
 Primum huius uxóri est máter. M. est. quid póstea?
 D. Proba ét modesta. M. ita ájunt. D. natu grándior.
 M. Scio. D. párrere jam diu haéc per annos nón potest:
 Nec qui eám respiciat, quisquam est: sola est. M. quam híc
 rem agit?
 D. Hanc te aéquum est ducere: et té operam, ut fiat, dare. 10
 M. Me dúcere autem? D. té. M. me? D. te, inquam. M.
 inéptis. D. si tu sis homo,
 Hic fáciat. Ae. mí patér. M. quid tu autem huic, ásine, au-
 scultas? D. nihil agis:
 Fieri áliter non potést. M. deliras. Ae. sine te exorem, mí
 pater.
 M. Insánis? auctor. D. áge, da veniam filio. M. satin' sánus es?
 Ego nóvus maritus ámo demum quínto et sexagésimo 15
 Fiam, átque anum decrepítam ducam? idne éstis auctorés mihi?
 Ae. Fac: prómisi ego illis. M. prómisti autem? dé te largi-
 tór, puer.*

D. Age, quid, si quid te május oret? *M.* quasi si hec non sit máximum.

D. Da véniam. *As.* ne graváre. *D.* fac, promitte. *M.* non emittitis? *As.* Non, nisi te exorem. *M.* vis est haec quidem. *D.* áge prolixo, Micio. 20

M. Etsi hoc mihi pravum, inéptum, absurdum, atque alienum a vitá mea

Vidéatur: si vos tantopere istuc vóltis, fiat. *As.* béne facis.

D. Meritó tuo te amo, vérum. *M.* quid? *D.* ego dicam, hec cum fit, quód volo.

M. Quid nunc? quid restat? *D.* Hégio hic est his cognatus próximus:

Adfinis nobis; paúper: bene nos áliquid facere illi decet. 25

M. Quid fácere? *D.* agelli est hic sub urbe paúlum, quod locitás foras:

Huic démus, qui fruátur. *M.* paulam id autem est? *D.* si multúm 'st, tamen

Faciúndum est: pro patre huic est? bonus est; nóster est; recté datur.

Postrémo nunc meum illud verbum fácio, quod tu, Micio, Bene ét sapienter dixisti dudum, Vítium commune ómnium est, 30 Quod nímium ad rem in senécta attenti súmus. hanc maculam nós decet

Effúgere: dictum est vére, et re ipsa fieri oportet. *M.* gaúdeo. Quid ístic? dabitur, quándoquidem hic vólt. *As.* mi pater. nunc tu mihi,

D. Nunc mi és germanus páriter animo et córpore.

ACTUS V. SCENA VII.

SYRUS. DÉMEA. MICIO. AESCHINUS.

Sy. Suo sibi gladio hunc júgulo. factum est, quód jussisti, Démea.

D. Frúgi homo es. ego édepol hodie, meá quidem senténtia, lúdico, Syrum fieri esse aequum liberum. *M.* istunc liberum? Quódnam ob factum? *D.* múlta. *Sy.* o noster Démea, edepol vír bonus 's:

Ego istos vobis úsque a pueris cúravi ámbos sédulo; 5 Dócní, monuí, béne praecepi sémper, quae potui ómnia.

D. Rés apparet. ét quídem porro haec, óbsonare cúm fide, Scórtum adducere, apparare dé die convíviam:

Nón mediocris hóminis haec sunt ófficia. *Sy.* o lepidúm caput.

D. Póstrémo, hodie in psáltria ista emúnda hic adjutór fuit, 10 Híc curavit: pródesse aequum 'st: álii meliorés erunt;

Dénique hic vólt fieri. *M.* vin' tu hoc fieri? *As.* cupio. *M.* sí quidem

Tá vis, Syre, eho accéde huc ad me: liber esto. *Sy.* béne facis:

O'mnibus gratiam hábeo: et scorsam tibi praeterea, Démea. *D.* Gaúdeo. *Ae.* et ego. *Sy.* crédo: utinam hoc perpétuum fiat gaúdium, 15

Phrýgiam ut uxorem meam una mécum videam liberam.

D. Óptimam quidem mülierem. *Sy.* et quidem tuó nepoti, hujus filio,

Hódie prima mámmam dedit haec. *D.* hércle vero sério, Siquidem prima dédit; haut dubium 'st, quín emitti aequúm siet.

M. Ób eam rem? *D.* ob eam: póstramo a me argéntum, quanti est, súmito. 20

Sy. Dí tibi, Démea, ómnia omnes sémper optata ófferant.

M. Síre, processisti hódie pulchre. *D.* síquidem porro, Mício, Tú tuum officium fácies; atque huic áliquíd paulum praé manu Déderis, unde utátur. reddet tibi cito, *M.* istoc vílius,

Ae. Frúgi homo est. *Sy.* reddam hércle, da modo. *Ae.* áge, pater. *M.* post cónsulam. 25

D. Fáciet. *Sy.* o vir óptume. *Ae.* o patér mí festivíssime.

M. Quid istuc? quae res tám repente móres mutavít tuos?

Quód prolubium? quae istaec subita est lárgitas? *D.* dicám tibi:

U't id ostenderém, quod te isti fácilem et festivóm putant,

I'd non fieri ex véra vita, néque adeo ex aequo ét bono; 30

Sét adsentando atque indulgendo et lárgiendo, Mício.

Núnc adeo, si ob eám rem vobis méa vita invisa, Aéschíne, est;

Quía non justa, injústa, prorsus ómnia omnino óbsequor;

Míssa facio: effúndite, emite, fácite, quod vobis lubet.

Séd si id voltis pótius, quae vos própter adulescéntiam 35

Mínus videtis, mágis impense cúpitis, consulítis parum,

Haec reprehendere ét corrigere quem, óbsecundare ín loco:

E'cce me, qui id fáciam vobis. *Ae.* tibi, pater, permíttimus:

Plús scis, quid opus fácto est. set de frátre quid fiét? *D.* sino.

Hábeat: ín istac fínem faciat. *M.* istuc recte. Plaúдите. 40

TERENTII HECYRA.

C. SULPITII APOLLINARIS PERIOCHA IN HECYRAM.

*Uxorē duxit Pāmphilus Philāmenam,
Cui quōdam ignorans virgini vitium obtulit,
Cujusque per vim quē detrahit anulū,
Dederat amicae Bācchidi meretriculae.
Dein profectus in I'mbrum est: nuptam haut attigit.
Hanc māter utero grāvidam, ne id scīūt socrus,
Ut aegram ad se transfert: revertit Pāmphilus:
Deprēdit partem: celat: uxorē tamen
Recipere non volt. pāter incusat Bācchidis
Amōrem. dum se pūrgat Bacchis, anulū
Matēr vitiatae fōrte agnoscit Myrrhina,
Uxorē recipit Pāmphilus cum filio.*

ACTA LUDIS MEGALENSIB. SEX. IUL. CAESARE CN. CORNELIO
DOLABELLA AEDILIB. CURULIB. NON EST PERACTA. MODOS
FECIT FLACCUS CLAUDI. TIBIHS PARIB. TOTA GRAECA ME-
NANDRU. FACTA EST. ACTA PRIMO SINE PROLOGO. DATA SE-
CUNDO CN. OCTAVIO T. MANLIO COSS. RELATA EST. L. AEMI-
LIO PAULO LUDIS FUNERALIB. NON EST PLACITA. TERTIO
RELATA EST Q. FULVIO L. MARCIO AEDILIB. CURULIB. EGIT.
L. AMBIVIVS TURPIO. PLACUIT.

Fabulae interlocutores.

PHILOTIS , me- retrix.	} personae adventi- ciae ad argumen- tum explicandum.	PHIDIPPUS , pater Philumenaе, socer Pamphili.
SYRA , anus.		PAMPHILUS , Bacchidem nuper amans, nunc quidem cum Philu- mena matrimonio conjunctus.
PARMENO , servus Sostratae.		MYRRHINA , mater Philumenaе, socrus Pamphili.
LACHES , pater Pamphili, socer Philumenaе.		SOSIA , conservus Parmenonis, cum Pamphilo post navigationem (III, 4.) rediens.
SOSTRATA , mater Pamphili, so- crus Philumenaе.		
BACCHIS , meretrix a Pamphilo nuper amata.		

Persona muta:

PHILUMENA, puella nupta Pamphilo.

PROLOGUS.

Hecyra est huic nomen fabulae: haec cum data est
Nova, ei novum intervénit vitium et calamitas,
Ut neque spectari neque cognosci pótuerit:
Ita pópulus studio stúpidus in funámbulo
Animum decuparat. nunc haec plane est pró nova: 5
Et is, qui scripsit hanc, ob eam rem nóluit
Iterum referre, ut iterum posset véndere.
Alias cognostis ejus: quaeso hanc nóscite.

ALTER PROLOGUS.

Orátor ad vos vénio ornatu prólogi:
Sinite exorator sim: eódem ut jure uti senem
Liccát, quo jure sum úsus adulescéntior;
Novás qui exactas féci ut inveteráscerent;
Ne cum poéta scriptura evanésceat. 5
In his, quas primum Caécili didici novas,
Partim sum earum exáctus: partim vix steti.
Quia scibam, dubiam fórtunam esse scénicam,
Spe incérta, certum míhi laborem sústuli.
Easdem ágere coepi, ut ab eodem alias díscerem 10
Novás, studiosae; ne illum ab studio abdúcerem.
Perféci, ut spectaréntur. ubi sunt cógnitae,
Placitae sunt. ita poétam restitui in locum,
Prope já remotum injúria adversárium
Ab stádio, atque ab labóre, atque arte ab música. 15
Quod si scriptorem sprévissem in praesentia,
Et in deterrendo vóluissem operam súmere,
Ut in ótio esset, pótius quam in negótio;
Deterruissem fácte, ne alias scriberet.
Nunc quid petam, mea caúsa aequo ánimo atténdite. 20
Hecyram ad vos refero, quám míhi per siléntium
Numquam ágere licitum est; ita eam oppressit calamitas.
Eam calamitatem vóstra intelligéntia
Sedábit, si erit adjútrix nostrae indústriae.

Cum primum eam agere coëpi, pugilum glória,
 (Funámbuli eodem accéssit exspectatio) 25
 Comitum conventus, strépitus, clamor mulierum
 Fecére, ut ante tempus exirém foras.
 Vetere in nova coepi úti consuetúdine,
 In experiundo ut éssém: refero dénuo. 30
 Primo áctu placeo: cum interea rumór venit,
 Datum iri gladiatóres: populus cónvolat:
 Tumúltuantur, clámant, pugnant dé loco:
 Ego intérea meum non pótui tutari locum.
 Nunc túrba non est: ótium et siléntium est: 35
 Agéndi tempus míhi datum est: vobis datur
 Potéstas condecorándi ludos scénicos.
 Nolíte sinere, pér vos artem músicam
 Recidere ad paucos: fácite, ut vestra auctóritas
 Meae auctóritati faútrix adjutrixque sit. 40
 Si númquam avare pretíam statui artí meae;
 Et eum ésse quaestum in ánimum induxi máximum,
 Quam máxime servíre vestris cómmodis:
 Siníte impetrare mé, qui in tutelám meam
 Studiúm suum, et se in vóstram commisit fidem, 45
 Ne eum circumventum iníque iniqui inrídeant.
 Mea caúsa causam accípíte, et date siléntium:
 Ut líbeat scribere álias, míhique ut díscere
 Novás expediat, pósthac pretio emptás meo.

ACTUS I. SCENA I.

PHILOTIS meretrix. SYRA anus.

PH. Per pól quam paucis réperias meretrícibus
 Fidélis evenísse amatorés, Syra.
 Vel hic Pámphilus jurábat quotiens BÁCchidi,
 Quam sáncte, ut quívis fácte posset crédere,
 Numquam illa viva uxórem ducturúm domum. 5
 Em dúxit. Sy. ergo própterea te sédulo
 Et móneo et hortor, né te cujusquam mísereat:
 Quin spólies, mutiles, láceres, quemquem nácta sis.
 PH. Utín' eximium néminem habeam? Sy. néminem,
 Nam némo quisquam illórum, scito, ad té venit, 10
 Quin íta paret esse, ábs te ut blanditís suis
 Quam mínimo pretio suám voluptatem éxpleat:
 Hiscíne tu, amabo, nón contra insidiábere?
 Sy. Tamén pol eandem injúrium 'st esse ómnibus.
 PH. Injúrium autem est, úlcisci adversários? 15
 Aut, quá via captent té illi, eadem ipsós capi?

Eheu me miseram, cur non aut istaec mihi
Aetas et forma est, aut tibi haec sententia?

ACTUS I. SCENA II.

PARMENO. PHILOTIS. SYRA.

- PA.* Senex si quaeret me, modo isse dicito
Ad portum, percontatum adventum Pamphili.
Audin', quid dicam; Scirte? si quaeret me, uti
Tum dicas: si non quaeret, nullus dixeris:
Alius ut uti possim causa haec integra. 5
Set videon' ego Philotium? unde haec advenit?
Philotis, salve multum. *PH.* o salve, Parmeno.
Sy. Salvé mecastor, Parmeno. *PA.* et tu edepól, Syra.
Philotis, dic mi, ubi te oblectasti tamdiu?
PH. Minime equidem me oblectavi, quae cum milite 10
Corinthum hinc sum profecta inhumanissimo:
Biennium ibi perpetuum misera illum tuli.
PA. Edepól te desiderium Athenarum arbitror,
Philotium, cepísse saepe: et té tuum
Consilium contempsisse. *PH.* non dici potest, 15
Quam cupida eram huc redeundi, abeundi a milite,
Vosque hic videndi, antiqua ut consuetudine
Agitarem inter vos libere convivium:
Nam illi haut licebat, nisi praefinito loqui,
Quae illi placerent. *PA.* haut opinor, commode 20
Finem statuísse orationi militem.
PH. Set quid hoc negoti est? modo quae narravit mihi
Hic intus Bacchis? quód ego numquam credidi
Fore, ut ille hac viva posset animum inducere,
Uxorem habere. *PA.* habere autem? *PH.* eho tu, an non 25
habet?
PA. Habét: set firmæ haec véreor ut sint nuptias.
PH. Ita di deaque faxint: si in rem est Bacchidis.
Set qui istuc credam ita esse, dic mihi, Parmeno.
PA. Non est opus prolato: hoc percontarier
Desiste. *PH.* nempe ea causa, ut ne id fiat palam. 30
Ita mé di amabunt, haut propterea té rogo,
Ut hoc proferam, set ut tacita mecum gaudeam.
PA. Numquam tam dices commode, ut tergum meum
Tuam in fidem committam. *PH.* ah noli, Parmeno:
Quasi tú non multo malis narrare hoc mihi, 35
Quam ego, quae percontor, scire. *PA.* vera haec praedicat:
Et illud mihi vitium 'et maximum. si mihi fidem
Das, té taciturnam, dicam. *PH.* ad ingenium redi:

Fidém do: loquere. *PA.* ausculta. *PH.* istic sum. *PA.* hanc Báčchidem

Amábat, ut cum máxume, tum Pámphilus, 40

Cum páter, uxorem ut dúcat, orare óccipit:

Et haéc communia ómnium quae súnť patrũ,

Seném sese esse dícere, illum autem esse únícum:

Praesídium velle sé senectuti suae.

Ille primo se negáre. set postquam ácrius 45

Pater ínstat, fecit, ánimi ut incertús foret,

Pudórin' anne amóri obsequerétúr magis.

Tundéndo atque odio dénique effecit senex:

Despóndit ei gnatum huius vicini próximi.

Usque illud visum est Pámphilo ne utiquám grave; 50

Donéc jam in ipsis núptiis, postquám videt

Parítas; nec moram úllam, quin ducát, dari:

Ibi démum ita aegre túlit, ut ipsam Báčchidem,

Si adésset, credo, ibi éjus commiseréceret.

Ubicúmque datum erat spátium solitúdinis, 55

Ut cónloqui mecum úna posset: „Pármeno,

Perií, quid ego egi? in quód me conjeci malum?

Non pótero ferre hoc, Pármeno: perií miser.“

PH. At té di deaeque cúm tuo istoc odió, Laches.

PA. Ut ad paúca redeam, uxórem deducit domum. 60

Nocte illa prima virginem non áttigit:

Quae cónsecuta 'st nóx eam, nihiló magis.

PH. Quid ais? cum virgine úna adulescens cúbnerit

Plus pótus, sese illa ábstinere ut pótuerit?

Non vérisimile dícis: neque verum árbitor. 65

PA. Credo, ita videri tibi: nam nemo ad té venit,

Nisi cúpiens tui: ille ínventus illam dúxerat.

PH. Quid deínde fit? *PA.* diébus sane paúculis

Post, Pámphilus me sólum seduoit foras;

Narrátque, ut virgo ab se íntegra etiam túm siet: 70

Seque ánte, quam eam uxórem duxissét domum,

Sperásse, eas toleráre posse núptias.

„Set quám decrérim mé non posse díutius

Habére, eam ludíbrío haberi, Pármeno,

Quin íntegram itidem réddam, ut accepí, snis, 75

Néque honéstum mihí, neque útile ipsi vírgini est.“

PH. Pium ac pudicum ingyénium narras Pámphili.

PA. „Hoc égo proferre, incómodum mi esse árbitor:

Reddí patri autem, cui tu nil dicás viti,

Supérbum est: set illam spéro, ubi hoc cognóverit, 80

Non pósse se mecum ésse, abituram dénique.“

PH. Quid intérea? ibatne ad Báčchidem? *PA.* cotídie.

- Set tū sit, postquam hunc alienum ab sese videt,
 Maligna magis et magis procax facta ilico est.
- PH. Non édepol mirum. PA. atque éa res multo máxime 85
 Disiūxit illum ab illa; postquam et ipse se,
 Et illam, et hanc, quae dómi erat, cognovit satis,
 Ad exéplum ambarum móres earum existumans.
 Haec, ita uti liberáli atque ingenuae decet,
 Pudéns, modesta; incómmoda, atque injúrias 90
 Viri ómnis ferre; et tégere contumélias.
 Hic ánimus, partim uxóris misericórdia
 Devíctus, partim victus hujus injúria,
 Paulátim elapsus 'st Bécchidi, atque huc trástulit
 Amórem, postquam pár ingenium náctus est. 95
 Intérea in Imbro móritur cognátus senex
 Horúnce. ad hos ea rédiit lego heréditas.
 Eo amántem invitum Pámphilum extrudit pater.
 Reliquit hic cum mátre uxorem: nám senex
 Rus áddit sese: huc ráro in urbem cómmeat. 100
 PH. Quid adhúc habent infirmitatis núptiae?
 PA. Nunc audies. primo hós dies complúsculos
 Bene cónvenibat sáne inter eas. Interim
 Miris modis odísse coepit Sóstratam:
 Neque lites ullae intér eas, postulátio 105
 Numquám. PH. quid igitur? PA. sí quando ad eam accésserat
 Confábulatum, fúgere e conspectu ilico,
 Vidére nolle: dénique ubi non quít pati,
 Simulat, se ad matrem accérsi ad rem divínam, abit;
 Ubi illíc dies est complúris, accersí jubet: 110
 Dixéro causam nésco quam. iterúm jubet;
 Nemó remisit. póst quam accersit saépius,
 Aegram ésse simulant múlierem. nostra ilico
 It víseré ad eam: admísit nemo. hoc úbi senex
 Rescívit, heri ea caúsa rure huc ádvenit, 115
 Patrém continuo cónvenit Philámenae.
 Quid égerint intér se, nondum etiám scio:
 Nisi sáne curae est, quórsum eventurum hóc siet.
 Habés omnem rem: pérgam, quo coepi hóc iter.
 PH. Et quidem ego: nam constitúi cum quodam hóspite, 120
 Me esse íllum conventúram. PA. di vortánt bene,
 Quod agás. PH. vale. PA. et tu béne vale, Philótium.

ACTUS II. SCENA I.

LACHES. SOSTRATA.

L. Pró deum atque hominúm, quod hoc genus est, quae haéc
 est conjurátio?

Ut ne omnes mulieres eadem aequè studeant, nolintque omnia.
Neque declinatam quicquam ab aliarum ingenio ullam reperias?
Itaque adeo uno animo omnes socrus odérunt nurus.

Viris advorsari aequè studium est, similis pertinácia 'st. 5

In eodemque omnes mihi videntur lúdo doctae ad málitiam.

Ei lúdo, si ulla sit magistra, hanc esse satis certó scio.

So. Me míseram, quae nunc, quámobrem accuser, nescio. L.
hem, tu nescias.

So. Ita mé di bene ament, mí Laches,
Itaque una inter nos ágere aetatem liceat. L. di mala pró-
hibeant. 10

So. Meque abs te inmerito esse áccusatum, póstmódo rescis-
seás, scio.

L. Te inmerito? an quicquam pro istis factis dígnum te dici potest?

Quae me ét te et familiám dedecoras; filio luctúm paras.

Tum autem; ex amicis inimici ut sint nobis adfinés, facis:

Qui illúm decrerant dígnum, suos cui liberos committerent. 15

Tu sóla exorere, quae porturbes haée, tua imprudentia.

So. Egon? L. tu, inquam, mulier, quae me onanino lápidem,
non hominém putas.

An, quia ruri esse crébro soleo, nescire arbitrámini,

Quo quisque pacto hic vítam vestrorum éxigat?

Múlto melius hic quae fiunt, quam illi, ubi sum adsidué, scio: 20

Ideo quia, ut vos dómi mihi eritis, proinde ego ero famá foris.

Iámpriðem equidem audívi, cepisse ódium tui Philúmenam:

Mínimeque adeo mírum; et, ni id fecisset, magis mirúm foret.

Sét non credidi ádeo, ut etiam tótam hanc odissét domum:

Quód si scissem, illa hic maneret pótius, tu hinc issés foras. 25

A't vide, quam inmerito aégritudo haec óritur mi abs te, Sóstrata:

Rús habitatum abii, concedens vóbis et rei sérvicus;

Súmptus vestros ótiumque ut nóstra res possét pati,

Meó labori haut páreans, praeter aéquom atque aetatem meam.

Nón te pro his curásse rebus, né quid aegre essét mihi? 30

So. Nón mea opera, néque pol culpa événit. L. immo máxime:

Sóla hic fuisti: in te ómnis haeret culpa sola, Sóstrata.

Quae hic orant curáres; cum ego vos caris solvi cóteris.

Cúm puella aním suscepisse inimicitias nón pudet?

Illius díces culpa factum? So. haut équidem dico, mí Laches. 35

L. Gaúdeo, ita me di ament, gnati caúsa: nam de té quidem,

Sátis scio, peccádo detriménti nil fieri potest.

So. Qui scis, an ea caúsa, mí vir, me ódisse adsimuláverit,

U't cum matre plús una esset? L. quid ais? non signi hóc sat est,

Quód heri nemo volúit visentem ad eam te intro admíttere? 40

So. E'nim lassam oppidó tum esse aibant: eo ad eam non ad-
míssa sum.

L. Tuós esse ego illi mēres morbum magis, quam ullam aliam rem, arbitror:

Et merito adeo: nām vostrarum nulla est, quin quantum velit Mūcere uxorem: et quae vobis placita est, condició datur:

Ubi duxero impulsu vestro, vōstro impulsu eandem exigunt. 45

ACTUS II. SCENA II.

PHIDIPPUS. LACHES. SÓSTRATA.

Ph. Etsi scio ego, Philōmena, meum jū esse, ut te cōgam, Quae ego impereim, facere: ego tamen patrio ánimo victus faciam, Ut tibi concedam; neque tuae libidini adversabor.

L. Atque, ecce, Phidippum optume video; hīc jam scibo, quid sit

Phidippe, et ego meis me omnibus scio esse adprime obsequentem; 5

Set nōn adeo, ut mea facilitas corrumpat illerum ánimos:

Quod tú si idem facerēs, magis rem in vōstram et nostram id esset.

Nunc video in illarum esse te potestate. *Ph.* heia véro.

L. Adh̄ te heri de filia: ut veni, itidem incertum amisti.

Haut ita decet, si pēpetem hanc vis esse adfinitatem, 10

Celāre te iras. si quid est peccātum a nobis, prófer:

Aut. ea refellendo, aut purgando vōbis corrigēmus,

Te júdice ipso. sin ea 'et rotinēdi causa apūt vos,

Quia aēgra est: te mi injúriam facere arbitror, Phidippe;

Si mētuis, satis ut meā domi curétur diligēter. 15

At ita me di nōment, haut tibi hoc concēdo, etsi illi pāter ea,

Ut tu illam salvam magis velis; id adeo gnati causa:

Quem ego intellexi illam haut minus, quam se ipsum, magis facere.

Neque adeo clam te est, quam esse eum latāram graviter crēdam,

Hoc si rescierit: eó domum studeo hānc, prius quam ille huc rédeat. 20

Ph. Lachēs, et diligētiā vōstram et benignitatem

Novi: et quae dicis, omnia esse, ut dicis, animum indūco:

Et te hōc mi cupio crēdere: illam ad vós redire stūdeo,

Si facere possim ulló modo. *L.* quae res te id facere prēhibet?

Eho, nūmquidnam acūsāt virum? *Ph.* minamó: nam postquam attēdi 25

Magis, et vi coepi cōgere, ut rediret; sancte adjúrat,

Non pōsse apat vos Pūmphilo se absēnte pordeurāre:

Aliúd fortasse alíi vici est: ego sum ánimo leni nātus:

Non pōssam adversari más. *L.* hem, Sóstrata. *So.* heu me miseram!

L. Certissime est istuc? *Pa.* nunc quidem ut videtur: set num-
quid vis? 30

Nam est, quod me transire ad forum jam oportet. *L.* eo te-
cum una.

ACTUS II. SCENA III.

SOSTRATA.

E'depol ne nos sumus inique aequae omnes invisae viris,
Propter paucas: quae omnes faciunt dignae ut videamur malo.
Nam ita me di ament, quod me accusat vir nunc, sum extra
noxiam.

Set non facile est expurgatu: ita animum induxerunt, socrus
Omnia esse iniquas: haut pol me quidem: nam numquam secus 5
Habui illam, ac si ex me esset nata: nec, qui hoc mi eve-
niat, scio:

Nisi pol filium multimodis jam expeto, ut redeat domum.

ACTUS III. SCENA. I.

PAMPHILUS. PARMENO. MYRRHINA.

Pam. Nemini plura ego acerba credo esse ex amore homini
umquam oblata,

Quam mi. Non me infelicem, hancine ego vitam parvi perdere?
Hancine causa eram ego tantopere cupidus redeundi domum? ah,
Quanto fuerat praestabilius, ubi vis gentium agere aetatem,
Quam huc redire? atque haec ita esse miserum me resciscere? 5
Nam nos omnes, quibus est alicunde aliquis objectus labor,
Omne quod est interea tempus priusquam id rescitum 'st, incro 'st.

Par. At sic citius, qui te expeditis his aerumnis, reperias.

Si non rediisses, haec irae factae essent multo ampliores:

Set nunc adventum tuum ambas, Pamphile, scio reverituras. 10

Rem cognoscas: iram expeditis: rursum in gratiam restitues.

Livia sunt, quae tu pergravia esse in animum induxisti tuum.

Pam. Quid consolare me? an quisquam usquam gentium 'at
aeque miser?

Prius quam hanc uxorem duxi, habebam alibi animum amori
deditum:

Iam in hac re, ut taceam, cuius facile est scitu, quam fue-
rim miser: 15

Tamen numquam ausus sum recusare eam, quam mi obtrudit
pater.

Vix me hinc abstraxi, atque impeditum in eo expediavi animum
meum;

Vixque huc contuleram: em, nova res orta 'st, porro ab hac
quae me abstrahat.

Tum aut matrem ex ea re me aut uxorem in culpa inventurum
arbitror:

Quod cum ita esse invenero, quid restat, nisi porro ut siam
miser? 20

Nam matris ferre injurias me, Parmeno, pietas jubet:

Tum uxori obnoxius sum, ita olim suo me ingenio pertulit:

Tot meas injurias, quae numquam nullo patefecit loco.

Set magnum nescio quid necesse est evenisse, Parmeno,

Unde ira inter eas intercessit, quae tam permansit diu. 25

PAR. Aut quidem hercle parvom, si vis veram verba ad rationem
exigi.

Non maxumae, quae maxumae sunt interdum irae, injuriae

Faciunt: nam saepe est, quibus in rebus alius ne iratus quidem est,

Cum de eadem causa est iracundus factus inimicissimus.

Pueri inter sese quas pro levibus noxiis iras gerunt? 30

Quapropter? quia enim qui eos gubernat animus, infirmum gerunt.

Itidem illae mulieres sunt, ferme ut pueri, levi sententia:

Fortasse unum aliquod verbum inter eas iram hanc concivisse, ere.

PAM. Abi, Parmeno, intro, ac me venisse nuntia. *PAR.* hem,
quid hoc est? *PAM.* tace.

Trepidari sentio, et cursari rursum prorsum. *PAR.* agodum,
ad fores 35

Accedo propius, hem, sensistis? *PAM.* noli fabularier.

Pro Iuppiter, clamorem audivi. *PAR.* tute loqueris, me vetas.

M. Tace, obsecro, mea gnata. *PAM.* matris vox visa 'st Philumenae.

Nullus sum. *PAR.* qui dum? *PAM.* perii. *PAR.* quamobrem?

PAM. nescio quod magnum malum

Prefecto, Parmeno, me celas. *PAR.* uxorem Philumenam 40

Pavitare nescio quid dixerunt: id si forte est, nescio.

PAM. Interii: cur id mihi non dixti? *PAR.* quia non poteram
una omnia.

PAM. Quid morbi est? *PAR.* nescio. *PAM.* quid? nemon' medi-
cum adduxit? *PAR.* nescio.

PAM. Cesse hinc ire intro, ut hoc quamprimum, quicquid est,
certo sciam?

Quoniam modo, Philumena mea, nunc te offendam adfectam? 45

Nam si periculum in te ullum inest, perisse me una haut dubium est.

PAR. Non usus facto est mihi nunc hunc intro sequi:

Nam invisos omnia nos esse illis sentio.

Heri nemo voluit Socratam intro admittere.

Si forte morbus amplior factus siet,

50

Quod sane nolim, maxime eri causam mei;

Servum ilico introitusse dicent Socratatae,

Aliquid tulisse communiacentur mali

Capiti atque aetati illorum, qui jam auctus siet.
Era in crimen veniet, ego vero in magnum malum.

55

ACTUS III. SCENA II.

SOSTRATA. PARMENO. PAMPHILUS.

So. Nescio quid jamdudum audio hic tumultuari misera:
Male metuo, ne Philumenae magis morbus adgravescat:
Quod te, Aesculapi, et te, Salus, ne quid sit hujus, oro.
Nunc ad eam visam. *PAB.* heus. *Sóstrata.* So. hem. *PAB.* ite-
rum istinc excludere?

So. Ehem, Parmeno, tun' hic eras? peris, quid faciam misera? 5
Non visam uxorem Pamphili, cum in proximo hic sit aegra?

PAB. Non visas? ne mittas quidem visendi causa quemquam.
Nam qui amat, cui odio ipse est, bis facere stulte duco.

Laborem inanem ipse capit, et illi molestiam adfert.

Tum filius tuus introit, videre, ut venit, quid agat. 10

So. Quid ais? an venit Pamphilus? *PAB.* venit. So. dis gra-
tiam habeo.

Hem, istoc verbo animus mi rediit, et cura ex corde excessit.

PAB. Iam ea te causa maxime nunc huc introire nolo:

Nam, si remittent quippiam Philumenam dolores,

Omnem rem narrabit, scio, continuo sola soli. 15

Quae inter vos intervenerint, unde ortum est initium irae.

Atque eccum, video ipsum egredi, quam tristis. So. o mi gnate.

PAM. Mea mater, salve. So. gaudeo venisse salvom. salvan'

Philumena est? *PAM.* meliustula est. So. utinam istuc ita di faxint.

Quid tu igitur lacrimas? aut quid es tam tristis? *PAM.* recte,
mater. 20

So. Quid fuit tumulti? dic mihi: an dolor repente invasit?

PAM. Ita factum est. So. quid morbi est? *PAM.* febris. So. coti-
diana? *PAM.* ita ajunt.

I sodes intro, consequar jam te, mea mater. So. fiat.

PAM. Tu pueris curae, Parmeno, obviam, atque eis onera adjuta.

PAB. Quid? non sciunt ipsi viam, domum qua redeant? *PAM.*
cessas? 25

ACTUS III. SCENA III.

PAMPHILUS.

Nequo mearum rerum initium ullum invenire idoneum,

Unde exordiar narrare, quae nec opinanti accidit;

Partim quae perspexi his oculis, partim quae accepi auribus:

Qua me propter exanimatum citius eduxi foras.

Nam modo intro ut me corripui timidus, alio suspicans 5

Mórbo me visúrurum adfectam, ac sénéi uxorem esse; ei mihi,
 Póstrquam me aspexére ancillae advénisse, ilico omnes simul
 Laétae exclamant, Vénit, id quod dérepente aspéxerant.
 Sét continuo vóltum earum sénéi immutari ómnium,
 Quia tam incommode illis fors obtúlerat adventum meum. 10
 U'na illarum intérea propere praécucurrít, nuntians,
 Mé venisse: ego eius videndi cúpidus, recta cónsequor.
 Póstrquam intro adveni, éxtemplo ejus mórbum cognovi miser:
 Nám neque, ut celáre posset, témpus spatium ullum dabat:
 Néque voce alia, ac réa monchat ipsa, poterat cónqueri. 15
 Póstrquam aspexi, o fácinus indignum, inquam: et corripui ilico
 Me inde lacrumana, increíblei re átque atroci pércitas:
 Máter consequitur: jam ut limen éxirem, ad genua áccidit,
 Lácrumans misera: miseritum est. profécto hoc sic est, út puta.
 Ómnibus nobis út res dant sese, ita magni atque humilés sumus. 20
 Hanc habere orátionem mécum principio ínstitit:
 „O' mi Pamphile, ábs te quamobrem haec ábierit, causám vides:
 Nám vitium est oblátum virgini ólim ab nescio quo inprobo.
 Nunc huc confugít, te atque alios pártum ut celaret suum.“
 Sét cum orata ejus reminiscor, néqueo, quin lacrumém miser. 25
 „Quaéque fors fortuna est, inquit, nobis quae te hodie obtulit,
 Pér cam te obsecrámus ambae, si jus, si fas ést, uti
 A'dversa ejus pér te tecta tácitaque aput omnis sient.
 Si úmquam te erga animo ésse amico sénéti eam, mi Pámphile;
 Síne labore hanc grátiam te ut sibi des pro illa, nunc rogat. 30
 Céterum de rédducenda id fáciás, quod in rem sit tuam.
 Párturire eam, neque gravidam esse ex te, solus cónscias.
 Nam ájunt tecum póst duobus cóncubuisse eam ménsibus.
 Túmp, póstrquam ad te vénit, mensis ágitur hic jam séptimus:
 Quód te scire, ipsa indicat res. nunc si potis est, Pámphile, 35
 Máxime voló doque operam, ut clam éveniat partús patrem,
 Átque adeo omnis. sét si id fieri nón potest, quin séntiant,
 Dícam abortum esse: scio, nemini áliter suspectum fore,
 Quia, quod verisimile est, ex te récte eum natum putent.
 Continuo exponétur: hic tibi níhil est quicquam incómodi: 40
 Ét illi miserae indigne factam injúriam contéxeris.“
 Póllicitus sum; et sérvare in eo cértum 'st, quod dixi, fidem.
 Nám de redducénda, id vero ne útquam honestum esse árbitor:
 Né faciam: etái amór me graviter cónsuetudoque eius tenet.
 Lácrumo, quae posthác futura 'st víta, cum in mentém venit, 45
 Sólitudoque. ó fortuna, ut núnquam perpetua és data.
 Sét jam prior amór me ad hanc rem exércitatum réddidit.
 Quó ego eum consilio missum féci, eodem huic operám dabo.
 Adest Pármeno cum púeris: hunc minimé 'st opus
 In hac re adesse: nam ólim soli crédidi. 50

Eá me abstinuisse in principio, cüm data est:
Vereór, si clamorem eíus hic crebro exaúdiat,
Ne párturire intéllegat, aliquó mihi est
Hinc áblegandus, düm parit Philúmena.

ACTUS III. SCENA IV.

PARMENO. SOSIA. PAMPHILUS.

PAR. Ain' tú, tibi hoc incómmodum evenísse iter?

So. Non hércle verbis, Pármeno, dici potest
Tantúm, quam re ipsa návigare incómmodum 'st.

PAR. Itane ést? *So.* o fortunáte, nescis quíd mali
Præterieris, qui núnquam es ingressús mare.

Nam aliás ut mittam misérias, unam hánc vide:

Diés triginta aut plús eo in naví fui,

Cum intérea semper mórtē expectabám miser:

Ita úsque advorsa témpestate usí sumus.

PAR. Odiósum. *So.* haut clam me est: dénique hércle aufúgerim 10

Potiús, quam redeam, si eó mi redeundúm sciam.

PAR. Olím quidem te causæ inellebánt leves,

Quod núc minitare fácere, ut faceres, Sósia.

Set Pámphilum ipsum video stare ante óstium:

Ite intro: ego hunc adíbo, si quid mé velit. 15

Ere, étiam tu hic stas? *PAM.* ét quidem te expectáns. *PAR.*
quid ést?

PAM. In árcem transcurso ópus ést. *PAR.* cui hominí? *PAM.* tibi.

PAR. In árcem? quid eo? *PAM.* Cállidomidem hóspitem

Mycónium, qui mecum úna vectus 'st, cónveni.

PAR. Períí, vovisse hunc dícam, si salvós domum 20

Redísset unquam, ut me ámbulando rúmperet.

PAM. Quid céssas? *PAR.* quid vis dícam? an conveniám modo?

PAM. Immo, quód constitui me hódie conventúrum eum,

Non pósse, ne me frástra illi expectét. vola.

PAR. At nón novi hominis faciē. *PAM.* at faciam, ut nóveris: 25

Magnús, rubicundus, críspus, crassus, caésius,

Cadáverosa faciē. *PAR.* dá illum pérduint.

Quid, si non veniet? máneamne usque ad vésperum?

PAM. Manéto: curre. *PAR.* nón queo: ita deféssus sum.

PAM. Ille ábiit. quid agam infélíx? prorsus nésco, 30

Quo pácto hóc celem, quód me oravít Mýrrhina,

Suæ gnátae partum: nám me miseret mülíeris.

Quod pótero faciam, támen ut pietatém colam:

Nam mé parenti pótiús, quam amorí óbsequi

Opórtet. attat éccum, Phidíppum ét patrem 35

Vídeo: hórsum pergunt: quíd dicám hisce, incértus sum.

ACTUS III. SCENA V.

LACHES. PHIDIPPUS. PAMPHILUS,

L. Dixtin' dudum, illam dixisse, se expectare filium?
Ph. Factum. *L.* venisse ajunt: rodeat. *Pa.* causae quid dicam patri,
 Quamobrem non redducam, nescio. *L.* quem ego hic audivi loqui?
Pa. Certum affirmare est viam me, quam decrevi persequi.
L. Ipsus est, de quo hoc agebam tecum. *Pa.* salve, mi pater. 5
L. Gnate mi, salvé. *Ph.* bene factum, te advenisse, Pamphile:
 Et adeo, quod maximum 'st, salvom atque validum. *Pa.* creditur.
L. Advenis modo? *Pa.* admodum. *L.* cede, quid reliquit Phania,
 Consobrinus noster? *Pa.* sane hercle homo voluptati obsequens
 Fuit, dum vixit: et qui sic sunt: haut multum heredem juvant. 10
 Sibi vero hanc laudem relinquunt: vixit, dum vixit, bene.
L. Tum tu igitur nihil attulisti huc una plus sententia?
Pa. Quicquid est id, quod reliquit, profuit. *L.* immo obfuit:
 Nam illum vivum et salvom vellem. *Ph.* impune optare istuc libet:
 Ille reviviscet jam numquam; et tamen, utrum malis, scio. 15
L. Héri Philumenam ad se adcersi hic jussit: dic, jussisse te.
Ph. Noli fodere: jussi. *L.* set eam jam remittet. *Ph.* scilicet.
Pa. Omnem rem scio, ut sit gesta: adveniens audivi modo.
P. At istos invidos di perdat, qui haec libenter nuntiant.
La. Ego me scio cavisse, ne ulla merito contumelia 20
 Fieri a vobis posset: idque si nunc memorare hic velim,
 Quam fideli animo et benigno in illam et clementi fui,
 Vere possum: ni te ex ipsa haec magis velim resciscere:
 Namque eo pacto maxime aput te meo erit ingenio fides,
 Cum illa, quae in me nunc iniqua est, aequa de me dixerit. 25
 Neque mea culpa hoc discidium evenisse, id testor deos.
 Set quando esse indignam sese deputat, matri meae
 Quae concedat, quaque ejus mores toleret sua modestia;
 Neque alio componi pacto potis inter eas gratia 'st;
 Segreganda aut mater a me est, Phidippe, aut Philumena: 30
 Nunc me pietas matris potius commodum suadet sequi.
L. Pamphile, haut invito ad aures sermo mihi accidit tuus,
 Cum res postputasse te omnis prae parente intellego.
 Verum vide, ne impulsus ira prave insistas, Pamphile.
Pa. Quid ego ira impulsus nunc in illam iniquos sim? 35
 Quae numquam quicquam erga me commercita 'st, pater,
 Quod nollem; et saepe meritam, quod vellem, scio:
 Amoque et laudo et vehementer desidero:
 Nam fuisse erga me miro ingenio expertus sum:
 Illique exopto, ut reliquam vitam exigat 40
 Cum eo viro, me qui sit fortunatior:
 Quandoquidem illam a me distrahit necessitas.

Ph. Tibi id in manu est, ne fiat. *L.* vi sanus sies,
Iube illam redire. *Pa.* non est consilium, pater:
Matris servibo commodis. *L.* quo abis? mane, 45
Mane, inquam: quo abis? *Ph.* quae haec est pertinacia?
L. Dixi, Phidippe, hanc rem aegro laturum esse cum?
Quamobrem te orabam, fillam ut remitteres.
Ph. Nam credidi oedepol adeo inhumanum fore:
Itan' is nunc sibi me supplicaturum putat? 50
Si est, ut velit redducere uxorem; licet:
Sin alio est animo; renumeret dotem huc, eat.
L. Ecce autem, tu quoque proterve iracundus es.
Pa. Percutunusmax redisti huc nobis, Pamphile.
L. Decedet ira haec: etsi merito iratus est. 55
Ph. Quia paulum vobis accessit pecuniae,
Sublati animi sunt. *L.* etiam mecum litigas?
Ph. Deliberet, renuntietque hodie mihi,
Velitne an non: ut alii, si huic non est, siet.
L. Phidippe, ades, audi patris. abiit, quid mea? 60
Postramo inter se transigant ipsi, ut lubet:
Quando nec gnatus neque hic mi quicquam obtemperant;
Quae dico parvipendunt. porto hec iurgium
Ad uxorem, cuius haec sunt consilio omnia:
Atque in eam haec omne, quod mihi aegre 'st, evomam. 65

ACTUS IV. SCENA I.

MYRRHINA. PHIDIPPUS.

M. Perii, quid agam? quo me vortam? quid viro, meo respondebo
Misera? nam audivisse vocem pueri visus 'st vagientis:
Ita corripuit drepente tacitus sese ad filiam:
Quod si rescierit, peperisse eam; id qua causa clam me habuisse 5
Dicam, non oedepol scio.
Set ostium conerepuit: credo, ipsum exire ad me: nulla sum.
Ph. Uxor, ubi me ad filiam ire sensit, se eduxit foras:
Atque eccam video. quid ais, Myrrhina? heus tibi dico. *M.*
mihine, mi vir?
Ph. Vir ego tuus sim? tu virum me, aut hominem deputas
adeo esse?
Nam si utrunavis horum, mulier, umquam tibi visus forem, 10
Non sic ludibrii tuis factis habitus essem. *M.* quibus? *Ph.* at
rogitas?
Peperit filia? hem, taces? ex quo? *M.* patrem istuc rogitare
aequom est?
Perii: ex quo censas, nisi ex illo, cui data est nuptum, obsecro?
Ph. Credo: neque adeo arbitrari patris est aliter. set dequir,

Quid sit, quamobrem tantopere omnis nos celare vólueritis 15
 Partum; cum praesertim et recte et témpora ipso pépererit.
 A deon pervicáci esse aniso, ut pácerum praeceptatís perire,
 Ex quo firmiorem inter nos fore amicitiam posthac scires:
 Pótius quam adversum ánimí tui libidinem esset cum illo nupta?
 Ego etiam illorum esse culpam hanc credidi, quae te est pona. 20
M. Misera sum. *Ph.* utinám sciam esse istác: set nunc mi in
 mentem venit ex

Hác re, quod locúta es olim, quum filiam generum cépimus:
 Nám negabas, filiam tuam posse te nuptám pati
 Cúm eo, qui meretricem amaret, qui pernoctaret foris.
M. Quámvis causam hunc suspicari, quam ipsam veram,
 mávolo. 26

Ph. Multo prius, quam tú, illum scivi habere amicam, Myrrhiná:
 Vérum id vitium námquam decrevi esse ego adulescéntiae:
 Nam id ómnibus innatam, át pol jamí aderit, sé quoque etiam
 cum éderit.

Set, ut ólim te ostendíati, nil cessáviati eadem esse usque adhuc:
 Ut filiam ab eo abducéras; neu, quód ego egissem, esset ratum. 30
 Id nunc res iudiciam haec facit, quo pacto factum vólueris.

M. A deon' me esse pervicacem cénsee, cui matér siem
 U't eo essem animo, si esset nostre ex úsa hoc matrimónium?
Ph. Tún' prospicere aut iudicare, néstram in rem quod sit, potes?
 Aúdisti ex aliquó fortasse, qui vidiase eum diceret 35

Exeuntem aut introeuntem ad amicam. quid tum póstea?
 Si modeste ac ráro hoc fecit: nóne dissimuláre nos
 Mágis humanum est, quám dare operam, id scíre, qui nos óderit?

Nám si is peasset ab ea esse dérepente avéllere,
 Quácum tot consuésset annos; nóa eum hominem dúcerem, 40
 Né virum satis firmam gnatae: *M.* mitte adulescentem óbsecro:
 Et quae me peccásee ais. abi, eum, sólum solus cónveni:

Róga, velitne appón uxorem: si ést, ut dicat velle se,
 Rédde: sin est autem, ut nolit, récte consului meae.

Ph. Si quidein ille ipse nóa vólt, et tu sénstí, esse in ea,
 Myrrhiná, 45

Péccatum; aderam, cuius consilio fúerat ea par próspecti.
 Quámobrem incendor ira, te ausam fácere haec iniurá meo:
 Interdico, ne éxtulisse extra aedis puerum usquám velis.
 Set ego stultiór, meis dictis párrere hanc qui póstulem.

I'bo intro, atque edicam servis, né quoquam eofferri sinant. 50
M. Nullám pol credo múlterem me miseriorem vívere:

Nam ut híc laturus hóc sit, si ipsam rem, út siet; rescáverit,
 Non édepol clam me est, cum hóc, quod levius 'st, tam ánimo
 iracundó tulit:

Nec, quá via senténtia ejus póssit mutari, scio.

Hoc mi. unum ex plurimis miseriis reliquum fuerat malum, 52
 Si, puerum ut tollam, cogit, cui nos qui sit nescimus pater:
 Nam cum compressa est gnata, forma in tenebris nosci non quita est:
 Neque detractum ei tam quicquam est, qui post posset nosci qui siet:
 Ipse eripuit vi, in digito quem habuit, virgini abiens anulum.
 Simul véreor Pamphilam, ne orata nostra nequeat diutius 60
 Celare, cum sciét, alienum puerum tolli pro suo.

ACTUS IV. SCENA II.

SOSTRATA. PAMPHILUS.

So. Non clam me est, gnate mi, tibi me esse suspectam, uxorem tuam

Propter meos mores hinc abisse: etsi ea dissimulas sedulo:
 Verum ita me di ament, itaque obtingant ex te, quae exopto mihi,
 Ut nunquam sciens commérui, merito ut caperet odium illam mei:
 Teque ante quod me amare rebar, ei rei firmasti fidem: 5
 Nam mi intus tuus pater narravit módo, quo pacto me habueris
 Praepositam amoris tuo: nunc tibi me certum est contra gratiam
 Referre, ut apud me praemium esse positum pietatis scias.
 Mi Pamphile, hoc et vobis et meae commodum famae arbitror:
 Ego rus abituram hinc cum tuo me esse certo decrevi patre; 10
 Ne mea praesentia obstat, neu causa ulla restet reliqua,
 Quin tua Philumena ad te redeat. P. quaeso, quid istuc consili est?

Illius stultitia victa, ex urbe tú rus habitatum migres?
 Haut facies: neque sinam, ut qui nobis, mater, maledictum velit,
 Mea pertinacia esse dicat factum, haut tua modestia. 15
 Tum tuas amicas te et cognatas deserere et festos dies
 Mea causa, nolo. So. nil pol jam istaec mihi res voluptatis ferunt:

Dum aetatis tempus tulit, porfuncta satis sum: satias jam tenet
 Studiolorum istorum: haec mihi nunc cura est maxima, ut ne cui mea
 Longinquitas aetatis obstat; mortemve exspectet meam. 20

Hic video me esse invisam iamerito: tempus est concedere.
 Sic optime, ut ego opinor, omnis causas praecidam omnibus:
 Et me hac suspitione exsolvam, et illis morem gesseró.
 Sine me, obsecro, hoc effugere, vulgus quod male audit mulierum.
 P. Quam fortunatus ceteris sim rébus, absque una hac foret, 25
 Hanc matrem habens talem, illam autem uxorem. So. obsecro,
 mi Pamphile,

Non túte incommodam rem, ut quaeque est, in animum indacés pati?

Si cetera ita sunt, ut vis, itaque, ut esse ego illa existumo:
 Mi gnate, da mi hanc veniam, reddac illam. P. vae misero mihi.

So. Et mihi quidem: nam haec res non minus me male habet,
quam te, gnáto mi. 30

ACTUS IV. SCENA III.

LACHES. SOSTRATA. PAMPHILUS.

L. Quem cum istec sermonem habueris, procul hic stans accepi, úxor.

Istac est sapere, qui, úbicunq; opus sit, ánimum possis fléctere;
Quod sit faciendum póst fortasse, idem hoc tu nunc si féceris.

So. Fórs fuit pol. *L.* ábi rus ergo hinc: ibi ego te et tu mé feres.

So. Spéro ecaster. *L.* í ergo intro, et compóne, quae tecúm sinául 5
Ferántur. dixi, *So.* ita út jubes, faciám. *Pa.* pater.

L. Quid vis, Pamphile? *Pa.* hinc abire mátrém? mínime. *L.*
quid ita istac vis?

Pa. Quia de uxore incértus sum etiam, quid sim facturús. *L.*
quid est?

Quid vis facere, nísi redducere? *Pa.* équidem cupio, et víx
contineor:

Sét non minúam meúm consílium: ex úsu quod est, id pér-
sequar: 10

Crédo, ea gratiá tuncorés mágis, si redducám, fore.

L. Nécias. verúm tua refert níhil, utrum illac fécerint,
Quándo haec aberit. ódiosa haec est aétas adulescéntiús:
E' medio aequum excédere est, postrémo nos jam fábula
Sumus, Pámphile, Senex átque anus. 15

Set vídeo Phidíppum égređi per témpus, accedámus.

ACTUS IV. SCENA IV.

PHIDIPPUS. LACHES. PAMPHILUS.

Ph. Tibi quoque iratus édepol sum, Philúmena,
Gravitér quidem: nam hercle ábs te est factum tárpiéter:
Etsi tibi causa est de hac re: máter te inpulit:

Huic véro nulla est. *L.* ópportune té mihi,
Phidíppe, in ipso témpore ostendís. *Ph.* quid est? 5

Pa. Quid réspondebo his? aut quo pacto hoc óperiam?

L. Dic filiae, rus cóncessuram hinc Sóstratam:

Ne révcreatur, mínus jam quo redeát domum. *Ph.* ah.
Nullúm de his rebus cúlpani commoverit tua:

A Mýrrhina haec sunt mea úxore exorta ómnia: 10

Pa. Mutátio fit. *Ph.* éa nos perturbát, Lache.

Pa. Dum né reducam; túrbet porro, quám velit.

Ph. Ego, Pámphile, esse intér nos, si fieri potest,
Adfinitatem hanc sáne perpetuám volo:

Sin est, ut aliter tūa siet sententia, 18

Accipias puerum. *PA.* sensit peperisse: occidi.

L. Puerum? quem puerum? *PH.* natus est nobis nepos:

Nam abducta a vobis praegnas fuerat filia,

Neque fuisse praegnatem umquam ante hunc seivī diem.

L. Bene, ita me di ament, nuntias: et gaudeo 20

Natum illum, et illam salvam: set. quid mulieris

Uxorem habes? aut quibus moratam moribus?

Nosne hoc celatos tamdiu? nequeo satis,

Quam hoc mihi videtur factum prave, proloqui.

PH. Non mihi illud factum minus dolet, quam tibi, *Lache.* 25

PA. Etiam si dudum fuerat ambiguum hoc mihi,

Nunc non est; cum eam sequitur alienus puer.

L. Nulla tibi, Pamphile, hic jam consultatio 'st.

PA. Perii. *L.* hunc videre saepe optabamus diem,

Cum ex te esset aliquis, qui te appellaret patrem: 30

Evénit: habeo gratiam dis. *PA.* nullus sum.

L. Redue uxorem, ac noli adversari mihi,

PA. Patér, si ex me illa liberos vellét sibi,

Aut se esse mecum nuptam; satis certó scio,

Non clam me haberet, quód celasse intéllego. 35

Nunc, cum ejus alienum á me esse animum sentiam,

Neque conventurum inter nos posthac árbitrer;

Quamobrem reducam? *L.* máter quod suasit aua,

Adulescens mulier fécit. mirandúmne id est?

Censén', te posse réperire ullam mulierem, 40

Quae careat culpa? an quia non delinquunt viri?

PH. Vosmet videte jam, *Lache* et tu *Pamphile*,

Remissan' opus sit vobis, reductan' donum.

Uxór quid faciat, in manu non est mea.

Neutra in re vobis difficultas á me erit. 45

Set quid faciemus puero? *L.* ridiculé rogas:

Quicquid faturum 'st, huic suum reddas scilicet;

Ut alamus nostrum. *PA.* quem ipse neclexit pater,

Ego alam? *L.* quid dixi? cho an non alemus, *Pamphile*?

Prodemus quæso potius? quæ hæc amantia est? 50

Enimvero prorsus jam tacere non queo.

Nam cogis, ea, quæ nolo, ut praesente hoc loquar.

Ignarum censes tuarum lacrumarum esse me?

Ant quid sit hoc, quod sollicitere ad hunc modum?

Primum hanc ubi dixi causam, te propter tuam 55

Matrem non posse habere hanc uxorem domi;

Pollicita est ea se concessuram ex aedibus.

Nunc, postquam adeptam hanc quoque tibi causam vides;

Puer quia clam te est natus, nactus alteram ea.

- Errás, tui animi si me esse ignarúm putas. 69
 Aliquándo tandem huc ánimum ut adducás tuum,
 Quam longum spatium amándi amicam tibi dedi?
 Sumptús quos fecisti in eam, quam ánimo aequó tali?
 Egi átque oravi técum, uxorem ut dúceres.
 Tempús dixi esse: impulsu duxisti meo. 63
 Quae tum, óbsecutus míhi, fecisti ut decuerat.
 Nunc ánimum rursum ad méretricem induxisti tuum:
 Cui tu óbsecutus, fácis huic adeo injúriam.
 Nam in eándem vítam té revolutum dénuo
 Video ésse. *PA.* meae? *L.* te ípsum: et facis injúriam. 70
 Configis falsas causas ad discórdiam,
 Ut cum illa vivas, téstem hanc cum abs te amóveris:
 Sensitque adeo uxor. nam ei causa alia quae fuit,
 Quamobrem abs te abiret? *PH.* pláne hic divinát; nam id est.
PA. Dabo júsjurandum, níhil esse istorúm tibi. *L.* ah, 73
 Redúe uxorem: aut, quámobrem non opus sit, cedo.
PA. Non est nunc tempus. *L.* púeram accipias: nam is quidem
 In culpa non est: póst de matre vídero.
PA. Omnibus modis misér sum: nec, quid agám, scío:
 Tot mé nunc rebus míserum concludit pater. 80
 Abibo hinc, praesens quándo promoveó parum.
 Nam púerum injussu créde non tollént meo;
 Praesértim in ea re cum sit mi adjutrix socrus.
L. Fugis? héu, nec quicquam cérti respondés míhi?
 Num tibi videtur ésse apud sesé? sine: 85
 Puerám, Phidippe, míhi cedo: ego alam. *PH.* máxime.
 Non mírum fecit úxor, si hoc aegré tulit:
 Amárae mulierés sunt; non facile haec ferunt.
 Proptérea haec ira 'st: nam ipsa narravit míhi:
 Id ego hóc praesente tibi nolueram dicere: 90
 Neque illi credebam primo: nunc verúm palam est.
 Nam omnino abhorrere ánimum huic video a. nuptiis.
L. Quid érgo agam, Phidippe? quid das cónsili?
PH. Quid agás? meretricem hanc primum adeundam cénseo:
 Orémus: accusémus: gravius dénique 95
 Minitémur, si cum illo hábuerit rem póstea.
L. Faciam út mones. eho curre, puer, ad Bácschidem hanc
 Vicinam nostram: huc évoca verbis meis.
 At te oro porro in hác re adjutor sis míhi. *PH.* ah,
 Jamdúdum dixi, itidéque nunc dicó, Lache: 100
 Manére adfinitátem hanc inter nós volo,
 Si ulló módo est, ut póssit; quod speró fore.
 Set vín' adesse me úna, dum istam cónvenis?
L. Immo véro abi, aliquam púero nutricém para.

ACTUS V. SCENA I.

BACCHIS. LACHES.

B. Non hoc de nihilo 'at, quód Laches me núnc conventam esse expetit:

Nec pól me multam fállit: quin, quod suspicor, sit, quód velit.

L. Vidéndum est, ne mínus própter iram hinc impetrem, quam póssiem:

Aut né quid faciam plús, quod post me mínus fecisse sátius sit. Adgrédíar. Bacchia, sálve. 5

B. Salvé, Lache. *L.* edepol crédo, te non níl mirari, Bácschia, Quid sit, quapropter te húc foras puerum évocare jússi.

B. Ego pól quoque etiam tímida sum, cum vénit in mentem, quæé aim:

Ne nómen quæsti mi óbsiet: nam móres facile túter.

L. Si véra dicia, níl tibi est a mé pericli, mulier: 10

Nam jam ætate ea sum, ut nón siet peccáto mi ignosci æquom; Quo mágis res omnis cáutius, ne témere faciam, adcúro.

Nam, si id nunc facis factúrave es, bonás quod par est fácere; Inscítum, offerre injúriam tibi, ímmerenti iníquum est.

B. Est mágna ecastor grátia, de istác re quam tibi hábeam, 15 *Nam qui post factam injúriam purgét, parum mihi prósit.*

Set quid istuc est? L. meám receptas filium ad te Pámphilum. *B.* ah.

L. Sine dícam; uxorem hanc prius quam duxit, vóstrum amorem pérítuli.

Mane: nóndam etiam dixi id, quod volui: hic núnc habet

Uxórem: quære aliúm tibi, dum témpus consuléndi est: 20

Nam néque ille hoc ætatem ánimo erit, neque pól tu eadem ista ætáte.

B. Quis id ait? *L.* sócrus. *B.* méne? *L.* te ipsam: et filiam abduxit suam:

Pácerumque ob eam rém clam voluit, nátus qui est, extingnere.

B. A'lid si scirem, qui firmare méam aput vos possém fidem, Sáctius, quam júsjurandum; id póllicerer tibi, Lache, 25

Ségregatúm habuisse, uxorem ut dúxit, a me Pámphilum.

L. Lépida es. set scin', quid volo potius sódes facias? *B.* quíd? cedo.

L. Eás ad mulierés huc intro, atque istuc jusjurándum idem

Pólliceare illis: exple animum iis, téque hoc crimine expedi.

B. Fáciam: quod pól, si éssét alia ex quæstu hoc, haut facerét, scio; 30

Ut de tali cáusa nuptae mulieri se osténderet.

Sét nolo esse fálsa fama gnátum suspectúm tuum;

Néc levíorem vóbis, quibus est mínime æquom, vidérier

Ímmerito: nam méritus de me est, quód queam, illi ut cómmodem.

L. Fácilem benivolámque lingua túa jam tibi me réddidit: 35
 Nám non sunt solae árbitratae haec: égo quoque etiam hoc crédidi.
 Nunc cum ego te esse praeter nostram opínionem cómpéri,
 Fác, eadem ut sis pórró: nostra utére amicitia, út voles:
 A'liter si: set répprimam me, ne aégre quicquam ex me aúdias:
 Vérum hoc te moneo únúm, qualis sim amícus, aut quid
 póssiem, 40
 Pótius quam inimícus, periculum fácias.

ACTUS V. SCENA II.

PHIDIPPUS. LACHES. BACCHIS.

PH. Nil apud mé tibi
 Desieri patiar: quín, quod est, benigne praebéatur.
 Set tú cum satura atque ébria es, et púer ut satur sit, fácito.
L. Nostér socer, vídeó, venit: nutrícem puero addúcit.
Phidippe, *Bacchis* déierat persáncte. *PH.* haecine ea 'st? *L.*
 haéc est. 5
PH. Nec pól istae metuunt deós: neque has respícere deos opínor.
BA. Ancillas dedo: quólubet cruciátu per me exquiré.
 Haec rés hic agitur: Pámpphilo me fácere ut redeat úxor,
 Opórtet: quod si effécero, non poénitet me fámae,
 Solám fecisse id, quód aliae meretrices fácere fúgitant. 10
L. *Phidippe*, nostras múlieres suspéctas fuisse fálsó
 Nobis, in re ipsa invénimus: porro hánc nunc experiámur.
 Nam sí compererit crímini tua se úxor credidísse,
 Missam íram faciet: sín autem est ob eám rem iratus gnátus,
 Quod péperit uxor clam, id leve 'st: cito ab eo haec ira ab-
 scédet. 15
 Profécito in hac re níl mali est, quod sít discidio dígnum,
PH. Vellám quidem hercle. *L.* exquiré: adest: quod sátis sít,
 faciet ipsa.
PH. Quid mi istaec narras? án quia non tute ipse dudum audísti,
 De hac re ánimus meus ut sít, *Laches*? illís modo explete ánimum.
L. Quaeso édepol, *Bacchis*, quód mihi es pollícita, tute ut sèves. 20
B. Ob eám rem vin' ergo íntroeam? *L.* í, atque éxple iis ani-
 mum, ut crédant.
B. Eo; étsi scío pól hís meum fore cónspectum ínvisum hódie:
 Nam núpá meretríci hóstis est, a víro ubi segregáta est.
L. At haéc amicae erúnt, ubi, quamobrem advéneris, rescíscent.
PH. At eásdem amicas fóre tibi promíitto, rem ubi cognórint: 25
 Nam illás errore et té simul suspícione exsólves.
B. Perí, pudet *Philámenae*: vos séquimini íntro huc ámbae.
L. Quid est quód mihi malim, quám quod huic íntéllego eveníre?
 Ut grátiam íneam sine meo dispéndio et mihi prósim.

Nam si ést, ut hæc nunc Pámphilum vere áb se segregárit, 30
Scit, sé nobilitatem éx ea te náctam et glóriam ésse:
Refert grátiam éji, unáque nos sibi ópera amicos júngit.

ACTUS V. SCENA III.

PARMENO. BACCHIS.

P_A. E'depol ne meam érus esse operam députat parví preti;
Qui ób rem nullam misit, frustra ubi tótum desedi diem:
Mýconium hospitém dum exspecto in árce Callidémidem.
Ítaque ineptus hódie dum illi sédeo, ut quisquam vénerat,
A'ccedebam: aduléscens, dic dum quaéso, tun' es Mýconius? 5
„Nón sum.“ at Callidémides? „non.“ hóspitem ecquem Pámphilum
Híc habes? omnes negabant: néque eum quemquam esse árbitror.
Dénique hercle jám pudebat: ábii. set quid Bácschidem
A'b nostro adfíne éxeuntem vídeo? quid huic hic est rei?

B. Pármeno, opportúne te offers, própere curre ad Pámphilum. 10

P_A. Quid eo? B. dic, me oráre, ut veniat. P. ad te? B. immo
ad Philúmenam.

P_A. Quid rei est? B. tua quód nil refert, pércontari désinas.

P_A. Níl aliud dicam? B. étiam: cognosse ánulum illum
Mýrrhinam

Gnátæ suæ fuisse, quem ipso ólim mi dederát. P. scio.

Tántumne est? B. tantum: áderit continuo, hóc ubi ex te an-
díverit. 15

Sét cessas? P. minime équidem; nam hodie míhi potestas háut
data 'st:

Íta cursando atque ámbulando tótum hunc contrívi diem.

B. Quantam óbtulí adventú meo lætítiam Pamphilo hódie?

Quot cómodas res áttulí? quot autem ademi cásas?

Gnatum ei restituo, paéne qui harum ipsíusque opera péríit: 20

Uxórem, quam nunquam ést ratus posthác se habiturum, réddo:

Qua ré suspectus suó patri et Phidíppo fuit, exsólvi:

Hic ádeo his rebús ánulus fuit ínítium ínveniéndis.

Nam mémini, abhinc mensés decem fere ad me nocte prima

Confúgere anhelantém domum, sine cómite, víní plénam, 25

Cum hoc ánulo: extimui sílico: mi Pámphile, ínquam, amábo,

Quid éxanimatus's, óbsecro? aut unde ánulum istum náctus's?

Dic mi. Ille alias res ágere se simuláre. postquam vídeo

Nescío quid suspectárier, magis coépi instare, ut dicat.

Homo sé fatetur vi in via nescío quam compressisse: 30

Dicítque, sese illí ánulum, dum lúctat, detraxisse:

Eám cognóvit Mýrrhína in dígíto modo me habéntem:

Rogat, unde sit: narro ómnia hæc: indé 'st cogitio fácta,

Philúmenam esse cómpressam ab eo, et fílium inde hunc nátum.

Haec tót propter me gáudia illi cóntigisse, laetor: 35
 Etsi hóc meretrices áliae nolunt: nēque enim est in rem nóstram,
 Ut quisquam amator nūptiis laetetur. verum ecástor,
 Numquam ánimum quaesti grátia ad malás adducam pártis.
 Ego, dum illo licitum 'st, úsa sum benigno et lepidó et cómi.
 Incómmodé mihi nūptiis evénit: factum fáteor: 40
 At pól me fecisse árbitor, ne id mérito mi eveníret.
 Multa ex quo fuerint cómmoda, ejus incómmoda aequum 'st fére.

ACTUS V. SCENA IV.

PAMPHILUS. PARMENO. BACCHIS.

PAM. Vide mi Parmeno, étiam sodes, út mi haec certa et clára
 attuleris;

Né me in breve pellicias tempus gáudio hoc falsó frui.

PAM. Visum est. PAM. certen' PAM. certe. PAM. deus sum, si
 hóc ita 'st. PAM. verum réperies.

PAM. Mánedum sodes: timeo, ne aliud crédam, atque aliud nūnties.

PAM. Máneo. PAM. sic te dixi opinor, invenisse Mýrrhinam, 5
 BÁCCHIDEM suum ánulum habere. PAM. fáctum. PAM. eum, quem
 olim éi dedi:

E'aque hoc mihi te nūntiare jússit: itane est fáctum? PAM.
 ita, inquam.

PAM. Quis me est fortunátior? venustátisque adeo plénior?

E'gone pro hoc te nūntio quid dónem? quid? quid? nésco.

PAM. At égo scio. PAM. quid? PAM. nihil enim: 10

Nám neque in nuntió, neque in me ipso, tibi boni quid sít, scio.

PAM. E'gon' te, qui ab orco mórtuum me réducem in lucem féceris,
 Sinám sine munere á me abire? ah nímium me ingrátum putas.

Set BÁCCHIDEM, eccam, vídeo stare ante éstium:

Me expéctat, credo: adibo. B. salve, Pámphile. 15

PAM. O BÁCCHIS, o mea BÁCCHIS, servatrix mea.

B. Bene fáctum; et volupe 'st. PAM. fáctis, ut credám, facis:

Antíquaque adeo tuám venustatem óbtines,

Ut véluptati obitus, sérmo, adfatus tuús, quocumque advénieris,
 Sempér sit. B. ac tu ecástor morem antíquom atque ingenium 20

óbtines,

Ut únus omnium hómo te vivat násquam quisquam blándior.

PAM. Ha, ha, hé, tun' mi istuc? B. récte amasti, Pámphile,
 uxórém tuam:

Nam núnquam ante hunc diém meis oculis eám, quod nossem,
 videram:

Perlíberalis vísa 'st. PAM. dic verum. B. ita me di ament, Pámphile.

PAM. Dic mi, háram rerum núm quid dixi jám patri? B. nil.

PAM. néque opus est 25

Adeo muttito. placet, hant fieri hoc itidem, ut in comoediis,
Omnia omnes ubi resciscunt. hic, quos fuerat par resciscere,
Sciunt: quos non autem aequom 'st scire, neque resciscunt ne-
que scient.

B. Immo etiam, qui hoc occultum iri facilius credas, dabo.

Myrrhina ita *Phidippo* dixit, júri jurandó meo 30

Sé fidem habuisse, ét propterea té sibi purgatum. *PAM.* óptame 'st:
Spéroque, hanc rem esse éventuram nóbis ex senténtia.

PAB. E're, licetne scíre ex te hodie, quíd sit, quod feci boni?
Aút quid istuc est, quód vos agitis? *PAM.* nó n licet. *PAB.* ta-
men súspicor.

Ego hunc ab orco mórtuum? quo pácto? *PAM.* nescis, *Pármeno*, 35
Quantum hódie profueris mihi, et me ex quánta aerumna extráxeris.

PAB. Imme vére scio; neque hóc imprudens féci. *PAM.* ego istuc
sátis scio.

B. An témere quicquam *Pármeno* praetéreat, quod facto úsus sit?

PAM. Séquere mē intro, *Pármeno*. *PAB.* sequor: équidem plus
hodié boni

Féci imprudens, quá m sciens ante hunc diem umquam. Plaúдите. 40

TERENTII PHORMIO.

C. SULPITII APOLLINARIS PERIOCHA IN PHORMIONEM

*Chremétis frater áberat peregre, Démipho,
Relicto Athenis Antiphone filio.
Chremés clam habebat Lémni uxorem ac filiam,
Athénis aliam cónjugem, et amantem única
Gnatám fidicinam. máter e Lemno ádoenit
Athénas; moritur. virgo sola (áberát Chremes)
Funús procurat. ibi éam visam cum Antipho
Amáret, opera párasiti uxorem áccipit.
Pater ét Chremes revérsti fremere; dein minas
Triginta dant parasito, ut illam cónjugem
Hábéret ipse. argénto hoc emitur fidicina;
Uxorem retinet Antipho a patruo ágnitam.*

ACTA LUDIS ROMANIS. L. POSTUMIO ALBINO L. CORNELIO
MERULA AEDILIB. CURULIB. EGERE. L. AMBIVIVS TURPIO.
L. ATILIUS PRAENESTINUS. MODOS FECIT FLACCUS CLAUDI.
TIBIIS INPARIB. TOTA GRAECA APOLLODORU EPIDICAZOME-
NOS. FACTA EST IIII. C. FANNIO M. VALERIO COSS.

Fabulae interlocutores.

DAVUS, servus, amicus Getae.

ANTIPHO, filius Demiphonis, Pha-
nium amans.

DEMIPHO, senex, frater Chreme-
tis, pater Antiphonis.

PHORMIO, parasitus, adulescentes
adjuvans in rebus amatoris.

SOPHRONA, nutrix Phanii.

GETA, servus Demiphonis.

PHAEDRIA, filius Chrometis, amans
Pamphilum.

CHREMES, senex, frater Demipho-
nis, pater Phaedriae.

DORIO, leno, dominus Pamphila.

NAUSISTRATA, Chrometis conjux.

HEGIO,	} amici a Demiphone in consilium adhibiti.
CRATINUS,	
CRITO,	

Personae mutae:

DORCIUM, conserva et uxor Getae. PAMPHILA, puella a Phaedria

PHANIUM, Lemnia adulescentula, amata.

filia Chrometis.

P R O L O G U S.

Postquám poëta vétus poëtam nón potest
 Retráhere ab studio, et tránsdere hominem in ótium;
 Maledictis deterrére, ne scribát, parat:
 Qui ita dictitat, quas ántehac fecit fábulas,
 Tenui ésse oratióne et scripturá levi: 5
 Quia núsquam insanum fécit adulescéntulum.
 Cervam videre fúgere, et sectari canes:
 Et eam plórare, oráre, ut subveniát sibi.
 Quod si intellexeret, ólim cum stetít nova,
 Actóris opera mágis stetisse, quám sua; 10
 Minus múlto audacter, quám nunc laedit, laéderet.
 Nunc sí quis est, qui hoc dicat aut sic cógitet,
 Vetus sí poëta nón laceassissét prior,
 Nullum invenire prólogum possét novus,
 Quem diceret, nisi habéret, qui malediceret: 15
 Is sibi responsum hoc hábeat; in medio omníbus
 Palmam ésse positam, qui ártém tractant músicam.
 Ille ad famem hunc ab stúdio studuit reicere:
 Hic répondre voluit, non laceessere.
 Benedictis si certasset, audisét bene: 20
 Quod ab illo adlatum 'st, sibi esse id rellátum putet.
 De illó jam finem fáciam dicundí mihi,
 Peccándi cum ipse dé se finem nón facit.

Nunc, quid velim, ánimum atténdite. adportó novam,
 Epidicazomenen quám vocant comoédiam 25
 Graeci, Latini Phórmionem nómiant:
 Quia primas partis qui áget, is erit Phórmio
 Parasítus, per quem rés geretur máxime;
 Volúntas vostra si ad poëtam accésserit.
 Date óperam, adeste aequo ánimo per siléntium; 30
 Ne símili utamur fórtuna, atque usí sumus,
 Cum pér tumultum nóster grex motús loco 'st:
 Quem actóris virtus nóbis restituit locum,
 Bonitasque vostra adjútans atque acquánimitas.

ACTUS I. SCENA I.

DAVUS.

Amicus summus meus et popularis, Geta,
 Heri ad me venit. erat ei de ratiuncula
 lampridem aput me reliquum pauxillum
 Nummorum: id ut conficerem. confeci: adfero.
 Nam erilem filium ejus duxisse audio 5
 Uxorem: ei credo munus hoc contraditur.
 Quam inique comparatum 'st: ii, qui minus habent,
 Ut semper aliquid addant divitióribus?
 Quid ille unciatim vix de demensó suo,
 Suum defrudans genium, conpersit miser; 10
 Id illa univorsum abripiet: haut existumans,
 Quanto labore partum porro autem Geta
 Feriétur alio munere, ubi era péperit:
 Porro alio autem, ubi erit púero natalis dies:
 Ubi initiabunt: ómne hoc mater auferet: 15
 Puer causa erit mittúndi. set videón' Getam?

ACTUS I. SCENA II.

GETA. DAVUS.

G. Si quis me quaeret rufus — D. praesto 'st, désine. G. oh,
 At ego óbviám conábar tibi, Dave. D. accipe, em
 Lectum 'st; conveniet númerus, quantum débui.
 G. Amó te: et non necléxisse habeo grátiam.
 D. Praesértim ut nunc sunt móres: adeo rés reddit; 5
 Si quis quid reddit, mágna habenda 'st grátia.
 Set quid tu es tristis? G. égone? nescis, quo in metu et
 Quanto in periclo símus. D. quid istuc ést? G. scies,
 Modo út tacere póssis. D. abi sis, insciens:
 Cujus tú fidem in pecúnia perspéxeris, 10
 Verére verba ei crédere? ubi quid míhi lucrí est
 Te fállere? G. ergo auscúta. D. hanc operam tibi dico.
 G. Senis nóstri, Dave, frátrem majorém Chremén
 Nostíne? D. quidni? G. quid? ejus natum Phaédriam?
 D. Tam, quám te. G. evenit sénibus ambobús simul, 15
 Iter illi in Lemnum ut ésset, nostro in Ciliciam
 Ad hóspitem antiquom: is senem per epístolas
 Pelléxit, modo non móntis auri póllicens.
 D. Cui tánta erat res, ét supererat? G. désinas:
 Sic ést ingenium. D. oh, régem me esse opórtuit. 20
 G. Abeúntes ambo hinc tám senes me filíis
 Relínquont quasi magístrum. D. o Geta, provinciám

- Cepisti duram. G. mi ūsus venit, hōc scio:
 Memini, relinqui mē, deo iratō meo.
- Coepti advorsari primo: quid verbis opus 'st? 25
 Senibūs fidelis dūm sum, scapulas pērdidi.
 Venēre in mentem mi isthaec: namque inscītia 'st,
 Advorsum stimulum cālece. coepti iis ōmnia
 Facere, ōbsequi, quae vēllent. D. scisti utī foro.
- G. Nostēr mali nil quicquam primo: hic Phaēdria 30
 Continuo quandam nactus est puēllulam
 Citharistriam: hanc amāre coepit pērdite.
 Ea sērviebat lēnoni impurissimo:
 Neque, quōd daretur quicquam, id curarānt patres.
- Restābat aliud nīl, nisi oculos pāscere, 35
 Sectāri, in ludum dūcere, et reddūcere.
 Nos ōtiosi operām dabāmus Phaēdriae.
 In quo haēc discebat lūdo, exadvorsum ei loco
 Tonstrīna erat quaedam. hic solebāmus fere
- Plerūmq̃ue eam opperiri, dum inde irēt domum. 40
 Intērea dum sedēmus illi, intēvenit
 Adulēscens quidam lācrumans. nos mirārier.
 Rogāmus quid sit: „nūmquam aequē, inquit, ac modo,
 Paupērtas mihi onus vīsa est et miserum ēt grave.
- Modo quādam vidi vīrginem hic vicīniae 45
 Miserām, suam matrem lāmentari mōrtuam:
 Ea sīta erat exadvorsum. neque illi bēnevolens,
 Neque nōtus. neque cognātus extra unam āniculam
 Quisquam āderat, qui adjutāret funus. miseritum 'st.
- Virgo ipsa facie egrēgia. quid verbis opus 'st? 50
 Commōrat omnes nōs. ibi continuo A'ntipho;
 Voltismo eamus vīsere? alius; cēnseo:
 Eāmus: duc nos sōdes: imus, vēnimus:
 Vidēmus: virgo pūlchra: et, quo magis dīceres,
- Nihil āderat adjumēti ad pulchritūdinem: 55
 Capillus paesus, nūdus pes, ipsa hōrrida,
 Lacrumaē, vestitus tūrpis: ut, nī vīs bonī
 In ipsa inesset fōrma, haec formam extinguerent.
 Ille, qui illam amabat fidicinam tantūmodo,
- Satis, inquit, scita 'st: nōster vero D. jām scio: 60
 Amāre coepit. G. scin' quam? quo evadāt, vide.
 Postridie ad anum rēcta pergit: ōbsocrat,
 Ut sibi ejus faciat cōpiam. illa enim sē negat:
 Neque eum aequōm facere ait: illam civem esse A'tticam,
- Bonām, bonis prōgnātā: si uxorēm velit, 65
 Lege id licere fācere: sin alitēr, negat.
 Nostēr, quid ageret, nēscire: et illam dūcere

Capiēbat, et metuebāt absentē patrem.

D. Non, si redisset, ei pater veniām daret? *h*

G. Ille indotatam virginem atque ignōbilem

70

Daret illi? numquam faceret. *D.* quid sit dēnique?

G. Quid fiat? est parasitus quidam Phōrmio,

Homō confidens; qui illum dī omnes perduint.

D. Quid is fecit? *G.* hoc consilium, quod dicām dedit:

75

Lex est, ut orbae, qui sunt genere prōximi,

lis nūbant, et illos dūcere eadem haec lēx jubet.

Ego tē cognatū dicam, et tibi scribām dicam;

Patērnū amicū me adsimulabo virginis:

Ad iūdices veniēmus: qui fuerit pater,

Quae māter, qui cognāta tibi sit; omnia haec

80

Constringam: quod erit mihi bonum atque commodum,

Cum tu hōrum nil resēlles, vincam scilicet.

Pater aderit, mihi paratāe lites: quid mea?

Illā quidem nostra erit. *D.* jocularē audāciam.

G. Persuāsum 'st homini. factum 'st, ventum 'st; vincimur: 85

Duxit. *D.* quid narras? *G.* hōc, quod audis. *D.* o Geta,

Quid tē futurum 'st? *G.* nescio hercle: nūm hōc scio,

Quod fors feret, ferēmus aequo animō. *D.* places:

Hem istūc viri 'st officium. *G.* in me omnis spēs mihi est.

D. Laudo. *G.* ad precatorem ādeam, eredo, qui mihi

90

Sic ōret: nunc amitte, quaeso, hunc: cēterum

Posthāc si quicquam, nil precor. tantūmodo

Non addit: ubi ego hinc ābiero vel occidito.

D. Quid paedagogus ille, quicquid tharistrium?

Quid rei gerit? *G.* sic, tenuiter. *D.* non multum habet, 95

Quod dēt fortasse. *G.* immō nihil, nisi spēm meram.

D. Pater ejus rediit, annon? *G.* nondum. *D.* quid? senem

Quoad exspectatis vōstrum? *G.* non certū scio:

Set epistolam ab eo adlatam esse audivi modo:

Et ad pōrtitores ēsse delatam; hānc petam.

100

D. Numquid, Geta, aliā mē vis? *G.* ut bene sit tibi.

Puer heus. nemon' huc prōdit? cape, da hoc Dōrcio.

ACTUS II. SCENA I.

[B. I. 3.]

ANTIPH. PHAEDRIA.

A. A'deon' rem redisse, ut, qui mi cōsultum optamē velīt esse,

Phaēdria, patrem ut extimescam, ubi ejus adventi venit in mentem?

Quōd ni fuisset incōgitans, ita eum exspectarem, ut pār fuit.

P. Quid istuc? *A.* rogitas? qui tam audacis facinoris mi cōn-

sciū sis?

Quōd utinam ne Phōrmioni id quādere in mentem incidisset, 5

TERENTIUS.

Neú me cupidum eo ímpulisset, quód mi princípium 'et mali.
Nón potitus éssém: fuisset tum illos mi aegre aliquót dies:
At nón cotidiána cura haec ángeret animum. *P. audíto.*

A. Dum expécto, quam mox véniat, qui hanc mihi ádinat
consuetúdinem.

P. Aliís quia desít, quód amant, aegre 'st: tibi, quia super-
ést, dolet. 10

Amóre abundas, A'ntípho.

Nam túa quidem hercle certo vita haec expetenda optándaque est.
Ita mé di bene ament, út mi liceat támdiu, quod amó, frui,
Iam dépecisci mórtē cupio; tú conjicito céteram,

Quid ego hác ex inopiá nunc capiam; et quid tu ex istac cópia: 15

Ut ne áddam, quod sine sumptu ingenuam liberalem náctus es:

Quod habés, ita ut voluísti, uxorem síae mala famá palam:

Beátus, ni unum hoc desít, anímus qui modeste istaec ferat.

Quod sí tibi res sit cum éo lenone, quócum mi est, tum séntias.

Ita plérigue omnes sumptus ingenio, nóstri nosmet poénitet: 20

A. At tú mihi contra nunc videre fórtunatus, Phaédria,

Cui de íntegro est potéstas etiam cónsulendi, quid velis: 45

Retínere, amare, an mittere: ego in eum incidí infelíx locum,

Ut néque mi ejus sit ámittendi, néc retinendi cópia.

Set quid hoc est? videon' égo Getam curréntem huc adveníre? 25

Is est ípsus: ei! timeó miser, quam híc mihi nunc nuntiét rem.

ACTUS II. SCENA II.

[B. I. 4.]

GETA. ANTIPHO. PHAEDRIA.

G. Nállus's, Geta, nisi áliquod jam cónsilium celere répereris:

Ita nunc inparátum subito tánta in me inpendént mala:

Quae néque uti devitém scio, neque quómodo me inde éxtraham:

Nam nón potest celári nostra díntius jam audácia.

[Quae si non astu próvidentur, me aut erum possúm dabunt.] 5

A. Quidnam ille commotús venit?

G. Tum témporis mihi púnctum ad hanc rem est. érus adest.

A. quid istuc mali 'et?

G. Quod cum audierit, quod ejus remedium inveniam iracúndiae?

Loquárne? incendam: táceam? instigem: púrgem me? late-
rém lavem.

Eheú me miserum: cúm mihi pavelo, tum A'ntípho me ex-
crúciat aními: 10

Ejús me miseret: ei nunc timeo: is nunc me retinet: nam
ábsque eo esset,

Récte ego mihi vidíssem: et senis essem áltus iracúndiam: aliquid
Cónvasavíssem, átque dehinc me prótinam cónficerem in pedes.

A. Quamnam híc fugam aut furtúm parat?

G. Set ubi *Antiphonem* réperiam? aut qua quærere instám via? 15

PH. Te nóminat.

A. Nescio quod magnum hoc nuntio expectó malum. PH. anne sánus es?

G. Domum ire pergam: ibi plúrimum 'st. PH. revocámus hóminem. A. sta flico. G. hem,

Sátin' pro imperio quisquis es. A. Geta. G. ipse est, quem volui óbviám.

A. Cédo, quid portas, óbsecro; atqueid, si potes, verbo expedi. 20

G. Fáciam. A. eloquere. G. módo apud portum. A. meúmne? G. intellexti. A. occidi. P. hem.

A. Quid agam? PH. quid ais? G. huius patrem vidisse me patruúm tuum.

A. Nám quod ego huc nunc súbito exitio rémedium inve-niám miser?

Quód si eo meae fortunæ redeunt, Phánium, abe te ut dístrahar, Nílla 'st mihí vita expectanda. G. ergo istaoc cum ita sint, *Antipho*, 25

Tánte magis te advigílare sequom 'st: fórtis fortuna áduvat.

A. Nón sum apud me. G. atqui ópus est nunc eam máxime, ut sis. *Antipho*:

Nám si senserít te tígidum páter esse, arbitrábitur Cómmeruisse culpam. PH. hoc verum 'st. A. nón possum inmutáriter.

G. Quid faceres, si aliúd quid gravius tibi nunc faciundúm foret? 30

A. Cum hoc non possum, illúd minus possem. G. hoc níhil est, Phaedria: fílet.

Quíd hic centerimus óperam frustra? quín abeo? PH. et qui-dem ego. A. óbsecro,

Quíd si adsimulo, sátin' est? G. garris. A. vóltum contemplá-mini: em,

Sátin' est sic? G. non. A. quid si sic? G. própemodum. A. quid si sic? G. sat est:

E'm, istuc serva: et verbum verbo, pár parí ut respóndas; 35

Né te iratus suis saevídiciis dictis protelét. A. scio.

G. VÍ coactum te esse, invitum, lége, júdiq: tenes?

Sét quis hic est senóx, quem video in última platea? A. ipsus est.

Non póssum adesse. G. ah, quíd agis? quo ahis, *Antipho*?

Mane, inquam. A. egomet me nóvi et peccatúm meum: 40

Vobis commendo Phánium et vitám meam.

PH. Geta, quíd nunc fiet? G. tú jam lites audies.

Ego pléctar péndens, nísi quid me foféllerit.

Set, quéd modo hic nos *Antiphonem* mónuimus,

Id nómet ipsos fácere oportet, Phaedria. 45

Ph. Aufér mi oportet: quia tu, quid faciam, impera.

G. Meministin', olim ut fúerit vostra oratio

In re incipiunda ad défendendam noxiam,

Iustam illam causam, fáciem, vincibilem, optatam?

Ph. Memini. *G.* ém, nunc ipsa 'et ópus ea; aut, si quid potest, 50
Meliore et calidíore. *Ph.* flet sédulo.

G. Nunc prior adito tu. égo in subsidiis híc ero.

Succénturiatus, si quid deficiás. Ph. ago.

ACTUS. II. SCENA III.

[B. II, 1.]

DEMIPHO. GETA. PHAEDRIA.

D. Itane tandem uxórem duxit A'ntipho injusú meo?

Néc meum imperium: ac mító imperium: nón similitatém meam

Reveréri saltem? nón pudere? o fácinus audax, ó Geta

Monitór. *G.* vix tandem. *D.* quid mihi dicent? aut quam cau-
sam réperient?

Demíror. G. atqui réperi jam: aliud cúra. *D.* an hoc dicét mihi? 5
Invítus feci; lés coegit. áudio. fateór. *G.* places.

D. Verúm scientem, tácitum, causam trédere adversáris,

Etiám ídne lés coégit? *G.* illud dúrum. *P.* ego expediám: sine.

G. Incértum 'et, quid agam; quia praeter spem, atque incredi-
bile hoc mi óbtigit:

Ita sum írritatus, ánimum ut nequeam ad cógitandum in-
stitúere. 10

Quamobrem ómnes, cum secúndae res sunt máxime, tum máxime

Meditári secum opórtet, quo pacto ádvorsam aerumnám ferant.

Perícula, damna, exília peregre rediens semper cógitet,

Aut filii peccatum, aut uxoris mórtém, aut morbum filiae:

Commúnia esse haec: né quid horum unquam accídat animó
novom. 15

Quicquid praeter spem evéniat, omne id députare esse in lucro.

G. O Phaédria, increíble quantum erum ánteco sapiéntia.

Meditáta mihi sunt ómnia mea incómmoda, eras si redierit:

Moléndum 'et in pístrino: vapulándum: habendum cómpedes:

Opus rúri faciundum: hórum nil quicquam accídit animó
novom. 20

Quicquid praeter spem evéniet, omne id députabo esse in lucro.

Sét quid cessas hóminem adire, et-blánde in principio ádloqui?

D. Phaédriam, mei frátris video filium mi íre óbviám.

P. Mi pátrúe, salve. *D.* sálve: set ubi est A'ntipho?

P. Salvom ádvenire — *D.* crédo: responde hóc mihi. 25

P. Valet: híc est: set satín' ómnia ex senténtia?

D. Vellém quidem. *P.* quid istúc est? *D.* regítas, Phaédria?

Bonás, me absente, híc cónfecistis núptias.

- P.* Eho, an id suscenses nunc illi? *G.* o artificem probum.
D. Egon' illi non suscenseam? ipsum gestio 80
 Dari mi in conspectum, nunc sua culpa ut sciat
 Lenem patrem illum factam me esse acerrimum.
P. Atqui nil fecit, patrue, quod suscenseas.
D. Ecce autem similia omnia: omnes congruunt:
 Unum cum noris, omnes noris. *P.* haút ita 'st. 85
D. Cum in nóxia hic est; ille ad defendendum adest:
 Cum ille ést, praesto hic est: tradunt operas mútuas.
G. Probe hórum facta inprudens depinxít senex.
D. Nam ni haéc ita essent, cum illo haut stares, Phaédria.
P. Si est, patrue, culpam ut A'ntipho in se admíscrit, 40
 Ex quá re minus rei fóret aut famae témperans:
 Non causam dico, quin, quod meritus sí, ferat.
 Set, si quis forte, málitia fretús sua,
 Insídias nostrae fécit adulescéntiae,
 Ac vicit; nostran' cúlpa ea est? an júdicum, 45
 Qui saepe propter ínvídiam adímaunt díviti,
 Aut própter mísericórdiam addunt paúperi?
G. Ni nósem causam, créderem, vera hunc loquí.
D. An quisquam judex ést, qui possit nóscere
 Tua jústa, ubi tute vérbum non respóndas, 50
 Ita ut ille fecit? *P.* fúnctus adulescéntuli est
 Offícium liberális: postquam ad júdices
 Ventúm 'st, non potuit cógitata próloquí:
 Ita eúm tum tímídum ibi óbstupescít pudor.
G. Laudo hunc: set cesao, adíre quamprímum senem? 55
Ere, sálve: salvom te ádvenisse gaúdeo. *D.* oh,
 Bone cóstos, salve, cólumen vero fámiliag:
 Cui cómmendavi filiam hic abiéns meum.
G. Iamdúdum te omnis nós accusare áudio
 Imérito: et me horunc ómnium ímmeritísimo: 60
 Námq' quíd me ía hac re fácere voluísti tibi?
 Servom hóminem causam oráre leges nón sinunt:
 Neque téstimoni díctio est. *D.* mitto ómnia.
 Addo ístuc: inprudens tímuit adulescens: sino:
 Tu sérvos: verum, si cognata est máxime, 65
 Non fuit necesse habére: set, id quod léx jubet,
 Dotém daretis; quaéretet aliúm virum.
 Qua rátióne ínopem pótius ducebát domum?
G. Non rátió, verum argéntum deerat. *D.* súmeret
 Alicúnde, *G.* alicunde? níhil est dictu fácilius. 70
D. Postrémo, si nullo álio pacto, faénore.
G. Hui, díxti pulchre: si quidem quisquam créderet,
 Te vívo. *D.* non, non síc futurum 'st: nón potest.

Egon' illam cum illo ut pátiar nuptam unúm diem?

NH suáve merita 'st. hóminem conmonstrárier

75

Mi istúm volo: aut ubi hábitet, demonstrárier.

G. Nempe Phórmionem. D. istúnc patronam múlteris.

G. Iam fáxo hic aderit. D. Antipho ubi nunc ést? G. foris.

D. Abi, Phaédria, cum roqure, atque adduce húc. PH. eo:

Rectá via quidem illuc. G. nempe ad Pámphilam.

80

D. Ego deós penatis hñc salutátum domum

Devórtar: inde ibo ad forum, atque aliquet mihi

Amícos advocábo, ad hanc rem qui ádsient;

Ut ne imparatus sim, si adveniat Phórmio.

ACTUS III. SCENA I.

[B. II, 2.]

PHORMIO. GETA.

P. Et tane patris áis conspectum véritum hinc abiisse? G. ádmodum.

P. Phánium relictam solam? G. sic. P. et iratúm senem?

G. O'ppido. P. ad te súmma solum, Phórmio, rerúm redit:

Túte hoc intristi: tibi omne est éxedendum: accingere.

G. O'bsecro te. P. sí rogabit. G. in te spes est. P. éccere, 5

Quid si reddet? G. tu impulisti. F. sic opinor. G. súbveni.

P. Cédo senem: jam instrúcta mihi sunt corde consilia ómnia.

G. Quid ages? P. quid vis? nñsi uti maneat Phánium: atque
ex crimine hoc

A'ntiphonem eripiam: atque in me onanem iram derivém senis?

G. O' vir fortis atque amicus. vérum hoc saepe, Phórmio, 10

Véreor, ne istaec fórtitudo in nérvom erumpat dénique. P. ah,

Nón ita est: factum ést periculum, jam pedum visá 'st via.

Quót me censes hómines jam devérberasse usque ad necem,

Hóspites, tum civis? quo magis nóvi, tanto saépius.

Cédo dum, en, unquam injúriarum audísti mihi scriptám
dicam?

15

G. Qui istuc? P. quia non réte accipitri ténditur neque milláo,

Qui male faciunt nébis: illis, qui níl faciunt, ténditur:

Quía enim in illis frúctus est, in istis opera lúditur.

A'liis aliunde ést periculum, unde áliquíd abradí potest:

Míhi sciunt níl ésse. dices, dúcent damnátam domum:

20

A'lere nolunt hóminem edacem: et sápient mea senténtia,

Pró maleficio sí beneficium súmmum nolunt réddere.

G. Nón pote satis pro mérito ab illo tibi referri grátia.

P. Immo enim nemo sátis pro mérito grátiam regí refert.

Tén' asymbolúm venire, unctum atque lautum e bálneis, 25

O'tiosum ab ánimo: cum ille et cúra et sumptu absúmitur:

Dám fit, tibi quod pláceat, ille ringitur: tu rídeas:

Prior bíbas; prior decumbas: céna dubia appónitur.

G. Quid istuc verbi est? P. ubi tu dubites, quid sumas possasimum.

Haec cum rationem incens quam sint suavia, et quam cara sint; 30
 E'a qui praebet, non tu hunc habeas plane praesentem deum?
 G. Senex adest; vide quid agas: prima cōitio 'et acerrima:
 Si eam sustinueris, post illa jam, ut lubet, ludas licet.

ACTUS III. SCENA II. [B. II, 3.]

DEMIPHO. GETA. PHORMIO.

D. En umquam cuiquam contumeliōsius
 Audistis factam injuriam, quam haec est mihi?
 Adeste quaeso. G. iratus est. P. quin tu hoc age:
 Iam ego hunc agitabo, pro deum immortalium,
 Negat, Phanium esse hanc sibi cognatam, Démipho? 5
 Hanc Démipho negat esse cognatam? G. negat.
 D. Ipsum esse opinor, de quo agebam sequimini.
 P. Neque eius patrem se scire, qui fuerit? G. negat.
 P. Nec Stilphonem ipsum scire, qui fuerit? G. negat.
 P. Quia egens relicta est misera, ignoratur parens: 10
 Neclégitur ipsa; vide, avaritia quid facit.
 G. Si erum insimulabis malitiae, male audies.
 D. O audaciam, etiamne ultro accusatum advenit?
 P. Nam jam adulescenti nihil est quod suscenseam,
 Si illum minus norat: quippe homo jam grandior, 15
 Pauper, cui opera vita erat, ruri fere
 Se continebat: sibi agrum de nostro patre
 Colendum habebat: saepe interea mihi senex
 Narrabat, se hunc neclégere cognatum suum:
 At quem virum? quem ego viderim in vita optimum. 20
 G. Videas te atque illum, ut narras. P. i in malam crucem.
 Nam ni ita eum existimássem, numquam tam gravis
 Ob hanc inimicitias cáperem in vostram familiam,
 Quam is aspérnatur nunc tam inliberátiter.
 G. Pergin' ero absentí mále loqui, inpurissime? 25
 P. Dignum autem hoc illo est. G. áin' tamen, carcer? D. Geta.
 G. Bonórum extortor, légum contortór. D. Geta.
 P. Respónde. G. quis homo est? ehem. D. tace. G. absentí tibi
 Te indígnas seque dígnas contumélias.
 Numquám cessavit dicere. D. ohe, désine. 30
 Aduléscenta, primum ab te hoc bona venia expeto,
 Si tibi placere pótis est, mi ut respóndeas:
 Quem amicum tuum ais fuisse istum, explaná mihi:
 Et quí cognatum mé sibi esse diceret.
 P. Proinde expíscare, quísi non nossea. D. néssem? P. ita. 35
 D. Ego mé nego: tu, quí ais, redige in mémeriam.
 P. Eho tú sobrinum tuum non noras? D. énicas:

- Dic nómen. *P.* nomen? *D.* máxime. quid nunc taces?
P. Perii hércle, nomen pérdidi. *D.* hem, quid ais. *P.* Geta,
 Si méministi id quod ólim dictum 'st, stúbilco. hem, 40
 Non dico: quasi non nérís, temptatum advénis.
D. Egone autem tempto? *G.* Stílpho. *P.* atque adeo quid mea?
 Stílphó 'st. *D.* quem dixti? *P.* Stílphonem, inquam, nóveras.
D. Neque ego illum noram, néque mi cognátus fuit
 Quisquam istoc nomine. *P.* itane? non te horum pudet? 45
 At sí talentum rém reliquissét decem,
D. Di tibi malefaciant. *P.* primus esses mémoríter
 Progénem vostram usque ab avo atque atavo próferens.
D. Ita, ut dicis. ego tum cum advénissem, quí mihi
 Cognáta ea esset, dicerem: itidem tú face: 50
 Cedo qui ést cognata? *G.* eu nóster, recte: heus tú, cave.
P. Dúlúcidé expedívi, quibus me opórtuit
 Iudicibus: tum id si fálsum fuérat, filius
 Cur nó n refellit? *D.* filium narrás mihi?
 Cujus dé stultitia dici, ut dignum 'st, nó n potest. 55
P. At tú, qui sapiens és, magistrátus adi;
 Iudícium de eadem causá iterum ut reddát tibi:
 Quandóquidem solus régnas; et solí licet
 Hic de eadém causá bis iudícium apíscier.
D. Etsi mihi facta injúria 'st; verúm tamen 60
 Potiús quam lites sécter aut quam te aúdiam,
 Itidem út cognata sí sit, id quod léx jubet,
 Dotém dare, abduce hánc: minas quinque áccipe.
P. Ha, ha, haé, homo suavis. *D.* quid? num iniquom póstulo?
 An ne hóc quidem ego adipíscar, quod jus públicum 'st? 65
P. Itan' tándem, quaeso, ítem, út meretricem ubi abúsus sis
 Mercédem dare lex júbet eji atque amítttere?
 An, ut né quid civis túrpe in sese admíttetet
 Proptér egestatem, próxumo jussá 'st dari;
 Ut cum úno aetatem dégeret? quod tú vetas. 70
D. Ita, próxumo quidem: át nos unde? aut quámobrem? *P.* ohe,
 Actum, ájunt, ne agas. *D.* nó n agam? immo haut deáinam,
 Donéc perfecero hóc. *P.* ineptis. *D.* sine modo. *P.* *in*
P. Postrémo tecum níl rei nobis, Démipho, est:
 Tuns ést damnatus gnátus, non tu: nám tua 75
 Praetérierat jam ad dúcendum aetas. *D.* ómnia haec
 Illúm putato, quae ego nunc dico, dicere:
 Aut quídem cum uxore hac ípsum prohibebó domo.
G. Irátus est. *P.* tute ídem melius féceris.
D. Itane és parátus fácere me advorsum ómnia, 80
 Infélix? *P.* metuit híc nos, tametsi sédulo
 Dissímulat. *G.* bene habent tibi principia. *P.* quín, quod est

Ferendum, fers: satis dignum factis feceris:

Ut amici inter nos simus. *D.* egon' tuam expetam

Amicitiam? aut te visum aut auditum velim?

85

P. Si concordabis cum illa, habebis, quae tuam

Senectutem oblectet: respice aetatem tuam.

D. Te oblectet: tibi habe. *P.* minue vero iram. *D.* hoc age.

Satis jam verborum 'st: nisi tu properas mulierem

Abducere, ego illam ejciam: dixi, Phormio.

90

F. Si tu illam attigeris secus, quam dignum est liberam,

Dicam tibi inpingam grandem: dixi, Demipho.

Si quid opus fuerit, heus demo me. *G.* intellego.

ACTUS III. SCENA III.

[B. II, 4.]

DEMIPHO. GETA. HEGIO. CRATINUS. CRITO.

D. Quantá me cura et sollicitudine adficit

Gnatús, qui me et se hisce impedit nuptiis?

Neque mi in conspectum pròdit; ut saltém sciam,

Quid de hac re dicat, quidve sit sententiae.

Abi, vise redieritne jam an nondum domum.

5

G. Eó. *D.* videtis, quo in loco res haec siet:

Quid ago? dic, Hegio. *H.* égo? Cratinum censeo:

Si tibi videtur. *D.* dic, Cratine. *CR.* méne vis?

Egò, quae in rem tuam sùnt, éa velim faciás: mihi

Sic hoc videtur. quòd te absente hic filius

10

Egít, restitui in íntegrum aequom esse ac bonum:

Et id impetrabis. dixi. *D.* dic nunc, Hégio.

H. Ego sédulo hunc dixisse credo: vérum ita est,

Quot hómines, tot sententiae: suus cuique mos.

Mihi nón videtur, quòd sit factum légibus,

15

Rescindi posse: et túrpe inceptu est. *D.* dic, Crito.

C. Ego ámplius deliberandum censeo:

Res magna est. *H.* numquid nós vis? *D.* fecistis probe:

Incertior sum multo, quam dudum. *G.* negant

Redisse: *D.* frater ést expectandus mihi:

20

Is quòd mihi de hac re déderit consilium, id sequar.

Percóntatum ibo ad pórtum, quoad se récipiat.

G. At ego Antíphonem quaeram; ut, quae acta hic sùnt, sciat.

Set ecce ipsam video: ténepore huc se récipere,

ACTUS III. SCENA IV.

[B. III, 1.]

ANTIPHO. GETA.

A. Enimvero, Antiphó, multimodis cum istec animo es vituperandus:

Itane te hinc abisse, et vitam tuam tutandam aliis dedisse?

A. Alios tuam rem credidisti magis, quam te, animadversuros?

Nam ut ut erant alia; illi certe, quae nunc tibi domi 'et, consuleres,

Né quid propter tuam fidem decépta potirétur mali: 5

Cuius nunc miseræ spés opesque sùnt in te uno omnes sitae.

G. Et quidem, ere, nos jamdúdum hic te absentem incusamus,
qui ábieris.

A. Te ipsúm quaerebam. G. sét ea causa nihilo magis defécimus.

A. Loquere, óbsecro, quonam in loco sunt rés et fortunæ meae:

Num pátri quid subolet? G. nil etiam. A. ecquid spefi porro 'et?

G. néscio. A. ah. 10

G. Nisi Phaédria hant cessávit, pro te eniti. A. nil fecit novi.

G. Tam Phórmio itidem in hac re, ut aliis, strénuum homi-
nem praébuit.

A. Quid is fécit? G. confutávit verbis ádmodum iratúm senem.

A. Eu, Phórmio. G. ego, quod póter, porro. G. mi Geta,
omnis vós amo.

A. Sic habent princípia sese, ut dico: adhuc tranquilla res est 15
Mánsurusque pátrium pater est, dum húc adveniat. A. quid
eum G. id aibat,

De ejus consilio vélle sese fácere, quod ad hanc rem áttinet.

A. Quántus metus est míhi, venire hac sálvum nunc pa-
truúm, Geta?

Nám de ejus una, ut aúdio, aut vivam aut moriar senténtia.

G. Phaédria tibi adest. A. úbinam 'et? G. eccum ab suá pa-
laestra exít foras. 20

ACTUS III. SCENA V. [B. III, 2.]

PHAEDRIA. DORIO. ANTIPHO. GETA.

P. Dório,

Audi, óbsecro. D. non aúdio. P. parúmper. D. quin omítte me.

P. A'udi, quid dicam. D. át enim taedet jam aúdiro eadem mília.

P. A't nunc dicam, quod lubenter aúdias. D. loquere, aúdio.

P. Néqueo te exoráre, ut manéas triduum hoc? quo núnc abis? 5

D. Mirábar, si tu míhi quicquam adferrés novi. A. ci,

Metuó lenonem, né quid — G. suo capiti fuit.

P. Nón mihi credis? D. háriolare. P. an fidem do. D. fábulae.

P. Faéneratum istúc beneficium púlchrè tibi dicés. D. logi.

P. Créde mihi, gaudébis facto: vérum hercle hoc est D.
sómnia. 10

P. E'xperire: nón est longum. D. cántilenam eandém canis

P. Tú cognatus, tú parens, tu amicus, tu. D. garri modo.

P. A'deon' ingenio éssa duro te átque inexorábili,

U't neque misericórdia, neque précibus molliri queas?

D. A'deón' te esse incógitantem atque imprudentem, Phaédria, 15
U't phaleratis dictis ducas me; et meam ductes grátiis?

A. Misericum 'st. *P.* ei véris vincor. *G.* quám uterque est
similis sui.

P. Neque A'ntipho alia cum occupatus ésset sollicitúdine,
Tum hoc esse mi objectum malum! *A.* ah, quid istuc autem
est, Phaédria?

P. O'fortunatissime Antipho. *A.* égone? *P.* cui, quod amás,
domi 'st. 20

Néc cum hujusmodi unquam úsus venit út conflictarés malo.

A. Min' domi 'st? immo, id quod ajunt; aúribus teneó lupum:
Nám neque quo pacto á me amittam: néque, uti retineám, scio.

D. I'psum istuc mi in hoc est. *A.* né parum lenó sies.

Númquid hic confect? *P.* hicine? quód homo inhumaníssi-
mus: 25

Pámphilam meam véndidit. *G.* quid? véndidit? *A.* ain' véndidit?

P. Véndidit. *D.* quam indignum facinus, ancillam aere emptam suo.

P. Néqueo exorare, út me maneat, et cum illo ut mutét fidem,
Triduum hoc: dum id, quód est promissum, ab amicis argen-
tum aufero:

Sí non tum dederó, únam praeterea hóram ne oppertús siet. 30

D. O'ptame. *A.* haut longum 'st, quod orat, Dório: exorét sine:
I'dem hic tibi, quod béne promeritus fúeris, conduplicáverit.

D. Vérba istaec sunt. *A.* Pámphilamne hac úrbe privari sines?
Túm praeterea herúnc amorem distrahi poterin' pati?

D. Néque ego, neque tu. Et dí tibi omnes id, quod es dignús,
duint. 35

D. Ego te complaris adversum ingénium meum mensés tuli,
Pólicitantem et nil ferentem, sténtem: nunc, contra ómaia haec,
Répperi, qui dét neque lacrumet: dá locum melióribus.

A. Certe hercle, ego si sátis commemini, tibi quidem est ólim dies,
Quoad dares huic, praestituta. *P.* factum. *D.* num ego istuc
nego? 40

A. Iam éa praeteriit? *D.* nón, verum haec ei antecessit. *A.*
nón pudet.

Vánitatis? *D.* mínime, dum ob rem. *G.* stérculinum. *P.* Dório,
I'tane tandem fácere oportet: *D.* sic sum: si placeo, útere.

A. Sicine hunc decipis? *D.* immo enimvero hic, A'ntipho, me
decipit:

Nam hic me hujusmodi scibat esse: ego hunc esse aliter crédidi: 45
I'ste me feféllit; ego isti nihilo sum aliter ac fui.

Sét ut ut haec sunt, támen hoc faciam; crás mane argentum mihi
Miles dare se dixit: si mihi prior tu attuleris, Phaédria,
Mód logo utar; út est potior, prior ad dandum qui est. Vale.

ACTUS III. SCENA VI. [B. III, 3.]

PHAEDRIA. ANTIPHO. GETA.

P. Quid faciam? unde ego nunc tam subito huic argentam inveniám miser,

Cui minus nihilo est? quód si hinc pote fuisset exoracior Triduum hoc, promissum fuerat. **A.** itane hunc patiemúr, Geta, Fieri miserum, qui me dudum, ut dixti, adjurit cómiter?

Quin, cum opus est, beneficium rursum ei experimur réddere? **5**

G. Scio equidem hoc caso aequum. **A.** ago ergo, solum servare hunc potes.

G. Quid faciam? **A.** inveniás argentum. **G.** cápio: set, id unde, édoce.

A. Páter adeat hic. **G.** scio: sed quid tam? **A.** ah, dictum sapienti sat est.

G. Itan' ais? **A.** ita **G.** sane hércle pulchre suádes: etiam tu hinc abis?

Nón triumpho, ex nuptiis tuis si nil nanciscór mali, **10**

Ni étiam nunc me hujus causa quaerere in malo jubéas malum?

A. Vérum hic dicit. **P.** quid? ego vobis, Géta, alienus sum?

G. haút puto:

Sét parumne est, quod ómnibus nunc nobis suscensét senex,

Ni instigemus étiam, ut nullus locus relinquatúr precí? /

P. Alius ab oculis meis illam in ignem abducét locum? hem: **15**

Quin igitur, dum licet, dumque adsum, loquimini mecum, **A.** antipho,

Cóntemplamini me. **A.** quamobrem? aut quidnam facturus'es, cedo.

P. Quóquo hinc asportábitur terrarum, certum est persequi,

Aút perire. **G.** di bene vortant, quód agas: pedetemptim tamen.

A. Vide opis si quid pótes adferre huic. **G.** si quid? quid? **A.** **20**

quære, óbsecro:

Ni quid plus minúsve faxit, quód nos post pigeát, Geta.

G. Quaéro: salvos ést, ut opinor: vérum enim metuó malum.*

A. Nónli metuere: una tecum bona, mala, tolerábimus.

A. Quántum est opus argénti, eloquere. **P.** solae trigintá minae.

G. Triginta? hui perára 'st, Phaedria. **P.** istaec vero viliis est. **25**

G. A'ge, age, inventas réddam. **P.** o lepidam. **G.** auférta. **P.** jam opus'st. **G.** jám feres:

Sét opus est, mi Phórmionem ad hanc rem adjutore'm dari.

A. Praesto 'st: audacissime oneris quidvis impone, ét feret:

Sólus est homo amico amicus. **G.** cámas ergo ad eum ócius.

A. Námquid est, quod operá mea vobis opus sit? **A.** nil: verum sibi domum, **30**

Et illam miseram, quam égo nunc intus scio esse exanimatám metu,

*Cónsolare. céssas? A. nihil est, aéque quod faciám lubens.
P. Quá via istuc fácies? G. dicam in ítere: modo te hinc ámove.*

ACTUS IV. SCENA I.

DEMIPHO. CHREMES.

*A. Quid? quá profectus caúsa hinc es Lemnúm, Chreme,
Addúxtin' tecum filiam? C. non. D. quíd ita non?
C. Postquám videt me ejus máter esse hic díutius;
Simul autem non manébat actas virginis
Meam néclegantiam; ipsam cum omni fámilia
Ad mé profectam esse asbant. D. quid illic tám din,
Quaeso, igitur commorábare, ubi id andíveras?
C. Pol mé detinuit mórbus. D. unde? aut qui? C. rogas?
Senéctus ipsa 'st mórbus. set venisse eas
Salvás audiui ex náuta, qui illas véxerat.
D. Quid gnáto optigerit me ábsente, audistín', Chreme?
C. Quod quídem me factum cónsili incertúm facit.
Nam hanc cónditionem sí cui tulero extrário,
Quo pácto aut unde míhi sit, dicundum órdine est.
Tó míhi fidelem esse aéque atque egomet súm míhi,
Scibam: ille sí me aliénus adfiném volet,
Tacébit, dum intercédet familiáritas:
Sin spréverit me, plús, quam opus est scitó, sciet.
Vereórque, ne uxor áliqua hoc resciscát mea:
Quod sí fit, ut me excútiam atque egrediár domo,
Id réstat: nam ego meórum solus súm meus.
D. Scio ita ésse: et istaec míhi res sollicitúdini 'st:
Neque défetiscar úsque adeo experírier,
Donéc tibi, id, quod póllicitus sum, effécero.*

ACTUS IV. SCENA II.

GETA.

*Ego hóminem callidiórem vidi némisem,
Quam Phórmionem. vénio ad hominem, ut dícerem,
Argéntum opus esse, et id quo pacto fieret.
Vix dúm dimidium díxeram, intelléxerat;
Gaudébat: me laudábat: quarebát senem:
Dis grátias agébat, tempus síbi dari,
Ubi Phaédriai osténderet nihiló minus
Amícum se esse, quam A'ntiphoni. hominem ád forúm
Iussi ópperiri: eo me ésse adducturúm senem.
Set eccum ípsum. qui est ultérior? attat Phaédriac
Pater vénit. set quid pértimni autem bélua?*

TERENTIUS.

P

An quia, quos fallam, pro uno duo sunt mihi dati?

Commódus esse opinor duplici spe útier.

Petam hinc, unde a primo institui: is si dát, sat est:

Si ab eo nil fiet, tum hunc adoriar hóspitem.

15

ACTUS IV. SCENA III.

ANTIPHO. GETA. CHREMES. DEMIPHO.

A. Exspécto, quam mox récipiat sese Geta.

Set pátrium video cùm patre adstantem. ei mihi,

Quam tímeo, adventus hujus quo inpellát patrem.

G. Adibo: o salve, nóster Chreme. C. salvé, Geta.

G. Venire salvom volápe 'st. D. credo. G. quid agitur? 5

C. Multa ádvenienti, ut fit, nova hic complúria.

C. Ita. de Antíphone audístin' quae facta? C. ómnia.

G. Tun' díxeras huic? fácinus indignum, Chreme,

Sic circúmiri? D. id cum hoc agebam cómmódum.

G. Nam hercle égo quoque id quidem ágítans mecum sédalo, 10

Inveni, opinor, rémedium huic rei. C. quid, Geta?

D. Quod rémedium? G. ut abii ábs te, Et forte óbviám

Mihi Phórmio. C. qui Phórmio? G. is, qui istám. — C. scio.

G. Visum ést mi, ut ejus temptárem prius senténtiam.

Prendo hóminem solum: cúr non, inquám, Phórmio, 15

Vidémus, inter nós haec potius cùm bona

Ut cómponantur grátia, quam cùm mala?

Erus liberalis ést et fógítans lítium:

Nam céteri quidem hércle amici omnes modo

Uno óre auctores fuére, ut praecipitem hanc daret. 20

A. Quid hic cóéptat, aut quo evádet hodie? G. an légibus

Daturum poenas díces, si illam ejécerit?

Iam id éploratum 'st: heia! sudabís satis,

Si cum illo inceptas hómine: ea eloquéntia est.

Verúm pono, esse victum eum: at tandém tamen 25

Non cápítis ei res ágitur, set pecúniae.

Postquam hóminem his verbis sentio mollírier;

Soli sumus nunc, inquám, hic: eho, quid vís dari.

Tibi in manum, erus ut his desistat lítibus:

Haec hinc facessat, tá molestus né sies. 30

A. Satin' illi di sunt própítii? G. nam sát scio,

Si tu áliquam partem aequi bonique díxeris,

Ut est ille bonus vir, tria non commutábitis

Verba hódie inter vos. D. quis te istaec jussit loqui? 35

C. Immó non potuit mélius pervenírier

Eo, quó nq̄s volumus. A. óccidi. C. perge éloqui.

G. A primo homo insaníbat. D. cedo, quid póstulat?

G. Quid? nimium quantum. *C.* quantum? dic. *G.* si quis daret Talantum magnum. *D.* immo malum hercle: ut nil pudet?

G. Quod dixi adeo eji: quaeso, quid si filiam
Suam unicam locaret? parvi rettulit 40

Non suscepisse: inventa est, quae dotem petat.

Ut ad paucæ redeam, ac mittam illius ineptias:

Haec denique ejus fuit postrema oratio:

Ego, inquit, jam a principio amici filiam, 45

Ita ut æquom fuerat, vólui uxorem ducere.

Nam mihi venibat in mentem ejus incómmodi,

In servitutem pauperem ad ditem dari.

Set mi opus erat, ut aperte tibi nunc fabuler,

Aliquantulum quae adferret, qui dissolverem, 50

Quae debeo: et etiam nunc, si volt Démipho

Dare, quantum ab hac accipio, quae sponsa 'st mihi;

Nullam mihi malim, quam istanc uxorem dari.

A. Utrum stultitia facere ego hunc an malitia

Dicam, scientem an imprudentem, incertus sum. 55

D. Quid, si animam debet? *G.* æger oppositus 'st pignori

Ob decem mnas, inquit. *D.* æge, æge, jam ducat: dabo.

G. Aedicularum item sunt ob decem alias. *D.* osei,

Nimium 'st. *C.* ne clama: petito illasce à me decem.

G. Uxori emunda ancilla 'st: tum autem plúscula 60

Supelléctile opus est: opus est sumptu ad nuptias:

His rébus alias pône sane, inquit, decem.

D. Sescéntas proinde scribe jam mihi dicas:

Nil do: impuratus me ille ut etiam irideat?

C. Quaeso, ego dabo, quiesce: tu modo filius 65

Fac ut illam ducat, nós quam volumus. *A.* ei mihi:

Geta, occidisti me tuis fallaciis.

C. Mea causa ejicitur: me hoc est æquom amittere.

G. Quantum potest me certiores, inquit, face:

Si illam dant, hanc ut mittam: ne incertus siem: 70

Nam illi mihi dotem jam constituerunt dare.

C. Iam accipiat: illis répudium renúntiet:

Hanc ducat. *D.* quae quidem illi res vortat male.

C. Oppórtune adeo argentum nunc mecum attuli,

Fructum, quem Lemni uxoris reddunt prædia: 75

Inde sumam: uxori, tibi opus esse, dixero.

ACTUS IV. SCENA IV.

ANTIPH. GETA.

A. Geta. *G.* hé. *A.* quid egisti? *G.* émunxi argentó senes.

A. Satin' ést id? *G.* nescio hércle, tantum jússus sum.

A. Eho, vérbero, aliud mñhi respondes ac rogo?

H. Quid érgo narras? *A.* quid ego narrem? operá tua

Ad réstim mi quidem rés ređit planissime.

5

Ut té quidem omnes, dí deae, superi, inferi,

Malis exemplis pérđant! em, si quid velis,

Huic mándes, qui te ad scópulum o tranquillo auferat.

Quid mínus utibile fuit, quam hoc ulcus tângere

10

Aut nóminare uxórem? injecta est spés patri

Posse illam extrudi, cédo nunc perro, Phórmio

Dotém si accipiet, úxor ducenda est dómum,

Quid fiet? *G.* non enim dúcet. *A.* novi. céterum

Cum argéntum repeſent, nóstra causa scilicet

15

In nérvom potius fbit. *G.* nihil est, A'ntipho,

Quin mále narrando póssit depravárier.

Tu id, quód boni est, excérpis: dicis, quód mali est.

Audi nunc contra jám: si argentum accéperit,

Ducenda est uxor, út ais: concedó tibi:

20

Spatium quidem tandem ápparandis nuptiis,

Vocándi, sacrificándi dabitur paúlulum.

Intérea amici, quód polliciti sũnt, dabunt:

Inde iste reddet. *A.* quámobrem? aut quid dicét? *G.* rogas?

25

Quot rés post illa mónstra evenerũnt mihi?

Intróit in aedis áter alienús canis:

Anguis in inplavinũ decídít de tégulis:

Gallina cecinit: interdixit háriolos:

Arúspex vetuit: ánte brumiam autém novi

Negóti nihil incípere causa est sónticá.

30

Haec fient. *A.* ut modo fiant. *G.* fient: mé vide.

Pater éxit: abi, dic, ésse argentum Phaédriae.

ACTUS IV. SCENA V.

DEMIPHO. GETA. CHREMES.

D. Quiétus esto, inquam: égo curabo, né quid verborũ dait.

Hoc témere numquam amittam ego á me, quia mihi testis

ádhibeamr:

Cui dém, quámobrem dem, cómmemorabo. *G.* ut cáutus est,

ubi nihil opus 'est!

C. Atqui ita opus facto est, ét mature, dũm libido eadẽm haec

manet:

Nam si áltera illaec mágis instabít, fórsítam nos reſciat.

5

G. Rem ipsám putasti. *D.* dúc me ad eũ ergo. *G.* nón mo-

ror. *C.* ubi hoc égeris,

Transíto ad uxórẽm meam, ut convéniat hanc prius, quam

hũc abít.

Dicát, eam dare nos Phórmioni núptum, ne suscéneat:
Et mágis esse illam idóneum, ipsi qui sít familiárior:
Nos nóstro officio níl degressos: quántum is voluerít dari, 10
Datum ésse dotis. D. quid tuar, malum, id réfert? C. magni,
Démipho.

Non sátis ést, tuum te officium facere, fáma si id non ádprobat:
Volo ipsius quoque voluntáte haec fieri, né se ejectam praédicet.
D. Idem égo istuc facere póssum. C. mulier múlteri magis cóngruet.
D. Rogábo. C. ubi ego illas núnc iam reperíre possim, cógito. 15

ACTUS IV. SCENA VI. [B. V, I.]

SOPHRONA. CHREMES.

S. Quid agam? quem mi amicum misera invéniam, quo consília haec referam, aut

Unde mi auxiliúm petam?

Nám vereor, era ne ób meum suasum indígne injuria ádficiatur:
Íta patrem adulescéntis facta haec tólerare audió violenter.

C. Nám quae haec anus est, éxanimata a fratre quae egres-
sá 'st meo? 5

S. Quod ut fácerem, egestas me impulít; cum scírem, infir-
mas núptias

Hasce ésse: ut id consúlerem, ínterea víta ut in tutó foret.

C. Cérte edepol, nisi me ánimus fallit, aut parum prospiciunt oculi,
Meae nutricem gnátæ video. S. néque ille investigátur. C.
quid ago?

S. Qui éjus pater est. C. ádeo? an maneo, dum, haec quæ lo-
quitur, mágis cognosco? 10

S. Quód si cum núnc reperíre possim, níl est, quod vereár.
C. ea 'st ipsa.

Cónloquar. S. quis hic lóquitur? C. Sophrona. S. ét meum
nomen nóminat?

C. Réspice ad me. S. di, óbsecro vos, éstne hic Stílpho? C. nón.
S. negas?

C. Cóncede hinc a fóribus paulum istórum sodes, Sóphrona.
Ne me istoc posthac nómine appellássis. S. quid? non, ób-
secro, es, 15

Quem sémper te esse díctitasti? C. 'st. S. quid has metuis fóres?

C. Conclúsam hic habeo uxórem saevam, vérum istoc me nómine
Eo pérperam olim díxi, ne vos fórté imprudentés foris
Effútiretis; átque id porro aliqua úxor mea reascéret.

S. Istoc pot nos te hic ínvenire miseræ namquam pótuimus. 20

C. Eho díe mihi, quid rei tibi est cum fámmia hac, unde éris?

Ubi illae? S. miseram me, C. hém, quid est? vivútnæ? S.
vivít gnáta.

Matrem ipsam ex aegritudine miseram mors consecuta est.

C. Male factum. S. ego autem, quae essem anus deserta, egens, ignota,

Ut potui, nuptum virginem locavi huic adulescenti, 25

Harum qui est dominus aedium. C. Antiphonine? S. isti inquam ipsi.

C. Quid? duasne is uxores? S. au, obsecro, unam illo quidem hanc solam.

C. Quid illam alteram, quae dicitur cognata? S. haec ergo 'st. C. quid ais?

S. Compositio factum 'st, quo modo hanc amans habere posset Sine dote. C. di vestram fidem, quam saepe forte temere 30

Eveniant, quae non audeas optare? offendi adveniens,

Quicum volebam atque ut volebam filiam locatam:

Quod nos ambo opere maximo dabamus operam ut fieret,

Sine nostra cura maxuma, sua cura haec sola fecit.

S. Nunc, quid opus facto sit, vide. pater adulescentis venit: 35

Eumque animo iniquo hoc oppido ferre ajunt. C. nil periculi 'st.

Set per deos atque homines, meam esse hanc cave reaciscat quisquam.

S. Nemo ex me scibit. C. sequere me: intus cetera audiemus.

ACTUS V. SCENA I.

[B.V.,2.]

DEMIPHO. GETA.

D. Nostrapte culpa facimus, ut malis expediat esse:

Dum nimium dici nos bonos studemus et benignos.

Ita fagias ne praeter casam, quod ajunt. nonne id sat erat,

Accipere ab illo injuriam? etiam argentum 'st ultro obiectum:

Ut sit, qui vivat, dum aliud aliquid flagiti conficiat. 5

G. Plurissimum. D. iis nunc praemium est, qui recta prava faciant.

G. Verissime. D. ut stultissime quidem illi rem gesserimus.

G. Modo ut hoc consilio possiet discedi, ut istam ducat.

D. Etiam idne dubium 'st? G. haut scio hercle, ut homo 'st, an mutet animum.

D. Hem, mutet autem? G. nescio: verum, si forte, dico. 10

D. Ita faciam, ut frater censuit, ut uxorem huc ejus adducam:

Cum ista ut loquatur. tu, Geta, abi prae: nuntia hanc venturam.

G. Argentum inventum 'st Phaédriae: de jurgio siletur:

Provisum est, ne in praesentia haec hinc abeat: quid nunc porro?

Quid fiet? in eodem haesitas luto: vorsura solvis. 15

Praesens quod fuerat, in diem malum abiit: plagae crescunt,

Nisi prospicis. nunc hinc domum ibe; ac Phanium edocebo,

Ne quid vereatur Naustratam, neque eius orationem.

ACTUS V. SCENA II.

[B. V. 3.]

DEMIPHO. NAUSISTRATA. CHREMES.

D. Agedum, ut soles, Nausistrata: fac, illa ut placetur nobis, Ut sua voluntate id, quod est faciundum, faciat. *N.* faciam.

D. Pariter nunc opera me adiuvas, ac re dudum opitulata es. *N.* Factum volo: ac pol minus queo viri culpa, quam me dignum 'st.

D. Quid autem? *N.* quia pol mei patris bene parva indiligenter 5 Tutatur: nam ex iis praediis talenta argenti bina

Capiēbat statim: hem vir viro quid praestat? *D.* bina quaeso?

M. Ac rebus vilioribus, tamen duo talenta. *D.* hui.

N. Quid haec videntur? *D.* scilicet. *N.* virum me natum vellem: Ego ostenderem. *D.* certo scio. *N.* quo pacto. *D.* parce sodes, 10 Ut possis cum illa; ne te adulescens mulier defetiget.

N. Faciam, ut jubes: set meum virum abs te exire video. *C.* chem, Demipho,

Iam illi datum est argentum? *D.* curavi sileo. *C.* nollam datum. Ei, video uxorem: paene plus, quam sat erat. *D.* cur nollas, Chreme?

C. Iam recte. *D.* quid tu? ecquid locutus cum ista es, quamobrem hanc ducimus? 15

C. Transigi. *D.* quid ait tandem? *C.* abduci non potest. *D.* qui non potest?

C. Quia uterque utrique est cordi. *D.* quid istuc nostra? *C.* magui: praeter haec,

Cognatam comperi esse nobis. *D.* quid? deliras. *C.* sic erit:

Non temere dico: redii mecum in memoriam. *D.* satin sanus es? *N.* Au obsecro, cave ne in cognatam pecces. *D.* non est. *C.* ne nega: 20

Patris nomen aliud dictum est: hoc tu errasti. *D.* non norat patrem?

C. Norat. *D.* cur aliud dixit? *C.* numquamne hodie concedes mihi, Neque intelleges? *D.* si tu nil narras. *C.* pergis? *N.* miror, qui hoc siet.

D. Equidem hercle nescio. *C.* vin' scire? at ista me servet Iuppiter,

Ut propior illi, quam ego sum ac tu, homo nemo 'st. *D.* di vostram fidem: 25

Eamus ad ipsam: una omnis nos aut scire aut nescire hoc volo. *C.* ah.

D. Quid est? *C.* itan' parvam mihi fidem esse apud te? *D.* vin' me credere?

Vin' satis quaesitum mi istuc esse? ago, fiat. quid? illa filia Amici nostri quid futurum 'st? *C.* recte. *D.* hanc igitur mittimus?

*C. Quidai? D. illa maneat? C. sic. D. ire igitur tibi licet,
Nausistrata.* 30

*N. Sic pól commodius ésse in omnis árbitror, quam ut coéperas,
Manére hanc; nam perlíberalis vísa 'st, cum vídí, mihi.*

D. Quid istúc negoti 'st? C. jámne operuit óstium? D. jam.

C. o Iúppiter,

*Di nós respiciunt: gnátam inveni néptam cum tuo filio. D. hem,
Quo pácto id potuit? C. nón satis tutus ést ad narrandum híc
locus.* 35

D. At tu intro abi. C. heus, ne filii quidem nóstri hoc resciscánt, volo.

ACTUS V. SCENA III.

[B.V, 4.]

ANTIPHO.

Laetús sum, ut meae res sése habent, fratri óptigiase, quód volt.

Quam scítam 'st, ejusmodi parare in ánimo cupiditátes,

Quas, cúm res advorsaé sient, pauló mederi póssis?

Hic símul argentum répperit, curá sese. expédit:

Ego nullo possum rémedio me evólvere ex his túrbis: 5

Quin, si hóc celetur, in metu; sin pátesit, in probró sim.

Noque mé domum nunc réciperem, ni mi éstet spes osténta

Hujúsce habendi. sét ubinam Getam íavénire póssim?

Rogem, quód conveniundí patris me témpus capere júbeat.

ACTUS V. SCENA IV.

[B.V, 5.]

PHORMIO. ANTIPHO.

P. Argéntum accepi, trádidi lenóni: abduxi múlierem:

Curávi, propria ea Phaédria ut poterétur: nam emissó ést manu.

Nunc úna mihi res étiam restat, quae ést conficiunda; ótium

Ab sénibus ad potándum ut habeam: nam áliquot hos sumám dies.

*A. Set Phórmio 'st: quid áis? P. quid? quidnam núnc factu-
rus 'st Phaédria?* 5

Quo pácto satietátem amoris áit se velle absúmere?

P. Vicíssim partis tuas acturus 'st. A. quas? P. uti fugitét patrem:

Te suas rogávit rúrsum ut ageres; cáusam ut pro se dicerés.

Nam pótatusus ést apud me. ego me íre senibus Súnium

*Dicam ad mercatum, ancillulam emptum, dúdam quam dixit
Geta:* 10

Ne cum híc non videant mé, conficere crédant argentúm suum.

Set óstium concrepuit abs te. A. víde, qui egrediatur. P. Geta 'st.

ACTUS V. SCENA V.

[B.V, 6.]

GETA. ANTIPHO. PHORMIO.

G. O' fortuna, o fórs fortuna, cuántis commoditátibus,

Quám desubito ero A'ntiphoni ope vóstra hunc onerastís diem?

A. Quidnam hic sibi volt? G. nósque amicos eius exonera-
stís metu?

Sét ego nunc mihi césso, qui non úmerum hanc onero pállio;
A'tque hominem propéro invenire: ut haéc, quae contigerint,
sciat. 5

A. Núm tu intellegís, quid hic narret? P. núm tu? A. nil. P.
tantándem ego.

G. A'd lenonem hinc ire pergám: ibi núnc sunt. A. heus, Geta.
G. ém tibi!

Núm novom aut mirúm 'st revocari, cúrsu cum institerís?
A. Geta.

G. Pérgin'? hercle númquam hodie odio tú me vinctes. A.
nón manes?

G. Vápula. A. id quidem tibi jam fiet, nísi resistis, vérbero. 10

G. Fámiliariórem oportet ésse hunc: minitatur malum.

Sét isne est, quem quaero, án non? ipseus 'st. cóngredere acta-
túm. A. quid est?

G. O ómnium, quantum ést, qui vivont, hóminum homo or-
natíssime:

Nám sine controversia ab dis sólus diligere, A'ntipho.

A. I'ta velim: set, qui istuc credam ita ésse, mihi dici velim. 15

G. Sátin' est, si te délibatum gaudio reddo? A. énicas.

P. Quin tu hinc pollicitátiones aufer, et quod férs, cedo. G. eh.
Tú quoque aderas, Phórmio? P. aderam: sét tu cessas? G.

G. áccipe, em,

U't modo argentúm tibi dedimus ápuđ forum, recta ad Chremem
Súmus profecti: intérea mittit érus me ad uxorém tuam. 20

A. Quámobrem? G. omitto prólequi: nam níhil ad hanc rem
est, A'ntipho:

U'bi in gynaécium ire occipio, púter ad me accurrít Mida:

Póne adprehendit pállio, resupínat: respició: rogo,

Quámobrem retineát me: ait, esse vétitum intro ad eram accédere.

Sóphrona modo frátre huc, inquit, sénis introduxít, Chremem: 25

Eúmque nunc esse íntus cum illis: héc ubi ego audivi, ad fores

Súspenso gradu placide ire pérrexi: accessi: ástíti:

A'nimam compressi: aúrem admevi: ita ánimam coepi attendere,

Hóc modo sermónem captans. A. eú, Geta. G. hic pulchérrimum

Fácinus audivi: itaque paene hercle éxclamavi gaudio. 30

A. Quód? G. quodnam arbitráre? A. nescio. G. átqui miri-
ficíssimum:

Pátruus tuus est páter inventus Phánio, uxori tuae. A. hem,

Quíd ais? G. cum ejus consuevit olim mátre in Lemno oláncatam.

Ph. Sómniúm: utn' haec ignoraret suúm patrem? G. aliquid
crédite,

Phórmio, esse causas: set me cēsen' potuisse ómnia 33
 Intellegere extra óstium, intus quae inter sese ipsi égerint?
A. A'tque hercle ego quoque illam inaudivi fábulam. *G.* immo
 etiám dabo,
 Quó magis credas: pátrus interea inde húc egreditúr foras:
 Haút multo post cúm patre idem récipit se intro denuo:
 A'it uterque, tibi potestatem eius habendi sé dare: 40
 Dénique ego sum missus, te ut requírerem atque addúcerem. *A.* em,
 Quín ergo rape mé: quid cessas? *G.* fépero. *A.* o mi Phórmio,
 Vále. *P.* vale, Antiphó: bene, ita me dí ament, factum. gaúdeo

ACTUS V. SCENA VI.

[B. V, 7.]

PHORMIO.

Tantám fortunam de inproviso esse his datam.
 Summa élundendi occasio 'st mi nūc senes.
 Et Phaédriae curam ádimere argentáriam;
 Ne cuiquam suorum aequalium suppléx siet.
 Nam idem hóc argentum, ita út datum 'st, ingrátis 5
 Ei dátum erit: hoc qui cógam, re ipsa répperi.
 Nunc géstus mihi voltúsque est capiundús novos.
 Set hinc concedam in ángiportum hoc próximum:
 Inde hisce ostendam me, úbi erunt egressi foras.
 Quo me ádsimularam ire ád mercatum, nón eo. 10

ACTUS V. SCENA VII.

[B. V, 8.]

DEMIPHO. PHORMIO. CHREMES.

D. Dis mágnas merito grátias habeo átque ago,
 Quando évenere haec nóbis, frater, próspero.
 Quantúm potest, nunc cóveniundus Phórmio est,
 Priusquám dilapidat nóstras trigintá minas,
 Ut auferamus. *P.* Démiphonem, si domi est, 5
 Visam: út quod — *D.* at nos ád te ibamus, Phórmio.
P. De eadem hác fórtasse causa. ita hercle crédidi.
 Quid ád me ibatis? ridiculum: an verémini,
 Ne nón id facerem, quód recepissém semel:
 Heus, quánta quanta haec méa paupertas ést, tamen 10
 Adhúc curavi unum hóc quidem, ut mi essét fides.
C. Estne ita, uti dixi, libéralis? *D.* óppido.
P. Idque ádeo advenio nuntiátum, Démipho,
 Parátum me esse: ubi vóltis, uxorem date.
 Nam omnis posthabui mihi res, ita uti pár fuit, 15
 Postquám, tantopere id vós velle, animadvérteram.
D. At híc dehortatus ést me, ne illam tibi darem:

Nam qui erit rumor pópuli, inquit, si id féceris?

Olim cum honeste pótuit, tum non ést data:

Nunc víduam extrudi túrpe 'st: ferme eadem ómnia,

20

- Quae túte dudum córam me incusáveras.

P. Satis pól superbe inlúditis me. D. qui? P. rogas?

Quia ne álteram quidem illam potero dúcere:

Nam quó redibo ore ad eam, quam contémpserim?

C. Tum autem A'ntiphonem vídeo ab sese amittere

25

Invítum eam: inque. D. tum autém video filium

Invítum sane múlcerem ab se amittere.

Set tránsi sodes ad forum, atque illúd mihi

Argéntum rursum júbe rescíbi, Phórmio.

P. Quodne égo discripsi pórro illis, quibus débui?

30

D. Quid ígitur fiet? P. sí vis mi uxorem dare,

Quam déspondisti, dúcam: sin est, út velis,

Manére illam aput te, dós hic maneat, Démipho.

Nam nón est aequom, mé propter vos décipi:

Cum ego vóstri honoris cáusa repudium álterae

35

Remiserim, quae dótis tantundém dabat.

D. In' hinc málam rem cum istac magnificéntia,

Fugítive? Etiamnum crédis, te ignorárier,

Aut túa facta adeo? P. inrítor. D. tune hanc dúceres,

Si tibi data esset? P. fác periculum. D. ut filius

40

Cum illa hábitet aput te, hoc vóstrum consiliúm fuit.

P. Quaeso, quid narras? D. quín tu mi argéntum cedo.

P. Immo véro uxorem tú cedo. D. in jus ámbula.

P. Enimvéro si porro ésse odiosi pérgitis,

D. Quid fácies? P. egone? vós me indotatis modo

45

Patrócínari fórtasse arbitrámini:

Etiám dotatis sóleo. C. quid id nostrá? P. nihil.

Ilic quándam noram, cuius vir uxorem — C. héu. D. quid est?

P. Lemni hábuít aliam: C. nállus sum. P. ex qua filiam

Suscépit: et eam clam éducat. C. sepúltus sum.

50

P. Haec ádeo ego illi jáu denarrabo. C. óbsecro,

Ne fácias. P. oh, tune ís eras? D. ut ludós facit.

C. Missúm te facimus. P. fábulac. C. quid vís tibi?

Argéntum, quod habes, cóndonamus te. P. aúdio.

Quid vós, malum, ergo mé sic ludificámini,

55

Inépti vostra púerili senténtia?

Noló, volo: volo, nólo rursum: cápe, cedo:

Quod díctum, indíctum 'st: quód modo ratum erat, inrítum 'st.

C. Quo pácto aut unde haec híc rescívít? D. néscio,

Nisi mé dixisse némini, id certó scio.

60

C. Monstri, íta me dí ament, símile. P. injeci scrúpulum. D. héu,

Hicíne ut a nobis tántum hoc argénti aúferat,

- Tam apérte inridens? émeri hercle sátius est:
 Animó virili praesentique ut sis, para.
 Vidés, peccatum tuum hóc esse elatúm foras: 63
 Neque jám celare id pósse te uxerém tuam:
 Nunc, quód ipsa ex aliis áuditura sit, Chreme,
 Id nósmet indicáre placabílius est.
 Tum hunc inpuratum póterimus aestró modo
 Ulcisci. *P.* atattat, nísi mī prospicio, haéreo. 70
 Hi gládiatorio ánimo ad me adfectánt viam.
C. At véreor, ut placári possit. *D.* bóno animo es.
 Ego rédigam vos in grátiam; hoc fretús, Chreme,
 Cum e médio excessit, únde haec susceptá 'st, tibi.
P. Itane ágitis mecum? sáti astute. adgrédimini. 75
 Non hércle ex re istius me instigasti, Démipho.
 Ain' tu? úbi, quae lubitum fúerit, peregre féceris,
 Neque huius sis veritus faéminae primáriae,
 Quin nóvo modo eji fáceres contuméliam;
 Veniás mihi precibus laútum peccatúm tuum? 80
 Hisce égo illam dictis ita tibi incensám dabo,
 Ut né restinguas, lácrumis si extilláveris.
D. Malúm, quod isti dí deaeque omnes duint.
 Tantáne adfectum quémquam esse hominem audácia?
 Non hóc publicitus scélus hinc deportárier 85
 In sólas terras? *C.* In id redactus sūm loci,
 Ut, quíd agam, ex illo prorsus nesciam. *D.* égo scio:
 In jús eamus. *P.* In jus? huc, si quíd lubet.
D. Adséquere ac retine, dūm ego huc servos évoco.
C. Enim sólus nequeo: accúrre huc. *P.* una injúria 'st 90
 Tecúm. *C.* lege agito ergo. *P.* áltera est tecúm, Chreme.
D. Rape hūne. *P.* itan' agitis? énimvero vocé 'st opus:
 Nausístrata, exi. *C.* os ópprime. *D.* impurúm vide,
 Quantúm valet. *P.* Nausístrata, inquam. *C.* nón taces?
P. Taceám? *D.* nisi sequitur, púgnos in ventrem íngere. 95
P. Vel óculum exculpe: est, úbi vos ulciscár probe.

ACTUS V SCENA VIII.

[B.V,9.]

NAUSISTRATA. CREMES. PHORMIO. DEMIPHO.

- N.* Qui nóminat me? *C.* hem. *N.* quíd istuc turbae 'st óbsecro,
 Mi vír? *P.* ehem, quid nunc óbstopuisti? *N.* qui híc homo 'st?
 Non mīhi respondes? *P.* hícine ut tibi respóndeat?
 Qui hércle, úbi sit, nescit. *C.* cáve isti quicquam créduas.
P. Abi, tángē: si non tótus friget, me énica. 5
C. Nihil ést. *N.* quid ergo est, quód istic narrat? *P.* jám scies:
 Auscúlta. *C.* pergin' crédere? *N.* quid ego, óbsecro,

Huic crédam, qui nil dixit? *P.* delirát miser

Timóre. *N.* non pol témere 'st, quod tu tám times.

C. Egon' timeo? *P.* recte sáne: quando nil times, 10

Et hoc níhil est, ego quod dico, tu narrá. *D.* scelus,

Tibi nárret? *P.* eho tu, fáctum 'st abs te sédulo

Pro fratre. *N.* ná vir, nón mihi dicis? *C.* át *N.* quid at?

C. Non ópus est dicto. *P.* tibi quidem: at scito huic opus 'st.

In Lémno — *C.* hem, quid agis? *D.* nón taces? *P.* clam te.

C. ei mihi! 15

P. Uxórem duxit — *N.* mí homo, di meliús duint.

P. Sic fáctum 'st. *N.* perii misera. *P.* et inde fíliam

Suscépit jam unam, dúm tu dormis. *C.* quid agimus?

N. Pro di inmortales, fácinus indignum ét malum.

D. Hoc áctum 'st. *P.* an quicquam hódie est factum indignius? 20

Qui mi, úbi ad uxores véntum 'st, tum fiúnt senes.

N. Démipho, te appélló? nam me cum isto distaedét loqui.

Haéc illae erant itiónes crebrae et mánsiones diútinae

Lémni? haecine erat éa, quae nostros mínuit fructus, vílitas?

D. Ego, Nausistrata, ésse in hac re culpam meritum nón nego; 25

Sét ea quin sit ignoscenda. *P.* vérba fiunt mórtuo.

D. Ná neque neglegéntia tua, néque odio id fecit tuo.

Vínolentus fére abhinc annes quíndecim muliérculam

Eám compressit, únde haec nata 'st: néque postilla unquam áttigit.

E'a mortem obiit, é medio abiit: qui fuit in re hac scrúpulus. 30

Quámobrem te oro, ut ália tua sunt fácta, aequo animo et hóc feras.

N. Quid ego aequo animo? cúpio misera in hac re jam defúngier,

Sét qui sperem? aetáte porro mínus peccaturúm putem?

Nón jam tum erat sénex, senectus sí verecundós facit?

A'n mea forma atque aétas magis nunc éxpetenda 'st, Démipho? 35

Quíd mi hic adfers, quámobrem exspectem aut spérem, porro

nón fore?

P. E'xsequias Chreméti quibus est cómmodum ire, em tém-
pus est.

Síc dabo: age nunc, Phórmionem, qui volet, lacéssito:

Fáxo eum talí mactatum, atque híc est, infortúnio.

Rédeat sane in grátiam: jam súplici satis ést mihi, 40

Hábet haec, eji quód, dum vivat, úsque ad aurem oggánniat.

N. A't meo merito crédo: quid ego núnc commemorem, Démipho,

Síngulatim, quális ego in hunc fúerim? *D.* novi aequé ómnia

Técum. *N.* merito hoc meó videtur fáctum? *D.* minime géntium:

Vérum, quando jam áccusando fieri infectum nón potest, 45

I'gnosce orat; cónstitur; púrgat: quid vis ámplius?

P. E'nimvero, priusquam haéc dat veniam, míhi prospiciam
et Phaédriae.

TERENTIUS.

Q

182 TERENT. PHORM. ACTUS V. SCENA VIII.

Heús, Nausistratá, priusquam huic respóndes temere, audí. *N.* quid est?

P. Ego minas triginta per fallácias ab isto ábetuli.

Eás dedi tuo gnáto. is pro sua amíca lenoní dedit. 50

C. Hém, quid ais? *N.* adeón' indignum hoc tibi videtur, filius,

Hómo adulescens, sí habet unam amícam, tu uxorés duas?

Níl pudere? quo óre illum objurgábis? respóndé mihi.

D. Fáciét, ut volés. *N.* immo ut meum jám scias senténtiam:

Néque ego ignosco, néque promitto quícquam, neque respóndeo, 55

Priusquam gnatum videro: ejus judício permitto ómnia.

Quód is jubebít, fáciám. *D.* mulier sápiens es, Nausistrata.

N. Sátin' tibi est, Chreme? *C.* immo vero púlchre discedo
ét probe,

Ét praeter spem. *N.* tú tibi nomen díe quod est? *P.* min'?

Phórmio:

Vóstrae familiae hércle amicus, ét tuo summus Phaédriae. 60

N. Phórmio, at ego ecástor posthac tibi, quod potero et quae
voles,

Fáciámque et dicám. *P.* benigne dícis. *N.* pol meritám 'st tñm.

P. Vín' primum hodie fácere, quod ego gaúdeam, Nausistrata,

Ét quod tuo viro óculi doleant? *N.* cúpio. *P.* me ad cenám voca.

C. Pól vero voco. *D.* cámus intro hinc. *G.* fiat? set ubi est
Phaédria, 65

Iúdex noster? *P.* jam híc faxo aderít. Vós valeté et plaúdite.

DE P. TERENTII AFRI VITA ET COMOEDIIS.

„*Publius Terentius Afer, Carthagine natus, servivit Romae Terentio Lucano Senatori, a quo ob ingenium et formam non institutus modo liberaliter, sed et mature manumissus est. Quidam captum esse existimant, quod fieri nullo modo potuisse Fenestella docet, quum in fine secundi belli Punici et ante initium tertii natus sit et mortuus; nec, si a Numidis aut Gaetulis captus sit, ad ducem Romanum pervenire potuisset, nullo commercio inter Italicos et Afros, nisi post deletam Carthaginem, coepto. Hic cum multis nobilibus familiariter vixit, sed maxime cum Scipione et cum Laelio, quibus etiam corporis gratia conciliatus existimatur, quod et ipsum Fenestella arguit, contendens utroque majorem natu fuisse, quamvis Cornelius Nepos aequales omnes fuisse tradat, et Porcius suspicionem de consuetudine per haec faciat:*

„*Dum lasciviam nobilium et fucosas laudes petit,
Dum Africani vocem divinam inhiat avidis auribus,
Dum ad Furium se coenitare et Laelium pulchrum putat,
Dum se amari ab hisce credit, crebro in Albanum rapi
O'b florem aetatis suae: ad summam inopiam redactus est.
Itaque e conspectu omnium abiit Graeciam in terram ultimam.
Mortuus est in Stymp halo, Arcadiae oppido. Nil Publius
Scipio profuit, nihil ei Laelius, nil Furius,
Tres per idem tempus qui agitabant nobiles facillime;
Eorum ille opera ne domum quidem habuit conductitiam,
Saltem ut esset, quo referret obitum domini servulus.“*

Scriptis comoedias sex; ex quibus primam *ANDRIAM* cum Aedilibus daret, iussus ante Caecilio recitare, ad coenantem cum venisset, dictus est, initium quidem fabulae, quod erat contentemire vestitu, subsellio iuxta lectulum residens legisse; post paucos vero versus, invitatus, ut accumberet, coenasse una, deinde caetera percurrisse non sine magna Caecilii admi-

ratione. Et hanc autem et quinque reliquas aequaliter populo probavit. Quamvis Volcatius de enumeratione omnium scribat:

„Sumetur *HECYRA* sexta ex his fabula.“

EUNUCHUS quidem bis*) acta est, meruitque pretium, quantum nulla antea cujusquam comoedia, id est, octo millia nummum; propterea summa quoque titulo adscribitur: nam *ADELPHORUM* principium Varro etiam praefert principio Menandri.

Non obscura fama est, adjutum Terentium in scriptis a Laelio et Scipione, quibuscum familiariter vixit. Eamdem ipse auxit; numquam enim, nisi leviter, se tutari conatur, ut in Prologo *Adelphorum*:

„Nam quod isti dicunt malevoli, homines nobiles

Eum adjuvare, adstidueque una scribere:

Quod illi maledictum vehemens esse existunt,

Eam laudem hic ducit maxumam, cum illis placet,

Qui vobis universis et populo placent,

Quorum opera in bello, in otio, in negotio,

Suo quisque tempore usus 'st sine superbia.“

Videtur autem se levius defendisse, quia sciebat, Laelio et Scipioni non ingratam esse hanc opinionem; quae tamen magis et usque ad posteriora tempora valuit. Q. Memmius in oratione pro se ait: „P. Africanus, qui, a Terentio personam mutuatus, quae domi luserat ipse, nomine illius in scenam detulit.“ Nepos auctore certo comperisse se ait, C. Laelium quondam in Puteolano Kalend. Martii admonitum ab uxore, temporius ut discumberet, petiisse ab ea, ne interPELLARETUR: serius tandem ingressum triclinium dixisse, non saepe in scribendo magis successisse sibi, deinde rogatum, ut scripta illa proferret, pronunciasse verus, qui sunt in *HEAUTON TIMORUMENO*:

„Satis pol proterve me Syri promissa huc induxerunt.“

Santra Terentium existimat, si modo in scribendo adjutoribus indiguerit, non tam Scipione et Laelio uti potuisse, qui tunc adolescentuli fuere, quam C. Sulpicio Gallo, homine docto, et qui Consularibus Ludis initium fecerit fabularum dandarum: vel Q. Fabio Labeone et M. Popillio, Consulari utroque ac poeta: ideo ipsum non juvenes designasse, qui se adjuvisse dicerentur, sed viros, quorum operam et in bello et in otio et in negotio populus sit expertus. Post editas comoedias nondum quintum atque trigesimum egressus annum, causa evitandae opinionis, quia videbatur aliena pro suis edere, seu percipiendi Graecorum instituta moresque, quos perinde exprimeret in scriptis, egressus urbe est, neque amplius rediit. De morte ejus Volcatius tradit:

*) al. adjiciunt: die.

„Sed ut Afer sex populo edidit comoedias,
Iter hinc in Asiam fecit: navim cum semel
Conscendit, visus numquam est. Sic vita vacat.“

Q. Consetius^{*)} redeuntem e Graecia periisse in mari dicit cum centum et octo fabulis conversis e Menandro. Caeteri mortuum esse in Arcadiae Stymphalo, sive Leucadia tradunt: Cn. Cornelio Dolabella, M. Fulvio Nobiliore-Coss. morbo implicitum acri, dolore ac taedio amissarum fabularum, quas in navi praemiserrat, ac simul fabularum, quas novas fecerat. Fuisse dicitur mediocri statura, gracili corpore, colore fusco. Reliquit filiam, quae post equiti Romano nupsit. Item hortulos viginti iugerum, via Appia ad Martis villam. Quo magis miror, Porcium scribere:

„nil Pablius

Scipio profuit, nihil ei Laelius, nil Furius,
Tres per idem tempus qui agitabant nobiles facillime.
Eorum ille opera ne domum quidem habuit conductitiam,
Saltem ut esset, quo referret obitum domini servulus.“

Hunc Afranius quidem omnibus Comicis praefert, scribens in Compitalibus:

„Terentio non similem dices quempiam.“

Volcatius autem non solum Naevio et Plauto et Caecilio, sed Licinio quoque postponit. Cicero in Limone hactenus laudat:

„Tu quoque, qui solus lecto sermone, Terenti,
Conversum expressumque Latina voce Menandrum
In medio populi sedatis vocibus effers,
Quicquid come loquens ac omnia dulcia dicens.“

Item C. Caesar:

„Tu quoque, tu in summis, o dimidiate Menander,
Poneris, et merito, puri sermonis amator.
Lenibus atque utinam scriptis adjuncta foret vis,
Comica ut aequato virtus polleret honore
Cum Graecis, neque in hac despectus parte jaceres!
Unum hoc maceror et doleo tibi deesse, Terenti.“

Haec Suetonius Tranquillus. Nam duos Terentios poetas fuisse scribit Metius: quorum alter Fregellanus fuerit, Terentius Libo, alter libertinus, Terentius, Afer patria, de quo nunc loquimur. Scipionis fabulas edidisse Terentium, Valgius in Actaeone ait:

„Hae quae vocantur fabulae, cujusne sunt?
Non has, qui jura populis recensens dabat
Honore summo affectus, fecit fabulas?“

Duae ab Apollodoro translatae esse dicuntur Comico, Phormio

*) Al. Cosconius.

et *Hecyra*; quatuor reliquae a Menandro, ex quibus magno successu et pretio stetit *Eunuchus*. *Hecyra*, saepe exclusa, vir acta est."

Pauca sunt, quae de vita Terentii tradita habemus, eaque ipsa magnam partem dubitatione infirmantur. Primum enim de scripti auctore non satis constat, qui fuerit, qui vitam narraverit, idque alii Suetonii, alii Donati opera factum esse censent. Suetonio Tranquillo Tanaquillus Faber^{*)}, Daceria, Cocquelines, Schmiederus, Osannus; Aelio Donato Erasmus, Muretus, Lindenbrogius, Zeunius, Bothius narrationem tribuerunt: sunt etiam, qui censeant, quod in reliquis Donati commentariis, idem in hac descriptione vitae Terentii factum esse, ut, a Donato primum conscripta, post additis aliorum opinionibus aucta sit, iique recte sensisse videntur: Gerh. Io. Vossius (de historicis Latinis I, 31) usque ad illa verba:

„Haec Suetonius Tranquillus"

Suetonii, non Donati esse censet: alii, quid statuant, aperte non professi sunt. Insunt praeterea in rebus narratis, quae parum verisimilia esse videantur, quod genus, quae de centenario numero e Menandro conversarum et in navigatione perditarum fabularum feruntur. Quae de consuetudine Terentii cum Scipione et Laelio narrantur, ea ad C. Laelium, Sapientis patrem, et ad P. Cornelium Scipionem Africanum, qui Hannibalem ad Zamam U. C. 550 vicit, quo bello captus Terentius Romam adductus fuerit (Orosius I. IV c. 19), referri solebant; verum, qui Scipionem triumphantem pileo capiti imposito sequebatur, Q. Terentius Culleo erat, civis Romanus (Liv. XXX, 45), qui praetor factus U. C. 565 ad quaestionem in L. Scipionem exercendam delectus est (Liv. XXXVIII, 55), neque ab iis in comoediis scribendis adjuvari poterat Terentius poeta, inter quos Scipio Africanus Major erat, qui U. C. 565 sive vicesimo primo anno ante Andriam editam Lâterni obiit. Quare Tanaquillus Faber prudenter instituit, quum ad Laelium Sapientem et ad P. Cornelium Scipionem Africanum, Minorem Aemilianum, qui U. C. 607 Carthaginem evertit, Terentii amicitiam pertinuisse putaret, quod idem temporum ratione verum esse evicit.

Verumenimvero quid nostra interest, de vita civili quot quantaque sciamus, quum non de vita civili, ut de cive, sed de poematis, ut de poeta, quaestio habenda sit, quaeque de literarum illius aetatis ratione comperimus, ea fere sufficiunt ad aestimationem Comoediarum Terentii instituendam.

Fenestella, qui „*novissimo Tiberii Caesaris principatu obiit*" (Plin. H. N. XXXIII, 52), et ab A. Gellio (XV, 25) et

^{*)} In Terentio a Cocquelines edito repetita sunt ejus verba.

Plinio (H. N. VIII, 7. VIII, 74 (48). IX, 30. XV, 1) saepe laudatus, semel tantum (Plin. H. N. IX, 59 (85)) bisve erroris arguitur, Terentium poetam in fine secundi belli Punici et ante initium tertii natum et mortuum esse docebat, fide Didascalliis ei confirmantibus, quae ab anno U. C. 586 a. Chr. 168 ad annum U. C. 592 a. Chr. 162 Terentii fabulas actas esse declarant. Quodsi Cn. Cornelio Dolabella, M. Fulvio Nobiliore Coss. obiit, U. C. 593 mortuus est. Hieronymus eum in Chronico Eusebiano Olymp. CLV, anno III, id est U. C. 601 obiisse dicit.

Ea vero aetas Romanae reipublicae simillima fuit ejus aetatis, quae post bella Persica inter Graecos orta est.

Bella ubi inter aliquem populum sedata sunt, remittuntur nervi, qui ad contentionem virium rerumpublicarum intenti erant; quodsi certamina laeto eventu terminata sunt, animi cura laxati a bellicosa industria ad otium convertuntur, et literarum et artium studiis ferocia populi frangitur. Quare repente Athenis post pugnam Salaminiam Tragoedia et Comoedia amicis et faventibus et colentibus celebrata, et Aeschyli, Sophoclis, Euripidis et Aristophanis opera ad summum perfectionis fastigium evecta est; philosophi paulo post fuerunt Socrates, Xenophon, Plato; Thucydides scripsit historiam; una eloquentia serius exstitit, quae Philippi et Alexandri aetate demum vires sumebat, quum Demosthenes audacia Macedonum coepta reprimere conaretur, tamquam si huic disciplinae destinatum fuerit, libertati Graeciae ad exsequias adesse, quae laudationem funebrem haberet.

Non multo secus Romae factum est post bellum Punicum secundum.

Romani, gens laboriosissima, nondum quidquam deliciarum luxuriae perceperant, quum belli Punici secundi discrimina eos hortarentur, ut nulli alii rei aequae studerent atque periculo a se amoliendo. Igitur intermiserunt, si quem Graecae elegantiae et cultioris vitae gustum ceperant, donec proelio ad Nolam facto quarto anno belli Punici secundi primum aliquantum a cladibus per Hannibalem acceptis respiraverunt. Quum propter detrimenta, quae bello experti fuerant, Romani consuescent, „satisfecisse sibi videri, ubi Hannibalem fugitando effugerint,” M. Claudius Marcellus, practor factus U. C. 536, „erubescere eos docuit cum clade servatos, pudere paulo inferiores relictos, dolere non victores.” (Plutarch. comp. Pelopidae c. Marcello 1.) Quam rerum Romanarum mutationem postquam perpetraverat, exinde factum est, ut in cum potissimum civium oculi intenti essent, ut ejus mores et exemplum imitarentur. Erat autem Marcellus „Graecarum literarum et elegantiae ita

*amans, ut, si qui in iis satis profecissent, eos et diligeret et admiraretur, ipse quidem, carens otio, non tantum in iis pro-
vectus, quantum eas discere et tractare cupiebat.*" (Plut. Marc. 1.) Tertium consul U. C. 538 M. Marcellus in Siciliam cum exercitu transiit et biennio post Syracusas vi cepit, quae defe-
cerant. Ibi primus Romanos suos ad mitiores usus belli erudi-
vit (Plut. Marc. XX), sed idem primus „ornamenta urbis, signa
tabulasque, quibus abundabant Syracusae, Romam devertit; ho-
stium quidem illa spolia, Livius ait (XXV, 40), et parta belli
jure, caeterum inde primum initium mirandi Graecarum artium
opera." Ab hoc tempore saepius a rerum scriptoribus artificiorum
mentio fit, quae ab expugnatis urbibus Romam asportata
fuerint. Ita de Eretria insulae Euboeae U. C. 554 a L. Quin-
ctio capta Livius (XXXII, 16) refert: „Pecuniae aurique et ar-
genti haud sane multum fuit: signa, tabulae praeae artis orna-
mentaque ejus generis plura, quam pro urbis magnitudine aut
opibus caeteris, inventa." Idem de T. Quinctio Flaminio,
qui Philippo, Macedonum rege, et Nabide, Lacedaemoniorum
tyranno, victis, Romam U. C. 558 triumpho ingressus est,
scribit (XXXIV, 52): *Triduum triumphavit. Die primo arma,
tela signaque aerea et marmorea transtulit, plura Philippo ad-
empta, quam quae ex civitatibus ceperat: — — — vasa multa
omnis generis, caelata pleraque, quaedam eximiae artis: et ex
aere multa fabrefacta; ad hoc clypea argentea decem.*" Post
bellum Macedonicum profligatum, quum Aetoli ab amicitia po-
puli Romani defecissent, societate cum Antiocho, rege Syriae,
conjuncti, M. Fulvius consul in Epiro Ambracienses obsessos
U. C. 563 in deditionem accepit. „Signa aenea marmoreaque
et tabulae pictae, quibus ornatio Ambracia (quia regia ibi
Pyrrhi fuerat), quam caeterae regionis ejus urbes erant, sublata
omnia avectaque." (Liv. XXXVIII, 9.) Biennio post U. C. 565
M. Fulvius ante diem decimum Kalend. Ianuar. de Aetolis et
de Cephallenia triumphavit. Ante currum signa aenea ducenta
octoginta quinque; signa marmorea ducenta triginta (Liv.
XXXIX, 5) lata sunt.

Graecae literae etiam ante bellum Punicum secundum par-
va quaedam initia Romae ceperant (Sueton. de illustr. Gramm.
I), nunc cum amore Graecorum artificiorum studium earum
conjunctum, post Philippum Macedonem et reliquam Graeciam
devictam latius manasse, indicio sunt studia, quae U. C. 597,
paulo post obitum Terentii poetae, exarserunt, quum Carneades
Academicus et Diogenes Stoicus et Critolaus Peripateticus, de-
lecti studiorum et philosophiae fama, ab Atheniensibus legati
venirent. Ii tanto studio Romanos incenderunt, ut frequentes
juvenes eos adirent, eosque publice audientes et admirantes

prosequerentur. (Freinshem. Supplem. Liv. XII, 24.) Erant quidem cives Romani, qui hanc morum mutationem odissent, veriti, ne, si quando juvenum industria ad has artes converteretur, facundiae famam gloriae praeferrent, quae praeclarè factis et bellica virtute paritur (Plut. Cato M. XXII. cf. Plin. H. N. VII, 31), sed ii, communi aetatis suae judicio victi, incassum nisi sunt. U. C. 565 luxuriae peregrinae origo ab exercitu Asiatico Romam invecta fuerat. „li primum lectos aeratos, vestem stragulam pretiosam, plagulas et alia textilia, et, quae tum magnificae suppellectilis habebantur, monopodia et abacos Romam advenierant. Tunc psalteriae sambucistriaeque et convivalia ludionum oblectamenta addita epulis: epulae quoque ipsae et cura et sumtu majore apparari coeptae“ (Liv. XXXIX, 6), et post Hispaniam, Africam, Graeciam et partem Asiae a Romanis devictam, eae divitiae Romam confluxerant, ut Romani U. C. 592 tributum pendere desierint (Freinsch. Supplem. Liv. XI, 40), et elegantiora quoque desideria explere potuerint. Otio abundare coeperant, postquam magis magisque ab urbe bella ad longinquiores terras recesserunt, quo otio ad oblectationes corporis alii, alii ad oblectationes mentis usi sunt. Disciplinae literarum, quae antea Athenis et Graece discebantur, nunc etiam Romae et Latine tradi coeptae sunt. Rhetoricam U. C. 591 Romae exerceri coeptam fuisse, ex senatus consulto hoc anno facto et edicto censorio apparet, quibus hanc artem facitare Romani vetiti sunt (Sueton. de clar. rhetor. I); studium artis Grammaticae primus Crates Mallotes in urbem sub ipsam Ennii mortem intulisse dicitur. (Sueton. de illustr. Grammat. II.) Nec singuli tantum et potentiores cives haec studia amabant, sed major pars populi Graeca artificia et Graecas literas in deliciis habebat (Plut. Marcel. 21). Quare magistratus plerique desiderio civium blanditi sunt, et quotannis fere urbs aedibus dedicatis, statuis signisque positis ornata est. Dies festi numero aucti sunt, et U. C. 558 ludi scenici ludis circensibus auctoritate publica aedilium curulium additi.

Ludi scenici U. C. 391 primam Romae originem ceperant (Liv. VII, 2). „Eo et insequenti anno pestilentia fuit, et quum vis morbi nec humanis consiliis nec ope divina levaretur, victis superstitione animis ludi quoque scenici, nova res bellicoso populo (nam circi modo spectaculum fuerat), inter alia coelestis irae placamina instituti dicuntur. Caeterum parva quoque (ut ferme principia omnia) et ea ipsa peregrina res fuit. Sine cormine ullo, sine imitandorum carminum actu ludiones ex Etruria acciti, ad tibicinis modos saltantes, haud indecoros motus more Tusco dabant. Imitari deinde eos juvenus, simul inconditis inter se jocularia fundentes versibus, coepere; nec ab-

soni a voce motus erant. Accepta itaque res saepiusque usurpando excitata. Vernaculis artificibus, quia hister Tusco verbo ludio vocabatur, nomen histrionibus inditum: qui non, sicut ante, Fescennino versu similem incompositum temere ac rudem alternis jaciebant; sed impletas modis saturas, descripto jam ad tibicinem cantu, motuque congruenti peragebant. Livius post aliquot annos, qui ab saturis ausus est primus argumento fabulam serere, (idem scilicet, id quod omnes tum erant, suorum carminum actor) dicitur, quum saepius revocatus vocem obtudisset, venia petita puerum ad canendum ante tibicinem quum statuisset, canticum egisse aliquanto magis vigente motu, quia nihil vocis usus impediebat; inde ad manum cantari histrionibus coeptum, diverbiaque tantum ipsorum voci relictæ.“ Hac Livii historici narratione discimus, Livium Andronicum poetam fuisse, qui primus artem scenicam via et ratione gradi docuerit, et, quum prius eadem actio histrionum inter poemata varii argumenti (*saturæ*) vagari soleret, primus ita instituerit, ut per eandem actionem unum et idem fabulae propositum teneretur. Idem sermones quidem, qui inter plures in scena simul inibantur (*diverbia*), unis histrionibus habendos reliquit, sed in soliloquiis, quae, quoniam dolore commotos animos fere exprimerent, cantu pronunciabantur (*cantica*), histrionis munera ita divisit, ut actio ab histrione, cantus vero a puero prope collocato perageretur. Idque anno fere U. C. 514 ita institutum est, quum C. Clodio Caeci F. M. Tuditano Cos. Livius Andronicus primus fabulam docuerit (Cic. Brut. 18). Post Livium Andronicum C. Naevius poeta fabulas ad spectandum proposuit, sed (ob bellum Punicum secundum credibile est) rei scenicae mutatio memorabilis non prius fiebat, quam U. C. 558 „*Megalesia*, ludos scenicos, C. Atilius Serranus, L. Scribonius Libo aediles curules primi fecerunt.“ (Liv. XXXIV, 54.)

U. C. 547 (quartusdecimus is annus belli Punici secundi fuit) in libris Sibyllinis carmen inventum fuerat: „*Quandoque hostis alienigena terrae Italiae bellum intulisset, eum pelli Italia vincique posse, si mater Idaea a Pessinuante Romam advecta foret.*“ (Liv. XXIX, 10.) Cui carmini ut satisfaceret, legati a Romanis Pergamum ad regem Attalum missi sunt, iique Pessinuntem in Phrygiam a rege deducti, sacrum lapidem, quam matrem Deum esse incolae dicebant, Romam proximo anno subsequente P. Sempronio M. Cornelio Coss. deportaverunt. „*In aedem Victoriae, quae erat in Palatio, Dea pridie Idus Aprilis perlata est, isque dies festus fuit. Populus frequens dona Deae in Palatium tulit, lectisterniumque et ludi fuere, Megalesia appellata.*“ (Liv. XXIX, 14.) Decimo anno post C. Atilius Ser-

ranus, L. Scribonius Libo aediles curules ludis Megalesiis seu Megalensibus ludos scenicos addiderunt, sine quibus antea acti fuerant. Ita Dukerus locam Livii supra adscriptum (Liv. XXXIV, 54) interpretatus est. Poterat fortasse Livianae narrationis etiam haec voluntas esse, ut ea indicaretur, ludos scenicos etiam ante Atilium Serranum et Scribonium Libonem aediles curules in Megalesiis factos esse, sed privato sumtu gregis alicujus histrionum, non legitimo et anniversario sumtu aedilium curulium, qui adhuc ludos circenses tantum curaverant, hujusque opinionis similem aliquam Lessingius quoque suscepisse videtur, qui in scripto suo de M. Accii Plauti vita et poematis (T. X p. 153 novissimae editionis) Plantum suspicatur priores suas fabulas privato et suo sumtu edidisse. Utrumcumque fuerit, et ludi scenici sive hoc anno, sive triennio post in dedicatione aedis Matris Magnae Idaeae, cujus rei Valerius Antias (Liv. XXXVI, 36) auctor est, auctoritate publica edi coepti fuerint, hoc quidem constat, quum primum poëtae et histrioni publica praemia proposita fuerint, rem scenicam mirum quantum artificio et studio auctam esse. Eodem anno U. C. 558 censores ludis Romanis aedilibus curulibus imperarunt, ut loca senatoria secernerent a populo, quum antea in promiscuo spectarent (Liv. XXXIV, 44), et imperio aediles obsequenti sunt (Liv. XXXIV, 54), quam legem ad ludos scenicos potissimum, non ad circenses spectasse, Lipsius docet ad Taciti Annalium XV, 32. Saepe per plures dies ludi scenici, quam circenses, fiebant. Ita U. C. 573 „*ludi scenici triduum post dedicationem templi Iunonis, biduum post Dianae, et singulos dies in circo*“ (Liv. XL, 52), et U. C. 579 „*scenici ludi per quatrimum, unum diem in circo*“ editi sunt (Liv. XLII, 10). M. Aemilius Lepidus U. C. 573 theatrum et proscenium ad Apollinis (Liv. XL, 51), Q. Fulvius Flaccus et A. Postumius Albinus censores U. C. 578 inter alia opera publica scenam aedilibus praetoribusque praebendam locaverunt (Liv. XLI, 27). Studia histrionalia, quae sub Imperatoribus legibus et edictis (Tacit. Ann. I, 16. I, 77. XI, 13) coercenda erant, etiam Plauti aetate gravia exarserant. Prologus Amphitruonis v. 64 sqq. id indicat:

Nunc hoc me orare a vobis jussit Iuppiter,
 Ut conquisitores singuli in subsellia
 Eant per totam caveam spectatōribus :
 Si cui fantores delegatos viderint,
 Ut his in cavea pignus capiantur togae.
 Sive qui ambissent palmam histrionibus,
 Seu cuiquam artifice, seu per scriptas litteras,
 Sive qui ipsi ambissent, seu per internuntium,
 Sive adeo aediles perfidiose quod dant,

Sirémpae legem jussit esse Iuppiter.

— — — — —

Hoc quoque etiam mihi in mandatis dedit,
 Ut conquisitores fierent histrionibus,
 Qui sibi mandassent, delegati ut plauderent,
 Quive, quò placeret alter fecissent minus,
 Eis órnamēta et còrium uti conciderent.

Igitur, quod in reliquis literis factum est, ut ad imitationem Graecorum Romani confugerent, idem in re scenica fiebat, et Plautus, Caecilius, Terentius auctores Graecos novae Comœdiae in patrium sermonem convertere solebant.

Quare ut accurate judicare possemus, de Comicis Latinis quid statuendum sit, Graeca *πρωτότυπα* nobis opus essent, ut ex iis intelligeremus, Latini quid de suo addiderint, quidve ex alieno sumserint. Sed Graece scripta novae Comoediae Fortuna nobis invidit*), ut vel veterum judicio nos confidere, vel in Latine scriptis aestimandis acquiescere oporteat, nulla fere Graecorum exemplarium ratione habita.

Exstant quidem de Comicis Latinis veterum Latinorum tria judicia imprimis famosa, Horatii, Quintiliani et A. Gellii. Horatius in prima epistola libri secundi, quum iniquam et ineptam opinionem Romanorum perstringit, qui prae antiquis poetis recentiores mirum quantum contemnant, nil nisi annorum auctoritatem in iis admirati, nullius fere, nisi poetae scenici, Ennii, Naevii, Pacuvii, Plauti, Caecilii, Terentii mentionem injicit. Se quidem non insectari,

delendave carmina Livii

esse, rerì,

sed emendata videri

Pulchraque et exactis minimum distantia,
 mirari. Ad quam sententiam infirmendam, quum iniqua esse videatur, praecipue hoc recordari debemus, Horatium in ea pronuntianda non iudicis, sed advocati munere functum esse, qui recentium poetarum causam contra veteres agat, in qua actione primum hoc eum causidicorum artificio usum esse videmus, ut, quum contra omnes fere poetas veteres se pugnaturum esse promisisset, impetum suum in unum tantum eumque maxime imbecillum direxerit, de quo victoria facillime reperitari potuerit. Nam etiamsi ab omnibus hoc confitendum fuerit, Livii poemata *parum emendata pulchraque* videri, tamen non illico sequebatur, Terentii quoque poemata eodem loco

*) Menandri et Philemonis reliquiae. Edidit Augustus Meineke. Berolini MDCCXXIII.

habenda esse, „quum etiam inter Terentium et Plautum, qui triginta annis non amplius inter se aetate distabant, iudicia, elegantia et emendata lingua non parvum aliquid interesse sentiantur.“ (Wieland ad Horat. Epist. II, 1 n. 12). Mox proxime sequentibus versibus Horatius accusationem suam ad duo argumenta restrinxit, raro in veteribus poetis *verbum decorum et versum paulo concinniores* emicare, quorum prius argumentum vix ad Terentium pertinere poterit, ejus quum elegantia et *ars* (Horat. ib.) ab omnibus fere laudata fuerit, quodsi quid reliquum sit, quod revera in hanc reprehensionem incurrere possit, temporum id magis, in quibus, et hominum, de quibus Terentius scripsit, quam poetarum vitio factum est, ipseque Horatius aetatem magis poetarum, quam ipsos poetas accusare voluisse videtur, quemadmodum a vituperatoribus novae poeseos propter aetatem suam laudati fuerant.

Aequius ipse iudicium Quintilianus (Institut. orator. X, 1 p. 227 ed. Bipont.) de Terentio tulit. „Maxime in Comoedia Romanos claudicare, licet Plautum, licet Caecilium veteres laudibus ferant; licet Terentii scripta ad Scipionem Africanum referantur, quae tamen sint in hoc genere elegantissima, et plus adhuc habitura gratiae, si intra versus trimetros stetissent.“ Sed in iudicio lato tam parum se intelligentem iudicem praebuit, ut suspicari possimus, verius eum de oratoribus, quam de poetis, praesertim scenicis, statuere potuisse, quum varietas versuum tantum absit, ut in vitio ponatur, ut eam infra, Bentleyi exemplum sequuti, inter laudes Terentii commemoraturi simus.

Auli Gellii iudicium, quod in ejus noctibus Atticis II, 22 scriptum habemus, ad Caecilium poetam potissimum pertinet, qui, etsi ab aliis (Vellej. Patere. I, 17) cum Terentio comparatur, a pluribus tamen ei postponitur. (Cic. ad Attic. VII, 3.) Quodsi inde etiam ad Terentium aliquid vituperationis permanet, compensatur id aliorum scriptorum veterum testimonio, a quibus Terentius laudibus effertur, exempli causa Varronis (fragment. ed. Bip. p. 345), Donati (ad Prolog. II Hecyrae), qui, quod Terentio semel, saepius Caecilio accidisse dicit, ut ejus fabulae non spectarentur.

Restat igitur, ut, quid de Terentio statuendum sit, ipsi videamus.

Terentius Graecos imitatus est.

Inter causas, quibus factum sit, ut spectacula comoediae minus aliquando, quam debebat, expetita et levioribus spectaculis (funambuli, gladiatorum prol. Hec.) posthabiti fuerint, Schlegelius (Histor. rei literariae in ejus Opp. T. I p. 105) imprimis hanc habet, quod peregrini mores Atheniensium, qui in comoediis

TERENTIUS.

R

adumbrari solebant, ad spectatores Romanos non potuerint non fringere et parum efficaces esse. Sed eam „calamitatem,“ quod non spectabantur, raro tantum comedias „oppressisse,“ studia declarant, quae maxima a Romanis suscepta esse, supra ostendimus, et Wielandius, rei scenicae maxime intelligens (ad Horat. Epist. II, 1 n. 25), vix aliunde, nisi a Graecis argumenta comœdiarum peti potuisse docuit, ita gravia itaque seria Romanos et sensitisse et egisse. Mores enim, priusquam Carthago deleta sit, majores Romanorum animos prodidisse, quam qui rideri potuerint, Carthagine deleta non ridiculos, sed detestabiles factos esse. Quare argumenta sua si Comicis Latinis vix de hominibus togatis petere licuit, unum iis restitit, ut vel ipsi peregrina argumenta invenirent, vel inventa et peregrino sermone proposita in vernaculum sermonem converterent. Ad finem poetarum illud, ad utilitatem spectatorum hoc magis appositum fuit. Numquam enim poeta Romanus Graecos mores tam callide exprimere poterat, quam ipse Graecus, et quum semel de Graecarum literarum praestantia opinio commota esset, populum Romanum credibile est a Graecis maluisse, quam a poetis Romanis inventa spectare, idque et tutius ad eventum et utilius ad suum commodum existimasse *). Quod majus est, aegre ferebant, si Graeca exemplaria non diligenter a suis exprimerentur, et ex duabus Graecis una fabula Latina fieret. Nam „contaminari non decere fabulas.“ (Andr. prol.).

Terentius igitur in Menandro et Graecis imitandis si ipse sibi constitit, non iniquo modo e Menandro pendens, et exemplaris sui, nisi omnes, plerasque certe virtutes adaequavit, meritam laudem inveniet.

Ipse sibi constitit non iniquo modo e Menandro pendens, nam ea licentia usus est, ut saepe in eadem fabula duo Menandri argumenta conjungeret, quod in Andria factum est, uti prologus testatur, idemque in Heauton timorumenos factum esse, interpretes sunt, qui opinantur. Sed ea licentia Terentii, quam modo ei laudi duximus, jam a Lucio Lanuvino, constante obrectatore Terentii, vitio versa, eademque a viris quoque nostrae aetatis vituperata est. Lucius Lanuvianus ita egit, quod aegre ferebat, si fabulae contaminarentur, nec diligenter e Graecis exprimerentur; Diderot (de la poésie dramatique, œuvres T. III Amsterdam 1772, p. 240) non placet, ut duo negotia („intrigues“) eadem fabula conjungantur. Lucii Lanuvini opinionem vix opus est refellere, Trancogallorum praeceptum, quod ex Aristotele sibi

*) Donatus praefat. in Adelphos: „non statim intelligeretur, Menandri esse, quod Terentius imprimis lectorem scire cupit, minus existimans laudis proprias scribere, quam Graecos transferre.“

sumsisse videbāntur, ut in eadem fabula „*una res agatur*“ a Lessingio (de M. Accio Plauto T. X p. 277 sqq.) et ab A. G. Schlegelio (de rebus literisque scenicis T. II p. 84 sqq.) confutatum est. Aristoteles de arte poetica c. VII (Hermannio interprete) praecipit: „*Positum nobis est, tragoediam perfectae et integrae actionis imitationem esse, habentis aliquam magnitudinem. Potest enim integrum aliquid esse neque habere magnitudinem. Integrum autem est, quod habet initium et medium et finem. Initium est, quod ipsum quidem necessario non est post aliud quid, sed post quod aliud esse vel fieri solet. Finis contrarium est, quod ipsum post aliud esse solet, sive necessitate, sive ut plurimum, post id autem aliud nihil. Medium est, quod et ipsum post aliud, et post quod aliud est. Oportet ergo fabulas bene compositas neque undecumque incipere, neque ubicumque finire, sed formis utendum, quas diximus.*“ Hunc locum Aristotelis Galliei scriptores artium ita intellexerunt, ut praeciperent, fabulam intra unum locum, unum diem, unum argumentum continendam esse, quae plausoris egeat

„*aulaea manentis et usque*

Sessuri, donec cantor: Vos plaudite, dicat.“ *)

Diderot (l. I.): „Duo negotia in eadem fabula si quis simul continuanda suscipit, necessitatem sibi imponit utriusque eodem momento temporis expediendi. Quodsi principale negotium prius ad exitum venit, alterum importunum est. Contra si adventicia frans prius finitur, incommode fit, ut hae et illae personae aut repente evanescant, aut inutiliter compareant; totum opus ut aut mutiletur aut frigat.“ Sed haec accusatio quum ad Andriam et Heauton timorumenon solum spectet, de ea infra videbimus, hoc loco declarasse sufficiet, rectius nostros homines, Lessingium et Schlegelium Aristotelis praecceptum percepisse, quum non de una et eadem re in fabula agenda, sed de similitudine sensuum („l'unité de l'intérêt“ de la Motte) id interpretati sint, qui aliqua fabula excitentur. Sensusque, qui fabulis Terentii excitantur, sui similes esse et inter se congruere, descriptio fabularum docebit, quam illico exhibebimus.

Ex omnibus Terentii fabulis Eunucho Romanis hominibus maxime placuisse videtur. Id intelligitur ex Aelii Donati partim praefatione, partim accuratis laudibus, quas singulis locis hujus fabulae tribuit. Revera quidem ea fabula Menandream ita imi-

*) *Boileau de arte poetica l. III haud praecul a principio:*

„Mais nous, que la raison à ses règles engage,
Nous voulons, qu'avec art l'action se ménage;
Qu'en un lieu, qu'en un jour un seul fait accompli
Tiennent jusqu'à la fin le théâtre rempli.“

tata esse dicitur, ut ipsum principium „*Quid igitur faciam*“ ad verbum e Graeco expressum sit: „*εἰτα τί ποιήσω*“, sed tamen ipse Terentius in prologo confitetur, ex Assentatore Menandri duas personas parasi et militis gloriosi in Eunuchum suam se transtulisse. Quare praeter alia verisimillimum est, sive ipsius Terentii testimonio apparet, actus secundi scenam alteram, in qua scena Gnatho disciplinae suae laudes dicit, in ipsa Menandri Eunuchus non scriptam fuisse, sed a Terentio adjectam esse. Ea scena vituperatur quidem a Gallico iudice (p. 324 sq.), quippe quae langueat in hoc rerum ordine eumque disturbet, sed ejus scenae eadem ratio est, quae est in Captivis Plauti actus quarti scenae secundae, quam Lessingius (de M. Accio Plauto T. X p. 283) acute defendit. Similiter Thrasonis amorem ipse Terentius commentus est, vel id commentum ex alia fabula Menandri in hanc suam transtulit, sed id negotium cum reliquis negotiis eodem momento temporis et tam apte finitur, ut nemo inde artificii alicujus suspicione offendi potuerit. Neque unum quidem praeciptum erat, quod spectatoribus spectata fabula incalcaret, sed plura monebantur, quae cavenda essent de amore, de assentatoribus, de fatuitate glorioforum hominum.

Unum imprimis in Heauton timorumenos decemur, „flagitium esse

aliis consilium dare,

Foris sapere, sibi non posse se auxiliari.“

Id praeciptum sunt, qui in simplici Menandri fabula, sunt qui in duplicata a Terentio propositum esse censeant, idque scriptor artis Gallicus a Terentio factum esse vituperat. Utrum sit, sive Terentius ita hanc fabulam iteraverit, uti eam a Menandro traditam acceperat, sive argumento ejus aliquid addiderit, tam apte singulae partes secum conjunctae sunt, ut Lessingius *) dubitaverit, an fieri omnino potuerit, ut sine Chremete sineque Clitiphrone argumentum Menander inveniret; se quidem, utraque persona demta, nec commentum, neque exitum hujus fabulae sibi mente fingere posse.

In Andriam Charini negotium ex Perinthia Menandri Terentius transtulit. Id an sine detrimento fecerit, Diderot (l. l. 239 sq.) quaestionem movet. Verum est, post finitum primum actum ad Charini rem tamquam ad novam nos transire, et principale Pamphili negotium in exitu actus V scenae quartae finitum esse videri, sed ea expectatio de Charini negotio in spectatorum animis excitata fuerat, ut credibile sit, libenter eos per paululum temporis morae suae adjecisse, dum de exitu rerum Charini docerentur; et nisi in principio secundi actus novam

*) Hamburgische Dramaturgie T. II p. 277 in annot.

is finis est, ut res non gestas audiamus, sed etiam gerantur, conspiciamus, omni, quantum fieri potest, artis auspiciis et spectatōribus expulsa. Sed cum finem parum assequitur, qui ab artificioso et artem non celante principio, quod ab ipsa fabulae actione sejunctum sit, fabulam suam orditur. Magis ad rem Terentius, qui prologorum consuetudinem servavit quidem, sed ad praefationes quasdam eam adhibuit, quibus causam suam coram spectatōribus ageret, continuationem rerum, inter quas singula argumenta acta fuerint, primae scenae ipsius fabulae spectandam relinquens.

Conspiciebantur itaque, postquam aulaea depressa erant, plerumque par hominum inter se colloquentium, qui colloquio suo argumentum fabulae exponebant; ita factum est in *Andria*, in *Heauton timorumenos*, in *Hecyra*. Aliquoties etiam in *mediam rem*, non secus ac *notam rapimus*, in *Eunucho*, in *Adelphis*, in *Phormione*, et in his altera scena explicari solent, quae scire opus est. In priori genere fabularum unum et alterum *πρόωρον* *πρόόρων* insuper addi solebat, id est, *persona adventicia*, quae semel inducta in principio fabulae propter evolvendam argumenti obscuritatem in nullis deinceps fabulae partibus adhibetur (Donat. praef. in *Andr.*), *persona Sosiae* in *Andria*, *Philotidis* et *Syrae* in *Hecyra*, *Davi* in *Phormione*: quibus personis adventitiis si quando minus satisfecit peritorum iudicio, tam calide tamen inter eas res gestae declarantur, ut eo poeta non possit aequum iudicem non sibi reconciliasse.

Adolescentes fere sunt meretricum amantes, qui sub patrum acri tutela continentur. Heriles filii ut libidinem suam expleant, cum servis patrum contra patres conjurant. Patres a serverum fraude sibi cavere volunt, lenones, parasites accedunt, qui rem insuper impediunt. Haec fere principia rerum tam bene Terentius in primo colloquio exponit, ut aestimator Gallicus iudicaverit: „Cum Terentio praesertim narrante vix alius quis comparari possit. Est flumen limpidum et perspicuum, quod aquabili semper cursu manat, semper eadem celeritate, eodem strepitu, quem ripae et alveus ejus desiderant. Nihil argutiarum, nihil ad speciem propositi, nihil acutaram sententiarum, nihil sensuum, qui in philosophi alienius libro rectius legerentur. Quodsi commune aliquod praeceptum admisceatur, simplicissima id et maxime consueta ratione fit; nihil praeter tritam aliquod proverbium, nihil aliud, nisi quod ex ipsa re existit, dici potest.“ (Diderot l. I. p. 324.) Post hanc rerum expositionem per singulas scenas casus hominum ad spectandum prepositorum magis magisque impediuntur et difficiliiores fiunt, dum spectatores delectamur inventionis poeticae facetiis, contentionibus, quae inter mores hominum et fortunam fiunt, in quam homines incidunt,

alteram Bacchidem in Hecyra. Ipse Terentius certis verbis ingenia et mores meretricum qui fuerint, nos docuit:

„Quae dum foris sunt, nil videtur mündius,
Nec magis compositum quicquam, nec magis elegans:
Quae cum amatore suo cum cenant, ligurriunt.
Harum videre intulviem, sordes, inopiam;
Quam inhonestae solae sunt domi atque avidae cibi;
Que pacto ex jure hesterno panem atrum vorant;
Nosse omnia haec saluti est adolescëntulis.“

Eun. V, 4, 12. Sed id ibi de una Thaidis domo statuitur, impetiosae et inter omnes meretrices, quot in Terentio adumbratas habemus, avidissimae mulieris. Plerumque etiam meretricum ingenia meliora et erant et habebantur. Nam Atheniensibus hoc genus hominum non ita despectui fuit, uti id nunc nobis est. Athenienses mulieres non ita arte erudiri solebant, quemadmodum nostrae nostra aetate erudiri solent. Puellae si in matrimonium petebantur, propter necessitatem saepius, quam animi causa petitae sunt. Matrimonia ita infita delectationis non multum habere poterant, eaque tutius in consuetudine aliquarum amicarum quaerebatur. Hae amicae, quae feminae peregrinae et pauperes et libertinae esse solebant, quamvis nullam morum gravitatem prae se ferrent, nihilo magis tamen feminae nequam erant (A. G. Schlegel l. I. T. I p. 366 et Frider. Schlegel de animis mulierum, quomodo a Graecis poetis expressi sint, in Opp. T. IV p. 86 sqq. et de Dietima ibi p. 99). Quare Glycerii et Antiphilae (Heaut. II, 2, 33 sqq. II, 3) mores tales exhibentur, qui ne ingenuas quidem puellas dedecent, sed easdem virgines erant „bene ac pudice eductae, ignarae artis meretriciae“ (Heaut. I, 8, 14), et mox a liberis parentibus agnoscebantur, attamen et ipsa Bacchis „potens, procax, magnifica, sumtuosa, nobilis“ eas causas morum suorum Heaut. II, 8. dicit, quae leviter eam excusent. Altera Bacchis, quae in Hecyra est, nisi laudabiles, certe non valde improbandos suos sensus in actu V, sc. 3, v. 35 illius fabulae exponit.

Adolescentes etiam in Terentio, quamquam in eo orbis, quo actiones concluduntur, non ita amplius est, eam morum animorumque varietatem praebent, quae hujus aetatis propria est. Plerumque in custodia durorum et avarorum patrum sunt, qui propter avaritiam in rebus uxoris, quas filios inire jubent, non tam animi filiorum, quam utilitatis rationem habent. Cum hac patrum mente filii diurno tempore, intra quod vita eorum a Comici nobis exhibetur, configere solent, de alio et a patrum rationibus discrepante amore solliciti. Patres ut decipiant, cum servis conjurant filios, sed repente aut agnitione aut inopinato aliquo casu aut res aut animi corriguntur: Pamphili, Chaerea, Cli-

Græcos Comicos omni iis calliditate abuti licebat, ut herum fallerent, heriles filios ut corrumpere. Humiliter sentiendi rationem in scena corpore reforebant actione aequè humili, nunc in metu ad terram usque corpore depresso, nunc in laetitia immodice erecto, nunc tota longitudine sua porrecto, quum nuntium aliquem, de quo celabantur, intercipere vellent. Ita formam servilem fere expressam videmus in iis editionibus, quae cum personarum figuris acri incisus ex Ms. codice Bibliothecae Vaticanae Urbini a. MDCCXXXVI. et Romae Cocquelinii opera a MDCCCLXVII. prodierunt. Hodie si quis nostrorum poetarum similes mores eorum fingere vellet, qui similem nunc nostrae rei familiari operam praebent, is multum erraret de eo, quod interest inter nostrae et Graecae vitae rationem. Ipse Terentius servos quodammodo excusare voluisse videtur in Phorm. I, 2.

Inter reliquas personas, quae in comœdiis inter se similes constanter fingi solent, milites sunt. Ejusmodi militem Thrasenem in Eunuchio habemus. Gloriosus est, magnus aliquis propter res ab ipso gestas, in amore sibi non invenustus esse videtur, regibus quantum in deliciis fuerit, aliorum invidiam et petulantiam quomodo calliditate et salse dictis represserit, narrat; plenus minarum, sed nihil efficiens, imbellem, ignavum, stolidum omnibusque se deridendum praebet, cujus nihil quicquam, praeterquam pecunia, expetatur. Hi quoque mores ad rerum veritatem prudenter adumbrati sunt. Etiam in Darii, Persarum regis, exercitu Graeci milites stipendia merebant, quum ab Alexandro oppugnaretur. Post quoque in Asiam Graeci militatum abibant, „rem et belli gloriam armis reperturi“ (Heaut. I, 1, 60), et Seleucidis, regibus Syriae, (Plant. mil. glor. IV, 1, 2) vires suas dicabant. Ex hac militia debilitatos eos Asiatica luxuria rediisse credibile est, quare poetae Comici ridendos eos populo ad spectaculum proponebant, quemadmodum in veritate vitae ab Atheniensibus nasutis rideri solebant.

„Leno sum, fateor, pernicios communis adulescentiam,
Perjurus, pestis“

Sannionem Terentius praedicantem fecit in Adelphis II, 124 — 35, itaque breviter, sed ad veritatem vitam lenonum, qualis fuerit, descripsit. Avaritia et perfidia praecipue inter mores *μαστοροπών* sive *προαγωγών*, quos Xenophon in Symposio c. IV dicit, fuerunt. Plautus in Pseudoli act. I sc. 3, 31 non multo secus Ballionem lenonem de se confitentem fecit:

„nam si sacrificem summò Iovi,

A'tque in manibus écta teneam, ut porriciam, intereá loci

Si lucri quid détur, potius rém divinam déseram.“

In Persa ejusdem poetae act. III sc. 3, 4 servus Dordalum lenonem praeter sordidiora convicia, quae reticeo, ita alloquitur:

beat rationem et etymologiam. Etenim absurdum est, Comicum aperte argumenta confingere: vel nomen personae incongruum dare, vel officium, quod sit a nomine diversum. Hinc servus fidelis Parmeno: infidelis, vel Syrus vel Geta: miles, Thraso vel Polemon: juvenis, Pamphilus: matrona, Myrrhina: et puer ab odore Storax: vel a ludo et a gesticulatione, Circus: et item similia, in quibus summum poëtae vitium est, si quid e contrario repugnans contrarium diversumque protulerit, nisi per *ἀντιπρᾶσις* nomen imposuerit joculariter, ut Misargyrides in Plauto dicitur trapezita, et fere hoc modo apud alios a poëtis nomina componuntur describenda per *ἀντιπρᾶσις*, quod designat Storax." Sed hunc morem Terentius non praeter alios poëtas Comicos observavit, ipsius ingenio debetur artificium, quo e paucissimis verbis alicujus mentem elucem fecit. Thais, quum ab irato Thrasone reprehenderetur, quod coram ipso alium amatorem ante oculos ei adduxerit, quid cum illo egerit, cum eo cur se clam subduxerit? nihil respondet (Eunuch. IV, 7, 26), praeterquam: *Lubuit*. Unum vocabulum est, sed haec brevis dicendi artificium est, quo nullum utilius inveniri potuerit ad simulatam meretricis superbiam, qua metum suum ab inimico celare et militi imponere vult, pingendam. Donatus vere addidit: „Superbum est et meretricium verbum.“ In Heauton timorumen Bacchis est, meretrix potens, procar, magnifica, sumtuosa, nobilis. Ea apud Chremetem coenavit. Postridie mane Chremes id Menedemo, vicino suo, factum esse narrat (Heaut. III, 1, 46 sqq.), et a Menedemo interrogatus: „Estne ea intus?“

Sensi, inquit Chremes, namque unam ei cenam atque ejus comitibus

Dedi; quod si iterum mihi sit danda, actum siet.

Nam, ut alia omittam, pütissando modo mihi

Quid vini absumsit! sic hoc, dicens, asperum

Pater, hoc est; aliud lenius, sodés, vide.

Relévi dolia omnia, omnes séries.

Omnis sollicitos habui, atque haec tua nox.

Nonne his verbis prurientem mulieris superbiam ante oculos nostros positam conspiciamus? et

pütissando modo mihi

Quid vini absumsit! sic hoc, dicens, asperum,

Pater, hoc est, aliud lenius, sodés, vide

verba quum legimus, annon meretricem libidinoso corpore se jactantem videre putamus? Metum servilem quomodo melius aliquis poëta imitari potuerit, quam Thaidis opprobrio, quod Pythiae ancillae objicit (Eun. V, 1, 1-2):

expectationem opificum exprimendam, ad quam erecti accurrerint. *Hec. II. Meutor timorumens H, 2, 81:*

ut autem amare potius ut quid des illi, effici
 verba sunt, quibus Syrus servus stultitiam herilis filii vituperat, qua frater quidem audaciae commodis, sed nihil audere velit, ipseque numerus malignam vultus irrisorem imitatus esse videtur, qua ad haec verba servum cavillatum esse verisimile est. Simile quid etiam in Adelphis III, 4, 21:

Persuâsît nox, amor, vinum, adulterentia.

in aliis versibus inesse videtur.

Terentii facietis imprimis cognosci potest, inter Plauti et Terentii ingenia et aetates quid intersit. Ille audacter et fortiter descriptione imaginum, graviter lingamentis pingens; Terentius Attica elegantia, simpliciter, ut vix imitari possis, et subtili colorum temperatione, dicens, apti sunt, Plantus quidem senatus virorum militarium et civitali hominum rusticorum, qui cum victore Zamensi fuerunt: Terentius aetati, qua philosophia et luxuria devictae Graeciae victores et dominos domare coepit. "Parum opus est, hoc, quod inter Plantum et Terentium Johannes Müller (II. XXIV rerum imprimis in Europa gestarum I p. 177) interesse docuit, exemplis confirmare, ita intelligentibus apparet. Iejuniora si quibus Terentii poemata videantur, non jejunitas ea est, sed subtilitas dicendi. Quid facietis esse possit ea viae monstratione, quam Adelph. IV, 2, 34 cf. c. IV, 6 habemus? Quae ratio melior inveniri possit, quam ea, qua in Hec. III, 4, 16 sqq. herus servum suum a se ablegat, ut ab incommodo speculatore liberetur, et qui lepos magis natus cogitari possit, quam is, quo Parmeno Hec. V, 3 ob rem nullam se ab hero in arcem missum esse queritur? In omni Terentii opere non ea quidem dicacitas est, qua singuli Plauti loci modo conforti exuberant, modo destituti frigent, exquisitioris iudicii lectoris aliquando offendunt, sed urbanum facietiarum genus, quod, in omni sermone acquabiliter fusum, Attico suo sale grulites minus exasperat: luvat praeterea lectorem Terentius eo descriptionis fabularum suarum artificio, quo efficitur, ut contrarias hominum voluntates saepe cum rebus suis confligentes videamus. Ita Laches in Euncho V, 5 summa securitate animi ex rure suo in urbem redit, et dum felicitate sua triumphat, ex sua quiete repente in turbulentissimas res, a servo de filii periculo certior factus, conjicitur.

„Talis hominibus fuit oratio, qualis vita“ (Senec. epist. 114)

Igitur a populo agros colente et bellicoso, inter quem literarum amor primum excitabatur, linguam vix expectare licet ita limatam, qualem in Ciceronis et eorum scriptorum libris repe-

208 DE P. TERENCE AFRICI VITA ET COMOEDIIS.

Marinus de versibus nunc nostris hominibus Terentius displicet, de quibus proximo loco eum excusabimus.

Denique Terentium poetam esse novimus, qui, nisi legentes praefudiatas aliquas opiniones ad lectionem attulerint, numquam non delectet: in quo, quod reprehendi possit, ut inveniamus, sagacitate opus est, qua abutamur; ut, quum nova Atticorum Comedia semel interierit, si quisquam Latinorum fuit, qui de damno facto nos consolari posset, Terentius is poeta fuerit.

acui sentimus. Sunt enī autem hae syllabae, quas accentibus notabimus.

*Phaselus illo, quē videtis, hōspites,
At fuisse nāvium celerrimus,
Neque ullius natantis impetū trabis
Nequisse praeterire sive palmulis
Opus foret volāre sive linteo,
Et hōc negat minācis Adriāticī
Negāre litus insulasve Cycladas,
Rhodūmve nobilem hōrridamve Thrāciam,
Propōntida trucēmve Ponticū sinum:
Ubi lēte post phaselūs antea fuit
Comāta sylvā: nām Cytorio in jugo
Loquēte saepe sibilum edidit, oīa.
Amāstri Pontica et Cytoīe būrifer,
Tibi haec fuisse et ēsse cognitissima,
At phaselus: ūltima ex origine
Tuō stētisse dicit in cacūmine,
Tu imbuisse palmulas in aequore,
Et inde tot per impotentiā freta
Herūm tulisse; laeā sive dēxtera
Vocāret aurā, sive, utrumque Iūpiter
Simul secundus incidisset in pedem;
Neque ūlla vota litoralibus diis
Sibi ēsse facta, cām veniret ā mare
Novissimo hunc ad ūsque limpidū lacum,
Sed haec prius fuēre: nunc recōndita
Senēt quiete sēque dedicāt tibi,
Gemellae Castor et gemellae Cāstoris.*

Similiter in versibus trochaicis fit. Trochaicorum versuum usitatissimus trochaicus tetrameter catalecticus, sive versus trochaicus octo pedum una syllaba minus est; quod genus in Pervigilio Veneris habemus, e quo exempli causa priores aliquot versus (1 — 26) huc referam:

*Cras amet, qui numquam amavit; quique amavit, cras amet.
Ver novum, ver jam canorum, ver renatus orbis est.
Vere concordant amores, vere nubunt alites,
Et nemus comam resolvit de maritis imbribus.
Cras amorum copulatrix inter umbras arborum
Implicat casas virentes de flagello myrteo.
Cras Dione iura dicit, fulta sublimi throno.
Cras amet, qui numquam amavit; quique amavit, cras amet.
Tunc cruore de superno, spumeo Pontus globo,
Caerulas inter catervas, inter bipodes equos,
Fecit undantem Dionen de maritis imbribus.*

tius nisi in suis versibus maiore aliqua licentia, quam quae horum versuum est, usus esset, vix opus fuerit, ut, Bentleyi exemplum sequuti, accentibus in hac editione lectionem regeremus. De Terentianis versibus haec observavimus.

Terentius ea aetate Romanarum literarum vixit, qua oro magis et sermone homines, quam scriptis, linguam colebant, et nondum Graece docti Graeca arte Romani syllabas dimetiri, sed accentu suo versus suos adhuc modulari consueverant.

Lingua sua quam diu populus aliqui ad dicendum potius quam ad scribendum usus est: ad eloquendi in ea volubilitatem multa fieri possunt, quae, quum primum dicendi consuetudo etiam scripto sub aspectum venerit, et oculorum testimonio loquendi formae constiterint, amplius in ea audere nequimus. Quare Terentius et Syncope et Apocope et Synaeresi et crebrioribus et durioribus usus est, quam quibus vel Horatius vel Virgilius vel reliqui poëtae aureae aetatis uti solebant. De maxime memorabilibus earum nunc singulatim dicam.

SYNCOPE est And. I, 1, 124 *praescripti* pro *praescriptisti*; *promisti* Adelp. V, 6, 17 p. *promisisti*; *amisti* Hec. II, 2, 9 p. *amisisti*; *dixi* Adelp. V, 6, 30 p. *dirixisti*; *adduxi* Eun. IV, 7, 24, Heaut. IV, 4, 15 p. *adduxisti*; *circumspexi*, *prospexi* Adelp. IV, 5, 55 p. *circumspexisti*, *prospexisti*. *Dixi* Hec. V, 4, 5 p. *dixisse*, *produx* Adelp. IV, 2, 22 p. *produxisse*, *decesse* Heaut. prol. 32 p. *decessisse*, *intercesse* Adelp. III, 2, 51 p. *intercessisse*. *Exporge* Adelp. V, 1, 53 p. *exporrige*, *librius* And. I, 1, 25 p. *liberius*, *periculum* And. I, 1, 104 et alias saepissime p. *periculum*; *mnas* Phorm. IV, 3, 57 p. *minas* (cum-mus); *nemini* „pronunciatur hic (Bentl. ad Hec. III, 1, 1) *δενυλάβως*, quasi esset *nem'ni*. Sic Plautus Poen. V, 6, 11:

Neminem venire, qui istas adsereret manu.

Abdomini (Bentl. ad Eun. III, 2, 7) „pronunciatur quasi esset *abdom'ni*.“ Praeterea syncopen Chr. Wasius (Senarius p. 157^{seqq.}) in pluribus verbis inesse censet, quorum pronuntiatio similitudinem aliquam cum pronuntiatione vel nostrae vel Francogallicae linguae habuerit. Ita *amat* Adelp. I, 2, 38 cum Francogallorum *il aime*, *tacet* Adelp. IV, 5, 5 cum *il se tait* ejusdem linguae, *pater* Phorm. IV, 2, 11 cum *le père*, *soror* Eun. I, 2, 77 cum *la sœur* comparat. Sed haec vocabula quam in principio versuum plerumque scripta sint: Bentleyus (in schedia-smate de metris Terentianis XV) id aliter expedire conatus est, „corruptas esse ejusmodi syllabas, dicens, quae in Latino sermone longae fuerint, et in primo fere versuum pede, parcius alias, licentiam hanc Terentium exercuisse.“ Quare exempla hujus generis paulo infra habebimus.

hoc modo saepe a Terentio et Plauto usurpatur haec dictio. "cf. *Heautont.* I, 2, 20. III, 2, 16. *Bentlejus* ad *Phorm.* V, 7 (8), 79: „*Novo contracta syllaba, pronunciatione veteri novo. Sic Plautus novo modo Mil.* III, 1, 30 et *Pseud.* I, 5, 156. Atque ita alibi per numeros casusque fore omnes una syllaba *novi; novae, nova, novos.*“ *Via* hic (*Bentl.* ad *Hec.* I, 1, 16) *mono-syllabon*, quod pronuncias ut Anglorum *Way*. *V* enim (*Bentl.* ad *Heaut.* I, 1, 49) apud antiquos ut nostram *W* pronunciabatur. *Dissolvi* *Heaut.* III, 1, 102 p. *dissolvi*. Pronomina *hujus, ejus*, modo unam, modo duas syllabas in legende efficiunt. Unam syllabam quando efficiunt *hulus, cuius, cius* in hac editione scripta sunt; si *disyllaba* sunt *hájus, cájus, éjus*, accentu in priore syllaba posito. Eadem ratio est in compositis: *hujusce, hujusmodi, cujusquam, cujusque, ejusdem*. *Ingenium* *Andr.* III, 1, 8 ut *inyenium* legamus, *Wase* (*Senar.* p. 209) suadet. „*Palatinas* *x, y, z*, *liquidam* *n* sequentes, vocali brevi praecedente, positionis necessariae aliquando gratiam facere. Versum incipere a proceleusmatico; liquescere enim *hg* ac si scriberetur *ny*.

Contractio quotidianam loquendi consuetudinem praeterea imitata est in: *ecce, eccum, eecam, eccos*, et in *ellum, ellam*. „*Quid est enim aliud eccum, nisi ecce eum? eecam, nisi ecce eam? eccos, nisi ecce eos? eccas, nisi ecce eas? ellum, nisi ecce illum?*“ (*Prisc.* XII, 6 T. I p. 555 ed. Krehl.)

CRASIN quoque huc pertinere censet, quippe quae e communi potius loquendi usu, quam ex accentu versus mihi nata esse videatur. Ejus exemplum habemus in *Eunuchi* I, 2, 113:

Diés noctesque mé ames: me desideres.

Ibi verba *mé ames* ita miscentur, ut ex *ames* amittatur *a*, e vero proximi superioris vocabuli in ictu positum retineatur. Quare „*me ames* non iambum, sed spondeum constituit, perfinde ac si *m' aemes*, vel *me 'mes*, vel Gallicum *m'aimes* offerretur: quod blaesitatis*) illecebram in se continet.“ (*Wasii* sunt p. 20.) *Eun.* I, 2, 106:

Faciéndum 'st, quod vis. mérito te amo, béne facia.

Hic quoque *té 'mo*, non *t' amo* legendum sit, ut spondeus, non iambus fiat. *Heautont.* II, 2, 119:

Ut sit necessum. mérito te amo, Clínia,

té 'mo crasi, non *t' amo* elisione legendum. *Andr.* IV, 5, 5:

Reliquit me homo, atque abiit.

me 'ma, non *m' homo* legendum. Ad *crasin* *Wasius* *Heautont.* I, 1, 63 quoque

Putávit me et aetáte et benevoléntia

*) i. e. balbutiendi.

„Non ergo hic primam corripit; sed dicit pro more solenni eiecit S: Verum dicit: quid ergo nunc?“ ut in dēci lenior ictus dimidiati ditsochaei sit, de quo infra dicetur. Phorm. IV, 5, 18:

Volo ipsius quoque voluntate haec fieri, ne se ejectam praedicet; ibi Faernus una cum Bentlejo s, quod in verbi ipsius fine positum est, abjici jubet.

Contractioni contraria est DIAERESIS, qua fit, ut, quod plurimumque una syllaba pronunciatum fuerit, in plures dissolvatur. Heaut. III, 2, 4:

Ille Cliniaī servos tardiūsculus 'st.

Faernus divisit diphthongum, et Bentlejus „recte, inquit, hoc et sic omnes nostri. Cliniaī dividit diphthongum, ut alibi hospitaī (And. II, 6, 8), Phaedriaī. Heaut. V, 1, 20:

Sponsaē aurum, vēstem, ancillas, opus esse: argentum ut dāres. Bentlejus: „Sponsaē pronuncians est, tamquam si esset Sponsaī.“ Eun. II, 2, 9:

I'tan' parasti te, ut spes nulla reliqua in te sit tibi?

ibi Bentlejus: „reliqua semper apud Nostrum vel primam producit, vel quadrisyllabum est.“ Idem ad Eun. V, 5, 26: reliquom est quadrisyllabum, ut alibi non raro.“

Ad hanc pervetustam dicendi rationem refero quoque ne utiquam (n' utiquam), e eliso et prima syllaba correpta pro neutiquam, v. Faernus ad Heaut. II, 2 (3), 116 et Bentl. ad Hec. I, 2, 50. Quod in Graeca lingua factum est, ut antiquissimis temporibus vocabula aliqua, quae post una voce pronuntiabantur, duabus pronunciata sint: idem in neutiquam Latino factum esse videtur, ut, nondum uno vocabulo Terentii aetate conjunctum, pro duobus haberetur, et primitivam suam in versibus legendis potestatem servaret. Wasius p. 164 testis est, neutiquam in Corp. jur. Civ. ne utiquam scriptum reperi.

Alteram causam, de qua factum sit, ut in versibus Terentianis multa secus atque in versibus Horatianis, Virgilianis, reliquorum poetarum aureae aetatis instituerentur, in accentu positam fuisse novimus. Romani antiquissimis temporibus, non moras syllabarum vel longitudine vel brevitate metientes, sed vel intentionem vel remissionem vocis in syllabis pronunciandis aestimantes, accentu versus modulabantur. Idem versus Saturnios, quod genus antiquissimum Romanae poësis est, ad rhythmum solum componere consueverant (Servii ad Georg. II, 385). Ennius, qui U. C. 585 obiit, Graecae rationi versus heroicum primus adstrinxit; sed Terentius, quamquam post Ennium erat, quo feliciter quotidianum Romanorum sermonem imitari posset, versus Plautini exemplum sequutus, inter versus Saturnii licentiam et diligentiam versus heroici, ab Ennio inventi, medium quoddam tenuit.

Quid istuc, inquam, ornāti est? quoniam miser, quod habui, perdidī: en,
ubi Bentlejus. „*Isthuc priore correpta, ut passim.*“

Illā sexto casu Eun. II, 1, 17:

Tandem non ego illa cāream, si sit opus, vel totum trīdum? hui,
ubi Bentlejus: „*Ego illā anapaestus. Nihil frequentius.*“

Voluptati, antepenultima correpta, Faernus et Bentlejus habent. Heaut. I, 1, 19 Quidē causa, quamquam consonans m a consonante c excipitur, in Heaut. est I, 1, 35:

Scire hōc vis? hac quidem causā, qua dixi tibi,
ad quem locum Faernus: „*ut versus stet, ex quidem m abjicitur;*“ et Bentlejus: „*Quidem corripī frequentissimum est.*“ Eun. II, 1, 22:

Sēt quis hic est, qui huc pērgit? attat, hic quidem est parasitūs Gnatho.

Bentlejus: „*Hic corripitur, ut hīc quidem ēst anapaestus sit.*“
Etiam hīc adverbium Hermannus in elementis doctrinae metricae p. 157 corripendum censet in hoc iambico tetrametro catalectico Heaut. IV, 2 (4), 15:

Iube māneat. i. quin ēst paratum argentum. quin ego hic māneo,

ita, ut in septimo pede ēgo hīc māneo procelusmaticus sit. In verbo *abdomini* Bentlejus tres posteriores syllabas pro Cretico, in verbis *abdomini hunc* syllabas, quae sunt in *domin' hunc* pro dactylo esse censet; ita dicens ad Eun. III, 2, 7: „*Quam hunc et hanc passim corripiant Comici: inde factum, ut, qui per se Creticus esset, domini, addito hunc, domini hunc, dactylus fiat, et additione plurium consonantium brevior evadat, ut versu mox decimo Quo? quid hunc pro dactylo est.*“

Phra exempla collegit Wasinus Sen. p. 17—31. Ita illic Andr. IV, 5, 3.

Puer hērcle 'st. mulier, tu adposuisti hunc? ubi illic est?
ēccum Eun. III, 1, 5:

Dedūcam. sēt ēccum militem. est istuc datum.
hōc quod Eun. IV, 2, 14:

Sēt quid hoc, quod timida subito egreditur Pythias?
ipsa Phorm. V, 7, 67:

Nunc, quod ipsa ex aliis auditura sit, Chreme.

HIATUM Bentlejus esse statuit c. c.: Andr. I, 2, 20:

Hoc quid sit? omnes, qui amant, graviter sibi dari uxorem ferunt.

Heaut. I, 1, 63:

Putavit, me et aetate et benevolentia.

Eun. III, 2, 42:

Una tre cum amica imperatorem in via.

sisse, ut voces monosyllabas, si sententiae aliqua vis in ipsis esset, in ictu metrico, non etiam extra ictum, sine elisione pronunciarent.

Accentu versus quoque factum est, ut syllabae, natura sua longae, quum extra ictum in versum positae essent, aliquando correptae sint; contra aliae syllabae, natura breves, quum in ictu legerentur, protractae sint. *Systole* illa, haec ratio *Diastole* dicitur.

Ad *SYSTEROLAM* imperativi imprimis vel primae vel secundae vel quartae conjugationis pertinent, quorum postrema syllaba, quum ab aliis poetis legitime producat, a Comicis saepissime correpta est.

Ita in Andr. IV, 5, 21:

Manē: cavē quoquam ex istoc excessis loco.

Heaut. III, 4, 23:

Manē, manē, quid est, quod tam a nobis graviter crepuerant fores?

Adelph. III, 4, 21:

Vitiavi. hem. manē. nondum audisti, Démea.

Heaut. IV, 4, 22:

Set pater egreditur. cavē, quicquam admiratus sis.

Adelph. III, 4, 12:

Si dēseris tu, perimus. cavē dixeris.

And. II, 3, 29:

Curabitur. set pater adest. cavē, te esse tristem sentiat.

Eur. V, 1, 20:

Viden' ? video. comprehendī jubē, quantum potest.

Adelph. V, 5, 10:

Atque hanc in horto macteriam jubē dirui.

ib. 16:

Ego lepidus in eo gratiam, jubē nunc iam.

Phormio V, 7, 29:

Argentum rursum jubē rescribi, Phormio.

Heaut. IV, 6, 30:

Si sapiēs. faciam. abi intro: vidē, quid postulet.

Adelph. II, 2, 31:

Labascit. unum hoc habeo: vidē, si satis placet.

Hec. III, 5, 34:

Verum vidē, ne impulsus ira prave insistas, Pámphile.

And. I, 5, 20:

Abi domum. id mi visus 'st dicere, abi cito, et suspende te.

Adelph. IV, 2, 25:

Laudo: o Ctesiphó, patris meae: abi, virum te iudico.

Heaut. II, 2, 108:

Concaluit: quid vis? redi, redi. adsum, dic, quid est?

In his omnibus *mane*, *cave*, *jube*, *vide*, *abi*, *redi* prior quoque syllaba brevis est, quare Harius de metris Comicis (in Te-

Post crebrius id facere nolumus, quam et ipse Bentlejus parum sibi in regula sua observanda constitisset, neque Reizius in *Budente* Planti II, 6, 29 Bentleji voluntati obsequutus esset, ipsique veriti essemus, ne obscuritatem et tenebras lectioni id afferre posset.

Post singulos trochaeos iteratur quidem ictus, qui trochaeum in prima, iambicum versum in altera syllaba primum acuerat, sed accentu minere, quam qui graviter sentire possit. Quare eorum notatio in hac, aeque ac Bentlejana editione, neglecta est. Bini trochaei (*διποδία τροχαίη*) intermittendi sunt, donec in principio tertii trochaei novus, versus accentus syllabam suam offerat et acrius sentiatur. Horum accentuum sedes in hac editione Terentii et in versibus supra positis scripto notatae sunt.

Ex iis intelligimus, insigne artificium Terentii in eo esse, quod prudentia et verborum idonea compositione effecerit ut ictus versuum et accentus vocabulorum accurate infer se congruant.

De accentibus linguae Latinae singularis libellus Prisciani exstat. Servius quoque ad Aen. I, 116. 384. 451. X, 668 alias plura monuit. Diomedes quoque de Oratione et partibus Orationis l. II p. 425 sqq. ed. Putsch. Brevissime quidem Quintilianus (inst. or. I, 5 p. 39) praecipit: „In omni voce, *acuta* intra numerum trium syllabarum continetur, sive haec sint in verbo solae, sive ultimae: et in his aut proxima extremae, aut ab ea tertia. Trium porro, de quibus loquor, media longa, aut acuta, aut flexa erit: eodem loco brevis utique gravem habebit sonum, ideoque positam ante se, id est ab ultima tertiam, acuet. Est autem in omni voce utique acuta, sed numquam plus una; nec ultima umquam; ideoque in disyllabis prior. Praeterea numquam in eadem, flexa et acuta, quoniam eadem flexa et acuta. Utique neutra claudet vocem Latinam. Ea vero, quae sunt syllabae unius, erunt acuta, aut flexa, ne sit aliqua vox sine acuta.“ Haec Quintilianus. Inde dicimus, in lingua Latina praeter ea verba, quae unius tantum syllabae sunt, nullum verbum fuisse, quod accentum in ultima habuerit. Tamen „*πότα*, id est, *minores particulae*, ut *Quae*, *Ve*, *Ne*, *Ce*, quoties junguntur aliis partibus, ante se accentum faciunt, qualislibet sit syllaba, quae praecedat, sive brevis, sive longa, ut *maaeque*, *hufusce*, *illucce*, *tantone*, *adduce*, *deduce*: et haec mutilata (c. c. *tanton' pro tantone*) similiter proferuntur, scilicet sub eodem accentu.“ (Serv. ad Aen. X, 668, cf. Priscianus de accentibus c. II p. 364 §. 10 ed. Krehl.) Hinc factum est, ut Terentius in secunda quidem trimetri *διποδία*, quae est post binos trochaeos à principio absolutos, rarissime tantum scripserit, quemadmodum Man. V, 1, 16 scripsit:

Scelēsta ovem lupō commisi. dispudet,

Ictuum notationem igitur si ducere sequitur: hanc veterum genera in Terentii poematis incasse cognoscimus.

1) Iambicus monometer uno ictu:

Te nōminat (Phorm. II, 2, 16).

2) Iambicus dimeter acatalectus sive quaternarius, his ictibus:
Set nūm quid aliud imperas? (Eun. II, 1, 7).

3) Iambicus dimeter catalecticus sive iambicus quaternarius una syllaba minus:

Adgrēdiar. Bacchis, sūlve (Hec. V, 1, 5).

4) Iambicus trimeter sive senarius:

Tantūm laborem cāpere ob talem filium?

5) Iambicus tetrameter acatalectus sive octonarius iambicus:

Dum tēpus ad eam rēm tulit, sivi dñimum ut explerēt suū.

6) Iambicus tetrameter catalecticus i. e. iambicus octonarius una syllaba minus (septenarius quoque a Latinis dicitur a numero pedum, quos integros habet, idemque Comicus quadratus):

An poēnitebat flāgiti, te auctōre quod fecisset?

7) Trochaicus monometer catalecticus i. e. trochaicus monometer una syllaba minus:

Occidi (Eun. II, 3, 1).

8) Trochaicus dimeter catalecticus i. e. trochaicus dimeter una syllaba minus:

Ego istam invitis omnibus (Adelph. II, 1, 4).

Unde mi auxiliū petam? (Phorm. IV, 6, 2).

9) Trochaicus tetrameter acatalectus sive trochaicus octonarius:

Vērba dum sint: vērūm si ad rem cōferentur, vāpulabit.

10) Trochaicus tetrameter catalecticus i. e. trochaicus octonarius una syllaba minus (idem trochaicus septenarius et quadratus a Latinis dicitur):

Sērvo' fortunās meas me cōmississe fūtili?

11) Creticus tetrameter (Andr. IV, 1, 2):

Tānta vecōrdia innāta cuiquam ūt siet.

12) Bacchiacus tetrameter acatalectus (Andr. III, 2, 1):

Adhūc, Archyllis, quae adsolēt quaeque opōrtet.

13) Choriambici (Adelph. IV, 4, 3—6):

(— u u — — u u —)

— u u — u — u

pedo. Bacchis alias, hic pedo amphibrache in extremo versu secundo)

Mēbra metu débilia

Sūnt: animus timore

saepe *clausulae* addi solent, id est, „versus breviores, admixti longioribus ejusdem generis, et plerumque cum iis numeri perpetuitate cohaerentes.“ Herm. elem. d. m. p. 180.) Ita in Eumachi II, 1 iambicus dimeter, qui post versum secundum est, clausula dici potest, eaque cum versu secundo, trochaico tetrametro catalectico, continuo dipodiarum trochaicarum ordine conjuncta est, si syllabae

tām 'et tibi ak rogi,

quae inter ictus prioris et proximo subsequētis versus sunt, conjungantur. Eadem ratione versus septimus ejusdem scenae cum versu sexto conjungitur.

Etiam inter diversas scenas versus continuati sunt. Ita in Andr. III, 3, 48 et III, 4, 1 iambicus tetrameter catalecticus est, cujus altera pars in exitu scenae tertiae, altera in principio scenae quartae constituta est.

A iambicis trimetris fabulae Terentii plerumque ordinantur. Ita prudenter institutum est, quum fabulae a sedatioribus initiis incipere soleant, et trimetri ad tranquillitatem rerum declarandam apti sint. Post, ubi res turbulentiores factae sunt, trochaicis Terentius utitur. Nec solum post integras scenas metrum commutare solet, sed in eadem quoque scena varia versuum genera ad varias animorum affectiones significandas adhibet. Bothe ad Eumachi v. 571 (in nostra editione Eun. IV, 1 sqq. v. not. versus paulo aliter constituti leguntur): „Consideret lector in hac scena artem Terentii, in versu, pro rerum conversionibus affectuumque commutationibus apte variato, declaratam. Et ut de hoc quidem subtilius edisseram, incipit scena a trochaicis tetrametris, quorum prior etiam acatalectus est, gravissimo metri genere, ad exprimendam ancillae summam sollicitudinem de domina, pessimis turbis implicata. Quae quo spectare videantur, ubi breviter indicavit, jam narrationem ipsam incipit, idque se facere indicat alio illato versu, iambico tetrametro catalectico, vehementi illo quidem, sed moderatiore tamen iambicis plenīs, quibus mox; iram militis a verbis ad rem processisse, ostenditur. Haec longe alia, sed aequae tamen violentis, affectibus commota Thais respondet trochaicis; finitaque jam narratione, ubi, quo voluit, pervenit, eodem metro, quo et domina, auctor sibi rerum omnium, usa est, et a quo ipsa incepit, denuo usurpato, naturaliter scenam concludit pedissequa.“ Bentlejus ad Heaut V, 2, 25: „Nota, postquam Chremes abierat, tum statim a trochaicis ad iambicos itum est.“ Idem ad Eun. IV, 6, 5: „Ante et post in tetrametris plenīs debacchatur Thais; at in hoc versu, dum Chremes salutat, defervet paulum ira et catalectico utitur. In Phorm. II, 3, 24 adveniente Phaedria ab octonariis iambicis ad sona-

siverunt. Contra in iambicis tetrametris acatalecticis ultimum pedem vel iambum vel pyrrhichium esse oportet, praeterquam in hypercatalecticis et iis versibus, qui, elisione facta, cum proximis subsequen- tibus continuantur, ubi spondeum et qui temporibus ei aequales sunt, octavum pedem esse licet. In trochaico tetra- metro catalectico spondeum dactylumque Romani omnibus in pedibus sibi indulserunt, praeterquam in septimo pede. In trochaicis tetrametris acatalecticis versus etiam tribrachio vel anapaesto finire potest, dactylus vero in ultimo pede nullo modo admittitur.

Ea libertate necesse erat Terentius uteretur, ut colorum ei varietas suppeteret, qua ad singulas quasque affectiones animi in idoneo lumine collocandas opus erat! Ille quidem, qui schola potius assueti, quam e conspectu dissimilium rerum humana- rum ad lectionem Terentii venire, inconstantiam aegre tulerunt et maiorem aliquam dicendi similitudinem desideraverunt; ipse Quintilianus poëtam reprehendit, quod non intra trimetros Comoedias suas contineat: sed qui, in luce vitae constituti, more hominum sedulo spectato, cognoverunt, quam vario animi cupiditatibus agitari soleant; ii poëtae nostro meritis id laudi ducunt, quod, animos hominum poëmaticis suis exprimens, colo- rum temperatione tam parum constanti usus sit, quam parum et ipsi animi sibi constare soleant. E Cicerone (Orator. 45 sqq.) qui intellexerant, pristino sermone Romanorum quanta licue- rint: ii *synaloephas* et *episyntaloephas* et *collisiones* et *abjectiones* s. *literae* Terentio non vitio vertent; ipsosque Romanos, qui una cum Terentio aetate fuerant, credibile est, nostrum poëtam iis poëtis longe praetulisse, quorum versus Martialis in Chre- stillum (Epigr. XI, 90) perstringit:

*Carmina nulla probas, molli quae limite current,
Sed quae per salebras altaeque sasa cadunt.
Et tibi Mæonio res carmine major habetur,
Luceilei columella hic situ' Metrophan' est *)
Attonitusque legis ternae frugiferae;
Accius et quicquid Pacuviusque vomunt.*

*) Donatus ad Phorm. II, 3: „Columen, culmen; an columen, co- lumna? unde Columellas apud veteres dicti servi majores domus, La- cell. XXII:

*Sergas neque infides domine, neque inutile cuiquam,
Luceili columella, hic situ' Metrophanes.*“

partam ut Pamphilus tollere possit, civem Atticam Glycerium esse fingere, natam e cive Atheniensi, qui ad Andrum insulam naufragium fecerit (cf. IV, 6 et V, 4). Haec dum narrat, Mysis ancilla, Glycerii e domo egressa, in scena com-
paret, Lesbiam obstetricem, quae Glycerium in partu ad-
vet, adduci iussa, et cum Archylide ita colloquitur, uti I, 4
scriptum est. Archylis, intra fores heriliam aedium consti-
ta. de domo proloquitur; ipse Davus ad forum abiit, ut Pam-
philum certiorum faciat. Mysis in via Pamphilum advenientem
videt, itaque quinta scena primi Actus praeparatur. Pamphilus
adest. De patris consilio timens prae ira aestuat, et querelis
virus acerbitalis suae effundit. Mysis, cum audiens, et ipsa
cognoscit, quae de nuptiis faciendis Simo sibi proposuerit, sed
animo confirmato iis promissis, quae de perpetua sua constantia
Pamphilus fecerat, tandem ad arcessendam obstetricem discedit;
Pamphilus in scena remanens a Charino cum Byrrhia colloquen-
te excipitur et secundus Actus orditur.

Charinus amore sollicito agitatus cum servo Byrrhia vaga-
tur, et repente in medio errore suo in ipsum Pamphilum incidit.
Adolescens Charinus est post primum Actum spectatoribus adhuc
incognitus, qui Philumenam, Pamphili sponsam, misere amat.
Charinus declarato amore suo, quo erga Philumenam flagret,
interrogat Pamphilum de proferendis nuptiis, itaque comperit,
quam parum Pamphili sponsa ex animo sponsi sit. Charinus
apem suam recipit. Inter haec Davus II, 2 ad Pamphilum ad-
venit. Davus postquam I, 3 ad forum abierat, primum forum
percurrerat; ibi quum filium herilem non invenisset, ultra pro-
gressus ad aedes Chremetis itinere perrexerat, et ex solitudine et
intra et extra ejus domum conjecerat, nullas veras apparari nup-
tias. Id domino nunciat. Charinus discedit, ut amorem suum
curet; Davus II, 3 Pamphilo persuadet, ut apud patrem se eas
nuptias non amplius nolle simulet.

Adhuc res sedatae fuerant, I, 1 — II, 3, et propositio quae-
dam (*πρότασις*) i. e. primus Actus initiumque dramatis, quo
pars argumenti explicatur, pars reticetur ad populi expectatio-
nem tenendam*) rebus futuris praefabatur, et iis viam munie-
bat. „Proxima scena (II, 4) nodum injicit erroris fabulae et
periculum comicum; facit etiam execrationem consiliorum“
Donatus dicit. Simonis consilia II, 4 — 5 evertuntur, quod, quem
filium negaturum esse putaverat, is ait. Chremetis consilia irri-
ta redduntur III, 3, quod, quum nuptias Simoni futuras re-
nunciare vellet, cogitur, ut eas addicat. Ita Davus perturbavit
omnia:

*) Donati sunt de Tragedia et Comedia.

IV, 2 adest, Pamphili fidem implorans, ne Glycerium suum deserat. Pamphilus fidem dat. Davus aliud consilium de nova fraude invenit, quod ut exsequi possit, et Pamphilum et Charinum abire jubet. Etiam Davus aliquantisper a scena abest, Glycerii domum ingressus. IV, 3 Mysis sola secum loquitur de inconstantia amatorum et de miseriis herae suae. Haec dum conqueritur, Davus exit e domo Glycerii, puerum, filium Pamphili, auferens. Eum Davus Mysidem ad januam aedium Simonis apponere jubet IV, 4. Dum haec instituunt, Chremes, qui III, 4, 15 domum modo iverat, ut apparari diceret, revertitur, Simonem nunciaturus, facta esse, quae opus fuerint ad nuptias IV, 5. Miratur, quid puer sibi velit ad januam generi futuri appositus, idque dum sciscitatur, Davus de foro se redire simulat, et altercatione cum Myside ad speciem habita efficit, ut socer omnia audiat, quae de partu Glycerii facta erant, et fidem eo majorem auditis habeat, quo magis rixam de parte Mysidis veram fuisse appareat. Iratus Chremes et certus consilii Simonem quaerit an intus domi sit? Davus cum Myside in scena remanet, laetus animo, quod instituta fraude id assequutus sit, quod assequendum sibi proposuerit, et nuptiae impediverit quominus hodie fiant.

Inde IV, 6 — — — *Catastrophe est i. e. conversio rerum ad jucundum exitus, patefacta cunctis cognitione gestorum. **)

Simo anxius animo erat, quod Chremes filiam in matrimonium dare noluit; Chremetis filia a sponso spreta linquebatur; Davus ad tempus quidem herilem filium ab iniquis nuptiis liberaverat, sed egebat consilio ad id, quod postea futurum esset; Pamphilo filius natus erat, eumque, quantumvis licet vellet, agnoscere nequibat, etiam atque etiam verens, ne in alienas nuptias in posterum detruderetur; Charinus tam misere ad Pamphili matrimonium destinatam puellam amabat, ut etiam minimum temporis spatium, quod spei suae adjiceretur, in luctu poneret; Glycerium, quae tantas turbas movebat, post partum aegra domi tenebatur, et quum Pamphilum, frustra expectatum, non advenire sentiret, incerta, illius de fide desperaret speraretne, dolore cruciabatur (IV, 2, 1 sq.).

Quis animum filiae amatae et dignae, quae amaretur, confirmabit? Quis Pamphilum in visio matrimonio, quod ipse etiam spononderat, eripiet eumque rectius ducendae restituet? Davus qua fraude facta fraudes suas corrigit, et pericula undique sibi imminencia dispellet? Charinus quonam consilio ad expetitum matrimonium perveniet? Chremetem, Simonem quis de irritis factis propositis consolabitur?

7) Donati.

gens ex Attica profugerat, et una secum Pasibulam, fratris filiam asportaverat. In Asiam navigare voluerat, ubi Chremes et ipse tum temporis aderat. Navigans autem naufragium fecerat, et in Andro insula mortuus erat. Id ipsum ex Andrio nunc primum Chremes cognoscit. Glycerium suam esse colligit, sed nomen miratur, quod Glycerium sua Pasibula facta sit. Hic quoque error detegitur, nec quid amplius obstat, quin Chremes suam filiam reperiat, pro Philumena Pamphilus Glycerium ducat, Simo in opulento matrimonio filium collocat, et Davus e carcere liberetur. Nemo non consilium suum assequutus, nemo non gavius est. Charini quoque res in tranquillo ponitur; Philumena Charino nubit. Crito hereditatem Chrysidis adire potest. Lactantes patres, lactantes filios, lactantes filias, servos extrema fabula conspicimus lactantes.

Tria sunt, quae aestimator Gallicus*) ad fabulam scribendam imprimis pertinere dicat: nodus erroris et periculum Comicum argumenti descriptione quomodo fabulae injiciatur; mores hominum quomodo adumbrentur, ornatasque qui adhibeatur ad inventa spectatoribus commendanda.

Unaquoque parte poeta lectoribus suis satisfacit.

Primum ita instituta est fabula, ut post primam scenam lectores aequae atque Simo, Chremes, Sosia aliquis, quid sibi fabula velit, cognoverimus, nec minus expectatione erecti ad reliqua, quae instent, animos nostros intendamus: Simo an filium objurgandi occasionem nanciscetur? Pamphilus utram puellam ducet? Chremes filiam suam quo in matrimonio locabit? quibusnam quisque artibus consilia sua assequantur? Post angetur etiam rerum et consiliorum perturbatio. Davus callida haec consilia callidiori consilio assequutus est et irrita reddidit. Quas nuptias filium suum Simo recusaturum esse putaverat, eas filius addidit, itaque, certa omnia quae fuerant, efficit ut incerta sint. Simo non objurgabit filium, quod sibi proposuerat, sed pro simulatis veras nuptiasaget; Chremes non retinebit filiam, sed in justo matrimonio cum Pamphilo eam collocabit; Charinus non habebit Philumenam, quum ipse Pamphilus eam, secus atque promiserat, ducat; spreta Glycerium relinquetur, quamvis gravis e Pamphilo facta sit, et spem susceperit, fore, ut, quidquid pepererit, a Pamphilo tollatur; Pamphilus, qui matrimonium cum Philumena incedendum vitare volebat, jam in id ipsum tantum non incidit, et quidem Davi consilio usus, quo simul cum nuptiis altercationem patris ut effugeret, in animo habebat. Da-

*) Diderot de théâtre p. 374.

Simo senex est multam gravitatem prae se ferens, lubentissime animo beneficia a se in alios collata recenset; gaudet, quum a suis sibi metui videtur. Ei eos sermones et ea consilia Terentius tribuit, quae ab ejusmodi natura expectari possint. In prima scena primi Actus suam ipse prudentiam laudat, quantas curas de filii salute susceperit, demonstrat; filium quam bene institutum habuerit et quam prudenter opulento ejus matrimonio providerit, significat. Attamen quantus sui ipse laudator sit, senem eum esse avarum cognoscimus et qui saepe a suis fallatur.

Davus heri consilia etiam ante occupat, et, cum herili filio contra patrem clandestina conjuratione conjunctus, omnimodo patris voluntatem fraudibus suis impedit. Veteratorcatus est, qui, quamvis serviat, servili tamen calliditate sua et patri et filio, neutro sciente, aliquando imperat, et dum utriusque consiliis opitulari videtur, suum ipsius tantum commodum respicit, utrumque ad suam voluntatem cogens. Simo imperare videtur, saepe obediens; Davus servire videtur, saepe imperans. quo magis illius stultitiam, hujus vafritiam ridemus.

Criso civis est mediocri morum probitate, qui aequitate et justitia tam diu utitur, quam diu utilitatem ea non oppugnat, Athenas adveniens, ut Chrysidis bona hereditate occuparet, Glycerium tamen ex eorum possessione expellere non vult, primum, quod, lites peregrinam Athenis sequi, parum a se prudenter fieri existimat; secundo, at postremo, loco, quod ipsius Glycerii eum misereat. A Pamphilo V, 4 ad auxilium vocatus statim paratus est, testis adesse; nam

una harum quacvis causa, inquit, me ut faciam monet,

Vel tu, vel quod verum est, vel quod ipsi cupio Glycerio;

quartam causam, quae et ipsa fortasse ejus voluntatem aliquantum direxerit, reticuit, quod, si parentes suos Glycerium invenerit, Chrysidis hereditatem ipsi adire licuit.

Beliquorum mores ita notati sunt, ut supra eos a veteribus poetis Comicis notari diximus.

Inter virtutes Comicas tertius erat ornatus adventicius, a poeta nostro non parce adhibitus. Ornatum adventicium intelligimus, qui praeter artificium descriptionis fabulae illecebris minutionibus et facetiis additis sit. Denatus ad I, 4: *olnopula* est, ut arcescatur obstetrix et conveniatur Pamphilus; facetias scribentis in his verbis est, quod Archylis compotricem potius adduci jubet. Inter has facetias sive ornatum adventicium habemus quoque II, 4, 3.

Venit meditatus alicunde ex solo loco.

Pauca verba sunt; sed nihil aptius inveniri potuerit ad fastum senis deridendum, qui, ut magnus aliquis suis hominibus esse vi-

Ita Critonis adventu, quem nemo praevidere potuerat, unice servatus, tamen animum tranquillum esse jubet, primum *sui ipsius praesidio*, altero loco praesidio hospitis itaque etiam verborum ordine majorem partem suae salutis sibimet ipsi vindicat.

III, 2, 14:

Saltem accurate, ut metui videar certe, si resciverim, fastus senilis;

V, 3, 32:

Pro peccato magno paulum supplicii satis est patri, imbecillium patrum facilitas ignoscendi filiis ridetur.

V, 2, 16:

Tristis severitas inest in vultu,
Davus prudentissime inter causas refert, cur Critoni hospiti fides habenda sit.

Quae restant et ipsi tirones invenient, et universe quidem de vita et scriptis Terentii supra dicentes attigimus.

Edita est fabula, quod titulus docet, M. Marcello Cn. Sulpicio Coss. Is annus erat U. C. 586 a. Chr. 168. Proximo ab eo anno L. Aemilius Paulus de Perse, rege Macedoniae, devicto triumphaverat, postquam Romani triginta paulo amplius annis et Italiam ab hostili Hannibalis incursione liberaverant, et Hispaniam, Africam, Graeciam, Asiam imperio suo subjecerant. Nam U. C. 551 a. Chr. 203 Cn. Cornelio Lentulo P. Aelio Paeto Coss. pax cum Carthaginiensibus post bellum Punicum secundum his conditionibus composita fuerat, ut *exercitus ex Italia et Gallia Carthaginienses deducerent: Hispania abstinere: insulis omnibus, quae inter Italiam et Africam sunt, decederent* (Liv. XXX, 16). U. C. 556 a. Chr. 198 L. Furio M. Claudio Marcello Coss., pace Philippo data, *omnes Graecorum civitates, quae in Europa quaeque in Asia erant, nomine quidem „libertatem“ nacti erant; re vera in ditionem Romanorum venerant* (Liv. XXXIII, 30). U. C. 563 a. Chr. 191 M. Fulvio Nobiliore Cn. Manlio Vulsons Coss. Antiocho quoque, regi Syriae, ex Asia quae cis Taurum montem sita est, decedendum fuerat, ut eam partem vel Romani, vel Eumenes, rex Pergami, eorum socius occuparet (Liv. XXXVII, 55). U. C. 585 a. Chr. 169 Q. Aelio M. Iunio Coss. post Persen ad Pydnam victum vivumque captum, *Macedonas atque Illyrios liberos esse, sed Romanae gentis obnoxios, placuit* (Liv. XLV, 18). Ita res Romana dum opibus et potentia angebatur, et his victoriis vires colligebat ad summum interitum Carthagini parandum, P. Terentii prima fabula spectabatur. Mirum, quod Afro a diis destinatum fuerat, Romanum populum comoediis suis interea oblectare!

L. Ambivius Turpio, L. Atilius Praenestinus et Minutius Prothimus (Didasc. ad Adelfhos) praefecti gregibus hiftrionum erant, qui Terentii fabulas agebant.

L. Ambivius Turpio faepius quidem a fcriptoribus veteribus, e. c. a Cicerone de fenect. c. 14, ab auctore dialogi de caufis corruptae eloquentiae c. 20 laudatur, fed nihil praeterea de rebus ejus privatis et vita adjicitur. Reliqui ne nominantur quidem. Tamen hiftriones quanta populi Romani ftudia etiam ante Terentii actatam arte fua excitaverint, partim ex prologo Amphitr. Plauti fupra (p. 191) laudato, partim ex prologo Poenuli ejufdem poëtae, qui fimilis fere argumenti eft, cognofcimus; poft ea ftudia etiam aucta efle ex Macrobian Saturnal. II c. 7 et 10, item ex Ciceron. Ep. ad Diverfa. VII, 1 difcimus, ubi favere et divitiis Aefepos, Pylades et Hylas a potentibus Romae viris caanulatos efle legimus.

At fabulae non ferme quotidie, quod nunc in noftris urbibus regili fieri folet, a populo Romano fpectabantur, fed per fingulos annos femel bisve diebus maxime folemnibus ludi scenici edebantur, quum ne theatra quidem ab initio conftituta manerent, fed ad tempus tantum extruerentur.

Inde factum eft, ut tituli quoque Terentianarum fabularum ludorum Megalenfium, Romanorum et Funebrium, quibus quaeque actae fint, mentionem injiciant.

Ludi Megalenfes in honorem Cybeles, magnae matris deum, quae U. C. 548 Romam advecta fuerat, inftituebantur, et proprie scenici erant (v. p. 190). Ii ludi primum pridie Idus Aprilis (Liv. XXIX, 14 ibique interpp.), poft, quia in eum diem Cerealia incidebant, aliquot diebus rejecti, pridie Nonas ejufdem mennis (Ovid. Faft. IV, 179 fqq.) facti funt.

A pridie Nonas ad pridie Idus Septembres *Ludi Romani* five *Magni* fieri folebant. Afconius ad Orat. in Verr. Act. I c. 10: „Romani Ludi fub regibus inftituti funt, magisque appellati, quod magnis impensis dati funt: tunc enim primum ludis impensa funt ducenta millia nummum. Alii ideo Magnos Ludos dictos putant, quod Confo, confiliorum fecretorum deo, id eft, Neptuno, laticum regi et rerum conditarum, et Diis Magnis, id eft, Laribus urbis Romae, dati funt; quibus ajunt raptas Sabinas efle, ut videatur propter hoc dicere Virgilius (Aen. VIII, 636):

— — *Magnis Circenfibus actis.*

Nam et Magni et Circenfes iidem funt. “ Inftituti fuerant a L. Tarquinio Prifco U. C. 138 a. Chr. 616 et a Livio faepius commemorantur e. c. I, 35. XXI, 9. XXXII, 27. XXXIII, 25. XXXVIII, 35. XXXIX, 7. Ab initio tantum circenfes erant; U. C. 555 a. Chr. 199 Ludi Romani in circo scenaque ab Ae-

In Andria:
I, 5.
IV, 1, 4—18.

In Eunacho:
II, 2, 1—35.
II, 3, 1—11 (?).
III, 5, 1—8.
IV, 1 (?).
V, 4, 1—18.

In Hecyra:
III, 3, 1—48.
V, 3, 18—42.

In Heauton Timorumenos:
I, 3.
III, 6.

In Adelphis:
I, 1, 3—52 (?).
II, 1, 42—54.
III, 2, 1—21.
IV, 4.
V, 2.

In Phormione:
II, 3, 1—16.
IV, 6, 1—11. *)

Cantica certe, nisi plura, etiam in Romanorum comœdiis ad tibiae modos agebantur. Quare tibiae nomen in titulis legimus.

„Tibiae aut Sarranae dicuntur, quae sunt pares et aequales habent cavernas: aut Phrygiae, quae et impares sunt et inaequales habent cavernas. Ergo Phrygia *biformem dat tibia cantum*, dissonum, dissimilemque: non enim sunt pari-modulatione compositae: ut enim ait Varro: *Tibia Phrygia dextra unam foramen habet: sinistra duo, quorum unum acutum sonum habet, alterum gravem.*“ (Servii ad Aen. IX, 618): Tibiae Sarranae (v. Didascal. in Adelphos) tibiae Tyriae erant, et a Sarra, quae urbs Phoeniciae postea Tyros dicta fuit, nomen invenerant. Tibiae Sarranae pares erant; quare *tibiis paribus dextris et sinistris* in titulo Andriae circumloquutione dictum esse videtur pro *tibiis Sarranis*. Tibiae Phrygiae, quum impares essent, vel majores erant, quas digitis dextrae manus, vel minores, quas digitis sinistrae manus modulabantur. Dextrae tibiae *suocentivae* (bass) erant, et virilibus cantibus concinebant; sinistrae *incentivae* (disoant) erant muliebribus cantibus concinentes (Varronis de re rust. I, 2, 15). Terentii comœdiae quum argumenta sua intra rerum familiarium modicritatem continerent, simplicissimi concentus aequabilitas his satisfacere poterat. Quare integrae comœdiae vel ad has vel ad illas tibiae agebantur, prout vel plura virilis, vel plura muliebris teneris incant, quamquam in omnibus et viri et mulieres agendo referebantur.

Sed etiam de his rebus adhuc dubitatio esse possit; nolum de his, quae Salmasius ad Solini Polyhistora p. 82—87 fusc exposuit.

NOTIA

*) Godofr. Aug. Benedict. Wolff de cantilis in Romanorum fabulis scenicis. Halae MDCCCXXIV.

25. *Liberius* quomodo pronuntiandum est v. de vers. *Torent.* p. 212; sed etiam sententia, quae verbo inest, Bentl. offenditur, et *liber* legi jubet. Frustra. *Liber* potestate vivendi nemo caret, nisi qui capitis damnatus est; *libere* vivendi potestatem nemo nanciscitur, nisi qui nemini pareat; parabat autem adhuc *filius* patris voluntati: sed aliquanto tamen *liberius* vivendi potestatem idem nactus erat, quum ex ephobis excessisset, et in servi paedagogi custodia non amplius teneretur.

27. *prohibebant.* Bentleijus: „Scitum sane magistrum seu paedagogum! qui *prohibebat* patrem noscere filii ingenium.“ *Metus* non patrem, sed filium *prohibere* potuit; et *metus*, *actas*, *magister* non a patre, sed a contagione vitiorum arcebat, quae periculum erat, ne filius imitaretur. Bentleji correctione:

Dum eum actas, metus, magister cohibebant non opus est.

34. *ut ne quid nimis.* Serv. ad Aen. X, 861: „Notant Virgilium Critici, quod homini sacrilego dedit prudentem sententiam: quam rem ratio naturalis excusat: ea enim, quae per naturam movent animos, in quamvis personam cadunt. Illa vero sunt tantum prudentum, quae non nisi ratione et consilio deprehenduntur: unde et Torentius servis dat plerumque sententias prudentissimas quidem, sed quae se per naturam offerunt cunctis, ut Andr. I, 1, 84 *Ne quid nimis.*“ Morum similia idem scripsit ad Eclog. II, 65. Donatus ad h. l. sententiam non incongruam servo esse judicat, quia pervulgata sit.

37 — 38. Verba: *advorsus nemini.* Numquam praeponebat se illis, Bentl. delenda esse censet: 1) quod neque Euphrasius nec Donatus in commentariis eorum mentionem fecerint; 2) quod his verbis vix opus sit, quum reliqua verba ipsa sufficiant ad modestum et mitem animum juvenis declarandum, et ne versus quidem his deletis detrimentum faciant. Sed ex silentio in neutram partem aliquid comprobare potest; quidnam interpretes ad haec illustranda vocabula asserere potuerint? Reliqua verba sufficiebant quidem ad sententiam enucleate proponendam; sed in laudando filio itaque se ipso laudando senilis loquacitas non linguae pepercit, et minus necessaria quoque larga manu addidit. Non magis continuationem verborum haec addita disturbant: *quam nemini advorsus*, et, quibus se semel dediderat, iis numquam se praeponebat esset. Quare o sedo sua expellere ea nolimus, et fortuitum esse putavimus, quod metrum iis carere possit.

50. *Habet.* Virgilius Aen. XII, 295 sq.:

Desuper altus equo graviter ferit, atque ita fatat:

Hoc habet: haec melior magnis data victima Divis,
ubi Servius: „*hoc habet* i. e. lethali percussus est vulnere. Apud antiquos enim id erat *hoc habet*, quod nunc *peractum est*; sic

— — —. Et necessario post tale schema Sed conjunctionem requi, ut V, 195 *Quamquam o! sed.* Terent. Andr. I, 1, 137. His enim affectibus tantum sermonis defectio congruit.“

142. *observare* est callide advertere Terent. Andr. I, 1, 142. Servii ad Georg. IV, 212.

1, 2, 12. „*Astus*, malitia: nam proprio astutus malitiosus vocamus: unde in Terentio Andr. I, 2, 12 postquam de domino dixit servus astutus: ille iratus ait: *caruifex, quae loquitur?* Cic. Act. I in Verr. 11: *Ita fit, ut tua ista ratio existimetur astuta, atque hoc consilium necessarium.*“ Servii ad Aen. XI, 704. „Hoc et gestu et vultu servili et cum agitatione capitis dixit.“ Don. ad h. l.

14 — 15. Davus, ab heri aversus, *Rumores serere*, ait, id populo curae est; post quod Simo, servum sua verba parum attendentem sentiens, *Hocine agis, an non?* iratus inquit, i. e. ad te, quod hic dicens ago, num mentem tuam dirigere vis, necne? *Equidem ad verba tua mentem meam dirigo*, Davus respondet.

23. *Bona verba quae* i. e. loquere meliora: noli putare te a me deludi posse. Loquutio sumpta est a sacris, in quibus *bona verba dicere* est verbis, quae malam omnia habeant, abstinere. Ruhnken in dictatis ad h. l.

I, 3, 8 — 9. Si herus senserit, me veram aliquam fallaciam in nuptiis struere, de me actum est; imo hoc ipsum etiam si non senserit, sed si libido eum ceperit, aut causam aliquam vel veram vel falsam herus invenerit, quam praetendere possit: *aliquo jure, aliquave injuria usus praecipitem me in pistrinum dabit*, i. e. speciem aliquam juris vel nactus vel non nactus raptim me in pistrinum dabit, Bentlejus:

Si senserit, perii, aut, quam libitum fuerit, causam ceperit,

Quo jure, quae me injuria praecipitem in pistrinum dabit; sed cum emendationem nulli libri confirmant, et ea ne opus quidem est. *Quo jure, quave injuria dictum est pro aliquo jure, aliquave injuria*, quemadmodum a pronomine *aliquis* priorae syllabae saepius abjiciuntur, ut spatium verbi diminuto gravitas quoque verbi imminuatur. Majus aliquid audetur in numero verus non constitucendo: *capitum me in pistrini*; id est cui displiceat, me ejiciant, quod a pluribus libris abest (cf. Miscellaneae observationes in auctores veteres et recentiores ab eruditissimis Britannis 1761 ed. coepitae Vol. IV. T. I. p. 118 sqq.). Accuratior autem verborum structura, quam Bentl. habet, si quem delectet: is prave sentiat de eo, quod ad voluntatem dicentis declarandam aptum sit; quae voluntas, magis magisque periculum dicendo augens, quod imminet, interruptam potius, quam continuatam, orationem requirit.

21. *me ad forum*; deest *praeipiam*.

I, 4. Bentlej. v. 1 p. *audio* p. *audivi*; *adduci*? p. *adducam*

52. *utiles*; prius legebatur *inutiles*. Sed quam ipse Donatus testis sit, etiam sua aetate fuisse, qui *utiles* legissent: Bentlejus merito hanc lectionem revocasse videtur. *Quam utiles i. e. quantum utiles, urbane dictum est pro quam parum utiles.*

II, 1, 9. Aeschyl. Prom. v. 263:

ἐλαφρόν, ὅστις πημάτων ἔξω πόδα
ἔχει, παραινεῖν νοῦθετεῖν τε τοὺς κακῶς
πράσσοντας, id est:

Haud difficile est, pars nulla quem attingit mali,

Movere eos ac corripere, qui miseriis

Urgentur. Mureti var. lectt. I, 9.

24. ne id est *nae*, ut Eun. II, 2, 54. Heaut. I, 3, 5. 10. IV, 4, 21. Adolph. IV, 2, 1. And. V, 4, 36.

II, 2, 20. Donatus ad h. l. „*Nusquam. Deest vidi.*“ *Relicentia* (Aposiopesis) est a servo loquente vultus et habitu corporis expleta.

30. *opinor, narras?* i. e. *opinor, dicis?* Davus pro comperto habet, non apparari nuptias. Pamphilus: „non, *opinor*“ dicebat, at *opinari* saepe falsum est. Quare Davus: *opinor, dicis?* II, 6, 3: *Quid Davus narrat?* i. e. *dicat.* IV, 4, 13: *Nescio, quid narres.* V, 6, 6: *narras probe.* Horatii Satyr. II, 7, 4 sq.:

Age; libertate Decembri,

Quando ita majores poluerunt, *utere; narra,* ubi *narrare* pro *dicere*; sed significatione quadam insuper addita, quam interpretari nescio.

33. *ac nullus quidem; deest: liberatus es?* i. e. mea quidem opera *minime* (Priscian. I p. 626) liberatus es; illi coque rationem reddit, quare obrem non liberatus sit, nam inde, quod Pamphilus Chremetis filiam in matrimonium non ducat, non sequi, ut Charinus statim eam uxorem habeat.

II, 3, 22. *inveniet*; intellige: *aliquis*, qui uxorem non dabit, nemo i. e. non *aliquis* dimidiata sua potestate distinguendum indeque *aliquis* ad *inveniet* eliciendum est; ita ut haec sententia sit: Tibi ita morato non *aliquis* filiam suam in matrimonium dabit; inveniet *aliquis* inopem sibi potius generum, quam ut a te filiam suam corrumpi patiatur.

te corrumpi i. e. *per te, a te*; sed neutra dicendi ratio ad subtilem irrisionem declarandam suffecerit, quae in ablativo instrumenti, qui hoc quidem loco de homine dicitur, inest. Sextus enim casus, ubi per se ponitur, non hominem, per quem sive a quo aliquid fiat, sed instrumentum indicare solet, quo alius quis armatus aliquid faciat. Davus igitur cum te corrumpi dixerit, herilem filium humana dignitate quasi exuit, tamquam si virus sit, quo adhibito nemo pater filiam suam necaturus sit.

23. *si accipiet* i. e. si pater accipiet. Donatus scripsit: „In-

47. Donatus: „*Quid alias pro cur alias, alio tempore.*“
Bentl. legit: *Quando alias.*

III, 8, 4. Priscianus XVIII, 20 p. 177. Bentlejus tamen:
Ausculda: paucis et quid te ego velim et quod tu quaeris scies.

7. Serv. ad Aen. XI, 537:

Quae coepta a parvulis cum aetate adoretur simul.

29. conjugio devinctum ut Virgil. Aen. VIII, 394: *aeternus devinctus amore*; sed etiam in h. l. Virgilii perperam alii devinctus scripsere; v. a Burmanno ad illum locum annotata.

41. in me claudier i. e. per me impediri, pervetusta positione p. claudi. Bentl. invenit: *commodum intercludier.*

III, 4, 2. Iambicus tetrameter hypermeter; v. de vs. Ter, p. 225.

III, 5, 4. pretium i. e. poenam, Serv. ad Aen. IX, 232.

8. Godofr. Hermannus de Bentleji editione Terentii: „*Illud vero perperam, quod — suo iudicio Bentl. dedit: nec quid me nunc faciam, scio. D. nec quid me, atque id ago sedulo. Vulgo in Davi verbis: nec quidem me. Eleganter codex Lipsiensis: nec quid nunc me faciam, scio. D. nec me quidem atque id ago sedulo.*“

18. praecavere mihi me, haut te ulcisci sinit. Hanc compositionem verborum Bentl. ferre nequibat. Nam quem unquam dixisse praecavere mihi me sinit p. praecavere mihi me monet. Monet igitur p. sinit substituit. Sed sinit ad ulcisci verbum proximè praecedens imprimis pertinet, eique uni accommodatum est, quamquam sententia sua etiam ad praecavere referatur, per *ἑὸν γὰρ*, in qua figura unum ad verbum plures sententiae referuntur, quarum unaquaeque desideraret illud, si sola poneretur (Era. lex. techn. G. rhet.). Hoc hodie satis notum est.

IV, 1, 1 — 18. Canticum est; v. Argumenti Narrat. in fine. Versus sunt primum Cretici tetrametri; v. p. 224; 11 — 12 trochaici monometri; 13 trochaicus dimeter catalecticus; 14 — 15 Bacchiaci tetrametri acatalecti. Ita Hermannus elem. d. m. p. 209 hos versus constituit. 16 — 17 trochaici tetrametri catalectici. 18 iambicus tetrameter, sed qui numerum non mutat; v. p. 225 sub finem.

16. cum eo quomodo pronunciandum sit, v. p. 219.

40. inturbat i. e. Davus in mediâ re turbas ciet. Bentlejus id immerito delevit. Haec singulatim elata verba utilissima sunt ad summum aestum significandum, quo animus loquentium ferveat.

41. v. not. ad Phorm. IV, 3, 31.

45. Bentl. *quidni hoc consilium* i. e. cur non hoc consilium, lente dictum. Gravius dicitur: *quod, ni hoc, consilium* i. e. si omnes inimici invitum Pamphilum in nuptias coniectum vellent,

9. *Nova nunc religio in te istaec incessit.* Bentleyus: „Turpe mendum in omnibus libris inolevit: *In te incessit*, quasi praeteritum esset ab *Incedo*. At praeteritum tempus est ab *incesso*. Longe: *Nova nunc religio te istaec incessit cedo?* *Incessit te metus*, timor, religio etc. non *in te*.” *Incessere* saria, telis, convicio aliquem i. e. *laccessere* recte dicitur; *religio incessit*, id esset *laccessit* aliquem, vix dicere licent. *Incessere* verbum frequentativum a primitivo *incedere* est, et petulantiae notationem frequentativa sua potestate primitivo adjicit. Igitur *incessit* ab *incedere*. Quem admodum in domum aliquam *incedere* dicimur, ita h. l. religio in Davum, tamquam in novam aliquam suam domum, *incessisse* dicitur. Et quamquam Livius XXV, 1 *tanta religio civitatem incessit* recte dixerit; in nostro tamen loco ne in quidem deleverim. Verba enim cum praepositionibus composita, quetic praepositionem suam iterant, primam et propriam suam potestatem retinent, neque se transferende dicta esse indicant. *Religio in te incessit* i. e. religio in te, tamquam in novum suum domicilium, *inventa* est, *salsius* et *maiore vi comica* dicitur, quam *religio te incessit* i. e. animum tuum occupavit. Quare cum ceteris libris in hoc quoque libro „turpe mendum“ retinimus, et mendii nos ne pudet quidem.

IV, 5, 6. *quid hominum litigant*, verbo pluralis numeri dicere licere, Nicolaus Heinsius ad Aen. X, 238 pluribus demonstravit. Hodie haec res satis nota est, ut vix demonstratione egeat.

15. *Male dicis* i. e. *injuriosus es*, verbis quidem (*dicis*) inquit, sed in ipsum ejus corpus injurias quoque illatas fuisse su v. 12 exclamans indicaverat.

50. Scaliger Poëticae VII p. 856: *Novi rem omnem. sed est Sime intus? est*, versu iambico trimetro brachycatalecto legit.

IV, 6, 10. Menander in *Andria* p. 22 ed. Meineke: Ζῶμης γὰρ οὐχ' ὥς θελομεν, ἀλλ' ὥς δυνάμεθα.

22. *antiquum obtines.* Hocyr. V, 4, 20: *morem antiquum atque ingenium obtines.*

V, 1, 11. Tria loca in antiquis libris sunt, in quibus eadem, quae hic, verbi *seditionis* potestas est: 1) *Plant. Amphitr.* I, 2, 16:

*Nam Amphitruo actutum uxóri turbas conciet,
Atque insimulabit eam probri. tum meus pater
Eam seditionem in tranquillum cónferet.*

2) *Cicero. ep. ad Att.* II, 1 p. 126 ed. Bip.: *Ea (soror) est enim seditiosa: ea cum viro bellum gerit.* 3) *Terent. Andr.* V, 1, 11, quem ipsum locum ad interpretandum propositum habemus. Ipse Cicero *seditiosam* mulierem interpretatus est: cum viro bel-

hoc poëta præbetur. Quod genus: quid alter senum in scena agit, dum alter filio dicit, patrem omnia scire, patrem cum exheredaturum omniaque sua filiae daturum esse? (Heautont. V, 2).

„Terentie si placuisset, gestum notare, omnis e nobis dubitatio expulsa esset. Verum quid refert, num cum notaverit, necne; hic quidem liquet.“

V, 4, 80. Serv. ad Aen. II, 808. „Translatio ab animabus, quæ ad omnem senum erigunt aures.“

36. v. not. ad II, 1, 24.

V, 5. Ita Hermannus ex auctoritate codicis Lipsiensis hos versus constituit in Elem. d. metr. p. 176. Bentlejas eos præter primum trochaicos septenarios fecerat.

„Si quisquam est, qui studeat, in his“ quam illud alterum. **Tamen cum Bentlejo Ruhnkénius consentit in dictatis.**

5. Hermannus l. l. existimabit legendum esse censet.

7. Bentleyus :

*Qui bene vertendo, et easdem scribendo male, ex
Graecis bonis Latinas fecit non bonas.*

Hermannus l. l. ex corripit, et abjecta litera e ita legi iubet, ut in hac editione scriptum est.

*Qui bene vertendo et easdem scribendo male,
X Graecis bonis Latinas fecit non bonas,*

Lucius Lanuvinus est; qui quum putaret, „contaminari non decere fabulas“ (And. prol. 16), credibile est, putida quidem et obscura (And. prol. 21) diligentia cum Graece scripta in Latinum sermonem convertisse: sed quum non ut poeta, sed ut interpres converteret, male Latina scripserit, itaque ex Graecis bonis Latinas fabulas fecisse non bonas.

9. Hermannus l. l. praecipit, et recto quidem praecepisse videtur, pro Bentleyano item ut, uno vocabulo legendum esse idem; ut nulla comparatio cum prius dictis a Terentio habita sit, sed simpliciter poeta auditores suos de illo Phasmate moneat, et in hac ipsa simplicitate monendi argumentum insit acerbae vituperationis Phasmatis, quippe cuius perversitas per se ipsam spectatoribus aequae ac poetae nota fuerit, ut de Lucii Lanuvini Phasmate monuisse sit de Lucii Lanuvini stultitia monere. Bothe ita tamen hunc versum constituit:

Item ut Menandri Phasma nuper perdidit.

Donatus ad h. l.: „Phasma nomen est fabulae Menandri: in qua moverea superducta adolescenti, virginem, quam ex vicino quendam conceperat, furtim eductam, quum haberet in latebris apud vicinum proximum, hoc modo secum habebat assidue nullo conscio. Parietem, qui medius inter domum mariti ac vicini fuerat, ita perfodit, ut in ipso transitu sacrum locum esse simularet; cumque transitum intenderet sertis ac fronde felici, rem divinam saepe faciens evocabat ad se virginem. Quod quum animadvertisset adolescens, primum adspectu pulchrae virginis, velut numinis visu, percussus, exhorruit: unde *Phasma* [Spectrum] est nomen fabulae.“

10. Donatus: „Arguit Terentius, quod Lucius contra consuetudinem litigantium, defensionem ante accusationem induxerit. Huiusmodi enim est Lucii argumentum: Adolescens, qui rem familiarem ad nequitiam prodegerat, servum mittit ad patris monumentum, quod senex sibi vivus magnis opibus apparaverat, ut id aperiret, illaturus epulas, quas pater post annum decimum caverat sibi inferri. Sed cum agrum, in quo monu-

tate pluralis numeri Bentlejanae lectionis poetica aliqua laus cernatur, ut haec ipsa inaequalitas Herm. lectionis inaequalitate sua apud poetam Comicum delectet.

41. Hermannus Bentlejum corrigit, ita legendum esse censens:

Nullum est jam dictum, quod non sit dictum prius.

Nam altero loco participium cum eadem sententiae gravitate, qua priore loco, iterari, et vocabula eadem sententiae gravitate iterata necesse esse eodem pronuntiationis pondere edicantur; quod ut fieri possit cum quinque codicibus et codice Lipsiensi verba transponenda esse. — Ex nostro quidem iudicio, quod tacito sensu concepimus,

quod non dictum sit prius

rectius legatur, ipsaque aequabilitas ponderis, quam et ipsi hoc in loco in pronuntiandis vocabulis desideramus, nobis quidem hac collocatione vocabulorum melius effici posse videtur. Sed docti videant.

44. *Date operam et cum silentio animum attendite*

Bentlejus; deleta copula et, quemadmodum libri scripti habent, Herm. legi jubet. Solemni more id dictum esse pro eo, quod dicendum erat: *date operam, ut attendatis animum*, itaque a Terentio dici solitum collatis exemplis Phorm. prol. v. 30, Eun. II, 2, 50; ibid. II, 3, 71 comprobatur.

I, 1, 1. *Quid igitur faciam?* est dictum post cogitationem. Igitur particula est, per quam intelligimus Phaedriam multa cogitasse, et sic prorupisse: *Quid igitur faciam?* Servii ad Aen. IV, 534. IX, 781. cf. p. 196.

9. „*illicet* confestim, mox; sed apud veteres significabat, actum est. Olim enim iudex, si dare finem agendis rebus voluisset, per praeconem dicebat *illicet*; hoc est ire licet: id est, acta et finita res est. Terent. Eunuch. I, 1, 9.“ Servii ad Aen. II, 424.

20. Aposiopesis; v. ad Andr. I, 1, 137. cf. Eun. III, 2, 26.

23. Bentlejus imperiose: „*Lege misera, non misere*. Qui hoc non probet, parum in Terentio profecit.“ At omnes fore libri habent *misere*; Servius quoque ad Aen. II, 196. et Charisius p. 184. *Misere terere* est ita terere, ut miserationem nostram commoveas; igitur ingentem in modum terere, quod ad verba proxime sequentia *vix vi expresserit* aptissime dicitur.

I, 2, 24. Bentlejus invenit:

Sin falsum audierim ac fictum, continuo palam est, depravans ita, non emendans loci sententiam. Nam quamquam et ipsi minime servum discrimina verborum *falsum, vanum, fictum* acute observasse putamus: servus tamen tria verba ejusdem fere potestatis in unum locum coniecisse, et aut — aut additis sermonem suum dilatasse videtur, ad comminationes suas in Thai-

ne dicebatur. v. Interpp. ad Liv. VI, 11, 3. Oudendorp. ad Hirtii de bello Alexand. c. 56. Rubnken. ad Vellej. I, 9.

57. Parmeno primo ad Gnathonem conversus: *facete dictum, εἰσπνεύωσθε*, quia inficete; deinde reliqua *set* video etc. cum *semet ipso* colloquitur.

59. *custos publ.* „adversus praedonum incursus illic excubabat juvenus Attica.“ Don.

II, 3, 1 — 11. v. Argum. in Andr. s. fin. de Cant.

13. *quid tu es tristis? quidve es. alacris?* — Donatus: „Proverbiale est, in hominem perturbatum et incerti vultus.“ Servius ad IX, 231: „*alacres* i. e. concitati.“

16. Bentlejus ad h. l.:

Nunc, Parmenó, te óstendés, qui vir síes.

„Geminum hic vitium est: et quod *te* non elidatur, et quod *óstendés* duplicem ictum sustineat, media longa: quod vel aure iudice, est absonum. Lege:

Nunc, Parmeno, te óstenderis, qui vir síes.

Poteris etiam, *ostende sis*; sed illud melius, *ostenderis*, modo potentiali, hoc est, possis ostendere.“

Plura vitiose dicta sunt, sed haec ipsa vitia in hoc quidem loco Terentio in laude ponimus. Apparet ex verbis, *qui vir síes* (I, 1, 21. 2, 74), ad servum dictis, haec verba tanta gravitate non aërio, sed tecta servi irrisione ab herili filio ad Parmenonem dici, et haec irrisio augetur ipsis accentibus vitiose additis. *Ostendés* verissime duplici accentu eoque ipso vitiose posito acciuitur, ut verbum duplicem iade gravitatem eamque ipsam ridiculam nanciscatur; et ob eandem causam ne *te* quidem plane elidi poterat, sed hiatus suo, qui numero invito statutus est, insigniendum erat, ut illud *se ostendere* eo magis argueretur. Ipsum homoeoptoton, quod est in *ostendés* et *síes* nonnihil nobis efficere videtur, et ejusmodi homoeoptota saepius in Terentio sunt, e. g. Eun. Prol. 45 *quid — velít*. Contra Bentlejanum illud *ostenderis* i. e. credibile est, fore, ut *te ostendas*, et propter suam potestatem, et propter quotidianam accentum suam, lente dicitur, et reliquum quoque loci spiritum languore suo necat. Quare a libro Bembino, Basilicano et aliis prudenter fit, ut *nunc Parmeno, te ostendes* scriptum habeant, et viri metrici etiam ex hoc loco discere possunt, unam scientiam metricam parum sufficere ad statuendum de Terentio.

21. *sive adeo* i. e. atque adeo, se ipsum corrigentis est pro *imo, vel potius*.

26. *nova*, quasi antea numquam. Serv. ad Aen. IV, 10.

28. *Flos ipse metri* causa Bentl. ejiciendum esse censebat. Herm. elem. d. m. p. 183 ea verba revocavit, et nunc addito versum ita constituit, ut in h. libro scriptus est.

epinomide sua; attamen meae aures nisi plane occalluerunt, Bentlejus suavitati hujus versus parum consuluit, quum pro:

Verbis saepe in se transmovet, qui habet salem,
legebat:

V. s. i. s. transmovet, qui sal habet;

in quo postrema verbi transmovet syllaba, sub minore ictu posita, et postrema verbi *habet* syllaba, in extremo versu collocata, similitudine sua majore taedio audientes afficit, quam *quabet* pro *qui habet* legendum. Praeterea Servius (ad Aen. I, 85) et Priscianus V, 2 (T. I p. 172 ed. Krehl) hujus verus testimonio usi sunt, quum virilem sexum verbi *sal* probare vellet; ipsa verbi *salem* in finem dilatio epigrammatici aliquid leporis habet, ita ut contra Bentleji auctoritatem *habet salem* scripsim, et ut incommodum Bentlejo *quabet* pro *qui habet* evitarem, transfert, lectionem codicis Ienensis et Veneti, susceperim, quam Perlet ad h. l. protulit; qua lectione suscepta, hiatum, qui est in *qui habet* ea defendent, quae p. 218 sqq. dicta sunt.

19. *paucorum hominum esse est: fastidiosum esse in iis hominibus deligendis, quibus familiariter utaris, idque in laude positur. Maecenas quoque ab Horatio Sermonum I, 9, 41 paucorum hominum et mentis bene sanae fuisse praedicatur. Id ipse miles jam auxerat dicendo: perpaucorum hominum. Gnatho (qui, si negat quis, negat; si ait quis, ait) e disciplinae suae ratione id ipsum et ipse augere debuit, et ad insaniae modum dictum militis exaggeravit. Rex enim, si nullorum hominum erat, quum cum Thrasone versaretur: Thraso ne homo quidem erat. Ex proposito Terentius hujus sermonis hunc exitum finxit, ut simul risum commoveret et de Thrasonis stultitia et de Gnathonis arte.*

23. *magister elephantorum. Liv. XXXVII, 41.*

35. Pro *irridere*, cujus lectionis praeter codices, qui consentiunt, Priscianum T. II p. 216. 247. 252. certum testem habemus, Bentlejus invenit *irritare*; acute quidem, sed inventum tamen.

36. *Lepus tute es, et pulmentum quaeris? Donatus: „quod in te habes, hoc quaeris in altero.“* Id miles Rhodio *adulescentulo*, qui Lycidas aliquis „quo calet juvenus nunc omnis et mox virgines tepebunt“ fuisse videtur, exprobrare voluit, eum minorem esse aetate, quam ut de Venere cogitare debeat, et aptiorem esse, muliebria ut ipse patiatur, quam ut faciat. Hanc sententiam ineptus homo inficere leporis et, quae pars leporis est, pulpamenti similitudine declarat; quod pulpamentum cibus est, e pulpa concisa factus; *pulpa* vero caro musculosa in animali sine osse et pinguedine, quae manducatur (Forcellini Lexic.). Ita

III, 5, 1—8. Canticum; v. Andr. Arg.

2. cf. Ruhnken. et Perlet. Ruhnkenius: „*Erumpere gaudium* i. e. gaudium, quod quis diu continuit, cum impetu effor-
ra, effundere. *Erumpere* saepe active dicitur.“ Bentl. corre-
xerat:

Iamne rumpere hoc mihi licet? pro supreme Iuppiter!

12. Antiquissima lectio est:

Quid taces. C. o festus dies hominis! amice, salve!

Bentlejus correxit:

Quid dices? C. o festus dies! o meus amicus! salve:

nam alteram lectionem parum cum metro convenire; ex fine constare tetrametrum esse catalecticum, sed initio claudicare il-
lud taces. Nobis quoque iambicus tetrameter catalecticus esse
videtur, et prior syllaba verbi taces propter iotus gravitatem,
quo acuitur, produci (v. p. 220 sq.). *O festus dies hominis* vix
nobis titulus esse videtur in alloquentem Antiphonem dictus, sed
laetantis exclamatio: *o festus dies hominis* i. e. quam laeti dies
hominis alicui contingere possunt! Recte Forcellini Lex.: „*fe-
stus dies* est aliquando blanda amantis compellatio. Planti *Ona.*
I, 49; *mi animule, mea vita, meus festus dies*; et laetantis Te-
rent. Eun. III, 5, 12.“ Tamen ut etiam cautiorebus a nobis
satisficeret, tutius existimavimus cum Bothio legere: *Taces*
quid? Bothius ad h. l.: „*Taces quid? οὐχὲς τί?*“ nam sic Grae-
ci saepius postponunt *τίς, τί*; quod non animadvertentes librarii,
exarando *quid taces* versum perdidere.“

40—41. Utilissimus hic locus est ad Bentleji sive levita-
tem sive temeritatem, certo audaciam in Terentio corrigendo ar-
guendam. Exhibuimus supra eam lectionem, cujus omnes co-
dices disertis testes sunt. Bentlejus correxit:

Deum sese in pretium convertisse, et per alienas tegulas

Venisse clanculū: per pluviam fūcum factum mālicri,
veritatem quidem fabulae, sed poetae propositum parum in eo
asequutus. Narrationi fabulae Terentius jam v. 37 satisfac-
erat; v. 40 et 41 non amplius narrat, quid pictum fuerit, sed ju-
venis quid in pictura contemplanda senserit; neque id quidquam
aliud inde petebat, nisi suae et divinae levitatis aliquam simili-
tudinem. Multo igitur se rectius habent, quae in Terentio an-
tiqua fide legimus, quam quae Bentlejus nuper invenit. Ipsum
deum, juvenis cogitat, majestatem suam deposuisse, ut Vene-
ris humanae dulcedinem gustaret, planeque oblitum, se deum
esse, qui *templa caeli summa sonitu concutiat*; humano corpore
indutam, omnem etiam levitatem humanam indulsc, et delica-
tuli juvenis inatar *per alienas tegulas clanculū per impluvium*
venisse, a quo gynaeceae et nocturna cubilia circumdata esse
solebant. Schneider ad Vitruv. VI, 3, 6. cf. Quintil. inst. orat.

lectione sibi constat et trochaicus est: *Tháidi*. Nam postquam —
— cf. Hermannii elem. d. m. de continuatione numeri.

9—11. ex recensione Hermannii in elem. d. m. p. 170.

12. v. Moreti var. lectt. VII, 2.

IV, 2, 3—4.

et ea omnia in

Pejorem partem

veterum codicum et editionum est. Bentlejus: „magis ex consuetudine Terentii est, si refingis:

et ea omnia

Pejorem in partem.“

Haec quidem editio cum Schmiederi et Perletii editionibus veterum lectionem praetulit et quidem, ut nobis videtur, ipso numero suadente. Etiam in hoc loco, quod ad Eun. III, 1, 10 notavimus, Bentlejus leperem, qui est in vetere compositione verborum, parum assequutus esse videtur. De industria Terentius praepositionem in alteram versum; *pejorem*, quod a praepositione regitur, in alterum disjunct: ut brevi mora, quae inter pronunciationem duorum versuum intercedit, dilatus et ad expectationem commotus auditor, cum majore risu illud *pejorem* accipiat, quod commotam expectationem ita ludit.

7. *al. diverticulum*. Drakenborch ad Läv. XLIV, 43, 2: „*devertit*, qui de via deflectens hospitium subit; unde *deverso-rium* et *deverticulum* pro hospitio ponuntur. At *divertit*, qui a via regia discedens semitam inde in diversa tendentem incedit: et hinc *diverticulum* est locus, ubi duae viae a se invicem recedunt.“

IV, 3, 7. Ruhnkenius: „*Absente nobis* pro: *absente me*. Sic veteres aliquando loquebantur ad sensum magis, quam ad verba attendentes. Catull. CVIII, 5: *insperante nobis*. Tibull. III, 6, 55: *Perfida, nec merito nobis inimica merenti*, ubi vid. Bronkhusius.“

9—13. Hermannus conjiciens ita scribendum esse censet:

Pr. ehem, Phaédria, ego quem quaeram? in' hinc quo dignus's cum donis tuis

tam lépidis. Ph. quid istuc rei est? Pr. rogas?

eunuchum, quem dedisti nobis, quas turbas dedit? virginem

vitiávit. Ph. quid ais? Pr. périt. Ph. temulenta es. Pr. uti-
nam sic siem.

11. Bentlejus:

eunuchum quem dedisti nobis, quas turbas dedit?

eunuchum simul et attractione et exclamatione dictum est. Attractione pro *eunuchus, quem dedisti* etc., cujus dicendi generis, a Graecis derivati, Wolf ad orationem Leptineam p. 462 ex Cic. Epp. IV, 5 hoc exemplum affert: *Genus hoc consolationis miserum est, quia, per quos ea confiteri debet, propinquos ac fami-*

utrum praedicemne an taceam?

IV, 6, 81. *Attollo pallium*. Donatus: „Vel quia simplex est, vel quia ebrius, pallium trahit Chremes.“ Ruhnkenius. „Sic enim expeditius currere poterat.“ At quae antecedant et quae subsequuntur, hoc Thaidem a Chremete, ut speciem certe ad pugnam se accingentis induat, petere, eoque *attollo pallium* simul pertinere decent. Apte. *Attollere pallium* idem valet, quod *colligere pallium* Plauti Captiv. IV, 2, 9, „quod ejus est, qui pugnam molitur“ (Fabri thes. erud. schol. s. v. pallium). Chremetem Thais jubet Ergasilum aliquem assimilare,

K minor interminorque, ne quis mi obstiterit obviam,

Nisi qui sat diu vixisse sese homo arbitrabitur praedicantem.

IV, 7, 6. *manipulus furum*. Donatus: „merito centurionem videns manipulum desideravit: hoc est, coquum videns, convivas desiderat.“ Ruhnkenius: „Fures sunt servi, quorum furacitas saepe notatur. Virg. Ecl. III, 18 et ibi Servius.“

19. *quam armis; deest experiri*. Bentlejus contra Nonii et Donati auctoritatem correxit:

Omnia prius experiri, quam arma, sapientem decet.

Quodsi oratorem aliquem ita correxisset, aequabilitati dicendi recte eo consuluisse videri posset; in hoc poeta et in persona Thrasonis id secus est. *Experiri legibus, jure* dicitur suam causam agere legum, juris auxilio, indeque *armis experiri* hoc loco fluxit, quod similitudine sua cum modo propositis dictionibus ridiculi sensum in legentis animo movet, qui sensus ipsa inaequalitate dictionum, quae est in *omnia experiri et armis experiri*, et tacito experiendi vocabulo acuitur.

23. Bentlejus scripserat:

Dixtin', hosce mihi dies soli dare te? T. quid tum postea; in lectione libri Bembini, Donati, aliorum ipsi acquievimus. Nam *mihi*, ultima acuta, excusationem habet ab interrogatione, et in duos pedes divisum *mi | hi* praegrave pondus nanciscitur, quod ad arrogantiam dicentis significandam utile est.

25. *Quid cum illoc agas?* Muretus, Bentlejus, Ruhnkenius Thrasonis esse dicunt, „quid cum illo agas, nisi, quod meretricis est, Venerem cum eo exerceas?“ Sed eadem verba omnes codices et edd. veteres Thaidi tribuunt, nimirum ut haec insit sententia: quid tibi cum illo Chremete negotii est, sive, quidnam te res Chremetis tangunt? Id quidem ex Donati annotatione elici posse videtur.

30. *Scin' emendetur Scin'.*

45. *domi focique* lepida immutatione solemnis formulae *domi forisque* ab esuriente parasito ad Sangam dicitur. Perleti interpretatio de aris et focis insulsa est.

centu suo, in posteriore syllaba posito, posteriori syllabae addidit, tantamdem prioris syllabae de gravitate sua detraxit, ut verbum iambi similis fiat; praetereaque reliqui pedes, qui in *la-dos praebuere* intus insunt, suaviore temperatione miscentur.

28. Don. „proverbium in eos, qui ipsi se produnt; quia se-
rex non facile caperetur, nisi emitteret vocem noctu.“

V, 7, 6. *Etiā pro adhuc.* Serv. ad Aen. XI, 852.

V, 8, 84. De elegante usu particulae *quod* v. Buhken. et Bentl. ad h. l.

36. *vestrum tam superbum* i. e. *vestram rem tam super-
bam*, i. e. *vos tam superbos*.

44. *Ut libenter* pro *Et libenter* ex conjectura Bentleyi; ut
potestate prout. — *Libenter vivere* pro *laute, hilariter vivere*.
Caten. de re rust. 156, 1: *Si voles in convivio multum bibere
coenareque libenter*.

49. *Bardus p. tardus* ex conjectura Bentleyi.

57. Nonius: „*Propinare* a Graeco tractum est *προπίνειν*,
post potum tradere. Terent. Eun. *hunc vobis comedendum et
bibendum et deridendum propino*.“ Hinc Bentl. legendum eli-
cuit: *Hunc comedendum et ebibendum* — —. Nos *deridendum*
praetulimus ob maiorem et varietatem et perspicuitatem senten-
tiae, quae inde fit.

nex Ambivius ipse prologi partes suscepit, quae alias ab alio aliquo gregis sui histrione agi solitae sint: primum se rei novatae rationem redditurum; deinde ipsam causam, ad quam agendam prodierit, acturum esse.

b) v. 4 — 15. Cur ipse Ambivius hodie prologi partes suscepit, haec ratio affertur: „Heauton Timorumenon hodie actum iri, quae comoedia ex Graeca Latina facta sit; ad quod consilium excusandum prologum ex prologo causae actorem factum esse; qui, ad spectatores orator missus, his iudicibus comoediae causam si obtinere possit, experiatur.“

c) v. 16 — 52 causam Ambivius perorat, ad quam perorandam prodierat. 16 — 21. „Malevolos rumores poetam diffamasse, quod ex Graecis suas Latinas comoedias faciat. Excusatur poeta (20 — 21) priorum poetarum exemplo, qui idem sibi licere putaverint. 22 — 31. Quod Lucius Lanuvianus, qui Comicum nostrum allatrare solebat, dixerit: „amicorum magis, quam suo ingenio fretum, poetam poeticis studiis operam suam dicasse;“ de eo spectatoribus liberum se arbitrium relinquare: sed (26 — 31) eo magis hoc a spectatoribus se precari, ut non inique iudicent, et bonae causae ut faveant, ne iste sibi favori existimet, qui in artis leges tam graviter peccet, de cuius peccatis plura se dicturum esse, si a maledicendo ipse non desistat. 35 — 47. *Statariam*, ut in qua merus sermo sit (46), non *metoriam*, in qua omnia turbulenta clamore summo, labore maximo (49) fiant, comoediam hodie se acturum esse. Ita etiamsi parte aliqua labor sibi minutus sit, sibi tamen aequum videri, spectatores, etiam in sedata agendi ratione quid valeat, hodie cognoscere. 48 — 52. Peroratio est, in qua summum suae orationis propositum iterans concludit: „Quodsi vestro magis commodo, quam meo ipsius semper servii: acquitatis vestrae hodie in me documentum edite, ut etiam caeteri histriones mei inde alliciantur, ut, quemadmodum ego feci, ita et ipsi faciant, et vestrum iudicium magis, quam sui commodi rationes sequantur.“

In *causam* igitur *videtur* modo *poetae*, modo *actoris* res in prologo aguntur.

2. *adulescentiam*. Ruhnkenius ad v. 51. *adulescentiae* sc. histriones, actores. Neque id non verisimile est, quam simile verbum *puer* simili potestate dicitur; aliam tamen auctoritatem, praeter hanc similitudinem, quae haec verbi potestas ostenditur, nullam reperi. *Senex* igitur, qui *adulescentibus* opponitur, ipse Ambivius *Tarpe* est, qui toti gregi praecerat; et ex hoc et similibus locis interpretor colligit, prologos ab *adulescentibus*

pro veritate rei, imprimis in parabasi, prologi Romani haud dissimili, loquutos esse, Genellius refert de Theatro Atheniensi p. 250. Haec igitur horum versuum voluntas erit: „Poëta, pro histrione proloquente, causidicum, fabulae causam coram vobis iudicibus defendentem, me esse voluit (11 — 12). *Sed* (pro Bentlejano si v. 18 retinendum) hic causidicus eloquentia sua nihil praeterea valebit, quam quod poëta, hunc prologum scribens, inveniundo valebat (13 — 15).

19. *autumat* i. e. dicit, non: opinatur. v. Ruhn. ad Vellej. I, 6. cf. Quintil. VIII, 8 p. 76 ed. Bip.

28 — 32.

*date crescendi copiam,
Novarum qui spectandi faciunt copiam
Sine vitis: ne ille pro se dictum existumet,
Qui nuper fecit servo currenti in via
Dixisse in populum: cur insano serviat?*

Bentleji sunt, dixisse v. 32 pro *decesse* corrigentis, extorta potius, quam elicitā verisimili aliqua sententia. Ipsi *decesse* retinimus, ut in eo Lucius Lanuvinus peccasse arguatur, quod a populo decedente de via eum honorem servo alicui habitum esse fecerit, qui summis tantum magistratibus haberi solebat. Post *ne ille pro se dictum existumet* maximam interpunctionis notam posuimus, et pro *cur insano serviat? cur in sanos saeviat?* resingentes, ita interpretandum esse putavimus: *Ille* v. 30 ad Lucium Lanuvinum referendum esse, et ita per se solum positum tantum abesse, ut mutilatum sit, ut non minimum ei pondus accessisse videatur ad invidiae gravitatem augendam, qua ille hoc loco, et qua iste saepius dicitur. 31 — 32. „Qui nuper ipse in artis leges ita peccavit, ut imitandam vitae verisimilitudinem negligeret: ei cur liceat *in sanos* i. e. in eos, qui rationem artis sequuntur, saevire?“ Ductus literarum ita facillime mutari potuerant, ipsique sententiae v. 31 — 32 oratoriae aliquid gravitatis inest.

I, 1, 5. Bentlejus correxit:

Quod ego esse in aliqua parte amicitiae puto;
sed corrigendo depravavit magis, quam emendavit poëtam: „*Quid sodes est pars propinqua amicitiae?*“ *pars* i. e. locus, ratio, amicitiae affinis, haud dissimilis amicitiae; et *pars propinqua ad viciniam* similitudine quadam cogitationis aptissime et maxime concinne refertur, quum in dilatata Bentleji emendatione praeter tritam dicendi rationem nihil virtutis insit, quae eam commendat. Nostrum, quod dedimus, praeter codd. Servius quoque tustur ad Ecl. III, 53.

4 — 6. *virtus tua me — — — facit, ut te audacter moneam*
et familiariter pro *virtus tua facit, ut ego te audacter moneam,*

40. *hui, tam gravis hoc quasso Chreones rastros elevans et*
Menedemo eos auferens dicit.

49. v. p. 214. d. v. T.

62. v. p. 218 sq.

73. alii ex Benteji invento:

Inde alii festinari etc.;

elegantius quidem ob v. 76: nos verius: *Video alios etc.* idque ipsum narrantis consilium magis assequens. Menedemus, quum maximam sedulitatem suorum, qui ei serviunt, significare velit, rectius dicit: *video alios*, omnia opera in eodem tempore collicans, quam tempora distinguens: *inde alii*.

87. alii *quaerens, parcens*; continuatione sententiarum, quae sine dubio praefertenda est, nam prius *quaerenda* nobis sunt, quam *parcere* possimus *quaesitis*. Ipsi tamen pejorem sententiarum ordinem de industria h. l. praetulimus, quum perturbatus ordo sententiarum perturbata poenitentia senis animum significare nobis videretur; neque id nobis displicet, quod sub maiore accentu *quaerens* positum est: satis fiebat filii commodo, si senex *quaesitis* parceret, sed insuper etiam majus officium senex addere vult, ut nova labore suo acquirat.

91. „*Exercire sive exsarcire sumptum suum* est tantum lucri domino referre, quantum ille sumptus in eis alendis impendit; opere suo impensas domini pensare et resarcire.“ Benti. ad h. l.

92. „*inscripsi aedes i. e. aedes meas locavi.*“ Euphrasius.

110. Buhnkenii opusc. I p. 230 (130 fals.) disputat de festis Dionysiorum: „Tenendum igitur, quod jure sequuti sunt Hemsterhusius noster ad Lucian. *Timon*. p. 167. Corsin. *Fast. Att.* T. II p. 328 et Taylor. ad Aeschin. *adv. Ctesiph. init.* *Διονύσια*, simpliciter vel per eminentiam dicta, esse urbana et maiora. Sed forte quis dubitationem moveat ex Terentio *Heaut.* I, 1, 110. IV, 2, 11. *Dionysia* simpliciter dicente, ubi omnia in agris aguntur. Daceria et Aeg. Menagius in docto libello de hac Terentii fabula Gallice scripto p. 139, Sam. Petitem l. c. (ad legg. Att. p. 114) sequenti, intelligunt *Dionysia Ruralia*; quod officere videtur modo disputatis. Sed mihi vix dubium est, quin Terentius, pro τοῖς κατ' ἀγροῦς Διονυσίοις apud Menandrum, simpliciter posuerit *Dionysia*; ut Romanorum Bacchanalibus responderent. Satis constat, eum aliis quoque locis, neglecto Atticarum more, sermonem suum Romanae consuetudini accommodasse.“

113. pro *impellerim* Erasmi editio habet *impulerim*, quod propter trochaicum in versu trimetro ferri non potest. Bentejus correxit: *hinc pepulerim*, nulla codicum auctoritate, et consuetudini trimetrorum, qua in quinta sede tribachus et dactylus, si

Perflet ad h. l. : „Omnino autem est comere munerum, comari magis virorum.“

II, 2, 1. Priscianus XVIII, 25 p. 217 ed. Krehl : „νόστιον τὰ ὄψατα pro disserere. Terent. in Hecut. : verum intercos dum sermones caedimus.

15. Bentlejus ad similitudinem aliorum locorum inverso ordine legit : set ecce video. Nostram libri habent, idque maiorem commotionem animi exprimit.

48. Bentlejus :

Nulla mala re interpolatam muliebri;
nos codd. vestigia prementes ita scripsimus, uti supra legitur. Accusativus c. infinitivo est a superiori offendimus i. e. reperimus; eam reperimus nullo artificio muliebri malas fucatam.

49. *Capillus sparsus, prolixus.* Bentlejus : „Illud prolixus non placet; repono promissus.“ Verum est, promissum perperam saepe prolixo mutatum esse; quod Heinsius docuit ad Virgilii Ecl. VIII, 34. et interpretes docuerunt ad Livii II, 23. V, 41; sed id hoc quoque loco factum esse, quod Bentlejus et post eum Rahnkenius et Bothius censuerunt, praesertim sine ullo codicum iudicio, id parum verisimile est. Promissum est, quod in longitudinem; prolixum (pro — laxum), quod in latitudinem non minus, quam in longitudinem porrigitur. Promissa barba est, quam in longitudinem aluimus; promissus capillus item esset, quem in longitudinem aluimus, idque in femina praesertim decori esset; sed ipsum contrarium Syrus indicare vult, capillum non modo non diligenter habitum, sed neglectum fuisse. Igitur capillus prolixus, qui sparsus, circum caput negligenter rejectus erat; non promissus legendum est. Columella VII, 8, 7 ed. Schneideri : oves — cervice prolixi villi, nec asperi. Varro I, 2, 5 : arbores prolixae sunt, non celsae tantum, sed simul fruticosae. Col. I, 9, 3 : Prolixior arator est non tantum procerior, sed idem amplior, vastior corpore, qui maiore suo pondere in urando stivam premat. Col. III, 15, 1 : Largiora intervalla inter vites intermittenda sunt; per quas frequentes prolixaeque matoriae diffundantur. Varro I, 6, 4 : „Quaedam in montanis prolisiora nascuntur ac fruticosa“ i. e. fruticosiora. Varronis II, 2, 3 unus locus est, qui hanc explicationem infirmare videtur : „oves — oportet — caudis observare ut sint in Italia prolixis, in Syria brevibus,“ quoniam breves ibi prolixis opponuntur, sed ipsa ratio docet, hoc quoque loco non minus de in latitudinem, quam in longitudinem porrectis dici.

59. Bentlejus interpretes nescio quos de iisdem dubitare aiecit; sed recte id hic locum habet. Idem dicitur, ubi eidem homini duae res tribuuntur, quae hoc loco sunt, munerari ancillas et viam adfectare ad dominas. Corrigrere h. l. ne licet quidem.

etatae fabulae de continuatione temporis Graecae Romanaeque non Gallice obstinati animis curare docuerunt.

1. *Luciscit hoc.* Muretus comment. in Catull. ad C. Licinium Calvum T. II opp. p. 740: „Nonnumquam etiam dicebant; *luciscit hoc*, aut *luciscit hoc*, quum videlicet coelum, aut inane illud spatium intelligerent. Plautus Amphitruone:

Eamus, Amphitruo, luciscit hoc jam.

Mem Curculione:

Quid tu, Venerin' pervigilare te volisti, Phaedrome?

Nam hoc quidem edepol hanc multo post luce lucebit.

Mem Miffite:

Vigila, expergiscere, inquam; luceet hoc, inquam.

Terentius Heauton Tim.:

Luciscit hoc jam. cesso pulsare ocellum

Viciat? etc. Hunc autem locum ita interpungendum esse, prius me, ante hoc biennium, admonuit vir omni elegantiae doctrinae genere pulitissimus, Adrianus Turnebus, regius Lutetiae Graecarum literarum professor.“

11. Codd. drabant vel ingenio egregie ad miseriam natus sum; vel ingenio egregie ad miseriam natus sum: egregie quidem praetuli, quoniam ego egregie natus sum ingenio ad miseriam gravius quid dicit, quam ego ingenio egregie ad miseriam natus sum.

35. *commetare* probabili Bentleji conjectura i. e. *commicare*. Faërus: *commicare*, hunc versum constare diceas, contractis in unam duabus mediis syllabis verbi *commicare*; ultima voce per synaloephen non elisa.

66. *ibi esse* i. e. in eo esse, id agere. cf. V, 2, 30. V, 5, 19.

75 — 76. Benti. tamquam spurios expulit, nemine tamen recentiorum interpretum eum imitante.

89 — 91. Bentejus post v. 102 in fine scenae collocat; nulla quidem librorum auctoritate, sed argumentis ita speciosis, ut praeter Daceriam nemo interpretum, quod aciam, his restituit. Et Bentejus ad v. 102 (99) disserit: „Nota illud operam ut tibi darem; ergo Menedemus adhuc in scena restitit. Cur autem restitit, qui (ut ante nos ordo iaveteraverat) domum hinc concedere jussus erat; priusquam Chremes ad Sinum et Oritentem abierat? Hoc primum. Deinde illud vide; quomodo sibi casset Chremes, qui primo jubet Menedemum domum concederetur deinde, sui oblitus, numere eum et exspectare jubet dum redat: ipse: id enim sibi vult: continuo hic adero. ita quiesco. Porro et aliud vide: *A me*, inquit Chremes, nescio quis erit: is erat Syrus, qui tum forem aporiebat. Cur ergo mutus in scena stat Syrus toto illo tempore, quo Chremes abiens rediensque abierat? Denique, quum Chremes hic dicat: operam ut tibi darem, cur

fallaciam suam instructam, et ipse spectat, confutatur, haec fallere se probe scire, et ad spectatores, et consilium et colloquii concios, conversus post adjiciens: videtis, me minime mentiri solere.

III, 3, 13 — 14. v. Herm. elem. d. m. p. 173.

22. an ne prope illos quidem esse licet? Clitipho dicit, se excusans, quod manum modo in sinum meretricis inseruerit. Licet quidem tibi prope esse, Chremes respondet, sed multum interest, quoniam modo tu prope sis, et prope eos te geras.

28 — 29. Bentlejus aliquot verbis vel mutatis vel transpositis iambicos effecerat: verum quum in libro Hesbino hac ratione legantur, et ad iram animi exprimendam trochaici aptiores sint, non dubitavi, quin ipse Terentius trochaico numero, cui clausula adjecta est, Clitiphonem debacchantem fecerit.

III, 4. apud alios est III, 3, 30 — 52.

15 — 16. Perlet;

Sy. Cliniam orat, sibi ut id nunc det, illam illi tamen

Post daturam. mille nummum possit. Ch. et possit quidem; nostra lectio a Bentlejo inventa est.

III, 3, 15. Ita hic verus scriptus legitur in ipsa editione impressa Venetiis per Nicol. Girardangum a. MCCCCLXXXVIII, comprobante postea Mureto. Bentl. dederat:

Sustulisti. Sy. sic est factum: minor ergo crux damno cunctus est;

sed Eusebius, qui ad fidem huic lectioni faciendam testis adhibetur, aliud quid dicit, quam quod dixisse a Bentlejo dicitur.

32. i. e. quum tunc animus, quippe natu gravioris, ad veniam sit proclivior; pro quando plerique quanto; sed emendatio ita sua sponte se offert, ut ipse cum inveniri nascentis, Erasmus jam eodem modo (si verum est, quod Schenodanus monet, nam in ea quidem editione Erasmi, quam habeo, Basilae 1532 id scus est) emendasset. Bentl., quae ejus est audacia, correxerat:

Quanto tu me es annis gravior, tanto es ignoscentior. Cacterum, si quem offendant: animus, natu gravior, is legitur natu graviore, ut sententia ait: quum tunc animus graviores aetate ignoscentior factus sit; quemadmodum Livius III, 51: Scitius magno natu. Nepos in Datam. c. 7; ubi natu plane eodem modo adhibitum est, quo aetate adhiberi solet. Quodsi Livio Augusto tempore ita dicere licebat, quanto magis Terentio in origine literarum Latinarum.

III, 6. Canticum.

IV, 2, 2. Decem minas Graeca attractione dictum p. decem minae. Fr. A. Wolf ad Demosth. orat. adv. Leptinem p. 462: „Quae hic occurrit syntaxis, eodem esse auctores Symplocis, reus dicitur

IV, 6, 10. Veritas, qui est post doctrinam:
Erravi. sis res acta est, quanta spe decidi!
 (cf. Erasmi editionem) ex auctoritate libri Hembini, quam etiam
 Faërnus, Bentlejus, alii sequuti sunt, in hac editione omis-
 sus est.

V, 1, 4. Quae sunt dicta. Bentl. ex codd. duobus dictae cor-
 rexit, ut cum verbis conveniat; sed longe plures libri quam
 dicta habeant, non dubitavi hoc illi praeferre, propterea, quod
 dictae Grammaticorum magis sedulitatem, quam poetarum au-
 daciam redeolet.

10. per tempus i. e. opportuno tempore, quod Bentlej. omis-
 so *Chreme* (*chem, per tempus, Menedeme*) ex auctoritate aliquo-
 rum librorum indidit, in interrogatione. vix idoneam sententiam
 praebet.

26. Bentl.: „veterinarius noster subolat; alter subolet; caeteri
 omnes suboleat.“

31. v. ad Andr. II, 3, 2.

V, 2. v. not. ad Andr. V, 3—4.

25. v. p. 226.

45. Bentlejus correxerat:

Tam difficilem patri pacem in leges conficiet suas;
 sed si cui trochaicus displicet, modeste inter iambicos, in cum
 Boethio legat.

Tam patris pacem facillime conficiet in leges suas.
 Sententia quidem nulla imitatione eget. Est enim similis il-
 lius sententiae, quam in Andria legimus V, 3, 32:

Pro peccato magno paulum supplicii satis est patri.
Filius, quemadmodum ad minimam spem reductus erit, ita fa-
cillime patrem ad suas pacis conditiones adiget; sive, quanto
magis filius ab omni se spe derelictum ostendet, tanto facilius
se cum patre in concordiam rediget. — Syre contra, felix infeli-
cx ait filius, nihil gratiae habebitur.

V, 3, 8. Bentlejus: Scias an nescias perinde est. Ad intep-
 tigrum redit eadem oratio, sive scire to hoc dicam sive nescire.
 Una eademque oratio est in re tua: Scire et Nescire.

V, 5, 6. versus disparos, sed numero continuato.

Dissimilitudo descriptionis Scenarum et Actuum, quae est inter
Bentleji et hanc editionem.

II, 1 Bentleji	I, 3 hujus editionis.
II, 2 —	II, 1 — — —
II, 3 —	II, 2 — — —
II, 4 —	II, 3 — — —
III, 2, 20 — 52	III, 4 — — —
IV, 1 —	III, 5 — — —

ADELPHI.

L. ANICIO GALLO M. CORNELIO
CETHEGO COSS.

ACTA AB U. C. DLXXXII. A. CHB. 162.

Hanc fabulam e recentioribus in schola maritorum (*Ecole des maris*) is poëta imitatus est, quem nomine Menandri Gallici Ruhnkenius dignum esse putavit (*Moliere*). Consilium scribendae fabulae a Terentio Francogallus mutuatus est; sunt etiam aliqui loci, qui ad verbum de Latino exemplari expressi esse videntur (*Mol. A. I sc. 4, 5 — 6. Ter. IV, 7, 43 — 44. Mol. A. I sc. 2 Ter. I, 2, 29*); reliqua novus poëta ita mutavit, quemadmodum pro dissimili aetatis et hominum judicio mutanda erant. Pro senibus patribus senes tutores, pro filiis filiae ibi sunt. Persona Syri vel plane e fabula dimissa vel in Ergasti persona tenuissimis tantum nec cum Terentio comparandis lineamentis adumbrata est; quare Gallica fabula prae Latina insigni commendatione caret. Syri nequam facta apud Gallicum poëtam ab ipsa filia, quae in tutela est, nequiter fiunt, fraude artificiosiore quidem, sed multo minus verisimili. Et prologo, qui est I, 1, et epilogo, qui est V, 2 sqq., Gallica fabula privata est, itaque causas nescimus, cur Micio mitis, cur Demea severus sit. Gallica fabula in Scena consistit, quae primae Scenae Actus V Terentii par est, et quantum ad Demeam attinet, exitu paenitragico est: Latina fabula post V, 7 et senum animos cum filiis, et filiorum animos cum senibus reconciliavit. Ridiculi vel sequam partem, vel majorem etiam, quum tutores iidem amatores puellarum, quae in tutela sunt, esse fingantur, Gallica fabula suppeditet: Latina fabula generosiores sensus excitat, et rectius inchoatur, et aptius concluditur. „Servatur, Donatus dicit (*Argumento in Adolphos*), per totam fabulam mitis Micio, saevus Demea, leno avarus, callidus Syrus, timidus Ctesipho,

*) Qui font, que les enfans comptent les jours des pères.

tur, et soliloquia Cantica esse solebant; sed tam sedato animo tam lente cogitata Micio pronunciat, ut parum credibile sit, cantando cum postea haec scena pronunciantem fecisse.

3. Servius ad Aen. III, 430 habet: *Si abis [sic] ueriam, aut ubi si cesses.*

18 — 19. Menander (p. 5):

Ὁ μακάριόν με γυναικα οὐ λαμβάνω.

23. *contra, me.* Contra non praepositio, sed adverbium est, vicissim, quare incisi signo contra et me Faërus disjunct, ut per se utriusque sensum efferretur. Plant. Amph. H, 2, 23: *Quae me amat, quam contra amo.* Cic. II. Philipp. 15: *Sed et ego, quid ille, et contra ille, quid ego sentirem, videbat.* Ter. Eun. II, 3, 64: *si scias, quod donum dono huic contra compareret.* Serv. ad Aen. X, 567: *contra non adversus, sed similiter, a pari, ut Terent. in Adelph. in capite comœdiae I, 1, 25.*

31. Menandri Fragm. p. 6:

— — — οὐ λυπούντα δεῖ

παιδάριον ὀρθοῦν, ἀλλὰ καὶ πείθοντά τι. —

νῆα προθύμως τάξιόν μενον ποιῶν

κηδεμόν' ἀληθῶς, οὐκ ἐπεδρον, ἔξεις βίον.

1, 2, 2. *rogas me, ubi nobis Aeschinus siet?* i. e. in eo loco, in quo nunc Aeschinas est, etiam tu me rogas? sive, quum in hoc loco sc. levitatis Aeschinus demersus sit, etiam tu me rogas? Conjunctivus, qui ab interrogatione indirecta pendet, est: *quid sim;* siet conjunctivo dictum est, quoniam ubi — siet incisum factum aliquod non tamquam factum, sed tamquam cogitatum igiturque addita aliqua commoti animi significatione effert: *rogas me, qui cogitas sive quum cogites* i. e. scias, in quo loco etc.

73. nisi i. e. quamquam, sed. Plauti Menaechn. prol. 59: *ei liberorum, nisi divitiae, nihil erat* i. e. liberorum nihil habebat, sed divitias; ibi vide Gronovium; interpp. ad Catonis de re rust. LXXVII et Forcellini Lex. s. v. *nisi*.

II, 1. v. Prol. 10.

2 — 3. *consiste; quid respectas?* Aeschinus ad virginem conversus dicit, quam modo lenoni eripuerat.

7. *fide optima.* Haec verba minus mihi ad eam fidem pertinere videntur, qua leno uteretur in rebus venerciis juvenibus comparandis, quam ad eam fidem, qua uteretur ad injurias sibi illatas eliscendas. Adjecisse haec verba leno videtur ad metum de minis suis augendum.

9. *hujus non faciam digitum ostendens* dicit i. e. *ne minimi quidem faciam.*

11 — 12. ex Hermannii praecepto elem. d. m. p. 174. Bentlejus scripserat:

gimus humi folia, quum aliqua folia per humum spargimus; *spargimus humum foliis*, quum sparsis foliis humum quasi contegimus. *Dispergimus cerebrum via*; quum aliquid cerebri per viam spargimus; *dispergimus cerebro viam*, quum denso cerebro, quod spargimus, viam quasi contegimus. Ad gravius minandum mentatum est, et ad gravitatem minarum augendam tempus quoque praecipuum pertinet pro imperfecto positum; quod pro re cogitata rem factam dicendo substituit.

30. *ipsius emendetur ipse*.

III, 3, 11. *enarramus contractum p. enarravimus*.

21. *ne dicam dolo, ne dolose dicam i. e. ne mentiar*.

34. *psaltria quales fuerint v. intpp. ad Liv. XXXIX, 6, 8*.

43. *coeperet pro coeperit* in aliquibus libris Terentii et Prisciani, qui hunc locum XVIII, 25 § 252 laudat, scriptum, in aliis libris propter insolentiam formae, ut videtur, in *coeperit* et *coeperat* transformatum est.

47. *abigam hunc i. e. Demeam rus, depressa voce Syrus et a Demea aversus ad spectatores dicit. „ Ut pecudem dixit abigam: non ut hominem mittam.“* Don. Intus domi erat Ctesiphon cum psaltria se oblectans; v. II, 4, 20.

61. Bentleji libri omnes et priores editiones:

Inspicere, tamquam in speculum, vitas omnium; omissio *in*, sed Bentleyus, Buhkenius et novissimi interpretes ita legi vetant. Contra Burmannus ad Petron. c. 84 p. 414 et nuper Schaeferus in iud. ad Greg. Corinthium s. v. *Praepositiones* (p. 1056) lectionem defendere voluerunt; Schaeferus quidem ob similitudinem aliquam cum Graeca dicendi ratione. Graecos enim post *ὡς*, *ὡςπερ* praepositiones aliquando iterare neglexisse, ita, ut pro *ἐν λυμένι ἐν τῷ λογισμῷ ὁμοῦσαι* dicerent: *ἐν λυμένι τῷ λογισμῷ*, praepositione *ἐν* non iterata (Schaefer. ad Greg. Cor. p. 135 et p. 394 ad Dionys. Halic. de comp. verb. p. 327 sqq.). Praeterea Latine verba cum praepositione composita ubi proprie usurpantur, praepositionem suam iterare solent; quare: *inspicere in speculum*; ubi improprie usurpantur, praepositionem non iterant, quare *inspicere vitas*, ut sit: *jubeo filium inspicere vitas hominum, tamquam insipientem in speculum*, in qua dictione inaequalitatis aliquid populari dicendi generitribuendum foret. Ita etiam causa detecta sit, quamobrem v. 74 *inspicere in patinas*, non *patinas* oppositum fuerit. Igitur haec lectio non adeo contemnenda esse videtur. Ipsa novitas lectionis causae fuisse videtur, cur alii legissent: *tamquam in speculo vitas hominum*.

75. *facto usus sit. v. annot. ad Hec. III, 1, 47*.

III, 4, 12. v. de v. T. p. 220.

24. v. p. 206.

hoc gesta actoris adiutum est: quasi eodem tempore servus et quacerat, quid dicat, et respondeat."

27. ubi potetis vos. Ad haec verba etiam Donatus addidit: „Incerta persona est: nam Syro vel Demecae hoc dictum jungi potest.“ Tamen Bembinus et Victorianus liber Demecae ea verba tribuit, quorum librorum auctoritatem una cum Bentleye sequuti sumus.

IV, 3, 16. *ludier* probabili Bentleyi emendatione; veteri libri *nelegi*, ad quod Donatus: legitur et *claudere* et *claudicare*. Ex *claudier* Bentleyus elicuit *ludier*, quod propter ductus litterarum verisimile et sententia sua prioribus aptum est. Micioni autem Lampriae apud Menandrum nomen fuisse ex hoc Menandri fragmento in Menandr. et Phil. Rel. ed. Meineke p. 7, quod nostri loci simillimum est, colligitur:

Πρὸς ἅπαντα δειλὸν ἐστὶν ὁ πένης πράγματα,
καὶ πάντας αὐτοῦ καταφρονεῖν ὑπολαμβάνει.
ὁ γὰρ μετρίως πράττων περισκελεέστερον
ἅπαντα τ' ἀνιάρᾳ, Λαμπρία, φέρεται.

IV, 4. Canticum. v. spr.

1—10. ex Hermanni praecepto elem. d. m. p. 95 et 482. γ. d. vs. Ter. p. 224.

1. *discrucior animi*. Ruhnkenius: „supple dolore.“ At enim haec nobis eadem dicendi ratio esse videtur, quae est in *pondere animi* Cic. Leg. I, 3, et *angere animi* Plant. Epid. III, 1, 6, ubi *animi* pro *animo*. Simillima alia sunt dicendi genera e. c. *dubius animi*, de quo v. Ruhnkenium ad Vellej. I, 9. Oudendorp ad Hirtii bell. Alex. 56. *dubius sententiae, mentis, consilii*, de quo v. Drakenborch ad Lāv. XXXIII, 25, 5, in quibus *animi* etc. pro *animo* etc.

IV, 5, 53. *mágnum*, *mágnum* emendatur: *magnus*, *mágnus*, accentu deleto in *magnum* prius posito. *Magnum* primus Marctus, post eum Faërnus, Bentleyus et optimi quique interpretes geminaverunt.

IV, 7, 9. *non malim quidem*; deest: *insanire, quam sensu mente esse*; i. e. certe parum mihi gratum sit, si, quod te ex me quaeris, sit, ut insaniam. Quare post *non punctum*, quod ex Bentleyana in hanc editionem fluxit, auferendam est. Ipse Donatus tamen auctor est, etiam sua aetate fuisse, qui *malim quidem* Demecae tribuerent. Sed ne longus sim: *non malim quidem* Micioni tribuere, et ita id interpretari, quemadmodum modo fecimus, tantum placet, ut alias interpretationes huius loci commemorare nolumus; praesertim, quod in hac interpretatione hoc argumentum veritatis insit, quod, olim jam a Schmiedere inventam, ipsi denno invenerimus.

10. 34. *restim* i. e. *faneque ductans saltabis*; saltationis genus,

Sci cres. Vid. Perizon. ad Sanct. Min. I, 9 p. 64 et Bentl. ad h. l. His autem temporum nominibus saepe additur praepositio cum. Mirt. B. Afr. c. 62 cum primo nunc. — Ruhnck. ad h. l.

53. *pugnaveris* i. e. magnam rem feceris, ut bene explicat Donatus. Eun. V, 2, 60: *dabit pugnam aliquam*.

60. *illi* antiquae pro *illic*, nempe ruri.

V, 2. v. p. 242.

5. *qudm* emendetur *quam*.

20. v. p. 207.

V, 5, 17. „*Babyle*. Disceptant interpretes *Babyle* sit dativus a *Babylus*, an *Babyle* vocetur primo casu. Posterior sententia verisissima est. Nam fratrem vocat *Babylonem* pro *prodisce*, quod Modi et Persae tum omnium ditissimi et luxuriosissimi erant.“ Ruhnck. ad h. l.

viginti emendetur *viginti*.

19. *tu illas abi et traduce* pro *abi et traduce illas*.

21. *Factum velle*. Ruhnck. in Praefatione ad Schelleri Lex. (Opusc. II p. 727): „*Facio*. Hic frustra quassivi formulam *Comicis* usitatam *factum alicui velle* pro bene velle, favore. — — Vim formulae explanarunt Casaub. ad Apulej. Apolog. p. 166 (168), Salmasius ad Tertullian. Pall. p. 120; imprimis Grosv. ad Gell. VII, 8.“

V, 6, 10. *et te operem* etc. ad Aeschinum conversus dicit.

11. *situ sis homo*, ad eundem Aeschinum conversus.

14. *aufer* sc. *te* i. e. *abi*.

26. *quod locitas foras* i. e. *quod peregrinis locas colendum*. Ruhnck.

28. *pro patre huic est?* emendetur: *pro patre huic est*;

33. *nunc tu mihi*. haec verba deleantur.

52 — V, 7, 1. Hermannii sunt, qui, auctoritatem codicis Lipsiensis sequutus, p. 165 sq. doct. m. ita corrigit. Bentlejam legebat:

Effugere: dictum est vtre, et re ipsa fieri oportet, Micio.

M. Quid istic? dabitur quidem, quando hic volt. Ar. mi pater. D. nunc tu mihi,

Micio, es germanus pariter animo ac corpore. M. gaudeo.

D. Suo sibi gladio hunc jugulo.

Sc. VII.

Sr. — — — *Factum est, quod jussisti, Demea.* — —

Suo sibi gladio hunc jugulo, quae a Bentlejo Demeae, non incommoda sententia, tribuuntur, eadem tamen Syro quoque tribui possunt. Syrus enim, qui Demeam ex prioris ejus avaritia aestimat, dubitare non potest, quin Demeae, de maceria diruta V, 5, 10 nuntium afferens, magnam tristitiam allaturus sit, ita-

H E C Y R A.
T. MANLIO TORQUATO CN. OCTAVIO
COSS.

EDITA AB U. C. DLXXXVII. A. CHR. 167
SECUNDO LOCO POST ANDRIAM.

Iul. Caes. Scaliger Poëtices VII p. 852: „Hecyra laxior fabula ac pedestrior est. Itaque omnium Terentianarum ad quotidianum sermonem quam proxime accedit.“ cf. de vita Ter. p. 197.

ANNOTATA IN HECYRAM.

Prol. I, 1. Bentlejus, ut hiatus effugeret, scripserat:

Hecyra est huic nomen fabulae: haec cum data est, ita augens malum, cui mederi voluerat. Grammaticorum opiniones aliquamdiu obliviscere et aures consule: hae te docebunt, correctoris hoc loco arte adhibita depravatum, non emendatum esse poetae verius iudicium; tam vaste sonant, quae Bentlejus huc introduxit.

2. vitium et calamitas. Donatus ad h. l.: „translatio est ab augurio. vitium est, si tonet tantum; vitium et calamitas si tonet et grandinet simul et etiam fulminet.“

4. stupidus pro stupens. Don.

- 6. „Maluit (histrion) avarum poetam populo iudicare, quam suo operi diffidentem.“ Don.

Prol. II, 6. Caecili. „Quod rudi Terentio contigit, accidisse memoratur veteri Caecilio: quod huic semel, illi saepe: quod huic in aliis nunquam, hoc illi fere in omnibus, quod huius

utantur. Virgilius: Sed si tantus amor, causas cognoscere me-
stros p. cognoscendi. Et aliter Terentius in Heeyra: It ad cam
virere p. visitatum; et cantare pares et respondere parati p. ad
respondendum.

II, 1, 1. Bentlejus iambicum octonarium fecerat, ita scri-
bens: Pro deum atque hominum fidem etc., ad quae Hermannus
Elem. d. m. p. 166: „(Bentlejus) in simili causa peccavit II, J, 1
passim ab initio iambicum octonarium exhibens. — Fidem
librarii addiderant, quod nomen in hac formula etiam alibi re-
lectur, ut in Phorm. III, 2, 4.“

11. accusatum emendatur accusatam.

20. illi i. e. illic.

II, 2, 4. post sit nota maxima interpungatur.

16. Ante Bentlejum legebatur:

Haut ita deest, si perpetuam vis esse definitatem hanc.
hanc post perpetuam Bentlejus auctoritate codicum posuit, et
perpetuam in perpetum mutavit, ut nb. Anapaestus in quarto
pede iambici tetrametri catalectici antea caesuram esset; v. p. 221 a.
Bn. Libri autem quum omnes perpetuam scriptum habeant: inde
adducor, ut existimem, perpetuam retinendum fuisse, et petuam
sive petuanc ab antiqua pronuntiatione excusationem petiisse, et
iambi, quae Anapaesti, similis sonuisse, cf. p. 213 sq.

20. eo domum studeo hanc pro studeo haec Bentlejus dedit
auctoritate editionum veterum, redire, revocare aut simile quid,
ut passim, subaudiendum esse dicens.

II, 3, 1. aequae emendatur aequae.

III, 1, 1. v. p. 212.

6 — 7. nam nos omnes — — lucro est ἀναλόγου pro nam
omnibus nobis, quemadmodum Bentlejus, unius vel alterius co-
dicis vestigiis insistens, legit. Verum ejusmodi ἀναλόγου
apud utriusque linguae scriptores tam multa sunt, ut id, quod
h. l. habemus, vix admirationem nostram movere possit, et,
quum Donati testimonio praeterea id confirmetur, Ruhakenius
et praestantissimi quique interpretes id retinent. v. Mureti Epist.
I, 33:

33. concivisse ere pro concivisset Bentlejus ex conjectura qui-
dem, sed Donati indicium sequutus, dedit. Simul Donatus do-
cet, veteres infinitivo modo adjunxisse fortasse, quod genus
Plauti est Poen. V, 2, 44; qui infinitivus veritas tamen ex mora
infinitivorum natura (qua res festinanter magis significatur,
accurate declarantur; v. ad Andr. I, 5, 10), quam ex particula
fortasse fluxisse videtur.

47. facto est usus aut opus i. e. faciendum est. v. Andr. III,
2, 10. IV, 2, 32. Phorm. IV, 6, 35. Heaut. I, 1, 28.

54. Hermannus Elem. d. metr. p. 141: „Denique in ultimo

25. *Myrsinia*, clam *Philippa*, ad solent *Ipseus* *hanc* *est*: „Causa quidem, quam maritus suspicatur discordiae nostrae fuisse, falsa est; attamen cum male hanc falsam suspicari, quam *Ipseus* veram reperire.“

28. *qui*, adverbium, quare, quomobrem.

IV, 2, 25. *absque una hac foret*, al. *haec i. e. dummmodo haec una abscedet*. Ita *Phorm.* II, 2, 11: *absque eo esset*. *Sapientia* apud *Plautum*.

IV, 2, 1 — 3. v. *Herm.* *elem. d. m. p.* 168. *Bentlejus* trochaicos tetrametros hoc versum fecerat.

4. *Fors fuit pol i. e. Fortuna fauent. Don. fuit p. facit.*

6. *dixi i. e. nihil amplius mihi ad dicendum restat; nunc habes, quae mihi dicenda erant, ut scias, quae ego fieri volum.* *Phorm.* III, 2, 98 sqq.:

hoc age.

Satis jam verborum 'st: nisi tu properas mulierem

Abducere, ego illam ejiciam: dixi, Phormio.

10. *minuum i. e. minus faciam.* cf. *Andr.* II, 2, 18.

12. *pro illae Bentlejus: illae.* Sed *Philargyrius* ad *Virg. Georg.* III, 205: „*Veteribus nota fuit, ut neutra femininis iungerentur. Unde Terentius Hec. IV, 3, 12: Tua nihil refert, utrum illae fecerint; ad quem locum Burmannus: illaeq in Terentio legendum, non illae, ut Bentlejus.*

15. *Marci* var. lecti. XVIII, 18 p. 468: „Vero et recte *Donatus* ait, cum (*Terentium*) allusio ad principium fabularum, quae puerilis narrari solent, quarum pleraeque ita incipiant. Animadverti autem tale quiddam existere et apud *Aristophanem*, *μῦς καὶ γὰρ ἡ*; ubi etiam *Theon* notat, plerisque fabulis eam, quae domi narrari soleret, hoc esse principium: *γέγονε καὶ γὰρ οὗτος*.“ *Schirach* *Clav. Poët. Class. s. v. fabula* aliter interpretatus est: nos jam omnium in ore versamur, omnibusque sumus ludibrio ob utriusque nostram senectutem. *Ruhnken* in dict.: „nos fabulae sumus i. e. nos nullo numero sumus. Veteres tam homines tum res contemptus causa promiscue fabulas et nugae dicunt.“

V, 1, 15. *Bentlejus* corrigit:

Est, magnam ecce tibi gratiam de istac re quod tibi habeam,

16. ex *Hermanni* emendatione, quum in septimo pede iam huius tetrametri catalectici dactylum Latini admittant (v. p. 227); *Faërnus* et *Bentlejus* librorum auctoritatem sequentes pro pugnet habent se expurget, et parum in extrema syllaba corripunt.

17 — 21. ex *Hermanni* praecepto p. 179 sq. *Bentlejus* 17 — 19 trochaicos tetrametros catalecticos fecit, v. 18 dum pro dicam conjectura legens, et v. 19:

P H O R M I O.

C. FANNIO M. VALERIO COSS.

ACTA AB U. C. DLXXXXI A. CHR. 168.

QUINQUE MENSIBUS POST EUNUCHUM *).

DE ARGUMENTO FABULAE.

Universum negotium hujus fabulae duabus legibus nititur, quibus Athenae utebantur. Lege Athenis sanctum erat, ut si orbes in matrimonium ducerent, qui genere proximi essent (I, 2, 35), et de eadem re ne bis iudicium fieret (III, 2, 56). Antipho, Demiphonia adolescens filius, quum pater abesset, in Phanium, peregrinam virginem, quae Lemne advenerat, amore exarsit, eoque consilio, quomodo cupiditati suae satisfaciat, Phormionem parasitum in auxilium vocavit. Phormio hanc fraudem struit. In iudicium vocat Antiphonem, amantem Phanii, et contra eum lege agit, ut Phanium in matrimonium ducat; Phanio proxime cognatum esse, itaque ad eum eam legem pertinere, quae, qui proxime cognati sint, orbas ducere jubeantur. Non negat Antipho, et a iudicibus damnatus ducit virginem.

*) *Ludis Romanis* (v. p. 210). Donatus tamen pro *Ludis Romanis* in didascaliis *Ludis Megalensibus* scriptum habet. Quod si recte habet, Phormio iisdem ludis Megalensibus, quibus *Eunuchus*, et, quarto loco, prius quam *Eunuchus* edita sit. *Ludi* secundi quum, ut per plures dies facti sint (v. p. 191), non incredibile est, duas fabulas Terentii iisdem ludis actas esse. Samuel Petitus quidem, Donati auctoritate confusus, in *Observationum* l. I c. VIII Phormionem prius quam *Eunuchum* actam esse censet. Ipsi *Ludi Romani* et *C. Fannio M. Valerio Coss.* in inscriptione censui, post *Eunuchum* et quinto loco Phormionem actam esse putavimus, IIII, quod simul incutitur, vel falso inserit vel ad aliam aliquam rem pertinere opienti.

cus, sensibus cunctis, ut pecunia a Phormionis fraudibus Antiphonem redimant. Persuadet senibus. Demipho pecuniam ad Phormionem delaturus e scena abiit. Chremes in Sophronem, Lommio filiae nutricem, incidit; et ex ea filiam suam uxoriam Antiphoni puellam esse percipit. In quinto Actu Demipho in scena cum Nausistrata, Chremetis uxore, adest, quam accusaverat, ut Phasio mulieri mulier, ut ab Antiphono abiret, suaderet. Chremes domum uxorem redire jubet. Chremes, quae detestaretur, Demiphoni narrat. Sed Gela quoque servus servilli calliditate postquam dominis dominorum clandestina facinora insculpendo eripuerat, ad Antiphonem et Phormionem ea deferit. Extrema fabula Demipho et Chremes Phormioni datum pecuniam extorquere volunt; rixa oritur et pugnae domum Chremetis deferuntur, et e Phormione Nausistrata fraudem sibi a marito factam comperit. Quod beneficium ejus ut compenset, Phormionem Nausistrata ad coenam vocat. Spectatores plaudere jubet discedunt.

Veteres quantum recentioribus virtute praestent, non melius perspicitur, quam cum praestantissimis quibusque nostrorum scriptorum comparatione facta. Phormionem quoque Terentii Gallicus poeta imitatus est; utriusque praestantiam comparabimus.

Moliere (les Fourberies de Scapin) fabulam suam ab his rebus orditur, quae in Terentianae fabulae Actus secundi Scena I vel II fiunt, in medias quidem res non secus ac notus spectatorem rapiens, sed nimis usitata et quotidiana juvenis amantis lamentatione in fabulae exordio usus. Concluditur Gallica fabula eo, quod Phormio sive qui Phormionis similis esse fingitur, repentina aedium ruina, prope quas aderat, vulneratus et morti propinquus esse dicitur, et a domino suo, clementer mortis periculo, veniam impetrat. Terentianae fabulae principium sedatissimum est, sed, quamquam sedatum, observatorum rerum veritate et utilitate, ipsaque novitate sua spectatorum animos ad se allicit. Gravissime autem ea rixa, quae inter Demiphonem, Chremetem, Nausistratam et Phormionem est, et ad spectantes exhilarandos utilissime concluditur reconciliatis rixantium animis ea condicione, ut Phormio ad coenam vocetur et Phaedria, amans Chremetis filius, patrem amantem judicet. Inter Gallicae fabulae principium et exitum et inter Latinae idem interest, quod inter oratorem graviter incipientem, lente perorantem et inter oratorem, qui, post sedatum orationis principium, gravitate sua, in ipso exitu orationis adhibita, auditorum animos expugnat. Catastrophae artificium Gallici poeta (A. III Sc. 8) e Terentio IV, 6 plane petatum est, ut de praestantia Gallici poetae hac quidem in re ne cogitari quidem possit. Non solum Antiphonis,

De illo tum finem faciam dicendi mihi,

Peccandi cum ipse de se finem fecerit.

Contra veterem legendi rationem, quae librorum est, Bentr. ita dicendo invehitur: „*Ἀπὸ τῆς ἐκισχυρίας τοῦ λέγοντος*, inquit Donatus: et magnum sane mansuetudinis exemplum. Sententia est: Quoniam ille non desinit mihi maledicere, ego desinam ei nomaledicere. Patientia paene Christiana; modo si ne a principio quidem remaledixisset. Sed vide, quam parum hoc congruat cum versu praecedente: *Quod adlatum, id relatum*, par pari. Hoccine etiam est *τῆς ἐκισχυρίας*?“ Modestia autem rhetorica speciosa magis, quam vera esse solet. Ita haec quoque loco *De illo* et quae sequuntur specie quidem admodum modeste dicta sunt, re vera gravissime vituperant. Quoniam enim vituperatio hac gravior esse possit: letius non amplius mentionem faciam, quum nulla spes sit, fore, ut aliquando peccare desinat? *Peccare de se est peccare erga se,*

ὁ λοιδορῶν γὰρ, ἂν ὁ λοιδορούμενος

μὴ προσποιῆται, λοιδορεῖται λοιδορῶν,

Philemonis sententia, quam ipsam fortasse Terentius imitatus est; nec „patientia paene Christiana“, sed summa Laquinal contumelione dicitur, cui ne respondere quidem Terentius in posterum dignetur. Bentlejus non melioris, sed peioris sententiae aliquid in suum Terentium intulerat; antiqua lectio servanda est.

25. „*ἐπιδικάζειν* in activo dicitur magistratus potenti hereditatem aut aliqd aliquod bonum, item virginem haeredem erbam sententia sua adjudicans; petitor autem dicitur *ἐπιδικάζεσθαι* in medio, quum adjudicari sibi curat et impetrat.“ Haec indice Graecitatis Demosthenaeae. *Ἐπιδικάζεσθαι* passivo ipsa puella dicitur, quae petitori alicui a iudice adjudicatur. Quare *ἐπιδικάζόμενος*, virili genere, medio dicitur, et petitor est, qui, aliqua virgo ut sibi in matrimonium tradatur, lege agit; *ἐπιδικάζομένη*, feminino genere, passive dicitur et puella est, quae post iudicium factum viro alicui in matrimonium traditur. *Ἐπιδικάζομενον* ipse Terentius h. l. scmpiscare dicitur; reprehensus eo nomine his verbis Donati: „Manifeste errat Terentius: nam haec fabula, quam transtulit, *Epidicasomenos* dicta est, a puella, de qua iudicium est: quam sit alia *Epidicasomenos* ejusdem Apollodori. Debuit ergo dicere *Epidicasomenon* Graeco.“ Donati auctoritate Bentr. correxit. — Phormionis Terentianae argumenta *Ἐπιλήρον* (*ἐπιλήρως* ἐστίν, ἢ ἐπὶ κλήρῳ παντὶ κατελείμμενη ὁρσωνή, μὴ ἔντος αὐτῇ ἀδελφοῦ. Etym. M.) Menandri Bel. p. 60 eqq. et *Ἐπιδικάζομενον* Philemonis p. 264 eq. non ita dissimilia fuisse videntur. Cf. quoque Demosthenis πρὸς Μαχάρτατον.

sua orator meus tantum non cogitabit: ut Gotam occidat; dum-
modo ego non praesens sim.

100. De portitoribus v. Era. Clav. Cic. Epistolas ad portito-
res delatas esse patet etiam ex Flaut. Trin. III; 3, 65.

102. *Dorcidum* foemininum nomen est, ut Plautium, Gly-
cerium. Don. Apparet hanc Dorcium conservam et uxorem Ge-
tiae esse: ergo dat illi pecuniam servandam. BURM.

II, 1, 14. *Depatisci* vel *depecisci* morte est talem pactionem
inire, ut ne mortem quidem recuses, dummodo rem gratam
habere liceat. RUMK.

22. *de integro* i. e. de rebus adhuc integris. RUMK.

24. *Bentlejus*:

Ut neque mi jus sit amittendi, nec retinendi copia.

Burm. ad Virg. Aen. XI, 699 n. 96: „In Terentio legitur; *neque
mihi ejus sit amittendi* etc., ubi quum prima littera librariis exci-
disset in *ejus*, Bentlejus et Guyetus *jus* contenderunt legendum,
Quam insolentem explicationem vocis *juris*, pro *jure repudiandi*?
de quo filius in potestate patris, et qui eo inscio et invito duxe-
rat uxorem, hic non poterat loqui. Et dubito an probari possit,
aliquem, qui damnatus a iudicibus duxerat uxorem, non habuisse
jus repudiandi, si dotem reddere vellet, et illa praestare, quae
lex jubebat; sed errarunt viri docti, quia credebant *ejus amittendi*
non posse dici de femina, sed *amittendae* debuisse dici;
quum tamen ipse ad eandem fabulam V, 6 (5), 40 defendat *ejus
habendi*, et adducit Ovidii locum Epist. [Heroid.] XX, 71, ubi
notae nostrae videndae. Nihil ergo aliud dicit Antipho, haerens
inter amorem puellae et metum patris, nisi se *lupum auribus te-
nere*, ut dicebat Tiberius ap. Sueton. 25, nec posse amittere,
nec retinere.“ Non dissimilia Rulinkenius sentit.

II, 2, 5. Idem versus in Andr. I, 3, 3 legitur, ibique ad continu-
ationem sententiarum apte pertinet, quam hoc loco tarditate qua-
dam impedit. Quare Harius primus eum obelo notavit, post
eum Bentlejus et plerique interpretes. Tamen nihil in versu
inest, quod omnino loco suo repugnet. Quae pertinet ad *mala*
(v. 2); de duplici cura, quam et de se et de herili filio una sus-
ceperit, etiam versu decimo mentio fit; quumque veteres scrip-
tores ingenii sui laudi non adeo consuluerint, ut numquam ea-
dem illdem verbis in locis pluribus repetiverint, quod Demosthe-
nis potissimum exemplo comprobatur, et librorum scriptorum,
praeter unius, auctoritas versum retineat, ipsi quoque in sede
sua eum retinuimus.

11. v. Hec. IV, 2, 25. *ei* emend. *ei*.

8—12. Hermannii elem. d. m. p. 172. Bentlejus verba es-
dem versibus paulo aliter constituerat.

Ne existens, id cum existens manifeste velle credibile esset, quum veteres non semper libens inspicere solent, & quibus loca laudant. *Exilian* plurali numero vel uno de hominibus non curat, sed noptus est in laudationibus scriptis veterum, quod idem testimonio Batmannus debuit ad Virgilii Aen. II, 780; Bothius fragmentum Enripidis adscripsit, quod Terentius h. h. expressit, in quo et ipse de *γυναικὶ μάταιῳ* dicitur; denique, quod sumptum est, Demetrius pro affectione sui animi dicente arguit cum incommode, ita ut de *εὐλίῳ* (etiam si vere neque de uno neque de pluribus ei dicere liceat) recte cum Terentius dicentem fluxerit. *Helia* igitur retinendum est.

66 — 67. v. not. ad III, 2, 62.

68. v. III, 4, 20.

III, 1, 6. F. emendatur P.

11. nervum appellamus etiam ferreum vinculum, quo pedes vel etiam cervicis impediuntur. Festr.

12. pedum visus est vis i. e. habeo jam, quomodo periculum effugiam.

28. cens dubia i. e. ubi tu dubites, quid sumas potissimum; tam laute instructa.

31. *Dii praesentes*, qui inter homines versantur manifesta sua specie et potentia; evocantes contra precibus demum acciti opitulaturi subveniant. Voss. ad Virg. Ecl. I, 41.

III, 2, 8. *hec age*. Donat. ad Eun. 1, 2, 50: „*Hec agite i. e. illud desinite et hoc attendite.*“ Mureti v. lectt. XV, 17: „*Videor legisse, in sacris imperari solitam silentiam his verbis: faveo lingua, et Græco: οἷα νῦν λέω λέω, et eadem de causa clamari solitum: hec age, et hoc puto dicere non minus austerum, Plutarchum in Numa [c. 14 p. 60 ed. Francof.]: οὐ ἔχοντες μὲν οὐδὲ διασφάττειν, ἔχοντες ἀλλὰ πρὸς ἀφ᾽ ἑαυτῶν ἢ θυμῶν διασφίγγειν; φαίνεται, ὅτι αἷα.*“ Seneca de clement. I, 12: *Hec agamus, inquit, P. C. Seditiosi pavuli mee jussu occiduntur.* — et, significatione silentii, quam Faërus addere volebat, non opus est.

4. v. ad Hec. II, 1, 1.

16. *Maximam Bahabonius*: Cui opera vita erat h. e. qui ex opera quotidiana sibi victum comparabat. Bentlejus: Cui is opere vita erat; ita habere codices universos. Sed Faërus, codices non indiligenter perscrutatus: cui opera, idemque Donatus et Priscianus instituit. XV, 2 p. 616 habent, idque ad contentiam, uti videtur, sentius. *Opus* exiune dicitur de opere rustico; igitur, cui is opere vita erat si retineamus, sitis pauper, qui operi rustico operum dabit, ruri fore se continebat, quod, nisi rursus loquar, laude tamen dictum sit; contra cui opera vita erat i. e. qui usque suo victum quaerebat, una sententia

68. *Rehast. ad. Timotheum Plat. p. 121 s. v. ἡδὼς* „Sum-
mam hominum, Graecorum imitatione dixit Terentius. Quicun-
que Atticorum urbaniores dici habebantque volebant, quem *stolidum*
et *stultum* dicere vergebant, leni blandequa nomine ἡδὼν, γλυ-
κύν, εὐφραν, γοησάν appellabant.“

90. v. ad Hec. IV, 3, 6.

91. E. emendetur P.

92. s. d. v. s. Tl. p. 215.

III, 4, 2. pro credidisti Wase Sam. p. 151 credisti. habet.

11. alterum G. emendetur A.

15. A. emendetur G.

26. cf. II, 3, 80.

III, 5, 1—2. Herm. p. 93 et 182.

6—7. Bentleji anat. Post ne quid vel *ἀποστῶντος* est, vel
interumpitur sententia Antiphoni interloquente: *quo capiti fuit*
i. e. in lenonis ipsius caput vertat. *fuit* (fuerit) i. e. sit. Dona-
tus habet; *Ei, metus libentem, ne quid suo capiti et os*
quinta Antiphonis verba, hac sententia: uero, ne quid leno
struat, quod in ipsius caput recidet. Quod et ad sententiam
et ad eloquentiam bene se habet. Sententia quidem liquet.
Suere autem; etiam apud nullum antiquitatis scriptorem struendi
et machinandi potestate legeretur, nihilominus tamen ab Anti-
phono ita; quemadmodum erat, morato et, hac rerum statu pro
struere, machinari, non inepta similitudine, dici potuerit; sed
etiam insuper pro struere, machinari apud Plautum est; v. Fer-
rellini lex. s. v. suere, ostelac, consutus. Quare etiam haec in
loco Bentleji ducis aliquem poenitcat.

17. *si veris vinces deest: verbis Dorionis.*

18—19. Schmeiderus et Bipontini post Neque comma, quod
alii habent, delect, locum sic interpretati: quis credat, tum hoc
esse mihi obiectum malum, quam et Antipho non alia i. e. ejus-
dem fere generis sollicitudine occupatus esset.

23. Bentlejus delendum esse censuit. „Parum credibile esse,
eamdem sententiam in eadem fabula (II, 1, 24) ab eadem perso-
na ad eandem bis dici, neque pro caetera Terentii cura et ele-
gantia esse. Auribus teneo lupum tam notae significationis et
vulgo tritam proverbium fuisse, ut explicatione, ista non indige-
ret.“ At non ab eo scire videtur, quod Terentius „eamdem sen-
tentiam ab eadem persona ad eandem“ iteratam fecerit, ad ani-
mum exprimendam inepti juvenis, qui, propter amoris libidinem
qui impotens, iidem querolis aures amicorum obtundit, ipse-
que proverbium nunc aëstris quidem hominibus tritum est, Te-
rentii opera id effectum, sed ipse Terentius id de Graecis sume-
bat (τὸν αὐτὸν ἔχει τὸν λῦνον, οὐτ’ ἔχειν, οὐτ’ ἀπεῖναι δύνα-
μαι Don.), qui Graeci et ipsi nec retinere, neque emittere pos-

Quod is iubebit, faciam. PH. mulier sapiens es, Nausistrata. N. Sātū tibi est? PH. immo vero pūlchre discedo et probe, Et praeter spem.

Nostra Bentlejus dedit.

Versus 65 — 66 ab editione Bentleji, quae Lipsiae 1791 prodiiit, accurate descripti sunt. Verba *fiat* — — *judez noster Nausistratae* ante tribui solabant; Bentlejus ea, aliquorum librorum auctoritate nuda, Chremeti tribuit, ut „senex cura ac miseria liber non sine joco ex scena exeat.“ Eadem Bentleji editio verbis *pol vero voco*, quibus *Nausistratae* nomen adscribi solet, et ipsis *Chremetis* nomen apposuit. Minime id ineptum. Astute senex praeripit, quae ab irata femina dictum iri praevidet, ut iram feminae eludat. Silent tamen de mutatione facta a Bentlejo ad h. l. annotata, ut imprudentia librarii factum esse videatur, quod ratione et consilio editis mutatum esse suspicabamur; tam bene se mutatum habet. (*fiat? lege fiat*:).

Dissimilitudo descriptionis Scenarum et Actuum, quae est inter Bentleji et hanc editionem, in ipso margine notata est.

EMENDANDA.

P. 193 v. 3 ab extr. pag. emendetur *posthabita*. — p. 194 v. ult. em. *Francog.* — p. 197 v. 7 ab e. p. post *usus* add. *est*. — p. 201 v. 9 del. signa „ — “. — p. 209 v. 5 eorum em. *carm.* — p. 213 v. 6 em. *tuam*. — p. 216 v. 16 ab e. p. em. *reperiri*. — p. 222 v. 11 ab e. p. *Quae* em. *Que*. — p. 236 v. 12, 13 *Veteratorcaus* em. *Veterator causus*. — p. 239 v. 23 post *quae* del. comma. — p. 250 extr. p. post *vellent*, add. *quod*. — p. 271 v. 14 post *ita* del. *se*, transferatur ad cruciet prox. v. — p. 278 v. 21 em. *pro-lazum*. ib. v. 28 post *sed* add. *etiam*. — p. 298 v. 5 ab e. p. ante *accurate* add. *quam*. — p. 299 v. 11 ab e. p. post *desiderat* app. “. — p. 303 v. 16 ab e. p. em. *pecunia*. — p. 305 v. 7 ab e. p. em. *Dans*. v. 15 em. *cour*. — In textu Terentii si quid peccatum fuerat, in annotatis id emendavimus.

Whom do you name
now